

საქართველოს სსრ მეცნიერებათა აკადემია

აკად. ივ. ჯავახიშვილის სახელობის ისტორიის ინსტიტუტი

ა. გოგვერაძე

ქართლის აღრეწეოდალური
საზოგადოებრივი
ურთიერთობის ისტორიიდან

საქართველოს სსრ მეცნიერებათა აკადემიის გამომცემლობა

თბილისი—1961

აკად. ივ. ჯავახიშვილის სახ. ისტორიის ინსტიტუტის უმცროსი მეცნიერ-თანამშრომლის ა. ბოგვერაძის წინამდებარე ნაშრომში განხილულია ადრეფეოდალური ხანის საქართველოს საზოგადოებრივი ურთიერთობის ძირითადი საკითხები.

ნაშრომის პირველ თავში მოცემულია ადრეფეოდალური ქართლის სოციალურ-პოლიტიკური ვითარების ზოგადი მიმოხილვა. მომდევნო თავებში თანმიმდევრობით შეუქდება მიწათმფლობელობის ფორმები და ძირითადი საზოგადოებრივი კლასების სტრუქტურული შედგენილობა.

წინასიტყვაობა

ადრეული ფეოდალიზმის ცნება ქართულ ისტორიოგრაფიაში XX ს. 30-იანი წლებიდან დამკვიდრდა. მას შემდეგ ქართული ფეოდალიზმის, კერძოდ, მისი ადრეული საფეხურის, მეცნიერული შესწავლის საქმე საკმაოდ დაწინაურდა. ასე რომ, საქართველოში ადრეფეოდალური საზოგადოებრივი ურთიერთობის შესწავლის თვალსაზრისით დღეისათვის მნიშვნელოვანი მეცნიერული გამოკვლევები მოგვეპოვება (აკად. ს. ჯანაშია, აკად. ნ. ბერძენიშვილი და სხვ.). ამ მიმართულებით გადრმავეებული კვლევა-ძიება კიდევაც გრძელდება. მღუხედავად ყოველივე ამისა, სპეციალური შრომის მომზადება ისეთ რთულ თემაზე, როგორცაა ადრეფეოდალური საზოგადოებრივი ურთიერთობა საქართველოში, მეტ-ნაკლებად, ხელსაყრელ პირობებშიაც მძიმე საქმეა. საკითხის სირთულესთან ერთად მასალათა მეტისმეტი სიმცირის გათვალისწინებით ადვილი წარმოსადგენია, თუ როგორი ხასიათის სიძნელებებთან გვექონდა საქმე.

ჩვენი ნაშრომის მომზადებისას ძირითადად ვხელმძღვანელობდით ქართული საბჭოური ისტორიოგრაფიის მიღწევებით ფეოდალური საზოგადოებრივი ურთიერთობის შესწავლაში. ავტორის მიერ წამოყენებული ზოგიერთი ახალი დაკვირვება ვერ ათავისუფლებს მას ამ დამოკიდებულებისაგან. შესაძლებელია ის ყველგან საჭირო მეცნიერულ სიმაღლეზე ვერ იდგეს, რაც შრომის მნიშვნელოვანი ნაკლი იქნება უთუოდ. მაგრამ ავტორისათვის, რომელიც პირველად სინჯავს თავის ძალას ასეთ ძნელ საქმეში, ვფიქრობთ, მოიძებნება საფუ-

ძველი თვით მკაცრი და პირუთვნელი მსჯავრისაგან მისი ერთგვარი გამართლებისათვის.

ნაშრომი გულდასმით გადაიკითხეს და საჭირო შენიშვნები და რჩევა-დარიგებები მოგვაწოდეს ჩვენმა მეცნიერმა ხელძღვანელმა აკად. ნ. ბერძენიშვილმა, პროფ. მ. დუმბაძემ და უფროსმა მეცნიერმა თანამშრომელმა მ. ლორთქიფანიძემ. გაწეული დახმარებისა და ყურადღებისათვის ჩვენს მოვალეობად ვთვლით აღნიშნულ პირთ. გულწრფელი მადლობა მოვასესენოთ.

შ ე ს ა ვ ა ლ ი

ფეოდალური საზოგადოებრივი ურთიერთობის კვლევა ქართულ ისტორიოგრაფიაში ვახუშტი ბაგრატიონით იწყება. თავისი ისტორიის („საქართველოს ცხოვრება“) ცნობილ შესავალში მეცნიერმა ქართული ფეოდალიზმის არა ერთი თავისებურება აღნიშნა და დროის შესაფერი ახსნაც მოუძებნა.

ვახუშტის მიერ წარმოდგენილი ძველი საქართველოს საზოგადოებრივი ცხოვრების სურათი ავტორის მახვილი თვალი-სა და სანიმუშო ისტორიული ალღოს უტყუარი მოწმობაა. აღსანიშნავია, რომ XIX ს-ის თავადაზნაურულმა და ბურჟუაზიულმა ისტორიოგრაფიამ ვახუშტი ბატონიშვილის მეცნიერულ მონაპოვარს ბევრი ვერაფერი შემატა და ზოგიერთ რამეში კიდევ ჩამორჩა.

XIX ს. ქართულმა ისტორიოგრაფიამ თავისი კვლევის ძირითად საგნად საქართველოს პოლიტიკური ისტორია გაიხადა და ქართულ ფეოდალიზმსაც, არსებითად. პოლიტიკური ხასიათის მოვლენად მიიჩნევედა.

ქართული ფეოდალიზმის შესწავლის საქმეში გარდატენა იწყება XIX ს-ის დასასრულიდან. XIX—XX საუკუნეთა მიჯნაზე ქართული ფეოდალიზმის ცალკეულ საკითხებზე მთელი რიგი გამოკვლევებით გამოდიან ალ. ხახანაშვილი, ნ. ხიზანიშვილი, ს. ავალიანი, ივ. ჯავახიშვილი, ს. კაკაბაძე და სხვ., რაც მნიშვნელოვანი მომენტი იყო ახალი დროის ქართული ისტორიოგრაფიის შემუშავების თვალსაზრისით.

ქართული ფეოდალიზმის ცალკეული ინსტიტუტების წარმოშობისა და მათი სოციალური ბუნების შესწავლის საქმეში განსაკუთრებით საპატიო ღვაწლი აკად. ივ. ჯავახიშვილს მიუძღვის.

განსვენებულ მეცნიერს ფეოდალიზმის ქართულ შესატყვისად პატრონელობა მიაჩნდა, რომელიც მისი აზრით, X — XIII სს. საქართველოს სოციალურ-უფლებრივი წესწყობილების ქვაკუთხედი იყო¹. პატრონელობის წინა პერიოდი (VII—IX სს.) ივ. ჯავახიშვილს მიაჩნდა გარდამავალ ხანად, როცა, მისი სიტყვით, მონობა აღარ არსებობდა, მაგრამ პატრონელობა ჯერ კიდევ არ იყო².

მართალია, ივ. ჯავახიშვილის რიგი დებულებები ქართული ფეოდალიზმის შესახებ დღეისათვის მოძველდა, მაგრამ მის მიერ მეცნიერულ მიმოქცევაში შემოტანილი ცნებები და დაკვირვებები დარჩა იმ ძვირფას მასალად, რომელსაც ქართულმა საბჭოურმა ისტორიოგრაფიამ რევოლუციამდელი მეცნიერული შენამოქმედის განახლება გადახალისების საქმისათვის წარმატებით მიმართა.

თავისი შეხედულება ქართული ფეოდალური წყობილების შესახებ რევოლუციამდელ ქართულ ისტორიოგრაფიაში გამოთქმული ჰქონდა პროფ. ს. კაკაბაძესაც.

ს. კაკაბაძე ფეოდალური წყობილების ელემენტებს IX—X საუკუნეებში ხედავდა, ხოლო ფეოდალიზაციის პროცესის დასასრულს XIV საუკუნეზე დებდა³.

ქართული ფეოდალიზმის და, კერძოდ, მისი აღრეული საფეხურის შესწავლა მარქსისტული მეცნიერების მოთხოვნილებათა შესაბამისად ქართული ისტორიოგრაფიის საბჭოურ პერიოდში იწყება.

¹ ივ. ჯავახიშვილი, ქართული სამართლის ისტორია. თბ., 1928, წიგნი I. გვ. 198.

² იქვე. გვ. 198.

³ С. Н. Как а б а д з е, Четырнадцать столетий феодального строя и крестьянские повинности в Грузии в конце средних веков, Тифлис, 1912, № 7, 14.

საქართველოს ისტორიის ამ უბანზე განსაკუთრებით საპა-
ტიო ღვაწლი აკად. ს. ჯანაშიას მიუძღვის. განსვენებული მეც-
ნიერის ისეთმა გამოკვლევებმა, როგორცაა „საქართველო
ადრინდელი ფეოდალიზაციის გზაზე“, „ფეოდალური რევო-
ლუცია საქართველოში“ და სხვ., მთელი გარდატეხა მოასწა-
ვეს ახალი დროის ქართული ისტორიოგრაფიის განვითარების
თვალსაზრისით.

კვლევის მარქსისტული მეთოდის მომარჯვებით და ფაქტე-
ბის სანიმუშო ანალიზის შემწეობით, ს. ჯანაშიამ ქართული
ფეოდალიზმის არა ერთი ძირითადი საკითხი დააყენა და ახ-
ლებურად გადაჭრა. ს. ჯანაშია უმთავრესად ფეოდალიზმის
გენეზისის პრობლემასა და ადრეფეოდალური ხანის ისტორიის
საკითხებზე მუშაობდა.

ფეოდალიზმის ჩასახვისა და მისი განვითარების ნიშნებს
მან გაცილებით ძველ დროში მიაკვლია, ვიდრე ამას მანამდე
ფიქრობდნენ ისტორიკოსები. ს. ჯანაშიას აზრით, ადრინდელი
ფეოდალური ურთიერთობის განვითარების პროცესი ჯერ კი-
დეე I—III სს. დაიწყო, მონური წარმოების კრიზისთან და-
კავშირებით, ხოლო მე-6 საუკუნიდან ეს ურთიერთობა საბო-
ლოდ გამარჯვებულია.

ფეოდალური ურთიერთობის განმტკიცების ხანას შეეხე-
ბა ს. ჯანაშიას ნაშრომი „არაბობა საქართველოში“, სადაც გა-
შუქებულია ფეოდალიზმის შემდგომი განვითარებისა და არა-
ბთა მფლობელობის მნიშვნელოვანი საკითხები. ცალკეული
საკითხები ადრეფეოდალური სოციალურ-ეკონომიური და პო-
ლიტიკური ვითარებიდან ს. ჯანაშიას განხილული აქვს თავის
წერილებში: „ბრძოლა მიწის ფეოდალური მითვისებისათვის
ძველ საქართველოში“ და „О времени и условиях возникнове-
ния Агхазского царства“.

მიწის ფეოდალური საკუთრების ფორმების კვლევას ს. ჯა-
ნაშია ორგანულად აკავშირებდა ადრეფეოდალური საზოგა-
დოებრივი ურთიერთობის საკითხებთან. თავის შრომებში მან
მოხაზა ადრეფეოდალური საზოგადოებრივი კლასების სტრუქ-
ტურული შედგენილობა და მისი განვითარება, აჩვენა, რომ
ყოველივე ეს, ფეოდალური ურთიერთობის განმტკიცებისა

და გამწვავებული კლასობრივი ბრძოლის პირობებში მიმდინარეობდა.

ქართული ფეოდალიზმის ძირითადი საკითხების დამუშავებისას, ს. ჯანაშიამ თავისი შეხედულება გამოთქვა პატრონყმობის შესახებაც. თუ აკად. ივ. ჯავახიშვილს პატრონყმობა საქართველოს სოციალური ცხოვრების საზოგადო მოვლენად შიაჩნდა, აკად. ს. ჯანაშია მას მხოლოდ ქართული ფეოდალიზმისათვის დამახასიათებელ ერთ ძირითად მოვლენად თვლიდა.

ს. ჯანაშიას აზრით, პატრონყმობა არის ისეთი ურთიერთობა, რომელიც დამყარებულია საადგილმამულო დამოკიდებულებაზე, სამხედრო სამსახურის პირობით¹.

„ამდენადვე პატრონყმობა არ ფარავს მთელს საზოგადოებრივ ურთიერთობას, კერძოდ—ფეოდალური საზოგადოების ძირითადი ანტაგონისტური კლასების ურთიერთობას“². და რომ, „თავისი საზოგადოებრივი ფუნქციის თვალსაზრისით პატრონყმობა არის მემამულეთა შინაგანი ორგანიზაციის განსაზღვრული ფორმა“³.

ადრეფეოდალური პოლიტიკური და სოციალურ-ეკონომიური ისტორიის საკითხებზე უკანასკნელ წლებში ინტენსიურად მუშაობს აკად. ნ. ბერძენიშვილი, რომელიც ადრე უმთავრესად XIII—XVIII სს. საქართველოს ისტორიის ცალკეულ საკითხებს იკვლევდა.

ნ. ბერძენიშვილმა ფეოდალური საქართველოს ისტორიის პერიოდიზაციას საფუძვლად ეკონომიური და საზოგადოებრივ-პოლიტიკური განვითარების (კლასობრივი ბრძოლის) პროცესი დაუდვა და მისი პირველი ფაზა—ადრინდელი ფეოდალური ურთიერთობა VI—X საუკუნეებით შემოსაზღვრა.

საქართველოს ისტორიის დამხმარე სახელმძღვანელოსათვის დაწერილ ცალკეულ თავებში („ადრეფეოდალური ხანა“, „განვითარებული ფეოდალიზმის ხანა“), ნ. ბერძენიშვილს გა-

1 ს. ჯანაშია. ქართული პატრონყმობის ბუნებისა და წარმოშობის საკითხისათვის, მოხსენების თეზისები, შრომები, II, გვ. 434.

2 იქვე, გვ. 434.

3 იქვე, გვ. 435.

შუქებული აქვს ფეოდალური საზოგადოებრივი ურთიერთობის ძირითადი საკითხები.

ავტორის აზრით, საქართველოში X ს. მიწურულისათვის საზოგადოებრივი განვითარებას ადრეფეოდალური საფესური დასრულდა. აკად. ნ. ბერძენიშვილის შეხედულებით, ქართული პატრონყმობა იგივე ადრეული ფეოდალური ურთიერთობაა. ამდენად, პატრონყმობა, მისი აზრით, მოიცავს მთელს საზოგადოებრივ ცხოვრებას, ფეოდალური ურთიერთობის გარკვეულ ხანაში.

თავის მრავალმხრივ საყურადღებო წერილში „კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში“. ნ. ბერძენიშვილს ჩვენი ქვეყნის საგარეო ურთიერთობის სფეროში გამოვლენებული საზოგადოებრივი ბრძოლის არა ერთი საყურადღებო ფაქტი აქვს გამორკვეული და დადგენილი. წერილში „მოკიდებულისათვის“ დაყენებულია პატრონყმური საზოგადოებრივი ურთიერთობის წიაღში წარმოქმნილი ამ საყურადღებო საზოგადოებრივი გაერთიანების (ფეოდალური ინსტიტუტის) საკითხი. ცალკე უნდა აღინიშნოს ნ. ბერძენიშვილის ნარკვევი „მიწათმფლობელობის ფორმებისათვის ფეოდალურ საქართველოში“. სადაც ავტორი იკვლევს მიწის ფეოდალური საკუთრების იურიდიულ მხარეს. რომელიც ორგანულ კავშირშია ფეოდალური საზოგადოებრივი ურთიერთობის სხვადასხვა საკითხებთან.

ბოლო დროს გამოქვეყნებულ წერილებში—„ისტორიული გეოგრაფიისათვის“ და „ერთი ფურცელი ისტორიულ-გეოგრაფიული დღიურიდან“, აკად. ნ. ბერძენიშვილი სახავს ფეოდალური ურთიერთობის გამარჯვების მატერიალური საფუძვლების მანიშნებელი კონკრეტული ფაქტების მეცნიერულ მიმოქცევაში შემოტანის პერსპექტივას, ფეოდალური ურთიერთობის წარმოშობის სოციალური სურათის შესაქმნელად.

ს. ჯანაშიას და ნ. ბერძენიშვილის მთელი რიგი დებულებები ფეოდალური საქართველოს საზოგადოებრივი ურთიერთობიდან, ჩვენი ისტორიოგრაფიის განვითარების დღევანდელ ეტაპზე, სახელმძღვანელოდ რჩებიან.

ადრეული ფეოდალიზმის პოლიტიკური და სოციალური ხასიათის რიგ საკითხებზე კარგა ხანია. რაც სპეციალურად მუშაობს ისტორიის ინსტიტუტის უფროსი მეცნიერი თანამშრომელი მ. ლორთქიფანიძე, რომელმაც არა ერთი ნაშრომი გამოაქვეყნა ამ მიმართულებით: „ძირითადი საზოგადოებრივი კლასები IX—X საუკუნეების საქართველოში“. „ადრეფეოდალური ხანის ისტორიის ზოგიერთი საკითხი ქართულ საბჭოურ ისტორიოგრაფიაში“. „ფეოდალური საქართველოს პოლიტიკური გაერთიანების ისტორიიდან“, „თბილისის საამიროს ისტორიიდან“ და სხვ.

ფეოდალური საზოგადოებრივი ურთიერთობის საკითხებთან კავშირში უნდა აღინიშნოს პროფ. შ. მესხიას შრომებიც: „ხელოსნური წარმოება ძველ საქართველოში“ (საკანდიდატო დისერტაცია) და „Горня и горняцкий труд феодальной Грузии“.

ამ გამოკვლევებში შ. მესხიას გამოთქმული აქვს არა ერთი მოსაზრება და დებულება ფეოდალური ქალაქების წარმოშობის, მათი სოციალურ-ეკონომიური და პოლიტიკური მნიშვნელობის. ქალაქის სოციალური სახისა და საქალაქო წესწყობილების შესახებ, რომელთაც უშუალო კავშირი აქვთ ჩვენი კვლევა-ძიების საგანთან.

ჩვენი გამოკვლევა არ ისახავს მიზნად ქართლის ადრე-ფეოდალური საზოგადოებრივი ურთიერთობის ყველა მხარისა და მოვლენის მთელი სიგრძე-სიგანით გათვალისწინებას. ჩვენ უფრო ვცდილობდით ადრეფეოდალური ქართლის საზოგადოებრივი ცხოვრების ზოგადი სურათის წარმოდგენას, რამდენადაც ამის საშუალებას იძლეოდნენ ქართული ისტორიოგრაფიის მიღწევები შესაბამის უბანზე და, განსაკუთრებით, ამ მიზნის მისაღწევად საჭირო ისტორიული წყაროები.

რაც შეეხება ადრეული ფეოდალიზმის ეკონომიურ საფუძვლებს, მათ წარმოჩენაზე იძულებული ვიყავით ნაკლებად შევჩერებულიყავით, რადგანაც საამისო კონკრეტული ფაქტების ამოკრეფა ჩვენს წერილობით ძეგლებიდან და მათი ახსნა-განმარტება, შეიძლება ითქვას, დამთავრებულია და ახალს

რაფერს მოგვცემდა, ხოლო მატერიალური საბუთების მოპოვება, სხვა ხასიათის ძეგლთა ისტორიულ-არქეოლოგიური შესწავლის გზით, ხანგრძლივ და სპეციალურ ძიებას საჭიროებს; ეს კი ჩვენი შრომის მიზანს ამჟამად შორდებოდა.

შედარებით უფრო ვრცლად გვაქვს განხილული ქართული ფეოდალური მიწათმფლობელობის ფორმები. რომლის გათვალისწინების ნიადაგზეც ვცდილობდით ფეოდალური საზოგადოებრივი ურთიერთობის ხასიათის შეცნობას. ქართული მიწათმფლობელობის ხასიათის საფუძვლიანი შესწავლა, ქართული ფეოდალიზმის თავისებურების ასახსნელად, ჩვენი მოძვეალი კვლევა-ძიების ამოცანაა. ამჟერად კი ამ დიდმნიშვნელოვან საკითხზე ერთგვარად გამარტივებული მსჯელობის მეტს ვერას ვიძლევი. ფეოდალური საზოგადოებრივი ურთიერთობა, ცხადია, კლასობრივი ბრძოლის მომენტსაც გულისხმობს. სამწუხაროდ, შესაფერი მასალების სიმცირის პირობებში, კლასობრივი ბრძოლის კონკრეტული ფაქტების ჩვენება, საჭირო სიცხადით, ყოველთვის ვერ მოვახერხებთ.

ჩვენი გამოკვლევის ძირითად საკითხად, დავისახეთ ადრე-ფეოდალური ქართული საზოგადოების სოციალური შედგენილობისა და მათი ურთიერთდამოკიდებულების ხასიათის გარკვევა.

საამისოდ გულდასმით ვეცნობოდით ქართული მწერლობის უძველეს ძეგლებს, უფრო მოგვიანო ხანის დოკუმენტურ მასალებს. ყურადღების გარეშე არც მეზობელი სომხეთის მდიდარი საისტორიო მწერლობის მონაცემები დაგვიტოვებია. განსაკუთრებით ვაკვირდებოდით სოციალურ ტერმინებს, მათ წარმოშობას და თავდაპირველ მნიშვნელობას. დროისდა კვალად ამ მნიშვნელობის განვითარება-ცვლილებას.

ამ მიზნით ხშირად ვიხედებოდით აგრეთვე ნათარგმნი ლიტერატურის მთელ რიგ ძეგლებში, მათ შორის ბიბლიისა და ოთხთავის უძველეს ვარიანტებში. ასეთი ხასიათის სამუშაოს ჩატარების შემდეგ უფრო გაგვიმტკიცდა რწმენა, რომ ქართულ სოციალურ ტერმინოლოგიას საზოგადოების სოციალური განვითარების რიგი მომენტების ახსნაში დაუფასებელი სამსახურის გაწევა შეუძლია.

ასეთი და სხვა ხასიათის სამუშაოს ჩატარების შედეგად საკუთარი შეხედულება შეგვიმუშავდა აზნაურთა ფენის საზოგადოებრივი მდგომარეობისა და მისი განვითარების ისტორიის გარშემო; იგივე იბქმის გლეხის, როგორც ადრეფეოდალური ხანის არა თავისუფალი მწარმოებლის, გაჩენის ძირითადი მიზეზის შესახებ, ერისმთავრის ხელისუფლების შინაარსზე და ზოგიერთ სხვა ნაკლებად მნიშვნელოვან კითხვაზე.

თ ა ვ ი პ ი რ ვ ე ლ ი

VI—X სს. ქართლის სოციალურ-პოლიტიკური ვითარების ზოგადი მიმოხილვა

ქართულ ისტორიოგრაფიაში დღეისათვის განმტკიცებულია აზრი, რომ ფეოდალური ურთიერთობის გამარჯვების თარიღი ქართლში მე-6 ს. მიჯნაზე უნდა იქნეს დადებული.

„მეექვსე საუკუნე ნამდვილი ისტორიული მოსაბრუნია ჩვენი ქვეყნის განვითარების თვალსაზრისით ძველ ხანაში“¹, — ამ სიტყვებით იწყება აკად. ს. ჯანაშიას ცნობილი ნაშრომი — „ფეოდალური რევოლუცია საქართველოში“, რომელიც მართლაც რომ მოსაბრუნე იყო საქართველოში ფეოდალური ურთიერთობის შესწავლის საქმეში².

VI საუკუნეში ქართლის მეფის დესპოტური (თვითმპყრობელური) ხელისუფლება იცვლება ერისმთავრის ფეოდალური ხელისუფლებით, ადგილი აქვს ქვეყნის ინტენსიურ სამეურნეო დაწინაურებას, რაც წარმოების ახალი (ფეოდალური) წესის ზრდა-წარმატების პირდაპირი შედეგი იყო და პირუტყუ: ქართლის ინტენსიური მეურნეობის განვითარება იყო მთავარი საფუძველი ფეოდალური ურთიერთობის წარმოქმნა-გა-

1 ს. ჯ ა ნ ა შ ი ა, შრომები, I, თბილისი, 1949, გვ. 1.

2 განსვენებული მეცნიერი ამ შრომაში თავისი გამოკვლევის შედეგებს ასე აჯამებდა: „ამრიგად, შეგვიძლია მივიღოთ, რომ მეექვსე საუკუნე ნიდან მთელი საქართველოს მიწა-წყალზე შეუზღუდველად მკვიდრდებოდა ფეოდალური საწარმოო წესი, ფეოდალური საკუთრება და სახელმწიფოებრივობა, ფეოდალური იდეოლოგია“, იქვე, გვ. 127.

მარჯვებისა ჩვენში. ერთი სიტყვით, ქვეყნის ეკონომიური და საზოგადოებრივი ცხოვრების ყველა დარგში მეექვსე საუკუნე დიდი განახლება-ცვლილებებით აღინიშნა.

ეკონომიურმა აღმავლობამ ყველაზე ძლიერ მიწათმოქმედებაში იჩინა თავი. მონის შრომა მეტოქეობას ვეღარ უწევდა და გზას უთმობდა თავისუფალი და ნახევრად თავისუფალი მეურნეების საქმიანობას. „ქვეყანას“ ფასი დაედო, მიწა ადამიანის სიმდიდრისა და ძლიერების საფუძველი გახდა, ხოლო მიწათმოქმედების დონე ბევრად იყო დამოკიდებული საირიგაციო საქმის დაყენებაზე. მიწათმოქმედების განვითარების ინტერესებით იყო გამოწვეული სახელმწიფოს მიერ დიდი საირიგაციო სამუშაოების ჩატარება, რაც მნიშვნელოვნად აფართოებდა მარცვლეული კულტურების მოსაყვანად ვარგისს ადგილებს.

ისტორიული წყაროების მწირი ცნობებითაც შეიძლება წარმოვიდგინოთ, რა ინტენსიურად უწარმოებიათ ქართლში სხვადასხვა სარწყავი არხების მშენებლობა³. უძველესი არხის გაყვანას ქართლში „მოქცევაჲ ქართლისაჲ“ ალექსანდრე მაკედონელის ღონისძიებად მიიჩნევს: „დასცა ვენაჲ და რუჲ გამოიღო ქსნით“⁴. ხოლო მეფე, თრდატმა (IV ს. მიწურული) „რუსთავისა (რუჲსთავისა. შატბერდული ტექსტი) რუჲ გამოიღო“⁵.

3 ქართლის მოქცევის მატეანეს. რომელიც შინაარსის მხრივ მშრალი და ქრონიკული ხასიათის ნაწარმოებია, არ ავიწყდება ცნობების მოცემა მნიშვნელოვანი არხების გაყვანის თაობაზე, რითაც კარგად ჩანს თუ რა დიდი ყურადღებისა და საერთო-სახელმწიფოებრივი ზრუნვის საგანი ყოფილა მორწყვის საქმე ქართლში.

⁴ E. Такаѣшвили, описание рукописей, II Тиф., 1908, გვ. 708.

⁵ იქვე, გვ. 720. ლ. კილაშვილის აზრით. „წერილობითი ცნობა რუსთავის არხის IV ს. გაყვანის შესახებ. უნდა გავიგოთ როგორც ძველი არხის განახლება, ან არხის მიმართ რაიმე ახალი სამუშაოს ჩატარება“. „ქალაქი რუსთავი“, 1958, გვ. 39.

აკად. ნ. ბერძენიშვილი თავის წერილში „ერთი ფურცელი ისტორიულ-გეოგრაფიული დღიურიდან“ შენიშნავს, რომ რუსთავის არხის ძველობა, ვიდრე ეს ტრადიციით იგულისხმება, სავარაუდოებელი ჩანს. იხ. საქართველოს ისტორიული გეოგრაფიის კრებული, I, 1960, გვ. 145.

VI ს-ში მუხრანის ველზე გაუყვანიათ წილკანის არხი. უძველეს არხებს ეკუთვნის ნასტაკისის, საგლახაოს და სამგორის არხებიც. აკად. ნ. ბერძენიშვილი ფეოდალური ურთიერთობის ჩასახვა-გამარჯვების ხანისად მიიჩნევს აგრეთვე ნახიდურის, გაჩიანის, მუხრანის და რუის-ურბნისის არხებს⁶. საერთოდ, პატივცემული მეცნიერი, ფეოდალური ურთიერთობის გამარჯვების უმნიშვნელოვანეს მატერიალურ საფუძველს ძველ ქართლში მორწყვის ტექნიკის მაღალგანვითარებულობაში ხედავს.

განვითარებული მიწათმოქმედებისა და მევენახეობის წყალობით ქართლი მდიდარი ქვეყანა იყო, რაც მეზობლებისათვისაც კარგად იყო ცნობილი. VI ს-ის ბიზანტიელი ისტორიკოსი მენანდრე ქართლსა და სომხეთზე ამბობს, რომ ეს ქვეყნები მეტად ნაყოფიერი იყო და დიდ გადასახადებს იძლეოდა⁷. პროკოფი კესარიელის ცნობით, მესხეთის მთები საესეა ყოველგვარი სიკეთით, რადგანაც მესხები დახელოვნებული მიწათმოქმედნი არიან და ვენახებიც აქვთ⁸.

მიუხედავად იმისა, რომ VI საუკუნეში ქართლში უმთავრესად სპარსელები ბატონობდნენ, რომლებიც ხრავდნენ და ანადგურებდნენ ქვეყნის მატერიალურ დოვლათს, ქართლი სამეურნეო აღმავლობის გზით მიდიოდა.

ქვეყნის სამეურნეო განვითარებას ძველი ურთიერთობის რღვევა მოჰქონდა. სასოფლო თემი იშლებოდა, მეურნეობისათვის განსაკუთრებით ვარგის მიწებზე თავს იჩენდა კერძო საკუთრების შემოსვლა. თემი ირღვეოდა, როგორც შიგნიდან, მეურნეობის განვითარების საფუძველზე, ისე გარედან, ახალგაზრდა ფეოდალური კლასის შემოტევისაგან. სათემო მიწათმფლობელობიდან გამოძევებული ყოფილი მეთემეები თავისი პატარა მიწით, თუ უმიწოდ ამა თუ იმ უფლის „მფარველობაში“ (ყმობაში) შედიოდნენ და მის სასარგებლოდ გარ-

6 ნ. ბერძენიშვილი, დასახ. შრომა, გვ. 142.

7 ს. ყაუხჩიშვილი, გეორგია, ტ. III, 1936, გვ. 246.

8 ს. ყაუხჩიშვილი, გეორგია, ტ. II, 1934, გვ. 97.

კვეულ ვალდებულებებს კისრულობდნენ. მიწაზე სხამდნენ ახლა ყოფილ მონებსა და ტყვე-უცხოელებს და ყველა მათ გლახად აქცევდნენ. ასეთი მიწის მუშების მდგომარეობა გაცილებით უფრო მძიმე იყო, მათ ბეგრის გამოღება და მუშაობა-სამსახური ჰქონდათ დაკისრებული. მიწათმფლობელებს შორის დამოკიდებულებაც საადგილმამულო ურთიერთობათა ნიადაგზე ეწყობოდა. მიწა საზოგადოებრივ ძალთა ურთიერთობის საფუძველი გახდა. როგორც აკად. ნ. ბერძენიშვილი შენიშნავს:

„თანდათან იქმნებოდა, სამიწო ურთიერთობის ნიადაგზე, ორი კლასი, რომელთაგან ერთისათვის მიწა სიმდიდრისა და სოციალური ძლიერების წყაროდ იქცეოდა, ხოლო მეორისათვის სიღარიბისა და დამონების წყაროდ. იქმნებოდა ფეოდალური ურთიერთობა“⁹.

სპეციალურ ლიტერატურაში კარგა ხანია აღნიშნულია, რომ მეფობის გაუქმება ქართლში ფეოდალური ურთიერთობის გამარჯვების შედეგი იყო. ახალი ურთიერთობა კი ქვეყნის პოლიტიკურ გარდაქმნას საჭიროებდა.

„ერისთავ-წარჩინებულებმა საკუთარი კლასის ინტერესებისათვის გასწირეს საკუთარი (ქართველი) მეფე და ქვეყანა უცხო ძალას დაუმორჩილეს“¹⁰.

ერთგული სამსახურის სანაცვლოდ ერისთავებმა. რომლებიც უკვე დიდი ხანი ებრძოდნენ ცენტრალურ ხელისუფლებას საერისთაო ქვეყნების საშვილიშვილოდ დამკვიდრების მიზნით. ირანელი უფლისწულის ქასრე, ამბარევისაგან. რომელიც რანის ერისთავად იყო დანიშნული, მიიღეს „სიგელნი მკვდრობისანი“ („საერისთოთა მათთა მამულობა შვილითი-

9 ნ. ბერძენიშვილი. ფეოდალური ურთიერთობის გამარჯვება საქართველოში, საქართველოს ისტორია, I, დამხმარე სახელმძღვანელო, 1959, გვ. 105.

10 ნ. ბერძენიშვილი, კლასობრივი და შინაკლასობრივი ბრძოლის გამოვლინება საქ. საგარეო-პოლიტიკურ ურთიერთობაში, ისტორიის ინსტიტუტის შრომები, I, 1955, გვ. 166.

შვილამდე“). მაგრამ ქართლის წარჩინებულების თანხმობა ირანელებთან დიდხანს არ გაგრძელებულა¹¹.

„აზნაურთა სოციალურად აღმავალ კლასს სურდა ქვეყნის სათავეში ჰყოლოდა არა შაჰის მოხელე, არამედ ამ აზნაურთა წების ამსრულებელი ფეოდალური მეფე“¹².

მალე შესაფერი დროც დადგა („იქმნენს შფოთნი დიდნი სპარსეთს შინა“)¹³ და „შეითქუნეს ყოველნი ერისთავნი ქართლისანი, ზემონი და ქვემონი, და წარგზავნეს მოციქული წინაშე ბერძენთა მეფისა, და ითხოვეს, რათა უჩინოს მეფე წათესავთაგან მეფეთა ქართლისათა, და რათა იყენენ ერისთავნი იგი თჳს-თჳსსა საერისთოსა შეუტყალებელად“¹⁴.

ეკისარმა დააკმაყოფილა წარჩინებულთა თხოვნა და ქართლში კურაპალატის ტიტულით ვახტანგის შთამომავალი გუარამი წარმოგზავნა. ამ ახალი პოლიტიკური ორგანიზაციის შექმნის ფაქტი ქართლის მოქცევის მატრიანეში დამახასიათებელი თავშეკავებით არის აღნიშნული: „ნელადრჳ შეკრება ქართლი და განაჩინეს ერისთავად გუარამ“¹⁵.

„ახალი ხელისუფლების მეთაური კი არ იყო მეფე „ნებითა ღვთისათა“, „თვითფლობით მპყრობელი“, როგორც თავის უფლებას უთუოდ განმარტავდა ძველი ქართლის მეფე, ან საითკენაც მერმინდელი მონარქი მიისწრაფვის, არა. ეს თვით წარჩინებულთა მიერ „განჩენილი“, დადგენილი, დანიშნულია, თვითონაც წარჩინებულია და მემამულე, მსგავსად თავის „გან-

¹¹ სტეფანე ბიზანტიელის ცნობით, VI ს. 70-იან წლებში იბერიელები გურგენის მეთაურობით გადადგომიან სპარსელებს და რომაელებს მიმხრობიან.

¹² საქართველოს ისტორია, I. დამხმარე სახელმძღვანელო, 1958, გვ. 106.

¹³ ისტორიკოსს შხედველობაში აქვს პორმიზდ IV-ის მეფობის ბოლო წლებში ირანის საგარეო და საშინაო მდგომარეობის მკვეთრი გაუარესება, რასაც ქართლის მნიშვნელოვანი ნაწილის ბიზანტიელების ხელში გადასვლა მოჰყვა (სებეოსი).

¹⁴ ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, გვ. 217.

¹⁵ E. T a k a ო შ ვ ი ა ნ, Описание рукописей, II, გვ. 724.

მაჩენელთა“, იგი მხოლოდ ყველაზე წარჩინებულია წარჩინებულთა შორის“¹⁶.

გრისმთავრობის დაწესება ქართლში „იყო დიდი მნიშვნელობის ფაქტი ახალი (ფეოდალური) სოციალ-ეკონომიური წესწყობილების ზრდა-წარმატებისათვის“¹⁷, და ქართლიც ფეოდალური ურთიერთობის განვითარების გზით სწრაფად დაწინაურდა. არაბთა შემოსევის ხანისათვის ქართლის საზოგადოებას მკვეთრად გამოხატული ფეოდალური ხასიათი ჰქონდა.

რე საზოგადოების გაბატონებულ წრეს წარჩინებულნი „შეადგენდნენ. „წარჩინებული“ ამ დროს ტექნიკურ სოციალურ ტერმინს წარმოადგენდა და ზოგადი ეპითეტიც იყო მაღალი საზოგადოებრივი ფენისათვის. მაგრამ ეს ფენა თავისი შემადგენლობით ერთგვაროვანი არ ყოფილა.

„სეფეწულები“, „მთავრები“, „ერისთავები“, „აზნაურები“ წარჩინებულთა სხვადასხვა კატეგორიებს ქმნიდნენ.

სეფეწულები ქართლის წარჩინებულთა უმაღლეს წრეს შეადგენდნენ. მათი საზოგადოებრივი მდგომარეობა, ძირითადად, მეფური წარმოშობით, სამეფო გვარიშვილობით იყო განსაზღვრული. ადრეფეოდალურ ხანაში ეს წრე, საკმაოდ დაშორდა მთავარ სამეფო შტოს და თავისი რეალური მდგომარეობით და ინტერესებით უფრო ორგანულად ქართლის არა მეფური წარმოშობის არისტოკრატიას დაუკავშირდა¹⁸.

გაბატონებული საზოგადოების გარკვეულ ჯგუფს შეადგენდნენ მთავრებიც. ტერმინს ზოგადი მნიშვნელობა ჰქონდა. „მთავარი“ ადრეფეოდალურ ხანაში ჩვეულებრივ კლასიფიკაციის („ხელმწიფობის“) მქონე პირს ნიშნავს ეწოდებოდა. ასეთი კი შეიძლებოდა ყოფილიყო ამა თუ იმ ქვეყნის დამოუკიდებელი ან დამოკიდებული მფლობელი, ზოგჯერ რაც, უბრა-

16 ს. ჭანაშია, შრომები, I, 107.

17 საქართველოს ისტორია, I, დამხმარე საქალაქო მუხრანელო, გვ. 108.

18 ს. ჭანაშია, შრომები, I, გვ. 17.

ლოდ, წარჩინებული პირი¹⁹. ამის გამო იყო, რომ „მთავრობით“ იხსენიებდნენ როგორც ერისთავ-პიტიახშებს, ისე რომელიმე დაბის უფალს. „გრიგოლ ხანძთელის ცხოვრებაში“ „მთავარი“ „დიდი აზნაურის“ სინონიმური მნიშვნელობით იხმარება²⁰.

V—VIII სს. ქართლში ქართული და უცხოური წყაროები ხშირად ასახელებენ მთავრებს, როგორც საზოგადოების მმართველ წრეს. „ევსტათი მცხეთელის წამებით“, უმეფობის ხანაში ისინი არიან ქვეყნის მზრუნველ-ჭირისუფალნი. უპირველესი ადგილი მათ შორის ქართლის „ერისმთავარს“ უჭირავს („ქართლის ცხოვრება“ ამ ხელისუფლების მატარებელს, ჩვეულებრივ, „მთავარს“ უწოდებს). დროთა განმავლობაში „მთავარმა“ პოლიტიკური მნიშვნელობა მიიღო და „გახელმწიფებულ“ ერისთავებს აღნიშნავდა.

ერისთავები ცალკეულ მხარეებსა და ქვეყნებს განაგებდნენ. ისინი მეფის საქვეყნოდ გამრიგე მოხელენი იყვნენ. საერისთაო ქვეყანა სამხედრო-ადმინისტრაციულ ერთეულად ითვლებოდა, რომლის მართვა-გამგეობის ყოველი მხარე, ერისთავს ეკითხებოდა. ფეოდალური ურთიერთობის წარმოშობის დროიდან ერისთავები მეფის მოხელეობას აღარ სჯერდებოდნენ და საერისთაოების საშვილიშვილოდ გასაკუთრებას ცდილობდნენ. სახელმწიფოს ცენტრალურ აპარატსა და საქვეყნოდ გამრიგე ხელისუფალთ შორის ამ ნიადაგზე ბრძოლას დიდხნის ისტორია ჰქონდა²¹. ამ ბრძოლაში ჩაბმული იქნენ ში-

19 ო. ს. ო. ს. ე. ლ. ი. ა. სამეგრელოს სამთავროს წარმოშობის თარიღისათვის, მიმოიხილეთ, II, 1951, გვ. 171.

20 იხ. გრიგოლ ხანძთელის ცხოვრება. თბილისი, 1949, გვ. 33, 38.

21 ლეონტი მროველის მიხედვით. დასაბამი ამ ბრძოლისა საურმაგის ხანაშია საგულეველი, რომლის დროსაც ერისთავები შეთქმულან: „არა კეთილ არს ჩუენდა, რათამცა ემსახურებდეთ ნათესავსა ჩუენსაჲ არამედ ვიყოთ ერთად, და მოვკლათ ჩუენ საურმაგ, და ვიყვნეთ ჩუენ თავისუფალ, ვითარცა ვიყვენით პირველ, და მიესცემდეთ ხარკსა ვინცაჲინ გამოჩნდეს მძლე“ (ქართლის ცხოვრება, I, გვ. 26). აზნაურების დახმარებით (ლეონტით აზნაურული მხედრებია, მაგრამ ჩვენ აზნაურთა სოციალური ფენი უნდა ვიგულისხმეთ, რომელსაც ქართლის სამეფო ხელისუფ-

ნაურნი თუ გარეულნი (სპარსელები, ბერძნები), რაც საბოლოო ანგარიშით, ქართლის სამეფო სკლისუფლების დამხობით დამთავრდა VI საუკუნეში. გამარჯვებული ერისთავი საშვილიშვილად დაჰდა საგამგეო ქვეყანაში და გამკითხავი აღარავინ ჰყავდა. ერისმთავრობის დაწესებას ქართლში მათი მონაპოვარის შეზღუდვა, მით უმეტეს წართმევა არ მოჰყოლია. ერისთავები თვით-გამოვიდნენ შექმნილი ვითარების შესაფერისი უზენაესი ხელისუფლების დაარსების ინიციატორებიად. უკვე პირველმა ასეთმა ხელისუფალმა „ერისთავნი ქართლისანი ვერ სცვალნა საერისთვოთაგან მათთა... არამედ იყვნეს მორჩილებასა გუარამ კურაპალატისასა“²². ამიერიდან ერისთავები მხოლოდ ფორმალურად ემორჩილებოდნენ ცენტრალურ ხელისუფლებას. რომლის წარმომადგენელიც „ერისთავთა-მთავრად“ გამოდიოდა.

VIII საუკუნეში ერისთავებს მიტაცებული მიწა-წყალა კანონიერი საშუალებით, მეფე მირის სიძეობის გზით, გაუფორმებიათ: არჩილმა თავისი ძმისწულები, ძმის ანდერძის თანახმად. ერისთავებს ცოლად მიათხოვა და სახელმწიფოს მიწა-წყლის ნახევარი სიძეებს მზითევში გაატანა²³.

წარჩინებულთა შედარებით დაბალ და მრავალრიცხოვან წრეს აზნაურები შეადგენდნენ. აზნაურთა სოციალური ფენა უმთავრესად მეფის სამსახურში დაწინაურებულ თავისუფალ მესაკუთრე-მიწისმფლობელთაგან იქმნებოდა, რომლის გა-

ლება შემდეგშია ცხვირად ეყრდნობოდა ქართლის არისტოკრატიის წინააღმდეგ ბრძოლაში, ეს ბრძოლა მაშინ ცენტრალური ხელისუფლების გამარჯვებით დამთავრდა, მაგრამ დამარცხებულებს თავიანთ კლასობრივ მიზნებსა და მისწრაფებებზე ხელი არ აუღიათ. როცა VI ს-ში ბარდავში (რანის საპატიოხაზოს ცენტრი) გამოჩნდა შაჰის აგენტი უფლისწულ ქასრე ამბარევის სახით, ერისთავებმა ც სამსახურისათვის მას მიაშურეს (თჳს—თჳსად ხარკსა მისცემდეს ქასრე ამბარევისსა). სამაგიეროდ მისგან მიიღეს „სიგელნი მკჳდრობისანი“, და „განდგეს ერისთავნი...“ „ქართლის ცხოვრება“. I. გვ. 217.

²² ქართლის ცხოვრება, I, გვ. 221.

²³ აკად. ნ. ბერძენიშვილს ჟუანშერის ეს ცნობა ერისთავთა წრეში შეთხზულ ლეგენდად მიაჩნია. იხ. საქართველოს ისტორია, I, მაკეტრ, 1956. გვ. 190.

მოყოფაც „ერის“ წილიდან ხდებოდა, ფეოდალური ურთიერთობის წარმოშობის შედეგად. აზნაურობას ადრეფეოდალური ხანისათვის განვითარების დიდი გზა ჰქონდა განვლილი. ეროვნული ტრადიცია მათ გაჩენას ჩვენში ალექსანდრე მაკედონელის ხანას მიაკუთვნებს. ლეონტი მროველის ცნობით, პირველი აზნაურები ქართლში რომაელი მხედრები ყოფილან, რომელნიც საურმაგმა ერთგულების გამოჩენისათვის „წარჩინებულ ყუნა“.

ლეონტი მროველის ცნობაში, აზნაურთა შესახებ, აისახა უმთავრესი გზა (მეფის მხედრობით) აზნაურ-წარჩინებულად გახდომისათვის. აზნაურებს მეფის წინაშე ლაშქრობა და საპატიო სამსახური ემართათ. ამ მოვალეობის შესრულების საფუძველი კი მიწა იყო. ადგილ-მამული აზნაურებს საკუთარიც გააჩნდათ, რითაც თავის დროზე გამოეყვნენ „ერის“ დანარჩენ მასას, ხოლო შემდეგში სამხედრო სამსახურის პირობითაც იღებდნენ ე. წ. „საკარგავებს“²⁴.

როგორც სპეციალურ ლიტერატურაში აღნიშნულია, ქრისტიანობის ოფიციალურ რელიგიად გამოცხადება ქართლში აზნაურთა აღმავალი ფეოდალური კლასის დიდი გამარჯვება იყო. წარმართული სატაძრო მფლობელობის სეკულარიზაციის შედეგად (მონური შრომის გამოყენების არეალი შეიზღუდა. რითაც მონათმფლობელური წარმოებით ურთიერთობას მიიშველარცხი უნდა განეცადა) ცენტრალური ხელისუფლების ხელში თავისუფალი მიწების დიდი ფონდი აღმოჩნდა, რომელიც უმთავრესად აზნაურებზე იქნა, სამხედრო სამსახურის პირობით. გაცემული. აზნაურთა მიწათმფლობელი ფენა ამ დიდი მნიშვნელობის ღონისძიების შედეგად საკმაოდ მოლონიერებულა და მალე საეკლესიო ხასიათის მშენებლობებს

24 ს. კაკაბაძე „საკარგავს“ „კარგვა“-დან წარმოშობილად მიიჩნევს. „კარგვა“, მისი აზრით, სამხედრო შინაარსისაა და რიგში ან მწყობრში გასვლას ნიშნავდა, ხოლო აქედან წარმოებული „საკარგავი“—მწყობრში სამსახურისათვის დაწესებულ სარგოს. იხ. მისი, ვახტანგ გორგასალი, თბილისი, 1959, ვვ. 44—45.

შესდგომა (ქრისტიანულ ეკლესიაში კლასობრივი მოკავშირე დაუნახავს). და რაც განსაკუთრებით საყურადღებოა, მამულე-ზიც ეკლესიებისათვის აზნაურებსავე გაუჩენიათ²⁵.

ერისმთავრობის ხანა ქართლში აზნაურთა სწრაფი სოციალური დაწინაურებით აღინიშნა. აზნაურობა თავისი შემადგენლობით და მდგომარეობით ერთგვაროვანი მასა არ ყოფილა. შთამომავლობით აზნაურები „ნათესავით აზნაურებად“ იწოდებოდნენ²⁶. მსახურეულ აზნაურებს კიდევ მეფის აზნაურებს ეძახდნენ. აზნაურების დამოკიდებულება მეფეზე, მთავარზე ან ერისთავზე, საერთოდ, „შვილის“ (ყმის), დამოკიდებულება „უფალზე“ (პატრონზე) „წინაშედგომით“ და „საკუთარით“ აღინიშნებოდა²⁷. „საკუთარად“ უფალთან განსაკუთრებით დაახლოებული, და მისანდობელი პიროვნება იწოდებოდა „წინაშემდგომელთაგან“²⁸.

პროფ. ილ. აბულაძის ეტიმოლოგიით, „საკუთარი“ ნაწარმოებია კუთ-ფუძისაგან, რომელიც, თავის მხრივ, კუეთ-ფუძისაგან ამოდის („საკუთ-არი“ „სა-კუეთ-არი“) და მოაქვს

25 აკად. ს. ჭანაშაის ის სოფლები, რომლებიც აზნაურებს „ვიორგა წმიდისა“ და „სტეფანე წმიდის“ ეკლესიებს „დიამოთაულეს“. სწლოვად სამართლიანად, გაშენებულ აზნაურთა საადგილ-მ.მულო ფინდიან ეკულება გამოყოფილი. იხ. ს. ჭანაშაი, შრომები, I, გვ. 286.

26 იხ. გრიგოლ ხანძთელის ცხოვრება, გვ. 71; და ცხოვრება საბ. პალესტინელისა, კ. კეკელიძე, კიმენი, II, 1946, გვ. 216.

27 ადრეფეოდალურ ხანაში მფარველობით ნიდავზე წამ-შობილა ფეოდალური დაქვემდებარების ტერმინი უნდა ყოფილიყო „მოკიდებულ“-ც. იხ. ნ. ბერძენიშვილი, „მოკიდებულ“-სათვის, მიმოშობილელი, I, 1949.

28 „წინაშემდგომელი“ გარსებობებული მიძლეობა. (ამავე მნიშვნელობით ნათარგმნ ძეგლებში იხმარება „გარემდგომარე“-ც). იოანე მთაწმიდელის შესახებ მის „ცხოვრებაში“ წერია, რომ იგი იყო „დიდებული და წარჩინებული და საჩინო მთავართა შორის დავით კურაპალატისათა.. ფრად საყურელი და საკუთარი კეთილად ხსენებულისა დავით კურაპალატისაჲ“. იხ. ცხოვრება იოანესი და ვფთვიმესი, 1946, გვ. 15—16.

ამავე თხზულებაში სხვაგან (გვ. 50) წერია: „ეჟმთა რომანოზ შეფისათა, დიდად წარჩინებულ იქმნა გიორგი წინ.შე რომანოზ მეფისა და დიდად საკუთარ და პატიეცემულ“.

თავისი მნიშვნელობა: გამოკვეთა, გამოყოფა. გამორჩევა. განთვისება, განჩემება და სხვა²⁹.

ყველა უფალს ჰყავდა თავისი „წინაშემდგომელი“ და „საკუთარნი“. ასეთი უფალი, თავის მხრით, უფრო ძლიერი ხელისუფალის (მამაუფალი) „წინაშემდგომელი“ და „საკუთარი“ იყო³⁰.

„საკუთარი“, როგორც „მფარველობით“ ურთიერთობაში მყოფი „შვილის“ სახელი, ჯერ კიდევ, „შუშანიკის წამებაში“ იხმარება:

„ჰრქუა ვინმე პიტიახშა საკუთარმან მისმან“³¹.

„სერაპიონ ზარზმელის ცხოვრებით“ ჩანს წინაშემდგომელთა“ და „საკუთართა“ დამოკიდებულების ერთი მხარე თავიანთი უფლის მიმართ. მათი მოვალეობა „დიდი მთავრის“ ხლება, მის ამაღლებაში ყოფნა: თხზულებაში ისინი „მთავრებად“ არიან წოდებულნი, მხოლოდ, როგორც „საკუთარნი დიდისა მის მთავრისანი“.

„საკუთარნი“ „წინაშემდგომელთა“ შედარებით უფრო ვიწრო წრედ გამოიყურება.

ყველა ნიშნით, ეს „მთავრები“ „დიდი მთავრის“ („მამაუფლის“) „მფარველობაში“ შესული „შვილები“ არიან. ამრიგად, „წინაშემდგომელი“ და „საკუთარი“ წარჩინებულთა საზოგადოების შიგნით არსებული „მფარველობითი“ დამოკიდებულების ტერმინებს წარმოადგენდნენ.

აზნაურებზე დაბლა მხედრები და მსახურნი იდგნენ. საერთოდ, ადრეფეოდალურ ხანაში ისინი გარდამავალ საზოგადოებრივ ფენას შეადგენდნენ. მხედრები მუდმივ სამხედრო სამსახურში მყოფი მოლაშქრეები იყვნენ, მსახურებს კი გამოყე-

²⁹ ილ. აბულაძე, ძველი ქართულის ლექსიკიდან, ხელნაწერთა ინსტიტუტის მოამბე, I, თბილისი, 1959, გვ. 165—166.

³⁰ „უფალნი ესე ჩემნი დიდებულნი არიან და საკუთარნი მეფისანი“. კიშინი, I, გვ. 78.

³¹ შუშანიკის წამება, ილ. აბულაძის გამოცემა, 1938, გვ. 26.

ნება უმთავრესად სამოქალაქო ცხოვრების სფეროში ჰქონდათ³².

ფეოდალური ურთიერთობის განვითარების თვალსაზრისით უმთავრესი მნიშვნელობა მაინც „ერში“ მიმდინარე, სოციალურ-ეკონომიურ პროცესებს ჰქონდათ. ახალი ურთიერთობის წარმოქმნა ქართლში „ერის“ ხანგრძლივი ფეოდალიზაციის შედეგი იყო. ჩვეულებრივ ფიქრობენ, რომ „ერზე“ ჯნდა იყოს საუბარი სტრაბონის ცნობაში მესამე გენეს („მიწისმოქმედნი და მეომარნი“) შესახებ. სტრაბონის დროს „ერი“. ჯერ კიდევ, მეტ-ნაკლებად ერთგვაროვან თავისუფალ მასას წარმოადგენდა („ყოველი ერი“), თუმცა, როგორც აკად. ს. ჯანაშია შენიშნავდა, შემდგომი სოციალურ-ეკონომიური დიფერენციაციის გზაზე იყო შემდგარი³³.

ქვეყნის შემდგომი ეკონომიური დაწინაურების პირობებში საზოგადოებრივი წინსვლა ამ პროცესის გაღრმავება-განვითარების ნიშნის ქვეშ მიმდინარეობდა. ამ განვითარების შესაბამის იყო „ერის“ სოციალური ტერმინოლოგიაც. ქართული ისტორიული წყაროებით³⁴ მონათმფლობელური ქართლის საზოგადოებრივი ცხოვრების სარბიელზე ეს ფენა „ერი“³⁵ ან „ყოველი ერის“ სახითაა გამოყვანილი. გამოთქმა „ყოველი ერი“ ამ საზოგადოების შინაგანი დიფერენციაციის განვითარ-

32 ბატონყმურ საქართველოში „მსახურებს“ სამსახურის გარდა ლაშქრობაც ჰქონდათ დაკისრებული, გარდა იმისა, რომ მიწათმოქმედებასაც ეწეოდნენ.

33 ს. ჯანაშიას აზრით. უკვე I ს. დამდეგს ჩვენს ერამდე „ერის“ „მეომარსა“ და „მიწათმოქმედ“ ფენას შორის ეკონომიურ ნიადაგზე ერთგვარი ბზარია გავლებული.

34 მართალია, ეს წყაროები მოგვიანო ხანისაა. მაგრამ მათში ძირითადად სწორადაა ასახული ეპოქის ვითარებით გამოწვეული ტერმინოლოგიური ცვლილებები.

35 ლეონტი მროველთან ეს „ერი“ („ერი ქართლისა“) ზოგჯერ საზოგადოების წარჩინებულ ნაწილსაც ნიშნავდა. იხ. ქართლის ცხოვრება, I. 57.

რების მაჩვენებელია³⁶. თუმცა ჯერ კიდევ შესაძლებელი ყოფილა მისი სხვადასხვა სოციალური ჯგუფების ერთგვარ მთლიან მასად წარმოდგენა.

მაგრამ უკვე V საუკუნისათვის იხსენიება „წერილი ერი“, რომელიც წარჩინებულებისაგან მკვეთრად განსხვავებულ პოზიციაზე დამდგარა ზოროასტრიზმთან დამოკიდებულების საკითხში. ჟუანშერს ეს საყურადღებო ფაქტი ქართლში ირანის რელიგიური პოლიტიკის პროპაგანდისტ ბინქარან ეპისკოპოსის საქმიანობასთან დაკავშირებით აქვს ნახსენები³⁷.

„ბინქარან, ეპისკოპოსი ცეცხლის-სამსახურთა, ასწავებდა ქართველთა სჯულსა თჳსსა, არამედ არავინ ერჩდა წარჩინებულთაგანი, გარნა წერილი ერი მიიქცა ცეცხლისმსახურება-სა“³⁸.

ჩანს, „წერილი ერის“ პოზიცია სარწმუნოების საკითხში კლასობრივი თვალსაზრისით ყოფილა გამოწვეული.

საყურადღებო მომენტი. საუკუნეზე მეტი ხნის წინათ, წარჩინებულებმა თავიანთი კლასობრივი მიზნებისათვის მამაპაპის რწმენას მიდევნებულ ამ ხალხს ხელი ააღებინეს თავიანთ სარწმუნოებაზე და თავს მოახვიეს ახალი რელიგია (ქრისტიანობა). თუ წარჩინებულთა წრეში მას მალე გაუდგამს მკვიდრი ფესვები, „ერში“ კი ჯეროვანი წარმატება არ ჰქონია. მაგრამ იქმნება ხელსაყრელი ვითარება და ახლა უკვე კლასობრივი საზომით „წერილი ერი“ მიუდგა რელიგიის არჩევის საკითხს: მათი მნიშვნელოვანი ნაწილი ზოროასტრიზმს ეზიარა. ჩანს, ირანის შაჰის ხელისუფლება თავის პოლიტიკაში

36 „ყოველი ერი“, ჩვეულებრივად. მთელ ქართველ ხალხს არ ნიშნავდა. მისი წიალიდან კარგა ხნის გამოყოფილი იყვნენ „ერისთავნი“ და მეფის პალატ-ბანაქის წევრები („მოქცევაჲ ქართლისაჲ“, გვ. 724, 733), „მთავრები“ (ქართლის ცხოვრება, გვ. 100, 121), „ახაუარები“ (იქვე, გვ. 135).

37 აკად. კ. კეკელიძის აზრით, ეს ბინქარან და „მოქცევაჲ ქართლისაჲს“ გლონოქორ (—ბლონქარან. კეკელიძის აღდგენით) ერთი და იგივე პირია. იხ. მისი, ვინ არის „მოქცევაჲ ქართლისაჲს“ გლონოქორ“, ეტაუდები, II, 1955. ეს უკანასკნელი, კი, როგორც წყაროში წერია: „ერისთავად-ცა იყო ბარაზბოდ პიტიახშისაგან ქართლს და ჰერეთს“. იხ. მოქცევაჲ ქართლისაჲ, გვ. 721.

38 ქართლის ცხოვრება, I, გვ. 145.

ქართლის მიმართ, ფეოდალური ურთიერთობის გზაზე დამდგარი ქვეყნის სიმტკიცის შესარყევად. კლასობრივი ბრძოლის გაღვივების ცდასაც არ აკლებდა. უფრო გვიან ირანმა თავის სასარგებლოდ მოხერხებულად გამოიყენა ქვეყნის შიგნით გამწვავებული შინაკლასობრივი ბრძოლა.

„წურილი ვრი“, როგორც აკად. ს. ჯანაშია შენიშნავდა, ზევიდან არის დარქმეული, იგი წარჩინებულთა ტერმინია „დაბალ“. „პატარა“ ხალხის აღსანიშნავად. თვით „წურილი ერი“— კი, რომელიც განაგრძობდა თავის უფლებებისათვის ბრძოლას და რომელსაც საკუთარი ჩამომავლობა კარგად ახსოვდა. თავის თავს „ერს“ ეძახოდა³⁹.

სახელწოდება „წურილი“ მაჩვენებელია „ერის“ დაშლის გარკვეული ეტაპისა. თავისი წიალიდან წარჩინებულთა საზოგადოების ინტენსიური გამოყოფის შედეგად (მთავარი, ერის-თავი, აზნაური...) ძველი „ერი“ დამცირდა, დაწვრილდა, დაქინდა. პირად თავისუფლებას ისინი ჯერ კიდევ ინარჩუნებდნენ. ადრეფეოდალურ ხანაში მატერიალური დოვლათის ძირითადი მწარმოებელი, „ერის“ ეს „წურილი“ ნაწილი („მდაბიობ-ზდაბიურები“) იყო.

„წურილი ერი“ ჩვენს მატრიანეებში ერთხელ კიდევ იჩინა თავს მე-11 ს-ში. შავშეთ-კლარჯეთში ბიზანტიელთა აგენტის დემეტრე კლარჯის ავანტიურასთან დაკავშირებით. „წურილებს“ აქაც კლასობრივი ალლოთი დემეტრე კლარჯის ბანაკისათვის მიუშურებიათ: „მოიქცეს მრავალნი კაცი მის ქუეყანისანი წურილისა ერისაგან“⁴⁰.

„უეკველია, ამ „წურილ ერს“ რაღაც რეალური ამოძრავებდა და არა ცარიელი „მემკვიდრე“ მეფე“⁴¹.

თუ მე-11 ს. ისტორიკოსის ენაზე ვახტანგ გორგასალის ხანის დაბალი ხალხი „წურილებს“ წარმოადგენდნენ, V ს. ორიგინალური ლიტერატურის ცნობილ ნაწარმოებში („შუშანიკის წამება“) მათ „უაზნონი“ ეწოდებოდათ.

39 ს. ჯანაშია. შრომები, I, გვ. 272.

40 ქართლის ცხოვრება. I, გვ. 292.

41 ნ. ბერძენიშვილი. კლასობრივი და შინაკლასობრივი ბრძოლის გამოვლინება საქ. საგარეო-პოლიტიკურ ურთიერთობაში, გვ. 170.

„უაზნო“ „აზნაურის“ საპირისპირო ცნება და ტერმინი იყო, ე. ი. აზნაურობას მოკლებული, არა წარჩინებული⁴². ეს ტერმინი თამარის მეორე ისტორიკოსის თხზულებაშიაც იხმარება: „გვართა არა უაზნო“, ე. ი. პირველი ისტორიკოსის ენაზე რომ ვთქვათ—არა „უგვარო“.

იაკობ ხუცესის თხზულებაში „უაზნონი“⁴³ დაბალი მასის სხვადასხვა სოციალური ჯგუფების აღმნიშვნელი ზოგადი ტერმინია. პირადად ეს ხალხი თავისუფალი უნდა ყოფილიყო (ტექსტში „აზნაური“ ტექნიკურ სოციალურ ტერმინს წარმოადგენს) მაგრამ წარჩინებულთა მდგომარეობასა და უფლებებს მოკლებულია.

„წურილი ერი“ და „უაზნონი“ ადრეფეოდალურ ხანაში ზოგადი ტერმინები იყო თავისუფალ „ქუეყანის მოქმედთა“ ფენის აღსანიშნავად. ამ მნიშვნელობით იხმარებოდა აგრეთვე „მცირენი“ და „ცოტანი“. „წურილი“. „მცირე“. „ცოტა“ სრულ სემანტიკურ და სოციალურ შესატყვისებს წარმოადგენდნენ.

მაგალითად: „ყოველთა კაცთა, დიდთა და მცირეთა“⁴³; „ლალატსა რასამე ვერვინ დიდთა ანუ მცირეთაგანი იკადრებდა მოგონებადცა“⁴⁴;

„დიდთა და წვრილთა წყალობა“; „დიდსა და წვრილსა ყველასა ცრემლი სდის“⁴⁵;

„უკადრი შეცოდებისა დიდთა და ცოტათაგან“⁴⁶;

42 უკანასკნელი გამოთქმა ლეონტიძისაა. ქართლის ცხოვრება, I, გვ. 31.

43 ბატიაძე ქართლისა, ქართლის ცხოვრება, I, გვ. 276.

44 დავით აღმაშენებლის ისტორიკოსი, ქართლის ცხოვრება, I, გვ. 335.

გელათის სახარების მნ:წერში ლიპარიტ ყოფილი ერისთავი ამბობს: „ესე წიგნი ვინ გამახვენეს კაცისა ეკლესიასა ანუ შვილმან ჩემმან, ანუ დიდებულმან ანუ მცირეებულმან. ანუ რამანცა გვარმან კაცისამან...“.

იხ. Г. Е. Церетели, Полное собрание надписей, Москва, 1891, გვ. 49.

45 შ. რუსთაველი, ვეფხისტყაოსანი, თბილისი, 1951, 49,2; 1582,3.

46 ლაშა გიორგის დროინდელი მემკვიდრე, ქართლის ცხოვრება, I, გვ. 367.

„რაოდენიცა თქვენ ჩემსა სახლში არ იხილენით და არც თქვენმან თუალმან არა ნახა, იმის მეტი არა მყვანდეს, არც დიდის კაციშვილი და არც ცოტასი“⁴⁷.

მაგრამ აღნიშნულ სახელებს უმთავრესად მაინც სოციალური ვლფერი ქჷონდათ (ეს მათი მეორეული მნიშვნელობაა), ზოლო ტექნიკურ სოციალურ ტერმინს ამ საზოგადოებისათვის „მდაბიო“ („მდაბიური“) წარმოადგენდა. „მდაბიოს“ დამკვიდრება ხმარებაში „ერის“ მნიშვნელოვანი ნაწილის დაშლისა და გაქრობის მაჩვენებელი იყო. „მდაბიურები“, სასოფლო თემებში გაერთიანებული მიწის მუშათა საზოგადოების სახით, უკანასკნელი ნაშთი იყო ძველი „ერისა“. მაგრამ ეს მნიშვნელოვანი სოციალური პროცესი ამით არ დასრულებულა. ქვეყნის შემდგომი განვითარება ამ „წერილებს“, „მდაბიურებს“ ყმობის უღელში აბამდა და სრული თავისუფლების დაკარგვის ყამიც ახლოვდებოდა.

მაგრამ ფეოდალური საზოგადოებრივი ურთიერთობის განვითარების გზაზე შემდგარ ქვეყანას მალე დიდი დაბრკოლება გადაეღობა არაბების სახით.

არაბები ქართლში პირველად მე-7 ს. 40-იან წლებში გამოჩნდნენ, მაგრამ ეს მარბიელი ლაშქრის თარეში უფრო ყოფილა. ქართველებს ისინი მაშინ ადვილად გაურეკიათ. 50-იანი წლებიდან კი არაბებმა შედარებით მკვიდრად მოიკიდეს ფეხი ქვეყანაში. ამ ხანებს ეკუთვნის ბალაძორთან დაცული ე. წ. „დაცვის სიგელი“, რომლითაც დამპყრობელ-დამპყრობილის ურთიერთვალდებულებანი იყო განსაზღვრული.

ამ „სიგლის“ მეორე მუხლის თანახმად, ქართველებს ხარკის სახით უნდა გადაეხადათ ჯიზიათი—პირადი გადასახადი კომლის თავზე. VIII ს-ში ქართლის მოსახლეობა არაბებს უხდოდა უკვე ხარაჯასაც (გადასახადი მიწაზე). საერთოდ, არაბთა ბატონობის მთელი სიმძიმე ქართლის მოსახლეობამ

47 ახალი ქართლის ცხოვრება, ქართლის ცხოვრება, ს. ყაუხჩიშვილას გამოც., II, 1959, გვ. 351. ამავე ტექსტში გვხვდება „წერილი კაციც“, გვ. 345.

VIII ს. იგრძნო⁴⁸. საარაბო ხარკით გატანჯული ხალხის გულისტკივილს მოსთქვამდა იოანე საბანისძე: „ვართ მორწმუნენი მძლავრებასა ქვეშე დამონებულ და ნაკლულევანებითა და სიგლახაკითა შეერულნი, ვითარცა რკინითა, ხარკსა ქვეშე მათსა გვემულნი და ქენჭნილნი, ძვირძვირად ზღვეულნი“.

სომხეთის მაგალითზე უნდა ვიფიქროთ, რომ არაბული ხარკისგან ქართლის საზოგადოების არც ერთი ფენა არ ყოფილა განთავისუფლებული, მაგრამ, რაც არ უნდა ყოფილიყო, წარჩინებულთა წრისათვის იგი მაინც უფრო ასატანი იქნებოდა, ვიდრე მატერიალური დოვლათის მწარმოებელი საზოგადოებისათვის. ამის გამო იყო, რომ „დამპყრობელმა ქართულ საზოგადოებაში რამდენადმე მაინც მნიშვნელოვანი დასაყრდენი ვერ გაიჩინა და მას თავისი ბატონობის განხორციელება შიშველი ძალით-და უხდებოდა“⁴⁹.

VIII ს. 20-იან წლებში დამპყრობელმა რამდენჯერმე ააოხრა ქართლი, მაგრამ ქვეყნის დამშვიდება მაინც ვერ შეძლო. ასეთ ვითარებაში ხალიფატიდან ქართლში დიდი ჯარით მოვიდა არაბთა სარდალი მურვანი (736—738 წწ.). მას აჯანყების ცეცხლით მოცული ქვეყნის სამაგალითო დასჯა ჰქონდა დავალებული.

„მოვლო ყრუმან ყოველი კავკასია, და დაიპყრა კარი და რიელისა და დარუბანდისა, და შემუსრნა ყოველნი ქალაქნი და უმრავლესნი ციხენი ყოველთა საზღვართა ქართლისათა“⁵⁰.

ქართლი არაბთა ამ შემოსევის შედეგად ისე დაზარალე-

48 როგორც აკად. ს. ჯანაშია შენიშნავდა: „არაბულ ხარკს უნდა შეეტანა გაცილებით უფრო ღრმა რღვევა ცალკე ეკონომიურ ჯგუფებში, ვიდრე ეს ხდებოდა წინათ“. იხ. მისი, არაბობა საქართველოში, შრომები, II, 1952, გვ. 393.

49 საქართველოს ისტორიის შაკეტი, I, გვ. 110.

50 ქართლის ეხოვრება, I, გვ. 234.

ბულა, რომ იქ, როგორც ამბობს ისტორიკოსი: „არღარა იპოვებოდა ნაშენები, არცა საქამადი კაცთა და პირუტყვთა“⁵¹.

არაბთა ბატონობის მძიმე შედეგები ქვეყნისათვის მეტი შთამბეჭდავი ძალით გადმოსცა იოანე საბანისძემ თავის „აზოთბილელის მარტილობაში“.

„არაბობა“, როგორც დაბალი საზოგადოებრივი ურთიერთობა, აფერხებდა ქვეყნის საწარმოო ძალების განვითარების საქმეს, მაგრამ გამოუსწორებელი ზიანის მიყენება საქართველოსათვის მან ვერ შესძლო. ფეოდალური ქართლის საზოგადოებრივი ორგანიზმი მტკიცე აღმოჩნდა და მან გაუძლო მძიმე განსაცდელს. ამას ახლა ხელს უწყობდა ფეოდალურ ნიადაგზე არაბთა უზარმაზარი ცენტრალური სახელმწიფოს თანდათანობითი დაშლა. IX საუკუნიდან ხალიფას მორჩილებიდან იწყეს გამოსვლა პროვინციელმა მოხელეებმა, რომელთა შორის თბილისის ამირები განსაკუთრებით აქტიურობდნენ. მიუხედავად ცენტრალური ხელისუფლების მრავალგზისი ცდისა (მებრძოლთა სხვადასხვა ბანაკში აღმოჩნდნენ ადგილობრივი მთავრებიც), საუკუნის დამლევისათვის თბილისის ამირებმა ფაქტიურ დამოუკიდებლობას მიაღწიეს.

თბილისის საამიროს ამირიდან მის გარშემო წარმოქმნილ ქართულ სამთავროებთან ჰქონდა საქმე⁵².

არაბთა ბატონობამ ქართლის გაბატონებული საზოგადოების შიგნით ძალთა ახალი განლაგება, გადაჯგუფება გამოიწვია. მოძალადეთა რეპრესიების შედეგად ქართლის უძველეს არისტოკრატთა არა ერთი სახლი დაიმხო და მოიშალა. მათ ადგილზე სხვები მოდიოდნენ. საზოგადოებრივი ცხოვრების სათავეში ახალი ჯგუფები და ძალები მოექცნენ.

51 ქართლის ცხოვრება, I, გვ. 239.

52 აკად. ნ. ბერძენიშვილის განმარტებით, „არაბთა ერთიანი სახელმწიფოს ფეოდალური დაშლა ეს იყო დაპყრობილ კულტურულ ხალხთა გაპარჯება. იმდროინდელი საზოგადოებრივი ვითარებისათვის შეუფერებელის და ამდენადვე ქვეყნის წინსვლის შემაფერხებელი ორგანიზაციის დამსხვრევა და კულტურულ ხალხთა შემოქმედებითი ძალების განთავისუფლება“. იხ. ნ. ბერძენიშვილი, ძველი თბილისის ტოპონიმიკიდან, მომზდილელი, II, 1951, გვ. 40.

ცვლილება მოხდა ქართლის ფეოდალური სახელმწიფოს ორგანიზაციის თვალსაზრისითაც.

VI ს. დამლევს, როდესაც ქართლში ერისმთავრობა დაწესდა, ერისთავის მკვიდრობა საერისთავო ქვეყანაზე მომხდარი ფაქტი იყო. ქართლის ერისმთავარიც იძულებული გახდა შექმნილ მდგომარეობას შერიგებოდა და ფეოდალური მორჩილების საფუძველზე თავის „განმაჩენელთა“ „ხელმწიფობა“ გცნო. კრეალობის ვითარების გვიანი გამოხატულება იყო ის რეფორმა, რომელსაც ჯუანშერი არჩილს მიაწერს (VIII ს. 40—50-იანი წლები). ქვეყნის ნახევარი არჩილს სამეფო საკუთრებაში დაუტოვებია, ხოლო დანარჩენი ქართლი ერისთავებში გაუნაწილებია, „მკვიდრად და სამამულოდ“ აქ საინტერესოა ის გარემოება, რომ ერისთავები, ძირითადად, თავიანთ საგამგეო ქვეყნებს ღებულობენ უკან, მხოლოდ, ახალ საფუძველზე (საშვილიშვილოდ) თითქოს. მაგრამ ერისთავებსა და მათ მეთაურს შორის წარმოქმნილ ამ ურთიერთობას გაცილებით დიდი ხნის წარსული ჰქონდა. „შაჰისა და კეისრის ე. წ. „მკვიდრობის სიგლების“ წყალობით. გამოდის, რომ ერისმთავრები ქართლის მეფეების პოლიტიკას არ ეხსნებოდნენ (ტყუილად როდი აცხადებდა თავმოწონებით ერთ-ერთი ამათგანი: „მე მეფეთა საყდართა ვზიო“) და ერისთავების სრულ მორჩილებაში მოყვანას ცდილობდნენ. |

არჩილის რეფორმები ერისთავთა თვალსაზრისით მათი პრეტენზიების დაკმაყოფილების „კანონიერი“ საშუალება უნდა ყოფილიყო. ამის გამო, ადვილი შესაძლებელია, რომ XI ს. ისტორიკოსს ამ შემთხვევაში თავის თხზულებაში მართლაც ერისთავთა წრეში შექმნილი ლეგენდა ჰქონდეს შემოტანილი. ერთი კი ცხადია, რომ VIII ს. შუა ხანებში ქართლის ფეოდალური სახელმწიფო ერისმთავარსა და ერისთავებს შორის არსებული სამამულო ურთიერთობის ამ პრინციპზე მოეწყო. თავის მხრით, ხელმწიფე—ერისთავებს (მთავრები) გარშემო ჯგუფდებოდნენ სხვა მცირე მფლობელები („მამაუფალს“ „შვილებად“ ეწყნარებოდნენ). თანდათან მთელი ქართლი სამთავროებით მოიფინა, რომლის ორგანიზაციის სურათი აკად. ნ. ბერძენიშვილს ასე აქვს მოცემული:

„მცირე მთავარი“ თავისი სასახლით, ციხით და მიტაცებული-მითვისებული მიწებითა და დაბა-სოფლებითურთ უფრო ძლიერი მფლობელის, „დიდი მთავრის“ „მფარველობაში“ შედიოდა. ეს მცირე მთავრები ამიერიდან „დიდ მთავარს“ „ახლდნენ“, მის ამაღას შეადგენდნენ. იქმნებოდა სოციალ-პოლიტიკური ორგანიზაცია, საკმაოდ ძლიერი იმისათვის, რომ წარმატებით გამკლავებოდა როგორც საკუთარ გლეხობას კლასობრივ ბრძოლაში, ისე მეზობელი მთავრის მტაცებლურ ზრახვებს“⁵³.

ქართლის დაყოფა მრავალრიცხოვან სამთავროებად ქვეყნის სოციალურ-ეკონომიური განვითარების დონის შესაფერი პოლიტიკური ფორმა იყო. ქვეყნის შემდგომი წინსვლა ამ სამთავროების უფრო მსხვილ პოლიტიკურ ერთეულებად გაერთიანების საკითხს აყენებდა, რაც საბოლოოდ ფეოდალური ქართლის სრული გაერთიანებით უნდა დამთავრებულყო.

როცა IX ს. დაძლევს არაბებმა ქართლის ერისმთავრობა მოსპეს, ქვეყნის განაპირა მხარეებში, მსხვილი გაერთიანებების სახით უკვე არსებობდნენ კახეთის, ჰერეთის, აფხაზეთისა და ტაო-კლარჯეთის სამთავროები. ქართლის დაუფლება-დაპატრონების სურვილს ყველა ამათგანი იმთავითვე იჩენდა. გამწვავებული კლასობრივი და შინაკლასობრივი ურთიერთობის პირობებში სამთავროებს შორის დაიწყო ბრძოლა ქვეყნის გაერთიანებისათვის.

განვლილ დროში ფეოდალური წყობილება კიდევ უფრო განმტკიცდა. ქვეყანა საზოგადოებრივი განვითარების მაღალ საფეხურზე შედგა. საზოგადოების ფეოდალური ნაწილი ახლა უკვე მთლიანად აზნაურებისაგან შედგებოდა. „აზნაურმა“ თავისი მნიშვნელობით დაფარა „წარჩინებული“ და ამიერიდან მას მხოლოდ ზოგადი სოციალური მნიშვნელობა დაუნარჩუნა. აზნაურობა უკვე აღარ იყო ერთი მთლიანი ფენა. აზნაურთა ცალკე სოციალურ ფენად ჩამოყალიბების პროცესში იყვნენ ე. წ. დიდი, ანუ დიდებული აზნაურები.

53 ნ. ბერძენიშვილი, ფეოდალური ურთიერთობის გამარჯვება საქართველოში, საქ. ისტორია, I, დამხმარე სახელმძღვანელო, გვ. 120.

„დიდებულისა⁵⁴ აზნაური“, როგორც სახელწოდებიდან ჩანს, ჯერ კიდევ აზნაურთა საერთო წრეს და წოდებას ეკუთვნოდა. „გრიგოლ ხანძთელის ცხოვრებაში“ ვრთ-ერთ ასეთ „დიდ აზნაურს“ ზოგჯერ მარტო „აზნაური“ ან „აზნაური მეფისაჲ“ ეწოდება.

„დიდებულის აზნაურები“ IX—X სს. აზნაურთა უმაღლეს კატეგორიას შეადგენდნენ. ყმა-მამულის სივრცე-სიძრავლით ეს ჯგუფი უძლიერესია⁵⁵.

უნდა აღინიშნოს, რომ IX საუკუნიდან, ე. ი. ახალი ფეოდალური სამთავროების წარმოშობის დროიდან, „მთავრის“ ადგილი თანდათან „დიდებულმა აზნაურმა“ დაიკირა (ეს, ცხადია, სამთავროების მეთაურებს არ ეხებათ, არამედ მათ მოკიდებულ-წინაშემდგომელთ) სხვანაირად, წარმოუდგენელიც იყო. საქართველოს გაერთიანების დიდი პროცესი ამ მომრავლებულ ხელმწიფე-მთავართა უფლებების შეზღუდვით დარწყო.

მაგრამ „დიდებულმა აზნაურმა“ (შემდეგში „დიდებულმა“). ვერ შესძლო „მთავრის“ ხმარებიდან სავსებით განდევნა⁵⁶. ერთი მხრით. ეს, ალბათ, ტრადიციის შედეგი იყო, მეორე მხრით, გამოწვეული იმითაც, რომ ახალ ტერმინში ძველის

54 ე. ი. „დიდების“ მქონე. „დიდება“ ეწოდება მეფის მიერ აზნაურისათვის თანამდებობის მინიჭებას და ამ თანამდებობასთან დაკავშირებული ყმა-მამულის წყალობას (ნ. ბერძენიშვილი).

55 თუ რაზე იყო დაფუძნებული „დიდობა-დიდებულება“ ფეოდალურ ქვეყანაში, კარგად ჩანს „სურაპიონ ზარზმელის ცხოვრებიდან“. იქ ნათქვამია: „იყო ვისმე მთავარ დიდი და წარჩინებული ქვეყანასა ამასა, რომელი ყოველთა მამატდა სიმდიდრითა და სიმრავლითა ერთა და აგარაკთაჲთა, რომელთა სივრცე საზღვრთვრცელ და მრავალ იყო“. იხ. კ. კეკელიძე, ადრინდელი ფეოდალური ლიტერატურა. 1935, გვ. 154.

56 „გრიგოლ ხანძთელის ცხოვრებაში“ „მთავარი“ „დიდებულის აზნაურის“ მნიშვნელობით და გვერდით იხმარება. „გიორგი მთაწმინდელის ცხოვრებაში“ „მთავარი“, ასევე, „დიდებულის“ პარალელურ სინონიმს წარმოადგენს. მსგავსი სურათია „იოანეს და ექვთიმეს ცხოვრებაში“, დავით აღმაშენებლის ისტორიკოსის თხზულებაში და სხვა ისტორიული თუ ლიტერატურული ხასიათის დოკუმენტებში. ჩანს, თვით ფეოდალური მონარქიის ძლიერების ხანაში ტერმინი „მთავარი“ არ კარგავდა სიციცხლისუნარიანობას, რაც რეალური ვითარების ანარეკლი იყო უთუოდ.

ცნება და შინაარსი სავსებით არ მომკუდარა (ეს დიდებულებო ყოველთვის იჩენდნენ მისწრაფებას გახელმწიფებისაკენ).

აზნაურთა დანარჩენი ფენი საკმაოდ მრავალრიცხოვანი იყო. მათი სოციალური მდგომარეობა წარმოშობით, კუთვნილებით, ქონებრივი შეძლებით და სამოხელეო თანამდებობით იყო განსაზღვრული. აზნაურთა ეს ნაწილი უმთავრესად „მემამულე“ და „მოსაკარგავე“ აზნაურებად განიყოფოდა. „მემამულეს“ (resp. „ნათესავით აზნაური“) მემკვიდრე, შთამომავლობით აზნაურებს ეძახდნენ. „დიდებული აზნაურები“ უმთავრესად, სწორედ, „მემამულე აზნაურები“ იყვნენ. „მოსაკარგავედ“ კიდევ მეფის მსახურეული აზნაურები იწოდებოდნენ. მსახურეულ აზნაურებს წარმოადგენდნენ „ტაძრეულებიც“. საკუთარი აზნაურები ჰყავდათ აგრეთვე ეკლესიამონასტრებს და დიდებულ აზნაურებსაც. აზნაურების უმთავრესი მოვალეობა პატრონის წინაშე ლაშქრობა და საპატიო სამსახური იყო, რომლის შეძლების საფუძველი საკუთარი მამული და პატრონისაგან მიღებული „საკარგავი“ იყო. მემამულეობის თვალსაზრისით ისინი უმთავრესად წვრილი მფლობელები არიან. მცირეა მათი ყმებისა და გლეხების რიცხვიც.

საქართველოს ეკონომიური აღმავლობა და ქვეყნის სამხედრო ძლიერების ზრდა აზნაურთა რიგების გამრავლებას ხელს უწყობდა. აზნაურთა წრეში გაჩნდა პროფესიულ რაინდ-მოლაშქრეთა გარკვეული ჯგუფი, ე. წ. „აზნაური ჰაბუკები“-ისინი პატრონის (მეფე, ეკლესია, დიდებული) „ყმებად“⁵⁷ ითვ-

57 აქედანაა ნაწარმოები „მოყმე“, რომელიც XI—XII სს. მხატვრული ლიტერატურაში ჩვეულებრივია რაინდის მნიშვნელობით, მაგრამ, ყოფილა „მეყმეც“, ყმათა მფლობელის აზრით, როგორც ამას ფიქრობს აკად. კ. კეკელიძე. იხ. მისი, ადრინდელი ფეოდალური ლიტერატურა, გვ. 9. პატ. აკადემიკოსს მხედველობაში აქვს სინას მთის ხელნაწერი № 74 (ა. ცაგარელის მიხედვით VII.I—IX საუკუნეებისა), სადაც ეს სიტყვა ასეთ კონტექსტში იკითხება „მთავარნი ერისანი და მეყმენი, მონანი და მსახურნი მისნი“. იხ. А. Цагарели, Памятники грузинской старины в Святой земле и на Синае, православный палестинский сборник, т. IV, вып. 1-1888, გვ. 229. მაგრამ თუ „მეყმეს“ მნიშვნელობა აკად. კ. კეკელიძეს ორიგინალთან შედარებით არ აქვს გამორკვეული, სავსებით შესაძლებელია, ეს

ლებოდნენ. ამ მოყმე-ქაბუკთა ძირითადი მოვალეობა ლაშქრობა იყო. საპატიო სამსახურში ეთვლებოდათ მათ აგრეთვე ჩეფის თუ დიდებულთა ამაღლაში ყოფნა, სხვადასხვა სახის შეჯიბრებებში (ფალავნობა) და გართობა-ნადირობებში მონაწილეობის მიღება. სანამ საქართველო აღმავლობისა და ძლიერების გზით მიდიოდა, კიდევ იყო ამ აზნაურ-მოლაშქრეთა ფენის შენახვისა და ერთგვარი ზრდის საშუალება. როგორც ამბობს „ამირანდარეჯანიანის“ ავტორი, შეიძლებოდა კაცი „ქაბუკობით გაკეთებულიყო“.

ცენტრალური ხელისუფლება ცდილობდა წვრილ ფეოდალთა ამ სამხედრო-მსახურეული ფენის გამრავლებას და თავისთვის დანარჩუნებას. მოლაშქრეთა თავისუფალ მწარმოებელთა ფენისაგან განსხვავებით, ისინი მატერიალური დოვლათის შექმნაში მონაწილეობას არ იღებდნენ. საერთოდ, ლაშქრობა-რბევას მიდევნებულნი და პატრონის წყალობის შემყურენი (არც თავიანთი გლეხების გატყავებას თავილობდნენ) მოხეტიალე ცხოვრებას ეწეოდნენ და სამეურნეო უნარს არ იჩენდნენ.

განვლილი პერიოდი დიდი ცვლილებებით აღინიშნა თავისუფალ მწარმოებელთა ფენაშიც. კიდევ უფრო ინტენსიური გახდა მეთემეთა დაყმევების პროცესი. მეურნეობის განვითარებისა და მიწაზე კერძო საკუთრების განმტკიცების შედეგად თემი იშლებოდა. გამდიდრებულ-გაძლიერებული მეთემეები სულ უფრო შორდებოდნენ „ძმობის“ დანარჩენ წევრებს და სოციალური მდგომარეობის უფრო მაღალ საფეხურზე ინაცვლებდნენ. უმრავლესობა კი „პატრონების“ (მეფე, ეკლესია, აზნაური) ხელში ექცეოდნენ და „ყმის“ შესაფერი ვალდებულებებით იტვირთებოდნენ. დაყმევებულ მდაბიურებს ლაშქრობა და სამსახური ემართათ, გარდა იმისა, რომ თავისუფალ დროს მიწათმოქმედებასაც მისდევდნენ.

IX-X სს. ყმათა ამ მწარმოებელი ფენის მნიშვნელოვანი ზრდის შედეგად, მატერიალური დოვლათის ძირითადი შემ-

ლიტერატურა ტექსტში საწინააღმდეგო მნიშვნელობითაც გავიგოთ, ე. ი. როგორც პატრონყმური ურთიერთობის უმცროსი კონტრაგენტები (ვასალები).

ქმნელნი ისინი გახდნენ. მდაბიურები, როგორც ყმები, პატრონყმური ურთიერთობის უმდაბლეს საფეხურზე იდგნენ. გამორიცხული არ იყო „ვარგი და საცნაური“ ყმის დაწინაურება, გააზნაურებაც, ლაშქრობა-სამსახურის შეძლების მიხედვით. მაგრამ უმრავლესობა გაუთავებელი ომებისა და სხვა მძიმე საპატრონო მოვალეობისაგან ეკონომიურ და სოციალურ დაქვეითებას განიცდიდა. განვითარებული ფეოდალიზმის ხანაში ყმათა ამ მწარმოებელი ფენის სოციალური განვითარება, სწორედ, ამ მიმართულებით წავიდა.

დაყმევებული მდაბიურები თავისუფალი მიწის მუშათა საზოგადოების უკანასკნელი ნაშთი იყო პატრონყმური ურთიერთობის ხანაში. წყაროებში მათ, ჩვეულებრივ, „აზნაურის ყმები“ ეწოდებათ. „აზნაურის ყმა“ იყო წარმოშობით გიორგი III-ისა და თამარის მსახურთ-უხუცესი აფრიდონი. ლაშა გიორგის დროინდელ მემატიანეს აღნიშნული აქვს, რომ თამარის ზეფობაში ისე მდიდარი იყო მისი სამეფო, რომ „აზნაურის ყმანი მათთა პატრონთა სწორად იმოსებოდეს“-ო⁵⁸.

„აზნაურის ყმა“ სპეციალური ტერმინია, რომელიც დიდებული ყმა-მწარმოებლებზეც ვრცელდებოდა, რადგანაც დიდებულის „ყმობა“ უფრო მაღალი საზოგადოებრივი მდგომარეობის—„აზნაურობის“ მაჩვენებელიც იყო.

„აზნაურის ყმა“ პატრონყმობის კიბის უდაბლეს საფეხურზე მდგომი კაცის სახელია ფეოდალური ურთიერთობის გარკვეულ ხანაში. აკად. ნ. ბერძენიშვილმა ამ მნიშვნელობით შემოიღო „მდაბიორ-მოლაშქრე“. „ყმა-მოლაშქრე“.

„აზნაურის ყმები“ ლაშქრობა-სამსახურის მოვალე მწარმოებლები იყვნენ, ბეგრის გამომღებ გლეხებისაგან განსხვავებით. თამარის პირველ ისტორიკოსს გიორგი III-ისა და ელდიგუზ ათაბაგის ლაშქარს შორის მომხდარი ერთ-ერთი ბრძოლის შესახებ აღნიშნული აქვს, რომ „არა დიდებული, არა აზნაური, არა ვარგი და საცნაური აზნაურის ყმაცა დაკლებულ იქმნა მათ (ქართველთა ა. ბ.) ლაშქართა შინა...“⁵⁹.

⁵⁸ ქართლის ცხოვრება, I, გვ. 369.

⁵⁹ ქართლის ცხოვრება, II, გვ. 14.

ყმა-მოლაშქრენი მწარმოებელი საზოგადოების გარკვეულ ნაწილს შეადგენდნენ. როდესაც „ისტორიანისა და აზმანის“ ავტორი ამბობს, თამარის მეფობაში „გააზნაურდეს ქუეყანისა ჰოქმედნი“-ო⁶⁰, ამ მიწის მუშებში, სწორედ, „აზნაურის ყმები“ ივარაუდებია, საიდანაც გამონაკლისის სახით თვით აფრიდონებიც გამოდიოდნენ⁶¹.

ამრიგად, „აზნაურთა ყმების“ სახით ქართულმა პატრონ-ყმობამ მწარმოებელი საზოგადოებაც მოიცვა. პატრონყმობის პატრონყმობაში გადავიდა ყმა-მოლაშქრეთა ამ საზოგადოებრივი ფენის დაცემა-გაქრობის ნიშნის ქვეშ მიმდინარეობდა⁶².

მწარმოებელი საზოგადოების მეორე ნაწილს გლეხები შეადგენდნენ. „გლეხი“ ბეგრის გამომღები და მუშაობა-სამსახურის ვალდებული მიწის მუშა იყო და არც პირადად იყო თავისუფალი. გლეხთა სოციალური ფენა, როგორც თავისუფალთაგან, ისე თავისუფლებას მოკლებულ პირთაგან წარმომავლობდა.

პირველნი მომდინარეობდნენ სამეურნეო საქმიანობის საწუღლებას მოკლებული ადამიანებისაგან, რომელთაც ან მხოლოდ მიწა გააჩნდათ, მაგრამ მისი დამუშავება მუშა-პირუტყვისა და საჭირო იარაღების უქონლობის გამო არ შეეძლოთ, ანდა მოკლებული იყვნენ ერთსაც და მეორესაც. ასეთი კაცი ხშირად თავისივე ფეხით მიდიოდა მიწისმფლობელთან, რომ-

60 ქართლის ცხოვრება, II, გვ. 34.

61 რაც შემთხვევებში „აზნაურის ყმები“, როგორც ჩანს, სოციალურ კობის უმაღლეს საფეხურზედაც ექცეოდნენ. ამ თვალსაზრისით განსაკუთრებული ყურადღების ღირსია თამარის პირველი ისტორიკოსის ცნობა მსახურთ-უხუცეს აფრიდონის შესახებ. აფრიდონი „აზნაურის ყმა“ ყოფილა, მაგრამ როგორღაც ისე დაწინაურებულა („კაც-ქმნილა“, — ისტორიკოსის ენაზე), რომ მსახურთ-უხუცესობამდე მიუღწევია და „თმოგვისა სახლთა და ციხეთა“ პატრონობა მიუღია. მართალია, გიორგი III-ის ეს ვაზირი, თამარის მეფობაში, როგორც „უგვარო“, დიდგვარიან აზნაურთა ინტერესებს შეეწირა, მაგრამ „ვარგი და საცნაური აზნაურის ყმების“ აღზევება“, როგორც ვხედავთ, შეუძლებელი რამ მაინც არ ყოფილა.

62 ნ. ბერძენიშვილი, საქართველოს ისტორია მე-13-14 სს., თსუ შრომები, ტ. VI, 1937, გვ. 285; საქართველოს ისტორია, I, დამხმარე სახელმძღვანელო, გვ. 177.

ლისგანაც იღებდა საჭირო დახმარებას დამოუკიდებელი მეურნეობის მოწყობის საქმეში, სამაგიეროდ უფლის სასარგებლოდ იბეგრებოდა და თანდათან „გლეხი“ ხდებოდა. გლეხობას ქმნიდნენ აგრეთვე ვალში გაყიდული შეუძლებელი მოვალეებიც. საერთოდ, ვფიქრობთ, რომ გლეხთა სოციალური ფენა უმთავრესად თავისუფალ უქონელთაგან წარმოიქმნა. რაზედაც მიგვანიშნებს „გლეხის“ უძველესი მნიშვნელობა— „გლახაკი“⁶³. მაგრამ გლეხობაში უშუალოდ შედიოდნენ აგრეთვე ყოფილი მონები თუ ტყვედ დარჩენილი უცხოელები. ასეთ მიწის მუშას „უფალი“ აძლევდა მიწას და საჭირო მოწყობილობას დამოუკიდებელი მეურნეობის შექმნისათვის, მხოლოდ ბეგრისა და მუშაობა-სამსახურის ვალდებულებით, რაც თავის ღროზე ახალი ურთიერთობის მაჩვენებელი იყო.

გლეხობა ერთგვაროვანი მასა არ ყოფილა. კუთვნილების მიხედვით და უფლებრივი მდგომარეობით გლეხთა ცალკეული ფენები განსხვავდებოდნენ ურთიერთისაგან. სხვადასხვა იყო მათი ძირითადი ფეოდალური ვალდებულებაც—ბეგრის სახეობა და მუშაობის რაოდენობა. სამწუხაროდ, გლეხთა უფლებრივი და ეკონომიური მდგომარეობის შესახებ უმთავრესად განვითარებულნი ფეოდალიზმის ხანის მასალებით გვიხდება მსჯელობა. ე. წ. რეტროსპექტული მეთოდის გამოყენებით. ადრეფეოდალური ხანის ძეგლებში უმთავრესად ტერმინთან გვაქვს საქმე და ისიც მხოლოდ აქა-იქ მოგვეპოვება, ძირითადად, კი, ნათარგმნ ტექსტებში.

გლეხთა საერთო დამახასიათებელი ნიშანი მათი მებეგრეობა იყო⁶⁴. „ეს იმის გამო, რომ მიწა (ფუძე), რომელზედაც გლეხი მეურნეობდა, ფეოდალის („პატრონის“) საკუთრებას შეადგენდა, ხოლო გლეხი ამ მიწით საშვილიშვილოთ სარგებლობდა“⁶⁵.

63 ილ. ა ბ უ ლ ა ძ ე, ძველი ქართულის ლექსიკიდან, ხელნაწერთა ინსტიტუტის მოამბე, I, 1959, გვ. 174.

64 საქართველოს ისტორიის დამხმარე სახელმძღვანელო, I, გვ. 181.

65 ი ქ ვ ე, გვ. 181.

გლებთა მეორე დამახასიათებელი ნიშანია პირადი თავისუფლების უქონლობა, რომელიც მუშაობა-სამსახურის საფუძველი იყო⁶⁶.

გლებთა ცალკეული კატეგორიები ადრეული ფეოდალიზმის ხანაშივე ყალიბდება. ზოგადად ყველა გლები „მკვიდრი“ იყო ან „გარეთმოსული“. „მკვიდრი“ ფეოდალის მიწაზე საშვილიშვილოდ მკდომი გლები იყო, „გარეთმოსულისაგან“ განსხვავებით. დროთა ვითარებაში ასეთი „მკვიდრი“ გლები ხდებოდა „ნებიერი“, „ნასყიდი“ და „ნაწყალობევი“, „თავდაწერილი“ თუ „თავდაუწერელი“ და სხვ. თითოეული ეს სახელწოდება გამოხატავდა მხოლოდ ამა თუ იმ კატეგორიის გლების არსებულ მდგომარეობას და არ განსაზღვრავდა მის მომავალს. „ნებიერი“ შეიძლება „ნასყიდი“ გამხდარიყო, შემდეგ შეწირული და ა. შ.⁶⁷.

უფლებრივი თვალსაზრისით შედარებით პრივილეგირებულ მდგომარეობაში იყო ნებიერ გლებთა კატეგორია. როგორც სახელწოდებიდან ჩანს, „ნებიერი“ თავისი ნებით მიდიოდა პატრონთან და, გარკვეული პირობით, მისი გლები ხდებოდა⁶⁸. ხოლო თუ ეს პირობა წერილობით იყო გაფორმებული, ასეთ გლებს „თავდაწერილი“-ც ეწოდებოდა. საეკლესიო გლებების მნიშვნელოვანი ნაწილი „შეწირული“ იყო. ამ კატეგორიის გლებების მფლობელად მხოლოდ ეკლესია-მონასტერი გამოდიოდა.

„ნაწყალობევი“ გლებების მფლობელები კი დიდი და მცირე ფეოდალები იყვნენ. როგორც ტერმინი გვიჩვენებს, ასეთი კატეგორიის გლებები ქვეშევრდომებს წყალობის სახით ქონდათ ნაბოძები პატრონისაგან. ცხადია, რომ „ნაწყალობევი“ გლების მფლობელი მეფე არ შეიძლებოდა ყოფილიყო⁶⁹.

⁶⁶ მ. ბერძნიშვილი, გლებთა კატეგორიები XI—XII ს-ში, ისტორიის ინსტიტუტის შრომები, V, ნაკვ. 1, თბ., 1960. გვ. 140.

⁶⁷ მ. ბერძნიშვილი, დასახელებული შრომა, გვ. 145.

⁶⁸ ივ. ჯავახიშვილი, ქართული სამართლის ისტ. წიგნი II. ნაკვ. გვ. 72; დამსმარე სახელმძღვანელო. I, გვ. 181; მ. ბერძნიშვილი, გლებთა კატეგორიები XI—XII ს-ში, გვ. 145, 152.

⁶⁹ მ. ბერძნიშვილი, დასახელებული შრომა, გვ. 145.

გლებთა ყველაზე დაბალ კატეგორიას „ნასყიდი“ შეადგენდა⁷⁰.

უფლებრივი და ეკონომიური მდგომარეობით ურთიერთისაგან განსხვავებული გლებთა კატეგორიების ეს სიმრავლე, როგორც აკად. ბერძენიშვილი შენიშნავს, ცხადი მოწმობა იყო იმ განუწყვეტელი კლასობრივი ბრძოლისა, რომელიც ფეოდალებსა და გლებებს შორის წარმოებდა⁷¹.

მასალების სიმცირის გამო (ერთადერთი „ფავენელთა საბუთი“ გვაქვს ამ ხანიდან)⁷² კირს ლაპარაკი საგლებო ვალდებულებათა შესახებაც.

„ფავენელთა საბუთში“ უკვე იხმარება გლების ძირითადი საბატონო ვალდებულების აღსანიშნავი ტერმინები „ლალა“ და „ბეგარა“. ფიქრობენ, რომ გლების ვალდებულებას ამ დროისათვის შეადგენდა „სამასპინძლოც“⁷³. საბუთში, როგორც საგლებო ვალდებულება, დასახელებულია აგრეთვე „ნადირობა“ („წელიწადსა შიგან ერთი დღე ნადირობა არის“).

ტექსტიდან ჩანს, რომ ცხვერელ გლებებს საბუთის გამცემის სასარგებლოდ ევალდებოდათ მის მამულში თითო დღით მუშაობა ანეულზე, მკაზე, ლეწვაზე. მიღებული მოსავლის მეათედი ცხვერელთა ყოფილა.

მიუხედავად იმისა, რომ საბუთით X საუკუნისათვის საგლებო ვალდებულებანი ძირითადად ჩამოყალიბებული ჩანს,

⁷⁰ მართალია, ყველა ამ კატეგორიაზე XI—XIII სს. დოკუმენტებით ვეხილება საუბარი. მაგრამ გლებთა სხვადასხვა უფლებრივ-ეკონომიური ქვეყნების ჩამოყალიბების პროცესი რომ ადრეული ფეოდალიზმის ხანაში იწყება, ეს ჩვენ სადავოდ არ გვეჩვენება.

⁷¹ დამსმარე სახელმძღვანელო, I, გვ. 181.

⁷² საბუთის გამომცემელი თ. ჟორდანიას მას IX—X სს. ათარღებს. იხ. მისი, ისტორიული საბუთები შიო-მღვიმის მონასტრისა, 1896, გვ. 1—3.

⁷³ მ. ლორთქიფანიძე, ძირითადი საზოგადოებრივი კლასები IX—X საუკუნეების საქართველოში. საქართველოს მეცნიერებათა აკადემიის საზოგადოებრივ მეცნიერებათა განყოფილების მოამბე, I, 1960, გვ. 225.

უნდა ვიფიქროთ, რომ ადრეფეოდალურ ხანაში ისინი ჯერ კიდევ შედარებით მსუბუქი იყო⁷⁴.

ადრეფეოდალური ურთიერთობის ხანა ქართლში გლახთა სოციალური ფენის ზრდით აღინიშნებოდა. გლახთა რიგებში თანდათან შემოდიოდნენ უფლის ყმობაში ადრევე მოხვედრილი მდაბიურები და ნებით თუ ძალით მიწაზე დასმული გლახაკები. მაგრამ მატერიალური დოვლათის ძირითადი მწარმოებლები IX—X სს. ჯერ კიდევ ყმა-მწარმოებლები, მდაბიურები იყვნენ, რომლებიც სოციალურ რეზერვს შეადგენდნენ ფეოდალური საზოგადოების მიწის მუშათა კლასის საბოლოოდ ჩამოყალიბებისათვის. ქვეყნის სოციალურ-ეკონომიური განვითარება დაყმევებულ მწარმოებლებს გარდაუვალად თავისუფლების დაკარგვის გზით მიერეკებოდა. ♪

ფეოდალური ურთიერთობის განმტკიცების ხანა აღინიშნება ქალაქების მრავლად წარმოშობითაც. ახალმა ურთიერთობამ საწარმოო ძალების მანამდე უჩვეულო განვითარება გამოიწვია. სოფლის მეურნეობა და ხელოსნური წარმოება აღმავლობის გზით მიდიოდა. ძლიერდებოდა სასოფლო-სამეურნეო პროდუქტებისა და ხელოსნური ნაწარმის გატანა საშინაო და საგარეო ბაზარზე, რაც სოფლის მეურნეობისაგან ხელოსნური შრომის გამოყოფის პროცესის გაძლიერების შედეგი იყო. ♪

გაცხოველებული საშინაო და საგარეო ვაჭრობა ხელს უწყობდა ახალი ქალაქების წარმოშობასა და საქალაქო ცხოვრების აყვავებას. საზოგადოების ფეოდალურმა ზედაფენამ ადრევე იგრძნო ქალაქების დიდი სამეურნეო და პოლიტიკური მნიშვნელობა. დიდი და მცირე ქალაქების დაარსების ინიციატორებად გამოდიოდნენ მეფეები და მთავრები და, საერთოდ, ყველა ფეოდალი, ვისაც საამისო შეძლება ჰქონდა. ♪

VIII—X სს. ახალი ქალაქების წარმოქმნის პროცესი განსაკუთრებით შესამჩნევია ტაო-კლარჯეთისა და კახეთის სამთავროებში, რომლებმაც არაბთა ბატონობას ადრევე დააღწიეს თავი. დიდად დაწინაურდა და ვაჭრობის მნიშვნელოვან

74 მ. ლორთქიფანიძე. დასახ. შრომა, გვ. 225.

პუნქტად იქცა კლარჯეთის დედაქალაქი არტანუჯი. კონსტანტინე პორფიროგენეტის ცნობით, კარგად ჩანს, თუ რა მნიშვნელოვანი ადგილი ეჭირა ამ ქალაქს მაშინდელ საერთაშორისო ცხოვრებაში.

IX—X სს. უნდა იყოს დაარსებული ჯავახეთის ახალქალაქი⁷⁵. IX—X სს. აშენდა თმოგვის ციხე, რომლის გარშემო ქალაქიც აღმოცენდა⁷⁶. ამავე ხანებს მიეკუთვნება ტაოს მნიშვნელოვანი ქალაქის ოლთისის დაარსებაც⁷⁷. IX ს-დან უნდა იწყებდეს თავის ისტორიას ქალაქი ახალციხე და დმანისი⁷⁸. X-ს. კახეთში წარმოიქმნა ქალაქი თელავი, რომელიც მალე გახდა მნიშვნელოვანი ეკონომიური და პოლიტიკური ცენტრი⁷⁹. გაჩნდნენ მთელი რიგი სხვა უცხო და უზღუდო ქალაქებიც.

ქალაქების ძირითად მოსახლეობას („ქალაქის მკვიდრნი“) ვაჭრები, ხელოსნები და გლახაკები შეადგენდნენ. დედაქალაქის (თბილისის) სხვადასხვა კატეგორიის ვაჭრებისა და ხელოსნების აღსანიშნავად იხმარებოდა ტერმინი „მოქალაქე“, რომელიც დოკუმენტურადაა დადასტურებული VIII საუკუნიდან („აბო თბილელის წამება“)⁸⁰.

სამწუხაროდ, ადრეფეოდალური ქალაქების სოციალური ურთიერთობიდან. შესაფერი მასალების სიმცირის ან, პირდაპირ, უქონლობის გამო, ცოტა რამ ვიცით. ამ შემთხვევაშიაც, უმთავრესად. განვითარებული ფეოდალური ხანის ვითარების გათვალისწინებით გვიხდება მსჯელობა.

ხელოსნები მატერიალური დოვლათის მწარმოებელ საზოგადოებას ეკუთვნოდნენ. მათი მნიშვნელოვანი ნაწილი თანდათან ახლად წარმოქმნილ ქალაქებში იყრიდა თავს, თუმცა ჯერ კიდევ მრავლად შრომობდნენ დაბა-სოფლებში თუ დიდ

⁷⁵ შ. მესხია, Города и городской строи феодальной Грузии, Тб., 1959, გვ. 36.

⁷⁶ იქვე, გვ. 37.

⁷⁷ იქვე.

⁷⁸ იქვე, გვ. 35.

⁷⁹ იქვე, გვ. 37.

⁸⁰ იქვე, გვ. 65—66.

აზნაურთა სასახლეებში. ხელოსნობის განვითარებისდა კვალად ვითარდებოდა ალებ-მიცემაც. ამ საქმეს ვაჭრები უძღვებოდნენ..

ეკონომიური და სოციალურ-უფლებრივი თვალსაზრისით ვაჭარ-ხელოსანთა საზოგადოება არ იყო ერთგვაროვანი. თავისუფალი ვაჭრებისა და ხელოსნების გვერდით მოსაქმეობდნენ საპატრონუმო უღელში შებმული ვაჭარ-ხელოსნებიც⁸¹. მეორე მხრით, თავისუფალ ვაჭართა წრეში, ვფიქრობთ. უკვე ადრეფეოდალურ ხანაში, თავისი შეძლებით, გამოირჩევა განსაკუთრებული ჯგუფი, ე. წ. დიდვაჭრების სოციალური წინაპრები.

ქალაქების ზრდასთან ერთად ვაჭარ-ხელოსანთა სოციალური ფენაც ძლიერდებოდა, რომელმაც შემდეგში ფეოდალური დაქსაქსულობის წინააღმდეგ ბრძოლაში დიდი როლი ითამაშა. ახლად წარმოქმნილი ფეოდალური ქალაქები მალე გამოვიდნენ ცალკეული სამთავროების ფარგლების ინტერესებიდან და ძლიერი ტენდენციები გამოამჟღავნეს ქვეყნის ცალკეული კუთხეების ერთ სამეურნეო-პოლიტიკურ ერთეულად გაერთიანების საქმეში.

თავი მეორე

მიწათმფლობელობის ფორმების ფორმები

მიწათმფლობელობის ფორმების საკითხი ადრეული ფეოდალიზმის ხანაში ჯერ კიდევ სათანადო სისრულით შესწავლილი არაა. ერთი მხრით, ეს მასალების სიმცირითაც აიხსნება, მეორე მხრით, რევოლუციამდელი ქართული ისტორიოგრაფიის მონაპოვართა არასახარბიელო მდგომარეობითაც, რომლის

⁸¹ მელქისედეკ კათალიკოსის საბუთში (მცხეთის საბუთი XI საუკუნისა), აღნიშნულია მცხეთის საკათალიკოსოსადმი „მოგებული“ კაცს მცხოვრები 12 ვაჭარი. იხ. ნ. ბერძენიშვილი, მცხეთის საბუთი XI საუკუნისა, საქართველოს მუზეუმის მოამბე, ტ. VI, 1931, გვ. 291. კიაბერის საბუთში ნათქვამია, რომ იგი შიო მღვიმის მონასტერს სწირავს ჟინვანში მცხოვრებ ვაჭრებს მხითარისძეებს. იხ. ისტ. საბუთები შიო-მღვიმის მონასტრისა, გვ. 22.

რტერესების გარეშე რჩებოდა ფეოდალური საქართველოს ისტორიის სოციალურ-ეკონომიური საკითხების შესწავლის საქმე. გამონაკლისს შეადგენს აკად. ივ. ჯავახიშვილის შრომები ქართული სამართლის ისტორიიდან, რომლითაც საფუძველი ჩაეყარა ფეოდალური საკუთრების ფორმების შესწავლას ჩვენში. ქართული ისტორიოგრაფიის საბჭოურ პერიოდში ამ თვალსაზრისით მნიშვნელოვანი სამუშაოები შესრულდა. მიწის ფეოდალური საკუთრების განვითარების რიგ მომენტებზე საყურადღებო შეხედულებები ჰქონდა გამოთქმული განსვენებულ აკადემიკოსს ს. ჯანაშიას. მიწათმფლობელობის ფორმებზე ფეოდალურ საქართველოში ბოლო დროს მუშაობს აკად. ნ. ბერძენიშვილი. შესრულებული სამუშაოების ერთი ნაწილი კიდევ გამოქვეყნდა¹. რითაც საძირკველი შეემზადა საკითხის სისტემატური და სპეციალური შესწავლის საქმეს. ფეოდალური საკუთრების უფლების ინსტიტუტს საქართველოში ეხება აგრეთვე პროფ. ივ. სურგულაძე თავის ზოგიერთ შრომაში. აღსანიშნავია პროფ. გ. მელიქიშვილის ახლახან გამოქვეყნებული ნაშრომიც — „Іх истории древней Грузии“, სადაც მონათმფლობელური ქართლის მიწათმფლობელობის საკითხებია განხილული. მაგრამ ადრეფეოდალური მიწათმფლობელობის ფორმების შესწავლის მიმართულეებით ჯერ კიდევ ბევრია გასაკეთებელი, ახალი ფაქტების შემოკრება იქნება ეს, თუ ძველის გარდაკრებული ანალიზი. ფეოდალური ურთიერთობის ნაკვიანევი ხანის მოვლენების გათვალისწინებით.

ფეოდალური საზოგადოებრივი ურთიერთობა საადგილმამულო დამოკიდებულების ნიადაგზე წარმოიქმნა. ფეოდალიზმის საფუძველი მიწის ფეოდალური საკუთრება იყო. ადრე-ფეოდალური ხანა სამამულო ურთიერთობის სფეროში მრავალფეროვნებით ხასიათდება. ქართლში მონათმფლობელობიდან ფეოდალიზმში გარდამავალ პერიოდში მიწათმფლობე-

¹ იხ. ნ. ბერძენიშვილი, მიწათმფლობელობის ფორმებისათვის ფეოდალურ საქართველოში. აკად. ივ. ჯავახიშვილის სახ. ისტორიის ინსტიტუტის შრომები, II. 1956. გვ. 87—130.

ლობის შემდეგი ძირითადი კატეგორიების გამოყოფაა შესაძლებელი:

1. სასეფო ანუ სამეფო მიწა-წყალი
2. საეკლესიო მიწათმფლობელობა
3. კერძო მიწათმფლობელობა
4. ფეოდალური მიწათმფლობელობა
5. სათემო მიწები.

1. სასეფო მიწათმფლობელობა

მიწების უდიდესი ნაწილი სახელმწიფოს განკარგულებაში იყო და სეფე-ქვეყანას შეადგენდა. იყო თუ არა მაშინ სეფე-სახლის უშუალო საკუთრება (სამეფო დომენი) სახელმწიფოს დანარჩენი მიწაწყლისაგან მკვეთრად გამიჯნული, ძნელი სათქმელია. საფიქრებელია, თეორიულად სეფე-სახლი სახელმწიფოს მთელი მიწების უზენაეს მესაკუთრედ გამოდიოდა, რაც პრაქტიკაში მიწათმფლობელობის სხვადასხვა სახეობით იყო შეზღუდული. სახელმწიფო საკუთრება მიწაზე არ გამოორიცხავდა კერძო მფლობელობას ამავე მიწაზე.

აკად. ს. ჯანაშიას აზრით, სამეფო დომენი შედგებოდა „სამამასახლისო სამსახურებლისა“ და დაპყრობილი ტერიტორიისაგან².

„სამამასახლისო სამსახურებელი“ ს. ჯანაშიას დაკვირვებით საგვარეულო წყობილებიდან მოდის და აღნიშნავდა მიწის იმ ფონდს, რომელიც „მამასახლისის სამსახურის“ ასანაზღაურებლად იყო თემის მიერ გამოყოფილი³. „ეს მიწები, რომელნიც თავდაპირველად „ერის“ საკუთრებას შეადგენენ, შემდეგ კერძო საკუთრებად იქცევიან მიტაცების გზით“⁴.

სპეციალურ ლიტერატურაში გამოთქმულია აზრი, რომ კა-

2 ს. ჯანაშია. საქართველო ადრინდელი ფეოდალიზაციის გზაზე, შრომები, I, გვ. 287.

3 ს. ჯანაშია. შრომები. I. გვ. 169.

4 იქვე. გვ. 170. რამდენადაც განსხვავებულ თეალსაზრისზე დგას ამ საკითხში პროფ. გ. მელიქიშვილი. იხ. მისი, К истории древней Грузии, გვ. 413.

ხეთი სეფე-სახლის საკუთრებად ითვლებოდა⁵. ლეონტი მროველის ცნობით, მირიან მეფემ „მისცა ძესა მისსა რევს საუფლისწულოდ კახეთი და კუხეთი“⁶. მირიანის მემკვიდრემ ბაქარმა ძმისწულებს (რევის შვილებს) „მისცა (დაუმტკიცა?) კახეთი და დასხნა რუსთავს ერისთავად“⁷. ჯუანშერით, ვახტანგ გორგასლის მეფობაში კუხეთი კვლავ რევის შთამომავალთ ეჭირათ, რომელთა საჯდომი რუსთავი ყოფილა. შემდეგ მემატრიანე კახეთისა და კუხეთის ერისთავად ვახტანგ გორგასლის ერთ-ერთ დაახლოებულ პირს დემეტრს ასახელებს⁸. იყო თუ არა იგიც რევიანი, ცნობათა უქონლობის გამო, ძნელი სათქმელია. VI ს-ში ვახტანგის მემკვიდრეებმა პირველი ცოლისაგან (ბაკურის შვილებმა) „დაიპყრეს კუხეთი და ჰერეთი იორითგან, და დასხდეს უჯარმოს“⁹.

სტეფანოზის (ვახტანგის შთამომავალი მეორე ცოლისაგან) სიკვდილის შემდეგ ქართლის ერისმთავრობა მიიღო ადარნასე ბაკურის ძემ. კახეთი მას შემდეგ ქართლის ერისმთავართა უშუალო განკარგულებაში მყოფი ქვეყანა იყო. ამით აიხსნება ის ფაქტი, რომ არჩილმა „ყოველთა ტაძრეულთა მისთა მიუბოძა კახეთი და აზნაურ ყვნა იგინი“¹⁰.

ის ფაქტი, რომ კახეთი სამეფო დომენში შედიოდა, როგორც ჩანს, აიხსნება იმით, რომ იგი დაპყრობილ ქვეყნად ითვლებოდა. როგორც ცნობილია, კახეთის აღმოსავლეთი ნაწილი, ძველი ჩრდილო-დასავლეთი ალბანეთი, ჩვენი წელთაღრიცხვის პირველ საუკუნეებში ქართლის სამეფოს შემადგენლო-

5 გ. მელიქიშვილი, К истории..., გვ. 423.

6 ქართლის ცხოვრება, I, 70—71.

7 რუსთავის ძველი სახელი „ბოსტან-ქალაქი“ მკვლევართა მიერ (ს. ერეშიანი, ლ. კილაშვილი, გ. მელიქიშვილი) სრულიად სამართლიანად ახსნილია, როგორც „ვოსტან ქალაქი“. ირანულ-სომხური „ვოსტან“, იგივეა, რაც ქართული „სეფე-ქუეყანა“, ბერძნ. „χώρα βασιλική“ როგორც ვნეავთ, „ქართლის ცხოვრების“ ცნობებით გამართლებულია ქალაქის ძველი სახელწოდების ასეთი ახსნა.

8 ქართლის ცხოვრება, I, გვ. 185.

9 იქვე, გვ. 279.

10 იქვე, გვ. 243.

ბაში შევიდა. სამეფო დომენს წარმოადგენდა ამავე საფუძველზე, ვფიქრობთ, ქართლის მთიანეთიც, რომლის მოსახლეობაც ღარკს უხდიდა ქართლის მეფეს. სეფე-სახლის ძირითადი და უძველესი საკუთრება უმთავრესად მაინც საკუთრივ ქართლი, ე. წ. შიდა ქართლი უნდა ყოფილიყო, რომელიც სპასპეტს ჰქონდა საგამგეოდ¹¹. სწორედ ამ ქვეყნის მფლობელობის საფუძველზე უნდა იყოს აღმოცენებული ქართლის მეფის თავდაპირველი ხელისუფლება. შემდეგში, ქართლის სამეფოს ძლიერების ხანაში, დაპყრობილი ქვეყნების ხარჯზე დიდად გაზარდა სასეფო საქონებელი.

ქვეყნის ფეოდალიზაციის პროცესთან დაკავშირებით სასეფო დომენმა შემცირება იწყო. „პირველ რიგში სეფე-სახლს გამოეყოფიან, მემამულეობის თვალსაზრისით, სეფე-წულები, გაზრდილი და გამრავლებული სამეფო სახლის გვერდითი შტოები. ეს სეფე-წულები ჰქმნიან სწორედ ქართლის უძველეს რემამულე არისტოკრატიას, რომელიც შემდეგ, თავისი ინტერესებით, უპირისპირდება სეფე-სახლის უფროს შტოს“¹².

სასეფო მიწა-წყლის მნიშვნელოვანი ნაწილი გაიცემოდა აგრეთვე პირობით მფლობელობაში, მეფის ადმინისტრაციის დიდ მოხელეებზე (მთავარი, ერისთავი...) მათი სამსახურის სანაცვლოდ. მიწებს ლებულობდნენ სამხედრო სამსახურის პირობით, ასევე, მომრავლებული აზნაურები და მხედრები. სამხედრო-სალენო ურთიერთობის განვითარებას სამეფო მიწების ფონდის მნიშვნელოვანი შემცირება მოჰყვა.

მიწების საარსებო სივრცეების ძებნაში ცენტრალური ხელისუფლებისა და მისი სოციალური მოკავშირეების ყურადღება შეუძლებელია სატაძრო მამულებზე არ შეჩერებულიყო. წარმართული ტაძრების განკარგულებაში ამ დროისათვის მიწების უდიდესი ფონდი იყო, რომელიც სულ უფრო იზრდებოდა. ასეთ ვითარებაში მონარქიამ და გაფეოდალების გზაზე

¹¹ თავის დროზე უმთავრესი საკუთრება ამ მხარეში მეუფე-მამასახლისის სახლმა დაიჩემა, რომელმაც ეკონომიური და პოლიტიკური დაწინაურებით შემდეგში სეფე-სახლი მოგვცა.

¹² ს. ჭ ა ნ ა შ ი ა, შრომები, I, გვ. 287.

შემდგარმა წარჩინებულებმა მიიღეს ახალი რელიგია-ქრისტიანობა, რაც სატაძრო მემამულეობის სეკულარიზაციას მოასწავებდა.

ქრისტიანობის ოფიციალურ რელიგიად გამოცხადება ქართლში აკად. ს. ჯანაშიამ დამაჯერებლად ახსნა ქვეყნის სოციალურ-პოლიტიკური ვითარებისა და საზოგადოებრივი ურთიერთობის საფუძველზე.

ახალი რელიგიის მიღება ახალი ურთიერთობის (ფეოდალური) მომაგრებითა და შემდგომი განვითარებით აღინიშნა. სატაძრო მიწათმფლობელობის გაუქმებით მონურმა წარმოებამ ქართლში მძიმე მარცხი განიცადა. ანტიკური ხანის მწერალთა ცნობებით, ქურუმები მატერიალურ ფასეულობათა უმდიდრეს მფლობელებად ითვლებოდნენ. სარწმუნოების გამოცვლას ქურუმთა საზოგადოების მოშლა და განადგურება მოჰყვა¹³.

ცენტრალური ხელისუფლების ხელში განთავისუფლებული მიწების დიდი ფონდი აღმოჩნდა¹⁴. დაიწყო ამ მიწების ინტენსიური გაცემა სამხედრო-მსახურეულ წოდებაზე პირობითი საკუთრების სახით. მონარქიასა და წარჩინებულთა დამოკიდებულების საფუძველი მიწა გახდა. ქვეყნის შემდგომი წინსვლა სამიწო ურთიერთობის განვითარების გზით მიდიოდა.

IV—V სს. ქართლში აზნაურთა ფეოდალური მიწათმფლობელობა ფაქტია. ქართლის მოქცევის მატრიანეს IV ს. ამბების

¹³ მხედველობაში ქართლის ბარი გვაქვს, სადაც საზოგადოებრივი განვითარების დონე თავისი დროისათვის საკმაოდ მაღლა იყო ასული, და არა ქართლის მთიანეთი. მთის მოსახლეობა ამის შემდეგაც დიდხანს ინარჩუნებდა თავის მამაპაპეულ სარწმუნოებას, კულტის თავისივე მსახურებით (ხუცესი, ხევისბერი...). მთიანეთის კერპები, როგორც ირკვევა. ნ. ლებ. ლიმათიებს იჩენდნენ არმანელი ღმერთებისადმი. არც მათი მსახურნი გამოდგებოდნენ ბარელი კოლეგების სოციალურ მოკავშირეებად.

¹⁴ მართალია ქრისტიანული ეკლესია მალე გახდა უმდიდრესი ფეოდალური ორგანიზაცია, რასაც თვით მეფეებიც თავისდაუნებურად ხელს უწყობდნენ, მაგრამ რელიგიური პოლიტიკის პირველ ეტაპზე ცენტრალური ხელისუფლებისა და მისი სოციალური მოკავშირეების მიზანი მიღწეული იყო.

თბრობისას აღნიშნული აქვს, რომ ვარაზ ბაკურის მეფობაში „აღაშენეს აზნაურთა წმიდაჲ იგი ეკლესიაჲ მცხეთას, დაიამოთაულეს („მიათუალეს“ ქელიშური ვარიანტი) დიდსა მას ეკლესიასა სოფლებითა და ქარდაგებითა¹⁵ ქართლს შინა“.

ამ ცნობასთან დაკავშირებით აკად. ს. ჭანაშია შენიშნავდა: „აშკარაა, რომ ეს „სოფლები“ მაშენებელ აზნაურთა საადგილმამულო ფონდიდანაა გამოყოფილი; ამრიგად, უკვე მოძრავი მამულები აქვთ აზნაურობასა და ეკლესიას და მათი პირვანდელი განმკარგულებელნი სწორედ „აზნაურნი“ (წარჩინებულნი) არიან“¹⁶. მაგრამ მონარქიისა და მისი მოკავშირეების ინტერესთა თანხმობა დიდხანს არ გაგრძელებულა. კონფლიქტისათვის ნიადაგი თავდაპირველად სამამულო სფეროში შემზადდა. ერისთავები და მთავრები აზნაურ-წარჩინებულთურთ ახლა უკვე ისწრაფვიან თავიანთი პირობითი მფლობელობა მემკვიდრეობით საკუთრებად გადააქციონ.

გაბატონების გზაზე შემდგარ აღრინდელ ფეოდალურ მიწათმფლობელობას ფეოდალური ურთიერთობის განმტკიცება მოჰქონდა.

„ახალი ურთიერთობა თავისთავის შესაფერის პოლიტიკურ წესწყობილებას საჭიროებდა. ქართლის მეფის დესპოტური ხელისუფლება კი თავისი საგადასახადო სისტემით, აღმინისტრაციით, ლაშქრის ორგანიზაციით, ერთი სიტყვით, ქვეყნის მართვა-გამგეობის ძველი წესი ხელს არ უწყობდა და, პირი-

¹⁵ აკად. ს. ჭანაშია ამ უცნობ სიტყვაში, საშუალო სპარსულში არსებული მსგავსი ძირების მიხედვით, „მუშაკს“ ან „სახლს“ ვარაუდობდა. იხ. შრომები, I, გვ. 286.

პროფ. ვ. მელიქიშვილს „ქარდაგი“ ირანულ-სომხური „*dastkart—dastakert*“-ის დამახინჯებად ეჩვენება. (იხ. მისი *К истории ...*, გვ. 414—415). მაგრამ არც იმის შესაძლებლობას უარყოფს, რომ ამ სიტყვაში შესაძლებელია გვეპოვდეს აქემენიდური ხანის არამეულ დოკუმენტებში დამოწმებული ტერმინი *gardm (grd')*, რომელიც მონურ მდგომარეობაში მყოფ მუშას აღნიშნავდა. (იქვე, გვ. 415).

ერთი კი ცხადია, რომ ამ სიტყვით უძრავ-მოძრავი ქონების გარკვეული სახე აღინიშნებოდა, უმთავრესად, ალბათ, მაინც სახნავ-სათესი მიწა შესაძლებელია, მუშახელიც (მონები?).

¹⁶ ს. ჭანაშია, შრომები, I, გვ. 286.

ქით, წინ ეღობებოდა ამ ახალი სოციალ-ეკონომიური ურთიერთობის შემდგომ განვითარებას¹⁷.

მონათმფლობელური ცენტრალიზმის შეცვლა ერისმთავრის ფეოდალური ხელისუფლებით „იყო დიდი მნიშვნელობის ფაქტი ახალი (ფეოდალური) სოციალ-ეკონომიური წესწყობილების ზრდა-წარმატებისათვის“¹⁸.

მმართველობის ახალი ფორმა უკეთ შეესაბამებოდა ქვეყნის საზოგადოებრივი განვითარების მიღწეულ საფეხურს.

სახელმწიფოებრივ მიწათმფლობელობაში დიდი ცვლილებები მოხდა. სასეფო მამულების მნიშვნელოვანი ნაწილი მეფობას მოკლებულმა უფლისწულებმა, მთავრებმა და ერისთავებმა დაიტაცეს და გაიყვეს ერთმანეთში. სეფე-სახლის პირდაპირი ძირის ერთმა ნაყარმა ფენი მოიკიდა კახეთსა და ჰერეთში, მეორე გამაგრდა კლარჯეთსა და ჯავახეთში. სხვადასხვა დროს მეფობას მოკლებულმა უფლისწულებმა ქართლის ერისმთავრობას მიაღწიეს.

რა ეკუთვნოდათ მათ ქართლში, ძნელი გამოსარკვევია. შიდა ქართლში მათი მფლობელობა, როგორც ჩანს, ჯერ კიდევ მნიშვნელოვანი იყო. საყურადღებო ცნობაა ამ თვალსაზრისით შენახული თხზულებაში „თხრობაჲ სასწაულთათვის წმიდისა და ღმერთ-შემოსილისა მამისა შიოსთაჲ“.

სტეფანოზ გუარამის ძემ შიომღვიმის მონასტერს „მისტაცნა ორნი აგარაკნი და თქუა: „არა მივსცე შეურაცხისმყოფელთა მამული ჩემი“-ო¹⁹. შიოს „სასწაულებრივი ძალით“ დამფრთხალი სტეფანოზი იძულებულია მონასტერს მიტაცებულიც დაუბრუნოს და აგრეთვე დაუმატოს „ორნი დაბანი დაბათაგან სამეფოთა ურჩეულესნი“²⁰.

ამოწერილი ადგილებიდან ვხედავთ, რომ შიომღვიმის მონასტრის მიწების ერთ ნაწილს სტეფანოზი თავის „მამულს“

17 საქართვე. ისტორია, I, დამხმარე სახელმძღვანელო, გვ. 105.

18 იქვე, გვ. 108.

19 ი. ა. ბ. უ. ლ. ა. ქ. ე. ასურელ მოღვაწეთა ცხოვრების წიგნთა ძველი რედაქციები, 1955, გვ. 204.

20 იქვე, გვ. 205.

უდახის, ალბათ, იმის გამო, რომ ის შეწირული იქნებოდა მეფე-
ღვისაგან (ფარსმანი, ბაკური) თუმცა, არც იმის შესაძლებლო-
ბაა. გამორიცხული, რომ შემწირველი გვარამ ერისმთავარი
ყოფილიყო.

ამ აზრს ისიც უნდა მოწმობდეს, რომ, როცა, სტეფანოზმა
მონასტერთან ბრძოლა წააგო, იძულებული გახდა მის მფლო-
ბელობაში დამატებით სხვა ადგილებიც გადაეცა. რომელიც
ტექსტში „სამეფო დაბედად“ არის წოდებული. ჩანს, სტეფა-
ნოზი ყოფილი სამეფო მიწა-წყლის მესაკუთრე და მემკვიდრე
ყოფილა. მაგრამ ერისმთავრებს შიდა ქართლს გარეთ, კახეთს
გარდა, როგორც ჩანს, რეალურად ბევრი ალარაფერი ეკუთვ-
ნოდათ. ერისთავებს უკვე საშვილიშვილოდ ჰქონდათ მიტაცე-
ბული საერისთაო ქვეყნები. ამიერიდან ისინი სამამულო ურთი-
ერთობის საფუძველზე ემორჩილებოდნენ ფეოდალური ქართ-
ლის მეთაურს. გამთავრებულ ერისთავს, თავის მხრით, ამავე
საფუძველზე მორჩილებდნენ შედარებით ნაკლების მქონე-
ბელნი, მცირე მთავრები. ასე რომ, დროთა ვითარებაში მთელი
ქართლი სხვადასხვა სიდიდის სამთავროებად დაიყო. ერის-
მთავრები უძლურნი აღმოჩნდნენ შექმნილი ვითარების წინა-
შე, რომელიც უკეთ შეესაბამებოდა ქვეყნის სოციალურ-ეკო-
ნომიური განვითარების მოთხოვნებს.

VIII ს. შუა ხანებში ერისმთავარმა არჩილმა ცნო ერის-
თავთა „ხელმწიფობა“ საერისთაო ქვეყნებზე და, თავის მხრით,
კახეთი საკუთარ ტაძრეულებში გაანაწილა და „აზნაურ ყენა
იგინი“.

მაღე ერისმთავრის ხელისუფლებაც მოისპო და დადგა
დრო ქვეყნის ახალ საფუძველზე. გაერთიანებისა.

2. სამეფოსი მიწათმფლობელობა

ქრისტიანული საეკლესიო ორგანიზაცია თავიდანვე ფეო-
დალურ ნიადაგზე მოეწყო. როგორც აკად. ს. ჭანაშია შენიშ-
ნავდა, ადრინდელ ფეოდალურ მიწათმფლობელობას საეკლე-
სიო სფეროში V საუკუნისათვის უკვე მთლიანად ეჭირა ძველი
(მონათმფლობელური) სატაძრო მემამულეობის ადგილი²¹.

²¹ ს. ჭანაშია, შრომები, I, გვ. 287.

საეკლესიო მიწათმფლობელობის წარმოშობისათვის მეტად საყურადღებოა „მოქცევაჲ ქართლისაჲს“ ზემოთ მოყვანილი ცნობა, აზნაურთა მიერ IV ს-ში მცხეთის წმინდა გიორგის ტაძრის აშენებისა და მამულებით მისი უზრუნველყოფის შესახებ (უნდა ვიფიქროთ, შეწირულების სახით). საყურადღებოა ისიც, რომ თვით ეკლესია და მისი მამული მთავარეპისკოპოსის კათედრალს დაუქვემდებარდა.

„მაგრამ დაქვემდებარებული ერთეული მარტო ნაგებობით (და მრევლით) კი არ განისაზღვრებოდა. ეს იმავე დროს გარკვეული სამეურნეო ერთეულიც იყო: მას თან მიჰყვება საკუთარი „სოფლები და ქარდაგები“²².

ეკლესიის მამულების კონცენტრაცია ხდება საეპისკოპოსოებში. რომლებიც მსხვილი საეკლესიო ტერიტორიული ორგანიზაციების სახით ჩამოყალიბდნენ. VI ს. დამდეგისათვის ქართლში უკვე 24 საეპისკოპოსო არსებობდა. ერთი საუკუნის შემდეგ მათი რიცხვი 35-მდე გაიზარდა.

„როგორც ყველგან და ყოველთვის, ქართლშიაც საეკლესიო სტრუქტურა სოციალურ და პოლიტიკურ აღნაგობის შესაბამისად იყო აშენებული. საეპისკოპოსო კათედრები, ამიტომ, ბუნებრივად მიუთითებდნენ და თანემთხვევიან უმსხვილეს პროტოგენურ ფეოდალურ ცენტრებს“²³.

საეკლესიო მიწათმფლობელობა უმთავრესად შეწირულების და ყიდვის გზით წარმოიქმნა. ქრისტიანული ტაძრებისათვის მამულების შეწირვა იმთავითვე დაუწყიათ. ქართლის მოქცევის მათიანეში დაცულ ე. წ. მეფე მირიანის „ანდერძში“ ნათქვამია:

„ვამკვე... შეესწირენ მრავალნი სოფელნი და აგარაკნი... სამარხვოსა წმიდისა ნინოჲსსა“²⁴.

²² ს. ჯანაშია, შრომები, I, გვ. 284.

²³ იქვე, გვ. 20.

²⁴ Е. Такайшвили, Описание рукописей, II, Тиф., 804.

ტაძრისადმი მიწის შეწირულების უძველესი ცნობა გვაქვს დაცული აგრეთვე წყისეს ქვა-ჯვარზე²⁵. წარწერაში ნათქვამია, რომ ვინმე კონსტანტიმ „ნასყიდვეი ქუეყანა“ შესწირა „მცხეთის ჭუარს“. ამ მომენტის საყურადღებო ინტენპრეტაცია აქვს მოცემული აკად. ნ. ბერძენიშვილს: „ნასყიდვეობის სპეციალურად აღნიშვნა იმიტომ იყო საჭირო, რომ მხოლოდ ასეთი ფორმა შეწირვისა იყო მტკიცე და შემწირველის მემკვიდრეთა მიერ დარღვევისაგან („გამოწირვისაგან“) უზრუნველყოფილი“²⁶.

ეკლესია-მონასტრებისათვის მიწების შეწირვის საინტერესო ცნობებია დაცული სერაპიონ ზარზმელისა და გრიგოლ ზანძთელის ცხოვრებებში.

„სერაპიონ ზარზმელის ცხოვრებაში“ ხაზგასმულია, რომ დიდმა მთავარმა გიორგი ჩორჩანელმა, რომლის მატერიალური შეწევნითაც აშენდა ზარზმის მონასტერი, კიდევ უზრუნველყო მონასტრის ძმები არსებობისათვის საჭირო უძრავ-მოდრავი ქონებით: „მისცნა ყოველნი საკმარნი ჯორები და კარაულები და რაჲოდენი უკმდა სიმრაველესა ძმათასა... სოფლებნიცა მის-

²⁵ განსაკუთრებულ ინტერესს იწვევს წარწერის თარიღი. წარწერის გამოშკემლის აკად. აკ. შანიძის აზრით, ძველი მიახლოებით 616—619 წწ. უნდა ეკუთვნოდეს. იხ. ა. შანიძე, ძველი ქართულის ქრესტომათია, 1935, გვ. 108.

პროფ. ს. კაკაბაძე მას 460-იანი წლებით ათარიღებს. იხ. მისი, ვახტანგ ღორგასალი, გვ. 7.

აკად. ს. ჯანაშია წარწერის თარიღთან დაკავშირებით შენიშნავდა: „წარწერის ცნობა, რომ ეს ქვანიშანი აღმართული ყოფილა „სახელსა ზე-და მცხეთისა ჭუარისასა“, თითქოს უფრო აღრინდელ ხანაზე მიუთითებს (ვიდრე 616—619 წწ. ა. ბ.) თუ „ჯვარის“ ქვეშ ჯვარის-საყდრის წინამორბედ ნიშანს ვიგულისხმებთ, რაც ყველაზე უფრო დასაჯერებელია“. (იხ. ს. ჯანაშია, შრომები, I, გვ. 99).

ჩვენთვის უცნობია, როგორ და რა საშუალებით ათარიღებენ აკ. შანიძე ან ს. კაკაბაძე ამ ქვა-ჯვარს (ა. შანიძე, როგორც აცხადებს, სპარსული და რომაული თევებისა და ღლების შეჭერებით), მაგრამ, ფორმალური თვალსაზრისით, ვერ ვხედავთ დაბრკოლებას მისი V ს-ში გადატანისათვის.

²⁶ ნ. ბერძენიშვილი. ს. ჯანაშია, საქართველო აღრინდელი ფეოდალიზაციის გზაზე, მიმოძიილველი, III, 1953, გვ. 304.

ცნა კაცმან მან ღმრთისამან გიორგი, ვიდრემდის მოსწრაფე
ოყო, რათა ყოველივე ადგილისა მისთვის წარავოს“²⁷. და რაც
განსაკუთრებით საყურადღებოა, „მრავალთა იწყეს მიბაძვად
მისსა... ძალისაებრ აჩუენებდეს შესაწირავსა ახლისა ამის
კარვისა“²⁸.

გარდაცვალების წინ გიორგი ჩორჩანელმა სპეციალური
ანდერძი დატოვა, რომლითაც მონასტრისათვის „მდიდრად მი-
ეცა ყოველივე უხუცებთ: აგარაკნი თავისუფლებით (ანუ
„უბეგროდ, უბაჟოდ და უწყინლად“) და საქონელი
მრავალფერი და სიმრავლე საკედართა და მროწეულთა“²⁹.
„გრიგოლ ხანძთელის ცხოვრებაში“ ნათქვამია, რომ ხანძთა
განსრულდა გაბრიელ დაფანჩულის „ხორციელად მოღუაწე-
ბითა“. დაფანჩულს არც აშოტ კურაპალატი ჩამორჩა ქველ-
მოქმედებაში: „შეწირნა ადგილი კეთილნი და შატბერდისა ად-
გილი აგარაკად ხანძთისა“³⁰. თავ-თავისი გაუღიათ აშოტის
ძებესაც: „შეწირნეს თითოეულად, რაჲცა საკმარი მონასტერ-
სა მისსა უქმდა, ყოველი უხუცებთ“³¹.

ფეოდალური საზოგადოების საერო ნაწილი „ხორციელი
კეთილის“ მიდევნებაში ქრისტიანული მორალურ-ზნეობრივი
პრინციპებით ვეღარ ხელმძღვანელობდა და თავისი „დამძი-
რებული სულის“ შემსუბუქებას, „სულიერი კეთილის“ მოპო-
ვებას. შესაფერი გასამრჯელოს საფასურით, სასულიერო ნა-
წილის ლოცვა-კურთხევით ცდილობდა. ეკლესია-მონასტერ-
ბისათვის შეწირულების გაცემის სურვილით შეპყრობილი

27 კ. კეკელიძე, ადრინდელი ფეოდალური ლიტერატურა, გვ. 167.

28 იქვე, გვ. 167—168.

29 იქვე, გვ. 173.

30 გრიგოლ ხანძთელის ცხოვრება, პ. ინგოროვას გამოცემა, 1949.

31 41.

31 იქვე, გვ. 41.

შეწირულების სანაცვლოდ მონასტერი ჩვეულებრივ სულის მოსახსენე-
ბელ წირვასა და აღაპს უხდიდა შემწირველთ. ასე ყოფილა ამ შემთხვე-
ვაშიც „მსგავსად აღთქმისა ხანძთას შინა ელოცების ყოველთა დაფან-
ჩულთა“.

იყვნენ დიდი და მცირე „ცოდვილნი“ და „მიმხვეკელნი“³². წირავდნენ უმთავრესად მიწებს და გლეხებს, ზოგჯერაც საეკლესიო ნივთებს და ძვირფასეულობას. გასაგებია ამის შემდეგ, თუ ეკლესია-მონასტრები მნიშვნელოვან საზოგადოებრივ-ეკონომიურ ძალას წარმოადგენდნენ.

შეწირულება ერთ-ერთი, მაგრამ ერთადერთი საშუალება არ ყოფილა საეკლესიო მემამულეობის შექმნისა. მნიშვნელოვანი საშუალება იყო ამ თვალსაზრისით „სყიდვა“. როგორც აკად. ნ. ბერძენიშვილმა მიუთითა, უძველესი ცნობა საქართველოში მონასტრის მიერ მიწების ყიდვისა VI საუკუნეს ეკუთვნის³³.

გიორგი III-თავის 1170 წლის შიომღვიმის მონასტრისათვის ბოძებულ განახლების სიგელში, სხვათა შორის, აღნიშნავს: „სოფელი სხალტბაი და მათი კერძი გოროვანი წმიდისა ევაგრესგან მოსყიდული“³⁴.

როგორც ჩანს, XII ს. 70-იან წლებში შიომღვიმის მონასტერში ჯერ კიდევ დაცული იყო ის დოკუმენტი, სადაც ევაგრეს (შიოს თანამოღვაწე და ხსენებული მონასტრის მეორე წინამძღვარი) მიერ „მოსყიდული“ მიწა იყო აღნიშნული³⁵.

ეკლესია ფეოდალური კლასის, სასულიერო ორგანიზაცია იყო და მამულების გაზრდის ისეთსავე სურვილს იჩენდა, როგორც მისი თანამოძმენი ფეოდალთა საერო ბანაკიდან. ესე იგი მიწების დაუფლებისა და ქონების მოხვეჭის საქმეში არც ძალმომრეობა-იძულებას ერიდებოდა. საყურადღებო ცნო-

³² იყვნენ, ცხადია, გამონაკლისებიც, როგორც მაგალითად. ზემოთ ხსენებული ერისმთავარი სტეფანოზი—კაცი „ურწმუნო და უშიში ღმრთისა“ (ჯუანშერი).

³³ ნ. ბერძენიშვილი. ს. ჭანაშია, საქართველო აღრიცხული ფეოდალიზაციის გზაზე“, გვ. 305.

³⁴ ნ. ბერძენიშვილი, დასახ. შრომა, გვ. 305.

³⁵ იქვე, გვ. 305.

ეკვი არაა, ნასყიდობის უძველეს საბუთებთან ერთად ამ დოკუმენტსაც გულისხმობდა დავით აღმაშენებელი თავის ანდერძში შიომღვიმის მონასტრისადმი: „მე კულა გამიახლებიან იგი სიგელნი ანუ მეფეთა შეწირულთა ანუ მთავართა ვიეთმე და თვთ ძუელი და ძუელის-ძუელი ნასყიდი მონასტრისაგან“. იხ. თ. ქორდანია, ისტორიული საბუთები შიომღვიმის მონასტრისა, გვ. 16.

ბები მოგვეპოვება, ამ თვალსაზრისით, ადრეული ფეოდალიზმის ხანიდან ბასილ ზარზმელის თხზულებაში. ნაწარმოებში აღწერილია საგულისხმო მომენტი მონასტრის მიერ სათემო მიწების მიტაცების მცდელობისა. ეს ბრძოლა მაშინ „ძმობის“ გამარჯვებით დამთავრდა. მიუხედავად დიდი ფეოდალის გიორგი ჩორჩანელის ხელისშეწყობისა. მაგრამ თხზულებიდან იგრძნობა, რომ თავისუფალი მეთემე მიწის მუშების ამ გაერთიანებას დიდი ხნის არსებობა აღარ დარჩენია. აკი, კიდეც, დაისაჯნენ ისინი ღმერთის მიერ მოვლენილი „სასწაულით“. შეიძლება ვიფიქროთ, რომ ამ „სასწაულში“ მიწიერი უფლის გიორგი ჩორჩანელის ხელიც ერია³⁶.

საერთოდ, საზოგადოების ფეოდალური ნაწილი დიდად იყო დაინტერესებული თავისი სასულიერო მოკავშირის მომაგრებითა და გაძლიერებით. არა ერთი დიდ ფეოდალთა სახლის შვილი ხდებოდა რელიგიის მსახური, მაღალი საეკლესიო ხელისუფალი. ეკლესია, როგორც ფეოდალური ორგანიზაცია, პალე ჩაება კლასობრივ და შინაკლასობრივ ბრძოლაში³⁷.

36 ს. ჯანაშია, ბრძოლა მიწის ფეოდალური მითვისებისათვის ძველ საქართველოში, შრომები II, გვ. 447.

37 ტიპურია ამ მხრივ არსენ I-ის კათალიკოსად გახდომის ამბაეო. არსენი ექვსი წლის იყო, როდესაც ხანძელმა ბერებმა თვედორემ და ქრისტეფორემ მამამისის, სამცხის დიდი აზნაურის მირიანის სურვილის თანახმად „მოწესეთა სამოსლითა შემოსეს ყრმაჲ იგი“. მირიანს თავიდანვე ჰქონია, როგორც ჩანს, განზრახული, მისი უმცროსი ვაჟი დიდი საეკლესიო ხელისუფალი გამხდარიყო. რითაც ეკლესიის მხარდაჭერა ექნებოდა მოშავალში. ბავშვი გრიგოლ ხანძელთან აღიზარდა და შემდეგ მამამ „მძლავრ სამცხისა ერითაჲმჲ თჳსი დაადგინა კათალიკოზად“. (იხ. გრიგოლ ხანძელის ცხოვრება, გვ. 89).

მირიანის მოქმედებას წინ აღუდგა მამფალი გუარამ დიდი და ეპისკოპოსების უმრავლესობა. გუარამს უკვე დაპყრობილი ჰქონდა ჭავჭავთი, თრიალეთი, ტაშირი, აბოცი და არტანუჯი. ეკვი არაა, ჭერი სამცხეზე იღვასეთ ვითარებაში მირიანის წარმატება გუარამს თავისი ინტერესების საზიანოდ მიუჩნევია. ჭავჭავთში სპეციალურად მოწყობილმა საეკლესიო კოლებამ, მიუხედავად გუარამისა და ზოგიერთი ეპისკოპოსის დიდი მცდელობისა, ვერ შეძლო არსენის გადაყენება, რაც გრიგოლ ხანძელის დიდი დამსახურება იყო, თუმცა არც გრიგოლი უარყოფდა, რომ ეს საქმე მირიანმა „აუგიან ყო უეპოდ შესწრაფებითა“.

ადრე ფეოდალური ხანის დასასრულისათვის ეკლესია-მონასტრები მნიშვნელოვან საზოგადოებრივ-ეკონომიურ ძალას წარმოადგენდნენ. ეკლესია დიდი ფეოდალური ორგანიზაცია იყო და ყმა-მამულის ისეთივე მესაკუთრე, როგორც საერო ფეოდალები. უფრო მეტიც, არა ერთი საშუალო და წვრილი აზნაური ეკლესიის (საკათალიკოსო და საეპისკოპოსო კათედრების, მონასტრების) მფარველობა-პატრონობას ანუ „საყდრის შვილობას“ (resp. „ეკლესიის შვილობას“) ეძიებდა.

უძველესი ცნობა „ეკლესიის შვილთა“ ინსტიტუტის შესახებ, ჩვენი აზრით, „აბო ტფილელის წამებაში“ მოიპოვება: „...საწადელ და სასურველ მღდელთა და ყრმათა მათ მოწაფეთა და შვილთა ეკლესიისათა...“³⁸. უკანასკნელ დროს აღმოჩენილ თრეხვის წარწერაში (1066 წ.) მოხსენებულია რუისის საეკლესიო სენიორიის „საყდრის შვილნი“: „მე ლეონტი მროველმან დიდითა მოჭირვებითა აღვაშენე ესე ქუაბი ხატისათვის ღმრთეებისა და დღესა ჭირისასა ნავთსაყუდელად რუისისა საყდრისა შვილთათვის...“³⁹.

აკად. ს. ჯანაშიას განმარტებით, „საყდრის შვილებად იწოდება მთელი ის პერსონალი, რომელიც დაკავშირებულია კულტსა და ტაძართან, კერძოდ—ტაძრის მეურნეობასთან. უპირატესად აქ ტაძრის, საყდრის, მოხელე ხელისუფალნი იგულისხმებიან“⁴⁰. ეკლესია-მონასტრების მართვა-გამგეობა ამ აზნაურ-მოხელეთა მოვალეობაა. „საყდრის შვილის“ ერთ-ერთი გარეგნული ნიშანია მონასტერში დასაფლავების უფლება⁴¹.

ბ. ლომინაძის ვარაუდით, „საყდრის შვილობა“ ადრე ფართო ცნება უნდა ყოფილიყო და ეკლესიის ქვეშევრდომ-მსა-

38 კ. კეკელიძე, ადრინდელი ფეოდალური ლიტერატურა, 1935, გვ. 59.

39 გ. გაფრინდაშვილი; ლეონტი მროველის 1066 წ. სამშენებლო წარწერა თრეხვის ქვაბებიდან, საქ. სსრ მეცნ. აკადემიის საზოგადოებრივ მეცნ. განყოფილების მოამბე, 1961, № 1, გვ. 246—247.

40 ს. ჯანაშია, შრომები, I, გვ. 165.

41 იქვე, გვ. 164.

ჭურთა ყველა წრეს მოიცავდა; რომ შემდეგ მოხდა მისი დავიწროება და „საყდრის შვილობა“ საეკლესიო სენიორიის ვმა-აზნაურთა პრივილეგიებულმა ჯგუფმა დაინარჩუნა⁴².

უფრო ფართო შინაარსის მატარებელია „ხატის შვილების“ ინსტიტუტი, რომელიც მონასტრის მსახურთა სხვადასხვა საზოგადოებრივ ჯგუფებს აერთიანებდა.

რაც შეეხება საეკლესიო და სამონასტრო საქონებელთა მმართველობას, როგორც აკად. ნ. ბერძენიშვილი აღნიშნავს, იგი ფეოდალურ-კოლეგიურია.

„კათალიკოსები და ეპისკოპოსები საეკლესიო საქონებელთა მმართველობის საქმეებს წყვეტენ „ყოველთა ეკლესიის შვილთა თანადგომით და ერთნებაობით“ (საეკლესიო აზნაურთა უძლიერესი ჯგუფია)⁴³.

ეკლესიის სამამულო-ორგანიზაციული საქმეების მართვა-მოწესრიგება, ეხება ეს ყმა-მამულის ბოძებას, ყმის გაყრას, მამულზე დაეას, სახელოს ბოძებას თუ სხვა რამეს, „საყდრის შვილთა“ თანხმობა-მონაწილეობის გარეშე არ ხდება. ისინი არა მარტო კოლეგიური მმართველები არიან ეკლესიის საქონებელთა, არამედ კათალიკოს-ეპისკოპოსებთან ერთად მათი კოლექტიური მფლობელებიც არიან⁴⁴.

საერთოდ, ეკლესიის მსახურნი ცალკე სოციალურ წოდებას არ შეადგენდნენ. უმაღლესი საეკლესიო ხელისუფალნი (კათალიკოს-ეპისკოპოსები, წინამძღვრები...) აზნაურთა ფეოდალური კლასის რიგებიდან იკრიფებოდნენ, ხოლო დაბალი, სოფლის სამღვდლოება—მწარმოებელი საზოგადოებრივი ფენებიდან იყო გამოსული.

42 ბ. ლომინაძე. „მცხეთის შვილი“ XIV—XVIII სს.. ხელნაწერის თავზიანი მოწოდებისათვის პატ. ბ. ლომინაძეს მადლობას მოვახსენებთ.

43 Н. А. Бердзенишвили, Очерк из истории развития феодальных отношений в Грузии (XIII—XVI вв. Тб., 1938, გვ. 5-44 ბ. ლომინაძე. დასახელებული ხელნაწერი.

ავტორს თავისი გამოკვლევის შედეგები „მცხეთის შვილის“ (მცხეთის საკათალიკოსოს მსახურულ აზნაურთა ჯგუფი) ინსტიტუტის მაგალითზე აქვს მიღებული. მაგრამ ასეთივე მნიშვნელობა ეძლევა მას სხვა საეკლესიო სენიორიების მიმართაც.

3. კერძო მიწათმფლობელობა

კერძო მფლობელობა მიწაზე სახელმწიფო და სათემო საკუთრებისაგან გამოთიშვით წარმოიქმნა. ფეოდალური ურთიერთობის ადრეული ხანის დამდევისათვის კერძო მიწათმფლობელობას უკვე მნიშვნელოვანი ადგილი ეკირა საადგილმამულო სფეროში, ზოლო მსხვილი კერძო მფლობელობა თავისი სასიათით სულ უფრო ფეოდალური ხდებოდა.

თემური ორგანიზაციების სამიწო საკუთრებას ქართლში რღვევის პირველი ნიშნები ჯერ კიდევ მონური წარმოების ხანაში გამოაჩნდა, რამაც შემდეგში უფრო ძლიერ იჩინა თავი, ფეოდალური ურთიერთობის ჩასახვისა და განვითარების შესაბამისად.

ქვეყნის ეკონომიური განვითარების შედეგად სულ უფრო ძლიერდებოდა მიწის ინდივიდუალურ საკუთრებაში გადაქცევის ტენდენცია. სათემო მიწებზე ფეხს იკიდებდა წვრილი კერძო მფლობელობა, ჯერ ბალ-ვენახებზე, შემდეგში სახნავ-სათესზედაც.

სასოფლო თემების შექმნულ წევრებს საერთო, სათემო სარგებლობაში მყოფი ზიწების გარდა, თავისი წვრილი სამიწო საკუთრებაც გააჩნდათ. მიწის კერძო მფლობელობა იყო საფუძველი ძველს ქართლში ერის წიაღიდან აზნაურ-წარჩინებულთა სოციალური ფენის წარმოჩენისა.

წვრილი კერძო მიწათმფლობელობის წარმოშობის წყარო უმთავრესად სათემო მიწები იყო, არა იშვიათად მის გარეშე მდებარე ადგილებიც, მათი მითვისების სხვადასხვა გზით (უშენის მოშენება, უხმარის სახმარად გადაქცევა, მფლობელობის ხანდაზმულობა...).

მიწაზე ინდივიდუალური კერძო საკუთრების შემოსვლის ერთ-ერთი ეკონომიური გზა იყო „სყიდვაც“, რაზეც მეტყველებს ამ ინსტიტუტის განსაკუთრებული განვითარება და მნიშვნელობა ძველს ქართლში.

ფიქრობენ, რომ „ნასყიდის“ ინსტიტუტი ქართლში მონათმფლობელური ურთიერთობის ხანიდან მომდინარეობს⁴⁵. აკად. ნ. ბერძენიშვილმა მიწის ნასყიდობის უძველესი ფაქტი VI ს-ში დაადგინა⁴⁶. შესაძლებელია ამაზე აღრინდელი დოკუმენტი იყოს წყისეს ქვა-ჭვარი. ერთი კი ცხადია, რომ მიწის ყიდვა-გაყიდვის წესის შემუშავება აღრინდელი ფეოდალური ურთიერთობის მიღმა საძიებელი. აკად. ნ. ბერძენიშვილის დაკვირვებით, „ნასყიდი“ საქართველოში მეტად ძველი ინსტიტუტია, რომ ის ფეოდალური ურთიერთობის გამარჯვების წინა ხანაში უკვე არსებობდა იურიდიულად სავსებით გაფორმებული⁴⁷.

ყიდვა-გაყიდვა უმნიშვნელოვანესი საშუალება იყო საკუთრების წარმოშობისა ფეოდალური ურთიერთობის მთელს ბანძილზე. ამ ინსტიტუტის საფუძველზე წარმოშობილი საკუთრების უფლება განსაკუთრებით მტკიცე და საიმედოა (მიუღდეგარია). თავისუფალია ფეოდალური საკუთრების მთელი რიგი შეზღუდვებისაგან. („ნასყიდობა ალალი და შესარჩენი საქმე არის“.—ეახტანგის კანონები). ამიტომაც იყო, რომ საკუთრების შეძენის ამ გზას ხშირად მიმართავდნენ ხელმწიფენი, დიდი და მცირე ფეოდალები, ეკლესია-მონასტრები, ვაჰარ-ხელოსნები, თავისუფალი მწარმოებლები და ზოგჯერ გლეხებიც. დამახასიათებელია ამ მხრივ აშოტ I კურაპალატის საქმიანობა შავშეთ-კლარჯეთში, რომელმაც „სოფლები ზოგი იყიდა საფასოთა, და ზოგი ოკერი აღაშენა“⁴⁸.

45 ნ. ბერძენიშვილი, ფეოდალური ურთიერთობის გამარჯვება საქართველოში, საქართველოს ისტორიის დამხმარე სახელმძღვანელო, I, გვ. 105, ივ. სურგულაძე, საკუთრების უფლების ინსტიტუტი ფეოდალური საქართველოს სამართლის ძეგლების მიხედვით, თსუ შრომები. XXXVII B.. 1949. გვ. 2; მ. ლორთქიფანიძე, ადრეფეოდალური ხანის ისტორიის ზოგიერთი საკითხი ქართულ საბჭოურ ისტორიოგრაფიაში, აკად. ივ. ჯავახიშვილის სახ. ისტორიის ინსტიტუტის შრომები.

46 მიმოშვილელი, III, გვ. 305.

47 ნ. ბერძენიშვილი, ერთი ფურცელი ისტორიულ-გეოგრაფიული დღიურიდან, გვ. 143.

48 ქართლის ცხოვრება, I, გვ. 376.

კერძო მფლობელობაში მყოფ მიწას, ჩვეულებრივ, „აგარაკი“ ეწოდებოდა. ეს ტერმინი ამავე მნიშვნელობით ძველ სომხურშიც იხმარებოდა (*ագարაკ*). სომხურ-ქართულისათვის ამ საერთო ტერმინს მკვლევარები უკავშირებენ სუმერულ-აკადურ *agar (akar)*—„ყანა, სახნავი მიწა, მდელო“⁴⁹.

ყველა ეს მნიშვნელობა ჰქონდა „აგარაკს“ ძველ ქართულშიც, მაგრამ აქ იგი, თითქოს, უფრო ფართო და მრავალმხრივი შინაარსის მატარებელი ჩანს. პირველ ყოვლისა, „აგარაკი“ ნიშნავდა „მიწას“ (ოთხთავში⁵⁰: მ. 27, „აგარაკი“ სასაფლაოდ გამოყენებულ მიწას ეწოდება); შემდეგ—„სახნავ-სათეს ადგილს, ყანას“ (მ. 13₈, მ. 13₁₁, ლ. 12₈). ტერმინი ნიშნავდა აგრეთვე „ველს“ (შდრ. მ. 24₄₀ C და მრ. 15₂₁ Д); „სანახებს“ (შდრ. მრ. 6₈ C და მრ. 6₃₆ Д).

ბოლოს, „აგარაკი“ აღნიშნავდა „დასახლებულ ადგილს, დაბას“⁵¹ (შდრ. 5₁₁ C და მრ. 5₁₄ Д).

„აგარაკი“ „დაბის“ სინონიმური პარალელია აგრეთვე თხზულებაში „თხრობაჲ სასწაულთათვის.. შიოსთა“ და სხვაგან⁵².

„აგარაკი“, როგორც სამეურნეო ცნება, უფლებრივი შინაარსითაც გამოდიოდა. კარგა ხანია, რაც გამოთქმულია აზრი, რომ „აგარაკები“ სასოფლო თემის მიწებს გარეშე მოქცეულ,

⁴⁹ С. Т. Еремян, О рабстве и рабовладении в древней Армении, ВДИ, № 1, 1950, გვ. 13.

⁵⁰ აქ და სხვაგან ვსარგებლობთ აკად. აკ. შანიძის მიერ გამოცემული ქართული ოთხთავის ორი ძველი რედაქციით, თბილისი, 1945.

⁵¹ „დაბა“ გარკვეული სამეურნეო ცნება იყო. ქალაქებზე დაქვემდებარებული დაბები არსებითად აგარაკებს წარმოადგენდნენ („აგარაკის“ ცნების ერთ-ერთი ძირითადი ნიშანია მისი დაქვემდებარებული სამეურნეო ხასიათი). ეს ჩანს ოთხთავის ზემოთ დაპირისპირებული ვარიანტებითაც, რასაც მხარს უჭერენ სხვა მონაცემებიც და მათ შორის მასალები ძველი თბილისის ტოპონიმიკიდან. იხ. ნ. ბერძენიშვილი, ძველი თბილისის ტოპონიმიკიდან. მიმომხილველი, 11, 1951.

⁵² უძველეს სინურ მრავალთავში „აგარაკის“ სინონიმებია „ყანობი-რი“ და „დაბა“. იხ. სინური მრავალთავი 864 წლისა, აკ. შანიძის რედაქციით, 1959, გვ. 67—68.

კერძო განკარგულებაში მყოფ მიწის ნაკვეთებს წარმოადგენდნენ⁵³.

სახარებასა და ბიბლიაში „აგარაკი“ კერძო მფლობელობის საგანია, რომელსაც ყიდვა-მოგების გზით შოულობენ⁵⁴. ტერმინი ხშირად იხმარება ადრეფეოდალური ხანის ორიგინალურ ლიტერატურულ ნაწარმოებებშიც. უნდა ითქვას, რომ ეს ძეგლები არ ეწინააღმდეგებიან ნათარგმნი თხზულებებით წარმოდგენილ „აგარაკის“ უფლებრივ შინაარსს.

„აბო ტფილელის წამებაში“ ნათქვამია, რომ აბომ „დაუტევა მონაგებნი და აგარაკები“⁵⁵. „მონაგებში“ აქ მოძრავი ქონება იგულისხმება, ხოლო „აგარაკები“ აღნიშნავს უძრავ (სამიწო) მფლობელობას.

„სერაპიონ ზარზმელის ცხოვრებაში“ ხაზგასმულია, რომ დიდი მთავრის გეორგი ჩორჩანელის „აგარაკთა სივრცე საზღვართ-ვრცელ და მრავალ იყო“. ეს „აგარაკები“ მემკვიდრეობითი ხასიათის სამიწო მფლობელობაში ითვლებოდნენ, „მამულს“ შეადგენდნენ⁵⁶.

⁵³ ს. ჯ ა ნ ა შ ი ა, შრომები, გვ. 282; Г. Мелнкишвили, К истории..., გვ. 414.

ტერმინის ასეთივე მნიშვნელობა დამოწმებულია ძველ სომხურშიც. როგორც პროფ. ნ. ვრემიანი შენიშნავს: „В армянском языке агарак, в отличие от общинной земли, получает определенный смысл, как название частновладельческой земли, частновладельческого хозяйства“. С. Т. Еремян, დასახელ. შრომა, გვ. 13—14.

„აგარაკი“ ძველ ქართულ ტექსტებში ხშირად „დაბის“ ან „სოფლის“ გვერდით და საპირისპიროდ იხმარება. მკვლევრების აზრით (ს. ჯანაშია, ვ. მელიქიშვილი), ამ ტერმინებით აღნიშნულია სამიწო საკუთრების ძირითადი. კერძო მფლობელობაში არსებული მიწის ნაკვეთები („აგარაკი“) და თემის სამიწო საკუთრება („დაბა“, „სოფელი“). იხ. ს. ჯ ა ნ ა შ ი ა, შრომები, I, გვ. 282; Г. Мелнкишвили, К истории..., გვ. 414-415.

⁵⁴ იოანე მოსხის „ლიმონარიში“ „აგარაკი“ კერძო მფლობელობაში მყოფი მიწაა (ყანობირია), რომლის დამუშავებაც პატრონს (გლახაკია) გაძნელებია. იხ. იო ა ნ ე მ ო ს ხ ი, ლიმონარი, ი. აბულაძის გამოცემა, 1960, გვ. 8.

⁵⁵ ქ. კ ე კ ე ლ ი ძ ე, ადრინდელი ფეოდალური ლიტერატურა, გვ. 64.

⁵⁶ ჩორჩანელმა გარდაცვალების წინ მთელი თავისი უძრავ-მოძრავი ქონება („მამული... და მონაგები“) დისშვილებს უანდერძა. იხ. ქ. კ ე კ ე ლ ი ძ ე, ადრინდელი ფეოდალური ლიტერატურა, გვ. 173.

ჩვეულებრივ, „აგარაკი“ კომპლექსურ სამეურნეო ერთეულს წარმოადგენდა და დასახლებულ ადგილს ახლდა, მას ექვემდებარებოდა. შესაძლებელი იყო დაბა-ქალაქებში შემავალი (სამეურნეო თვალსაზრისით) და მათზე დაქვემდებარებული ასეთი ეკონომიური ერთეულები, ხელსაყრელი პირობების შემთხვევაში, თვითონ განვითარებულიყვნენ დასახლებულ პუნქტებად, ე. ი., ქალაქებსა და დაბა-სოფლებზე დამოკიდებულებას თავს აღწევდნენ (მნიშვნელობის დაკარგვის გამო) და საკუთარ „აგარაკებს“ იჩენდნენ.

დამახასიათებელი სურათია მოცემული ამ თვალსაზრისით „გრიგოლ ხანძთელის ცხოვრებაში“. სახნავ-სათესი ადგილების უქონლობის გამო, აშოტ კურაპალატმა ხანძთის მონასტერს „შეწირა ადგილნი კეთილნი და შატბერდისა ადგილი აგარაკად ხანძთისა“. გრიგოლ ხანძთელის ინიციატივით და ბაგრატ კურაპალატის ხელისშეწყობით შატბერდში შემდეგ დიდი მონასტერი აშენდა. ცხადია, ამის შემდეგ შატბერდი ველარ დარჩებოდა ხანძთის „აგარაკად“ (სამეურნეო მნიშვნელობის დაკარგვის გამო). იგი ახლა უკვე თვით საპირობდა საკუთარ „აგარაკებს“ და ბაგრატ კურაპალატმაც „მაშინ უბრძანა ადგილნი⁵⁷ მარჯუენი აგარაკად შატბერდსა“.

საერთოდ, აგარაკი (II აგარა) სამონასტრო ცხოვრების თანმხლები მოვლენა იყო (ისე, როგორც, ქალაქებისა და დაბა-სოფლების)⁵⁸. ქართლის მოქცევის მატინანის ცნობით, ჯერ კიდევ მირიან მეფეს შეუწირავს სოფლები და აგარაკები ნინოს სამარხზე აღმართული ეკლესიისათვის⁵⁹.

⁵⁷ ყველა ეს „ადგილნი“ ზოგადად ერთ სამეურნეო კომპლექსს (აგარაკს) შეადგენდა, რაც, თავის მხრით, უფრო მცირე ერთეულებსაც (აგარაკებს) გულისხმობდა. თხზულებაში ერთგან ნათქვამია: „იყო წმიდამ (გრიგოლი) აგარაკად ერთსა შატბერდისასა“. იხ. ცხოვრება გრიგოლ ხანძთელისა, გვ. 146.

⁵⁸ XI—XIII სს. ქართულ საბუთებში ხშირად იხსენიება სოფლები მათის აგარაკებით („სოფელნი და აგარანი მათნი“). ქალაქის და კერძოდ, თბილისის აგარაკების შესახებ იხ. ნ. ბერძენიშვილი, ძველი თბილისის ტოპონიმიკიდან.

⁵⁹ Е. Такайшвили, Описание рукописей, II, гв. 804.

VI ს-ში შიომღვიმის მონასტრის მამულების ერთი ნაწილი შეწირული აგარაკებისაგან შედგებოდა⁶⁰. თავისი აგარაკები ჰქონდათ აგრეთვე ხანძთას, შატბერდსა და სხვა ეკლესია-მონასტრებს.

კერძო მფლობელობაში მყოფი მიწის მნიშვნელობით იხმარებოდა აგრეთვე „მამული“⁶¹. „მამული“ („მამეული“, —საბა, ლექსიკონი) მამისაგან მემკვიდრეობით მიღებულ უძრავ საკუთრებას აღნიშნავდა⁶². სახარების უძველეს ქართულ თარგმანებში „მამული“ უკვე მეორეული (წარმოებული) მნიშვნელობით იხმარება—სამშობლოს ნიშნავს⁶³. აკად. ნ. ბერძენიშვილის შენიშვნით, „მამული უპირველესად უძრავი ქონების, ნამისაგან ნამემკვიდრევის, აღსანიშნავად იხმარებოდა და შემდეგ თანდათან მოხდა მისი გავრცელება „სამშობლოს“ ცნებად⁶⁴.

მაგრამ მამეული უძრავი ქონება („მამული“) თავისი წარმოშობით შეიძლებოდა სხვადასხვა ხასიათის ყოფილიყო: მკვიდრი, ნასყიდი, ნაშობები, მონაგები, ნაწყალობევი, ნაშითვი, სამსახურის სანაცვლოდ გაცემული და სხვ. თანდათან ტერმინი უძრავ-მომძრავი მფლობელობის ყოველგვარ ობიექტზე გავრცელდა.

60 შემდეგშიაც შიომღვიმის მონასტრის სამიწო საკუთრება „აგარაკებად“ იწოდებოდა. დავით აღმაშენებელი თავის ანდერძში ამ მონასტრისადმი ამბობს: „არც მღვმისა შედგომად ვის აქუს ქელმწიფებაჲ. არცა მათთა აგარაკთა და საქონებელთაჲ თანა ვის საქმე უც...“. იხ. თ. ყორღანიძე, ისტ. საბ. შიომღვიმის მონასტრისა, გვ. 18.

61 „სერაპიონ ზარზმელის ცხოვრებაში“ ნათქვამია, რომ სერაპიონის შობლების გარდაცვალების შემდეგ („რომელნი შრომით და ქუეყანის მოქმედებით იზარდებოდეს“), მისი უფროსი ძმა „წესითა მსოფლიოთა დამპყრობელ ექმნა მამულსა სამკვდრებელსა“ (გვ. 151). აქ, ცხადია, „მამული“ წერილ-კერძო მფლობელობაში მყოფი სამემკვიდრეო მიწა-ადგილია.

62 ივ. ჭავჭავაძის შვილი, ქართული სამართლის ისტორია, წიგნი II, 1929, გვ. 389.

63 იქვე, გვ. 389.

64 ნ. ბერძენიშვილი, „ა. კიკვიძე, საზოგადოებრივ-პოლიტიკური მოძრაობა საქართველოში XIX საუკუნეში“, აკად. ივ. ჭავჭავაძის სახ. ისტორიის ინსტიტუტის შრომები, ტ. I, 1955, გვ. 485.

წვრილი კერძო მიწათმფლობელები ქართლში ადრეულ ფეოდალიზმის ხანაში უმთავრესად მატერიალური დოვლათის ღირებულებით მწარმოებლები (მდაბიურები) იყვნენ. X ს. მიწურულისათვის ხალხის კერძო თუ სათემო მიწა-წყლის მიტაცებისა და მათი აზნაურთა ფეოდალურ მამულებად გადაქცევის პროცესი ქართლის მოწინავე რაიონებში ძირითადად დასრულებულია. ფეოდალებმა ერთიანად დაადგეს ხელი მდაბიურთა კერძო სამფლობელო მიწებს, ხოლო ყოფილ მფლობელებს ყმობის უღელი დაადგეს.

ამ დროიდან, შეიძლება ითქვას, რომ კერძო და სათემო მიწებზე ფეოდალური მიწათმფლობელობა საბოლოოდ დამკვიდრებულია.

4 ფეოდალური მიწათმფლობელობა

ფეოდალიზმის ხანაში წარმოების ძირითადი საშუალება მიწა იყო, ხოლო ფეოდალური მიწათმფლობელობა — მისი საფუძველი.

ფეოდალური მიწათმფლობელობა თავდაპირველად მსხვილი კერძო სამფლობელო მიწების ფეოდალური ექსპლოატაციის შედეგად წარმოიქმნა. შემდგომ კი იგი უმთავრესად სათემო მიწების მითვისების გზით ფართოვდებოდა. მიწის ფეოდალური საკუთრების წყაროები იყო აგრეთვე უშენის მოშენება, ყიდვა. შეწარულობა, ნაშობები, ნაჭირნახულები, მფლობელობის ხანდაზმულობა და სხვ.⁶⁵ ფეოდალური საკუთრების წარმოშობის მნიშვნელოვანი საშუალება იყო წყალობა-ბოძებაც. წყალობა „პატრონის“ უფლება და ვალდებულება იყო „ყმად“ შეწყნარებულის მიმართ, რაც ამ უკანასკნელს, თავის მხრით, ერთგულებასა და სამსახურს აკისრებდა. ნაწყალობევი მიწა „ყმას“ (ვასალს) ან პირობით მფლობელობაში ეძლეოდა, ე. წ. „საკარგაეების“ სახით, ანდა „მკვიდრად“ და „სამამულოდ“, ე. ი. მემკვიდრეობით მფლობელობაში.

⁶⁵ ე. ვაბაშვილი, ქართული ფეოდალური წყობილება XVI—XVII, საუკუნეებში, 1958, გვ. 137.

ფეოდალური მიწათმფლობელობის ერთი უმნიშვნელოვა-
 ნის საკითხია მიწის საკუთრების ფორმების საკითხი. აკად.
 ნ. ბერძენიშვილის დაკვირვებით, ქართლის საზოგადოება VI—
 VII საუკუნეებში უკვე იცნობდა მიწის საკუთრების ისეთ
 ფორმებს. როგორცაა „მამული“, „შეწირული“ და „ნაწყალო-
 ბევი“⁶⁶. ვფიქრობთ, რომ „მამულის“ გვერდით ამ დროს „სა-
 არგავიც“ არსებობდა. ადრეული ფეოდალიზმის ხანაში, აზ-
 ნაურ-წარჩინებულებზე მიწების გაცემა, ჩვენი აზრით,
 უმთავრესად პირობითი მფლობელობის სახით ხდებოდა.
 აერძოდ, ვახტანგ გორგასლის მიერ მხედრების „წარჩინებულ
 ქმნა“, თუ უფრო გვიან, არჩილის მიერ ტაძრეულების „აზ-
 ნაურ ყოფა“, ვფიქრობთ, სამიწო საკუთრების ამ ფორმას ემ-
 ყარებოდა.

როგორც ჩანს. იმთავითვე ფართო გავრცელება მოიპოვა
 აგრეთვე მიწის მემკვიდრეობითი მფლობელობის (სამ. მულო)
 სისტემა. მეფობის მოსაზობა ქართლში და ერისთავების მიერ
 სამოხელეო ქვეყნების „მამულობა შვილითი-შვილამდე“. უდა-
 ვოა, ხელს უწყობდა ამ მფლობელობის დამკვიდრებას სახელ-
 წიფოს სხვა მიწა-წყალზეც⁶⁷.

აკად. ს. ჯანაშიას დაკვირვებით, V—VI სს. ქართლში ფეო-
 დალური მსხვილი მიწათმფლობელობა უკვე არსებობს „მემ-
 კვიდრეობითი მყარი მემამულეობის სახით“⁶⁸. მემკვიდრეობით
 საკუთრებას წარმოადგენს, მაგალითად, „სერაპიონ ზარზმელის
 ცხოვრებაში“ მოხსენებული დიდი მთავრის გიორგი ჩორჩა-
 ნელის ადგილ-მამული. ეს ფეოდალი, როგორც „ცხოვრებაში“
 წერია: „ყოველთა ჰმატდა სიმდიდრითა და სიმრავლითა ერ-
 თა და აგარაკთაჲთა, რომელთა სივრცე საზღვართ-ვრცელ და
 მრავალ იყო“⁶⁹. გარდაცვალების წინ ჩორჩანელმა (მას შვილე-

66 ნ. ბერძენიშვილი. „ს. ჯანაშია, საქართველო ადრინდელი
 ფეოდალიზაციის გზაზე“. გვ. 303.

67 ამ თეოსაზრისით განსაკუთრებულ ინტერესს იწვევს ქართლის ერის-
 მთავრების საადგილმამულო საკუთრების სფეროს გამოკვლევა. რაც შეი-
 ჟერა ცნობების უქონლობის გამო. ყველგან არ ხერხდება.

68 ს. ჯანაშია, შრომები, I, გვ. 288.

69 ს. ქეკელიძე, ადრინდელი ფეოდალური ლიტერატურა, გვ. 154.

ბი არ დარჩენია), „მამული... და მონაგები მისი, დასა მისსა შექვედრა და შეილთა მისთა საკუთრებით განუთუჯა“⁷⁰.

ქართლში, ისევე როგორც სხვაგან, ფეოდალური სამეურნეო ორგანიზაციის ორი ძირითადი ფორმა არსებობდა. საპატრონო მიწების დიდი ნაწილი (ზერები, ხოდაბუნები, ახოები...) ფეოდალების უშუალო სარგებლობაში რჩებოდა და ფეოდალური მეურნეობის შინაარსს ქმნიდა. აქ გლეხური შრომის უშუალო ექსპლოატაცია ხდებოდა. მიწების მეორე ნაწილი კი გლეხებზე იყო გადაცემული („საგლეხო ფუძე“), რომლით სარგებლობისათვის მიწის მუშა პატრონს მოსავლის გარკვეულ ნაწილს უხდიდა.

აზნაურები მამულების სივრცე-სიდიდით განსხვავდებოდნენ ერთმანეთისაგან, ისე როგორც გლეხები საგლეხო ფუძის სისრულით თუ ნაკლებობით. მიუხედავად იმისა, რომ ქართლში დიდ აზნაურთა მსხვილი ფეოდალური მეურნეობები საკმარისად არსებობდნენ, უნდა ითქვას, რომ აქ მაინც საშუალო და წვრილი ფეოდალური მემამულეობა ქარბობდა.

ფეოდალურ მფლობელობაში არსებული მიწების აღმნიშვნელი ზოგადი ტერმინი ძველთაგანვე „მამული“ იყო.

რამდენადაც „მამული“ მემკვიდრეობითი მიწათმფლობელობის სხვადასხვა კატეგორიებს აერთიანებდა, თითოეულ ღათგანზე წარმოშობილი მფლობელობის იურიდიული რეჟიმი ერთნაირი არ შეიძლება ყოფილიყო. ამის გამოა, რომ წყაროებში, როგორც წესი, აღნიშნულია თუ მამულის რა სახესთან გვაქვს საქმე: ნასყიდია იგი. მკვიდრი თუ ნამზითვი⁷¹. მონაგებ-ნაშოები თუ ნაბოძებ-ნაწყალობევი. მემკვიდრეობითი მიწათმფლობელობის ერთი ნაწილი—ნასყიდი, ნამზითვი, მონაგებ-ნაშოები, მეტ-ნაკლებად სრული საკუთრების საგნად

70 ს. კეკელიძე. ადრინდელი ფეოდალური ლიტერატურა, გვ. 173.

71 „ნამზითვი“ ჰონების აღსანიშნავად იხმარებოდა აგრეთვე „დედული“ (დედისეული), „მამულის“ მსგავსად და მისგან განსხვავებით წარმოცხული. მაგრამ „დედული“, ჩვეულებრივ, მაინც უფრო ფართო ცნება იყო, ვიდრე „ნამზითვი“.

უნდა მივიჩნიოთ. განსაკუთრებით მტკიცეა ყიდვა-გაყიდვის საფუძველზე წარმოშობილი საკუთრების უფლება.

„ნასყიდი მამული“ განთავისუფლებული იყო სახელმწიფო, საეკლესიო და სამოხელეო გამოსაღებელისა და სამსახურისაგან. შიომღვიმის მონასტრის 1250—1260 წწ. საბუთის მოწმობა ამ მხრით სანიმუშოა:

„არაჲის საქმე უც ამას ადგილსა ზედა: არცა სამეფოჲ სამსახური ზედა აც, არცა მდგური, არცა გამოსაღებელი, თვინიერ ეკლესიისა მამითნადი⁷². ყოვლითურთ უბეგროჲ არს, მით რომელ ნასყიდი არს“⁷³.

ნასყიდი, ნამზითვი, მონაგებ-ნაშოები „მამული“ მემკვიდრეობით სამიწო საკუთრებას შეადგენდა. მაგრამ ფეოდალური საკუთრების წარმოშობის მნიშვნელოვანი საშუალება იყო წყალობა-ბოძებაც. „მკვიდრად და სამამულოდ“ ბოძებული მიწა-ადგილი, ზოგადად, შეწყალებულის „მამულში“ იგულისხმებოდა. მაგრამ საკუთრების უმაღლესი უფლება ასეთ ადგილზე „პატრონს“ რჩებოდა, „ყმას“ კი სარგებლობა-მფლობელობის უფლება ეკუთვნოდა.

„ნაწყალობევი მამული“ „სამსახურის სანაცვლოდ“ იყო გაცემული (მატიანე ქართლისაჲ: „... ამის მსახურებისა ნაცვლად მეფემან უბოძა სულას მამულობით ციხისჯუარი და ოძრკე ბოდო-კლდითა“). სწორედ სამკვიდრო-სამამულოდ ნაბოძები „მამულის“ საფუძველზე ემსახურებოდა ყმა ფეოდალი (ვასალი) პატრონს. პატრონყმური დამოკიდებულების საფუძველი ადრეფეოდალურ ხანაში უმთავრესად სამამულო ურთიერთობის ამ ნიადაგზე შემზადდა.

მამულზე რიგი სახელმწიფო და კერძო-საპატრონო ვალდებულებები იყო დადებული. უმთავრესი მათ შორის მაინც სამხედრო სამსახური (ლაშქრობა) იყო. ლაშქრობისაგან არავინ იყო განთავისუფლებული. მაშინაც კი, როცა, მამული „შეუვალობით“ სარგებლობდა. ე. ი. განთავისუფლებული

⁷² საეკლესიო გამოსაღებელი, ამ შემთხვევაში „ეკლესიის მამიონადი“. ნასყიდს აწევს იმის გაზო. რომ იგი კვირკე კახთა მეფის სამწირველოზეა „მოკიდებული“.

⁷³ თ. ე. ო. ო. დ. ა. ნ. ი. ა. ისტ. საბ. შიომღვიმის მონასტრისა, გვ. 61

იყო „ყოვლისა გამოსავლისა და შესავლისა საჯელმწიფოდასა და სათხოვრისაგან ყოვლისა“.

დავით აღმაშენებლის სიგელი არიშიანთადმი მოწმობს, რომ მხოლოდ განსაკუთრებულ შემთხვევაში, როცა ყმას „ლაშქრობა აღარ შეეძლო“, და „დიდადაც იყო ნამსახური“. პატრონს შეეძლო იგი ამ მძიმე ვალდებულებისაგან გაეთავისუფლებია და მისი მამულიც „ქელშეუვალი“ გაეხადა⁷⁴.

ფეოდალები ცდილობდნენ თავიანთი მემკვიდრეობითი მიწათმფლობელობა მემკვიდრეობით საკუთრებად გადაექციათ. ამ ნიადაგზე გაუთავებელი ბრძოლა მიმდინარეობდა დიდგვარიან აზნაურებსა და ცენტრალურ ხელისუფლებას შორის. ძალთა შეფარდება მეფე-პატრონსა და ყმა-დიდებულს შორის, ყოველ კერძო შემთხვევაში, ხშირად განსაზღვრავდა მიწათმფლობელობის ხასიათს, რაც, თავის მხრით, აპირობებდა მწარმოებელი მოსახლეობის ექსპლოატაციისა და გარეეკონომიური იძულების ფორმას.

მაგრამ მიწა „სამსახურის სანაცვლოდ“, ანდა თანამდებობასთან დაკავშირებით, პირად სარგებლობაშიაც გაიცემოდა. პატრონყმური ურთიერთობის ხანაში მიწათმფლობელობის მთავარ ფორმას მაინც პირობითი მიწათმფლობელობა წარმოადგენდა, რომელსაც „საკარგავი“ ვერქვა.

საკარგავები სამხედრო სამსახურის პირობით ან სამოხელეოდ გაიცემოდნენ: ორივე შემთხვევაში ეს მიწათმფლობელობა პირობითი და დროებითი ხასიათისა იყო. მოლაშქრე და მოხელე-მოსაკარგავნი თავიანთი საკარგავებით მანამდე სარგებლობდნენ, სანამ მეფის ლაშქარში ან სამსახურში რჩებოდნენ.

საკარგავებს უმთავრესად წვრილი აზნაურები და თავისუფალი მოლაშქრეები ღებულობდნენ. ასეთი მსახურეული აზნაურები „მოსაკარგავე, აზნაურებად“ იწოდებოდნენ, განსხვავებით მემკვიდრე აზნაურებისაგან („აზნაურნი მემამულენი“).

მაგრამ, რადგანაც, თანამდებობის ჭერა და სამხედრო ვალდებულება ხშირად მემკვიდრეობით ხასიათს იღებდა (მოლაშ-

74 თ. ქორდანიას, ისტ. საბ. შიოშვიძის მონასტრისა, გვ. 21.

ქრე თუ მოხელე-მოსაკარგავენი „მემამულე აზნაურები“ ხდე-
ბოდნენ), დროებით სარგებლობაში გაცემული მიწაც, შესა-
ბამისად. სამემკვიდრეო მფლობელობაში გადადიოდა, ე. ი.
„საკარგავი“ თანდათან „მამულის“ სახეს იღებდა.

საკარგავი ფეოდალურ საქართველოში უმთავრესად მიწის
სახით გაიცემოდა. განვითარებული ფეოდალიზმის ხანაში, სა-
საქონლო და ფულადი ურთიერთობის განვითარების შედე-
გად. საკარგავი ზოგჯერ ფულად სარგო-გასამრჯელოს წარმო-
ადგენს. ნიკორწმინდის „დაწერილში“ ნათქვამია: „ქართველნი
ხუცესნი მოვიყვანენით და დავკარგენით. მათ ზედა გაგვიცე-
პია დრაჰკანი კონსტანტინატი: ნბ: სააღვებოდ“⁷⁵.

„ამირანდარეჯანიანში“ „საკარგავი“ ფულადი სარგოს მნი-
შვნელობითაც იხმარება. „შე თქუენი საკარგავი და ოქრო მი-
ქამია“⁷⁶,—ეუბნება მავანი ჰაბუკი ამირა ბასრელს. სხვაგან კი-
დევე ტერმინი იხმარება ჩვეულებრივი შინაარსითაც. მზექა-
ბუკს ექვსი ჰაბუკი „ყმად“ „შეეწყნარა“, „პატრონმა“ სანა-
ცვლოდ „საბოძვარი და საკარგავი უბოძა კიდის-კიდე ყოველ-
თა: იყენეს და მსახურებდეს ერთგულად“⁷⁷.

საკარგავების სისტემა ცენტრალური ხელისუფლების გან-
მტკიცების საქმეს ემსახურებოდა. მიწათმფლობელობის ამ
ფორმამ განსაკუთრებული მნიშვნელობა და გავრცელება გან-

⁷⁵ თ. ჟორდანიას, ქრონიკები, II, გვ. 49.

⁷⁶ ს. ყუბანეიშვილი. ძველი ქართული ლიტერატურის ქრესტო-
ზათია, II, გვ. 62. ჰსგავსი გამოთქმა არის „ამირანდარეჯანიანის“ დამატე-
ბებშიც. „ხელმწიფოთი ასულს“ შეცისოვნენი ეუბნებიან: „ჩვენ შენი სა-
კარგავი ოქრო მისთვის გვიქამია...“. იქვე, გვ. 130.

ვლიქობთ. ფულადი გასამრჯელის მნიშვნელობით იხმარება „საკარ-
გავი“ „მატიანე ქართლისაშიც“. მხედველობაში გვაქვს განძის ამირა ფა-
დლონის ვედრება-დაპირება შესხი აზნაურის ისავ ტოლოშელის ძინადნი:
„შიორე ჩემგან ოქრო და ვეცხლი დიდძალი და საკარგავნი მრავალნი და
!უ შემიწაიება“. ის. ქართლის ცხოვრება. I, გვ. 311.

⁷⁷ ს. კაკაბაძე. „ამირანდარეჯანიანი“ მოსე ხონელისა, 1939, გვ.
158—159.

„საკარგავი“ გვხვდება „ვისრამიანშიც“. რამინის შესახებ ნათქვამია,
რომ „ქელმწიფეთა და დიდებულთა საკარგავი მოუმატა და მათგან სათა-
ვისო ერთგულობა და სამსახური მოიმატა“. ის. ვისრამიანი, აღ. ბარამი-
ძის, პ. ინგოროყვას და კ. კეკელიძის რედაქციით. ტფ., 1938. გვ. 320.

ვითარებული ფეოდალური ურთიერთობის ხანაში, მონარქიის ძლიერების პირობებში მიიღო. სამეფო კარი თავისი პოლიტიკური ინტერესების უზრუნველსაყოფად, მსახურეული წვრილი აზნაურებისა და თავისუფალი მოლაშქრეებისაგან ქმნიდა დასაყრდენ სოციალურ ფენას, რომელთა ერთგულება-სამსახურის საფუძველი „საკარგავების“ სახით გაცემული სასეთო მიწა-წყალი იყო.

5. სათემო მიწათმფლობელობა

სათემო მიწათმფლობელობის საკითხი ქართლში მკიდროდა დაკავშირებული თემური ორგანიზაციების ხასიათთან.

იყო თუ არა ქართლის თემი თავისი წარმოშობით სატაძრო მფლობელობა, თუ, პირიქით, ტაძრების მემამულეობა თემების საზოგადოებრივი მიწების ფონდიდან იყო გამოყოფილი?

აკად. ს. ჭანაშია თემური და სატაძრო მიწათმფლობელობის ურთიერთობის საკითხში უკანასკნელ თვალსაზრისზე იდგა⁷⁸. საწინააღმდეგო შეხედულებას გამოთქვამს პროფ. გ. მელიქიშვილი თავის წიგნში—«*История древней Грузии*». სტრაბონის ცნობებსა და ეთნოგრაფიული ხასიათის მასალებზე დაყრდნობით, გ. მელიქიშვილს მიაჩნია, რომ თავისი წარმოშობით ქართლის თემი იყო სატაძრო თემი⁷⁹.

პროფ. გ. მელიქიშვილის აზრით, სათემო მიწების გადასვლა მეთემეთა სრულ საკუთრებაში ძირს უთხრიდა ტაძრების ეკონომიურ ძლიერებას, რომელთა მფლობელობაში თანდათან მხოლოდ განსაზღვრული, სათემო მიწების გაუყოფელი ფონდი რჩებოდა და რომ, სწორედ, ეს უკანასკნელი უნდა განვიხილოთ საკუთრივ სატაძრო მამულებად, ქურუმების ფაქტიურ საკუთრებად⁸⁰.

ქართლის თემების წარმოშობის ხასიათის გარკვევა ჯერ კიდევ დამატებით კვლევა-ძიებას საჭიროებს. წინასწარ შეიძლე-

⁷⁸ ს. ჭანაშია, საქართველო. ადრინდელი ფეოდალიზაციის გზაზე, შრომები, I, გვ. 165—169.

⁷⁹ Г. Меликишвили, К истории древней Грузии, гв. 406—407.
⁸⁰ იქვე, გვ. 407.

ბა ითქვას, რომ უძველეს დროს. გვაროვნული თემების არსებობის ხანაში, თითოეული თემური უჯრედი საგვარეულო ხატ-სალოცავის გარშემო იყო გაერთიანებული. გვიანდელი გადმონაშთები საქართველოს მთიანეთის სოციალური წარსულიდან, რომელიც ბარის საქართველოს პირველყოფილი თემური წყობილების რიგი მომენტების გარკვევა-დახასიათებისათვის გაბედულად უნდა იქნეს მოშველებული, იძლევა ამ თვალსაზრისის დაშვების საფუძველს. მაგრამ გვაროვნული ორგანიზაციების სასოფლო-ტერიტორიულ თემებად გადაზრდის შესაბამისად. ეს უქანასკნელი კარგავენ სატაძრო ხასიათს. მრავალრიცხოვანი საგვარეულო კულტების ადგილს იკავებენ ახალი და საერთო ღმერთები მცირეაზიული პანთეონიდან. ამ კერპების სამიწო მფლობელობა. რომელიც ხშირ შემთხვევაში დიდ სიმდიდრეს აღწევს სამეფო შეწირულებებისა და სხვა გზებისა და საშუალებების შედეგად, ნაკლებად აჩენს საერთოსაზოგადოებრივი (თემური) სარგებლობის ნიშნებს.

კოლექტიური მფლობელობისა და სარგებლობის უფლება მთელ რიგ ობიექტებზე მხოლოდ სასოფლო-სამეზობლო თემშია შემორჩენილი, რომელიც პირველყოფილი თემური წყობილების უქანასკნელი ფორმაა ადრეული ფეოდალიზმის ხანაში.

სასოფლო თემის განვითარების პირველ ეტაპზე სახნავ-სათესი მიწები, საძოვრები და ტყეები, ჯერ კიდევ, სათემო მფლობელობისა და საკუთრების საგანია. მაგრამ თემში უკვე გაჩენილია ინდივიდუალური კერძო საკუთრება შრომის იარაღებზე. მუშა და შინაურ პირუტყვზე, საცხოვრებელ და რიგ სამეურნეო ნაგებობებზე. შრომაც სულ უფრო ინდივიდუალურ ხასიათს იღებდა. გასაგებია ამის შემდეგ, რომ მეთემეთა შორის ქონებრივი უთანასწორობა წარმოშობილიყო. ქვეყნის სამეურნეო განვითარებისა და კვალად ეს პროცესი სულ უფრო ღრმავდებოდა. ინდივიდუალური კერძო მფლობელობა დაეინებით იკაფავს გზას ჯერ საბალ-სავენახვ ადგილებზე. შემდეგ, ერთგვარი მოგვიანებით, სახნავ-სათეს მიწებზედაც. ამრიგად, ყოფილ სათემო მიწა-წყალზე ფებს იკიდებდა კერძო საკუთრების შემოსვლის ტენდენცია, თემი ირღვეოდა.

მაგრამ თემის დაშლის პროცესი მარტოოდენ შინაგანი (ეკონომიური) გზით არ მიმდინარეობდა. არანაკლები მნიშვნელობა ჰქონდა ამ საქმეში გარეეკონომიური იძულებას, პირდაპირ ძალადობას ფეოდალების მხრიდან. როგორც აკად. ნ. ბერძენიშვილი შენიშნავს, „მთავრები, აზნაურები, ეკლესია-მონასტრები ერთიანი ძალით უტყვევდნენ მდაბიორებს და იტაცებდნენ მათს სათემო თუ კერძო სამფლობელო მიწებს. ხალხი გააფთრებით იცავდა თავის უფლებებს და მამაპაპეულ მიწა-წყალს უსისხლოდ არავის უთმობდა, მაგრამ უპირატესობა ამ ზემტაცებელთა მხარეზე იყო“⁸¹.

თემის რღვევის პროცესი ხანგრძლივი ხასიათის მოვლენაა და ყველგან იგი ერთდროულად და ერთნაირი ინტენსივობით არ მიმდინარეობს. მაგალითად, ქვემო და შიდა ქართლში, სადაც ინტენსიური მეურნეობის მნიშვნელოვანი დარგები განვითარდა (მევენახეობა, მეხილეობა-მებაღეობა), საკუთრების პრინციპმა და ნასყიდმა ამ რაიონებში ფართო გავრცელება მოიპოვა, რამაც თემურობას აქ ადრევე გამოუთხარა ძირი. მაგრამ თემების სრულ გადაშენებას „სეფეების“ ამ მხარეშიაც, სხვადასხვა ხელის შემშლელი პირობები აფერხებდნენ, როგორც, მაგალითად: ეკონომიური სარბიელის შეზღუდულობა, მეთემეთა თავისუფლებისა და თანასწორობის ტრადიციები. საერთო ლაშქარი, საგვარეულო ხატ-სალოცავი და სხვ.⁸²

გასაგებია ამის შემდეგ თუ ქართლის მთიანეთის ან ბარის „უღღაწ“ ადგილებში, მეურნეობის განვითარების დაბალი დონის გამო, ეს პირობები მეტი ინტენსივობით მოქმედებდნენ.

თემის დამარღვეველი პროცესის განვითარება ფეოდალური მეურნეობის შემდგომი ზრდისა და მისი ახალ საფეხურზე ასვლის შესაბამისად ვითარდებოდა. ადრეფეოდალური ხანის დასასრულისათვის ქართლის დაწინაურებულ კუთხეებში სათემო მიწა-წყლის უდიდესი ნაწილი უკვე ფეოდალურ მამულებად იყო გადაქცეული. „მესაძმოვთა“ გაერთიანებები ან მთლიანად დაიშალა, ანდა თემობით ყმობის უღელში აღმო-

⁸¹ საქართველოს ისტორია, I, დამხმარე სახელმძღვანელო, გვ. 128.

⁸² ნ. ბერძენიშვილი, ერთი ფურცელი ისტორიულ-გეოგრაფიული დღიურიდან, გვ. 182.

ჩნდნენ შებმული⁸³. სასოფლო-ტერიტორიულმა თემმა, რომელიც მიწათმფლობელობის ფორმამ, დაკარგა თავისი მნიშვნელობა, მაგრამ როგორც მიწათსარგებლობის ფორმა, განაგრძობდა არსებობას. განსაკუთრებით დიდხანს იყო საერთო სახალხო სარგებლობის ობიექტი ტყეები, წყლები და სათიბ-საძოვრები („ქვეყანაზედ ეს სამი არ დაეჭირვის კაცს... წყალი, შეშა და ბალახი“,—ამბობს ვახტანგის კანონი).

საერთოდ, თემურობის ელემენტებმა მიწათსარგებლობაში დიდ ხანს შემოინახეს თავი⁸⁴.

თ ა ვ ი მ ე ს ა მ ე

საზოგადოებრივი კლასები

1. ფეოდალთა კლასი

ა) სეფეწულები

სეფეწულები ქართლის უმაღლესი არისტოკრატიის ერთ-ერთი კლასი იყო. ამ წრის საზოგადოებრივი მდგომარეობა ძირითადად წარმოშობით, სამეფო გვარეულობისადმი მათი კუთვნილებით იყო განსაზღვრული.

⁸³ თემების ერთიანად გაქრობას ხელს უშლიდა სახელმწიფოს საფინანსო პოლიტიკაც (თემი ფსკალური ერთეული იყო) და შრომის მაშინდელი ორგანიზაცია. ეკონომიურად და პოლიტიკურად დამორჩილებული სასოფლო თემები განვითარებული ფეოდალიზმის ხანაში არსებობას განაგრძობენ, როგორც მგლისა და აზნაურების მემამულურ ინტერესებს დაქვემდებარებული ადმინისტრაციულ-სამეურნეო ორგანიზაციები.

⁸⁴ XI—XIII სს. დოკუმენტებში „სოფელი“ გარკვეული ეკონომიური ერთეულია „მოთა, ბართა, ეელითა, წყლითა, საძოვრითა, სათიბითა...“, რაც იმის მანიშნებელია, რომ ეს ობიექტები ჯერ კიდევ სათემო სარგებლობის რეჟიმს ექვემდებარებოდნენ.

¹ „სეფეწული“ თავისი მნიშვნელობით იგივეა, რაც უფრო იშვიათად გვხვდება „სეფე-შვილი“. ან ასეთივე შინაარსის ტერმინი „უფლისწული“. ეს უკანასკნელი ადრევე იხმარება მეფის შვილის, ტახტის მემკვიდრის აღსანიშნავად, მაშინ, როცა „სეფეწულის“ ხმარება ასეთი მნიშვნელობით ვერსად მივაკვლიეთ.

„სეფე“-ს ეტიმოლოგია ჯერ სავსებით დადგენილი არაა. აკად. ნ. მარის აზრით, „სეფე“ შეესაბამება სომხ. „*սկսութիւն*“-ს, რომელიც თავის მხრით, ირანული *vis-pur*² (← *visopulira*) განვითარებას წარმოადგენს³. შემდეგში აკად. ივ. ჯავახიშვილიც იზიარებდა „სეფე“-ს დაკავშირებას „სეპუჰ“-თან, მაგრამ მიაჩნდა, რომ ეს ტერმინი ქართულს უშუალოდ სპარსულიდან ჰქონდა ზეპირი გზით შეთვისებულ⁴.

აკადემიკოსების ს. ჯანაშიას და ვ. თოფურჩიას აზრით, „სეფე“ ქართული სიტყვაა, იმავე ძირისა, რომელსაც „მეფე“ ეკუთვნის⁵. „სეფე“, ს. ჯანაშიას განმარტებით, აღნიშნავდა საშეფო სახლს, როგორც სამეფურნეო ერთობას (სამეფო დომენი), და აგრეთვე თვით სამეფო სასახლეს, სამეფო კარსაც. დასასრულს, „სეფე“ შეიძლებოდა ხმარებული ყოფილიყო თვით სამეფო სახლის წევრთა აღსანიშნავად⁶.

რადგანაც „სეფე“ სამეფო გვარს, სამეფო სახლის წევრებს აღნიშნავდა, უძველესი ცნობა ქართლის „სეფეწულებზე“ V ს. სომეხი ისტორიკოსის ფავსტოს ბიზანტიელის „სომხეთის ისტორიაში“ უნდა გვქონდეს. IV ს. მეორე ნახევარში ისტორიკოსი იბერიელთა ქვეყანაში „ნახარართა გვარებისა“ (მთავრები. ერისთავები) და „აზატების“ (აზნაურების) გვერდით, როგორც გარკვეულ საზოგადოებრივ ჯგუფს, ასახელებს აგრეთვე „ფარნავაზიანებს“ (resp. სეფეწულებს)—ქართლის ეროვნული სამეფო დინასტიის წარმომადგენლებს⁷.

² სიტყვასიტყვით ნიშნავს „ტომის შვილს“. „*Vispuhr*“-ები ირანის არისტოკრატიის ერთ-ერთ უმაღლეს ფენას წყადგენდნენ.

³ ამ თვალსაზრისზე იღვა პროფ. ნ. ადონციც. იხ. მისი, *Армения в эпоху Юстиниана*, СПб, 1908, გვ. 400–401.

⁴ ივ. ჯავახიშვილი. ქართული სამართლის ისტორია, I, 1928, გვ. 194.

⁵ ს. ჯანაშია. შრომები, II, გვ. 165–166.

⁶ ს. ჯანაშია. შრომები, I, გვ. 159; შრომები, II, გვ. 166.

⁷ გ. მელიქიშვილი. საქართველოში კლასობრივი საზოგადოებისა და სახელმწიფოს წარმოქმნის საკითხისათვის, 1955, გვ. 177; მისივე, *К истории древней Грузии*, გვ. 468.

V ს. მეორე სომეხი ისტორიკოსი მოსე ხორენელი პირდაპირ ამბობს იბერიელ სეფეწულებზე. რომ ისინი მეფური შთამომავლობისა არიანო, მსგავსად სომეხი ვოსტანიკებისა, რო-
?ელთაგანაც მეფე ვალარშაკს სამეფო კარის მცველი გუნდები შეუდგენია⁸.

სეფეწულები, როგორც ირკვევა, ადრევე დაშორდნენ მთავარ სამეფო შტოს და ქართლის არისტოკრატიის უმაღლეს წრეს შეერივნენ. ლეონტი მროველის თხზულებაზე დაკვირვებით ჩანს, რომ სეფეწული არაა „მკვიდრი მეფისა“, ისინი „მეფეთა ნათესავში“ იგულისხმებიან⁹.

VI ს. ქართლში „ევსტათი მცხეთელის მარტვილობის“ ავტორი ასახელებს სეფეწულებს, როგორც საზოგადოების უმაღლეს წრეს. რომელსაც. მაგალითად, ეკუთვნოდნენ გრიგოლ „ქართლისა მამასახლისი“ და არშუშა „ქართლისა პიტიახში“. არშუშა პიტიახში რომ სამეფო გვარეულობას ეკუთვნოდა. ეს, სხვა მონაცემებითაც მტკიცდება.

აკად. ს. ჭანაშვიას აზრით, VI ს-ში „ეს წრე, ალბათ, წარმოშობით ჭერ კიდე სამეფო შთამომავლობისად ითვლება, მაგრამ თავისი რეალური მდგომარეობით და ინტერესებით მას კავშირი გაწყვეტილი აქვს საკუთრივ სამეფო ოჯახთან და უფრო ორგანულად საერთოდ აზნაურობას, არისტოკრაციას, უკავშირდება. რომლის უმაღლეს ფენასაც იგი წარმოადგენს“¹⁰.

⁸ ს. ჭანაშვია. შრომები. I. გვ. 16; Г. Мелкишидзе, К истории..., გვ. 468.

⁹ ასეაგურ მეფე უძეოდ გადაშინდა. ამას ისიც დაემატა, რომ ქასრე სასანიანმა სომხეთი ღიპყრო და ჯირი ქართლზე მიდგა. ასეთ ვითარებაში ერისთავები მცხეთაში შეკრებილან და მაიკან სპასპეტის მეთაურობით ბქობენ. თუ როგორ შემოველოს საქმეს.

ქართლის წარჩინებულთა უმაღლესმა წრემ სპარსეთის მორჩილება გადაწყვიტა. მაგრამ გარკვეული პირობის დაკვირვ. ერთ-ერთი ასეთი მოთხოვნა იყო „მეფეთა ნათესავის“ უვნებლობა. ერთ-ერთი ამათგანი კიდეც ჰყავს ისტორიკოსს მოხსენებული მირიანის მეფობაში. ეს არის ყრმა სეფეწული აშახასპანი. ნინოს მიერ „სასწაულით“ განკურნებული. იხ. ქართლის ცხოვრება, I. გვ. 115.

¹⁰ ს. ჭანაშვია. შრომები, I. გვ. 17.

სეფეწულებს, როგორც სამეფო გვარეულობის წევრებს, მაღალი სახელმწიფოებრივი თანამდებობანი ეჭირათ. მაგალითად, ბივრიტიანი სეფეწულების პრივილეგიად V—VI სს. „ოდჩხის ერისთაობა“ ჩანს. სეფეწულ ჯუანშერ ჯუანშერიანს აქვს „ჯუარი და ზერკი და ყოველი მთიულეთი, მანგლისის ხევი და ტფილისი“¹¹.

გუარამ კურაპალატის შთამომავალს ამავე ხანაში უჭირავს „კლარჯეთი და ჯავახეთი“¹². მაგალითების გამრავლება კიდევ შეიძლება.

მიუხედავად იმისა, რომ სეფეწულებს გარდა ქართლის მაღალი არისტოკრატია არა მეფური შთამომავლობის წარჩინებულთაგანაც შედგებოდა, ჩვენ მიგვაჩნია, რომ ტერმინი „სეფეწული“ მთელი ამ ფენის აღსანიშნავად მაინც არ იხმარებოდა¹³.

ამის საშუალებას, ვფიქრობთ, „სეფეწულის“ პარალელურად „ზეპურის“ არსებობა იძლევა. VIII—IX საუკუნეებში სეფეწულების ხსენება აღარაა. როგორც ჩანს, ისინი მსხვერპლი გახდნენ არაბთა ტერორისა.

აკად. ს. ჯანაშია უარყოფდა ტერმინ „სეფე“-ს ირანულ წარმოშობას. მისი აზრით, „vispurt“-ს და „*სისუკარ*“-ს. ძვ. ქართულ ენაზე აქვთ თავისი კანონზომიერი შესატყვისი „ზეპური“ ← სეპური), უშუალოდ ირანულიდან შეთვისებული¹⁴.

ჩვენ ვფიქრობთ, რომ „სეფე“-ს დაკავშირებას სომხ. „სეპუტ“-თან, მყარი საფუძველი არ უჩანს. მათ შორის არის, მართალია, გარეგნული მსგავსება, მაგრამ სემანტიკური კავშირი არ ჩანს. ქართლის ცხოვრების სომეხი მთარგმნელისათვის

¹¹ ქართლის ცხოვრება. I. გვ. 242.

¹² იქვე, გვ. 241.

¹³ იხ. Г. Меликшивили. К истории древней Грузии. გვ. 469.

საერთოდ. ეს ტერმინი აღრეფეოდალურ ხანაშივე გამოდის ხმარებიდან მაშინ. როცა. „სეფეკ“ ფეოდალური ურთიერთობის, თითქმის მთელ სივრცეზე შეინარჩუნა თავისი მნიშვნელობა.

¹⁴ С. Джанашиа. К критике Моисея Хоренского, მასალები საქართველოსა და კავკასიის ისტორიისათვის, VI, 1937. გვ. 479.

„სეფეწულის“ შესატყვისი სომხურ ენაზე არის „*შაჟაღრაჟან*“ „სეფე“ — „*არქიანტი*“¹⁵. ეს ორი ტერმინი შესატყვისებად გამოდიან აგრეთვე ქართული (ადიშის) და სომხური სახარების ტექსტების მიმართებისას¹⁶.

„*ასიკან*“¹⁷-ის სოციალური და სემანტიკური შესატყვისი ქართულ ენაზე, როგორც ჩანს, არის მართლაც „ზეპური“. მაგალითად, „შუშანიკის მარტვილობის“ „ზეპური დედანის“ დეილას, სომხ. მოკლე თარგმანში გვაქვს „*ასიკანე აქსიანტი*“¹⁸. ხოლო „*ათომის და მისი ძის მარტვილობის*“ ქართულ ენაზე მთარგმნელს სომხ. „*ასიკან*“ ქართულ ენაზე გადმოაქვს, როგორც „ზეპური“ (*ასიკანსიან ბარაკე დექსიანტი*... საზეპურიანი მონანი ქრისტეისნი)¹⁹.

სწორედ „ზეპური“ უნდა იყოს კავშირში „სეპუკ“-თან²⁰ და ირანულ „vispuhr“-თან. „სეფე“-სა და „ზეპურის“ ხმარება ერთმანეთის გვერდით და მათი შინაარსობლივი გამიჯვნა ძველი სომეხი და ქართველი მწერლების მიერ, ვფიქრობთ, ამის სასარგებლოდ ლაპარაკობს. ტერმინი „ზეპური“, ცხადია, და-

15 ილ. აბუღაძე, ქართლის ცხოვრების ძველი სომხური თარგმანი, 1953, გვ. 314.

16 ელ. დოჩანაშვილი, ადიშის ოთხთავის კომპოზიტები. მასალები საქართველოსა და კავკასიის ისტორიისათვის, 29 ნაკვ., 1951, გვ. 93.

17 „სეპუკ“ სომხეთში ეწოდებოდათ წარჩინებულთა (ნახარების) სახლის შვილთ. საგვარეულოების მეთაურებისაგან განსხვავებით. იხ.

Н. Г. Адоиц, Армения в эпоху Юстиниана, გვ. 473.

იაკობ ხუცესის თხზულებაში „ზეპური ღედანი“, სწორედ. ამ მნიშვნელობითაა ნახმარი—იგულისხმებიან წარჩინებულთა, მთავართა სახლების ქალთა წარმომადგენლები.

18 ილ. აბუღაძე, მარტვილობა შუშანიკისი, ტფ., 1938, გვ. 51.

19 ილ. აბუღაძე, ქართულ-სომხური ლიტერატურული ურთიერთობა, 1944, გვ. 98.

„ნერსე მთავარეპისკოპოსის მარტვილობაში“, „*ასიკანსიან აკათიკოსქსანზ*“, ქართულ ენაზე თარგმნილია. როგორც „საზეპუროსა აზნაურებისადათ“. იხ. ილ. აბუღაძე, დასახელებული შრომა, გვ. 71.

20 ამ თვალსაზრისისკენ იხრება პროფ. გ. მელიქიშვილი. მისი აზრით, „ზეპური“ უფრო ახლოს დგას სომხ. „სეპუკ“-თან და ირანულ „ვისპუჰრ“-თან.

შახინჯების შედეგი არაა, როგორც აკად. ივ. ჯავახიშვილი ფიქრობდა, არამედ, ჩვენი აზრით, სწორედ „სეფეს“ გავლენით (ნისგან განსასხვავებლად) ერთგვარად სახეცვლილი.

როგორც ვხედავთ, თუ სეფეწულები სამეფო გვარეულობის, სამეფო სახლის წევრები არიან, მათგან განსხვავებით, ზეპურები, წარჩინებულთა სახლის შვილები ყოფილან²¹.

ბ) მთავარი

საზოგადოების უმაღლეს წრეს ეკუთვნოდნენ აგრეთვე მთავრები. ტერმინი „მთავარი“ საქართველოს სოციალურ-პოლიტიკურ ცხოვრებაში დიდხანს იხმარებოდა. ამ ხნის განმავლობაში მისი მნიშვნელობა ერთი არ ყოფილა, დროთა ვითარება სახელს დამახასიათებელ ელფერს აძლევდა.

„მთავარი“ ნაწარმოებია ფუძისაგან თავ-22, რომელიც კომპონენტის სახით წარმოდგენილია მეორე სოციალურ-პოლიტიკურ ტერმინში—ერისთავი (resp. ერისმთავარი). ფუძის შინაარსი სახელში დიდხანს ცოცხლობდა (იგი პირველადი იყო), მაშინაც კი, როცა მან სპეციფიკური (მეორეული) მნიშვნელობაც მიიღო—სოციალურ-პოლიტიკური ტერმინი გახდა.

„მთავარი“ ზოგადი (პირველადი) მნიშვნელობით საკმაოდ ხშირად გვაქვს ორიგინალურ და ნათარგმნ ძეგლებში. მაგალითად: „მთავარი მეზუერეთაჲ“, „მთავარნი დედანი“, „ავაზაკთ მთავარი“. „შესაკრებლის მთავარი“, „მთავარი ტაძრისაჲ“ (წმრ. „ერისთავი ტაძრისაჲ“) და სხვ.²³

²¹ С. Джанашиа, К критике Моисея Хоренского, გვ. 480.

²² აქედანაა წარმოებული მთელი წყება მსგავსი შინაარსის მქონე სახელებისა: „თავი“ („მეთაური“), „თავადი“ („უფროსი“, „მთავარი“, „წარჩინებული“), „მოთაული“, (— მო-თავ-ური), „მეთაური“ (— მე-თავ-ური) და სხვ.

²³ „მთავარი“ ამ მნიშვნელობით იხმარებოდა მონასტრის წინამძღვრის, მამასახლისის აღსანიშნავადაც:

„მამაჲ ჩუენი საბა მთავრად დადგა და შჭულისა-დამდებლად ყოველთა მარტოდ-მყოფთა“. (კიძინი. II. გვ. 161).

„ხოლო წმინდაჲ ევაგრაჲ მშვიდ იყო და მდაბალ გულითა და არა თავს რდებდა მთავრობასა ძმათასა“. ასურელ მოღვაწეთა ცხოვრების წიგნთა ძველი რედაქციები, გვ. 130.

ტერმინმა ადრევე მიიღო, როგორც ვთქვით, სპეციფიკური მნიშვნელობა—სოციალურ-პოლიტიკური შინაარსი. წყაროები ხშირად ასახელებენ ძველი ქართლის მეფეების გვერდით მთავრებს. ესენი არიან მერმინდელი გამოთქმით იმ დროის დიდებულები, ხელისუფლების მქონე პირები. „მთავარი“ იყო ის, ვინც— „მთავრობდა“ („დადგინებულ იყო მთავრობასა ზედა“).

ამ გაგებით მთავარი იყო სპასპეტი²⁴ და პიტიახშ-ერისთავი²⁵, საერთოდ, წარჩინებულთა უმაღლესი ფენის წარმომადგენელი. ლეონტის თქმით, მირიან მეფემ მოუწოდა ნათლისღებისათვის „ერისთავთა, სპასალართა და ყოველთა პირთა სამეფოსათა“, და იმ ადგილს, სადაც ამ „წარჩინებულებს“ ნათელს ცემდნენ, „ეწოდა მთავართა სანათლო“.

ვახტანგ გორგასალი ოსეთზე ლაშქრობის მოსაწყობად მიმართავს „ყოველთა წარჩინებულთა“ (სპასპეტი, ეპისკოპოსები, ერისთავები, ათასის-თავები...). „რომელნი დადგინებულ იყვნენ მთავრობასა ზედა“.

მაგრამ მთავრები მონათმფლობელური ქართლის არსებობის ხანაში, როგორც ჩანს, უმთავრესად მაინც ცენტრალური აპარატის (სამეფო კარის) დიდ მოხელეებს ეწოდებოდათ²⁶, პროვინციების მმართველთაგან (ერისთავები) განსხვავებით.

ამის გამოა, რომ მთავრები წყაროებს მეფის გვერდით ჰყავთ განუყრელად მოხსენებული, მაშინ, როცა ერისთავების „მოწოდებაა“ საჭირო.

მთავრებს ამ დროს სეფეწულებთან ერთად წარჩინებულთა სოციალური ფენა იძლევა (აზნაურობას ჯერ კიდევ არ მო-

24 შიომღვიმის მონასტრის მეორე მამა ევაგრე სპასპეტი იყო. მაგრამ „ცხოვრებაში“ „მთავრადაც“ არის მოხსენებული.

25 ჟღანშერთან ქართლის ერთ-ერთ ერისთავზე ნათქვამია, რომ „მთავრობდა თრიალეთს, ტაშირს და აბოცს“. ქართლის ცხოვრება, I, გვ. 116.

26 ყველა მათგანს. ცხადია, თავისი გარკვეული თანამდებობა და ადგილი ეკიბრა. ტერმინი „მთავარი“ წარჩინებულის ხელისუფლების შინაარსისა და საზოგადოებრივი მდგომარეობის გამომხატველი იყო.

უცავს „წარჩინებულობა“, იგი მის შემადგენლობაში მყოფი ერთ-ერთი საზოგადოებრივი ჯგუფია).

მთავრობა და ერისთაობა ქართლის მონათმფლობელური კონსტიტუციის უფლება და პატივი იყო ქვეყნის მართვა-გამგეობაში მონაწილეობის მისაღებად. მთავრობა დიდ ადმინისტრაციულ თანამდებობათა ჰერას („ხელის“ ქონებას) გულისხმობდა.

II ს. პირველ ნახევარში ადრიანე კეისრის მიწვევით რომში ჩასული ფარსმან მეფის ამაღლებაში მყოფ წარჩინებულებს დიონ კასიუსი აღნიშნავს ტერმინით „παῖσι“, რომლის ქართულ შესატყვისად ჩვენ „მთავარნი“ მიგვაჩნია, როგორც ეს გვაქვს, მაგალითად, ადიშის ოთხთავში, მარკოზის სახარების 6₁ თარგმანში. „მთავარი“, უნდა იყოს აგრეთვე ბერძნულ და არამეულ წარწერებში მოხსენებული იბერიის მეფის დიდ მოხელეთა ადმინისტრაციული ზოგადი ქართული ტერმინი. კონკრეტულ შემთხვევაში თითოეულ მათგანს, ცხადია, ჰქონდა თავისი შესატყვისი.

ძველი ქართლის უმდიდრეს მონათმფლობელებად და უმსხვილეს მიწათმფლობელებად, მეფესა და ქურუმებთან ერთად, ეპვს გარეშეა, წარჩინებულთა უმაღლესი სოციალური წრე იყო მთავრების სახით.

ქართლში მეფობის გაუქმების შემდეგ ტერმინმა უკვე მკვეთრად გამოხატული პოლიტიკური მნიშვნელობა მიიღო.

VI ს-ში „ევესტათი მცხეთელის მარტვილობით“ ქვეყნის პოლიტიკურ სარბიელზე მოჩანან „მთავარნი ქართლისანი“. ამ უმაღლეს ადგილობრივ მოხელეთაგან ძეგლში დასახელებული არიან „ქართლისა მამასახლისი“, „ქართლისა პიტიახში“ და „ქართლისა კათალიკოზი“. კათალიკოსის მოხსენება მთავართა წრეში არ უნდა გაგვიკვირდეს, რადგანაც ეპისკოპოსად კურთხევა და მონასტრის მამასახლისად დადგინება „მთავრობის“ მიღებას ნიშნავდა მაშინ.

პიტიახში რომ გარკვეული აზრით „მთავარიც“ იყო, ამის მაგალითები სხვაგანაც გვაქვს დამოწმებული. ვარსკენ პიტიახში (არსუშუა პიტიახშის ძე) ჯუანშერის თხზულებაში ნათქვამია, რომ იგი იყო „შვილი მთავართა“. იმავე ავტორს ერთ-80

ერთ პიტიასშიზე ნათქვამი აქვს, რომ იგი „მთავრობდა თრიალეთს ტაშირს და აბოცს“²⁷.

„მთავრის“ ზოგად პოლიტიკურ მნიშვნელობას ისიც მოწმობს, რომ სომხურიდან ქართულად ნათარგმნ ძეგლებში, იგი „*ნაխარაპ*“-ის ბესატყვისად იხმარება და ხანაც „*ჩქჩიან*“ ესა.

VI—VIII სს. ქართლში „ხელმწიფობა“ (საჯარო პოლიტიკური უფლება. ნ. ბერძენიშვილი) მთავრების ხელში გადავიდა და ქართლის ეკონომთავარიც სხვა არა იყო რა, თუ არა ქვეყნის ერთ-ერთი მთავარი, მხოლოდ „უმეტესი მოყუასთა მისათა“.

წყაროებში არ გვაქვს ტერმინოლოგიური თანხმობა ფეოდალური ქართლის პირობებში აღმოცენებული ამ ინსტიტუტის შესახებ. „მოქცევაჲ ქართლისაჲ“ ამ ახალი ხელისუფლების მატარებელს, როგორც წესი, „ერისთავს“ უწოდებს. იოანე საბანიძის თხზულება ამ მხრივ მერყეობს. ნერსეს ძეგლში ხან „ერისმთავარი“ ეწოდება და ხანაც „ერისთავი“²⁸. აკად. ს. ჭანაშია, როგორც ტექნიკურ ტერმინს უპირატესობას „ერისმთავარს“ აძლევდა²⁹.

ჯუანშერი სტეფანოზზე (ერთ-ერთი ასეთი ხელისუფალა) ამბობს, რომ „მეფობისა სახელი ვერ იკადრა სპარსთა და ბერძენთა შიშისაგან, არამედ ერისთავთა-მთავრად ხადოდეს“³⁰. ცოტა ქვემოთ მას სტეფანოზი მოხსენებული ჰყავს, როგორც „მთავარი ქართლისა“³¹. ასე იხსენიებს ისტორიკოსი ადარნასესაც³².

„ერისთავთა-მთავარი“ ჩვენ ამ ხელისუფლების რეალური შინაარსის უკეთეს გამოხატულებად გვეჩვენება³³.

27 იხ. ქართლის ცხოვრება, I, გვ. 241.

28 „ერისთავად“ არის წოდებული ნერსე აგრეთვე „გრიგოლ ხანძთელის ცხოვრებაში“, ზოგჯერაც იგი ფიგურირებულია „მთავრებში“. იხ. ცხოვრება, გვ. 15, 17, 18.

29 ს. ჭანაშია, შრომები, I, გვ. 107.

30 ქართლის ცხოვრება, I, გვ. 222.

31 იქვე, გვ. 223.

32 იქვე, გვ. 228.

33 „ერისთავთა-მთავარს“ უწოდებს ისტორიკოსი აგრეთვე ეახტანგ გორგასლის ვაჟებს ბერძენი ქალისაგან: „არა ეწოდა მათ მეფედ, არამედ ერისთავთა-მთავრად“. ქართლის ცხოვრება, გვ. 205.

როგორც ცნობილია, ამ ახალი ხელისუფლების წარმომადგენლებმა „ერისთავნი ქართლისანი ვერ სცვალნეს საერისთავთაგან მათთა, რამეთუ სპარსთა მეფისაგან და ბერძენთა მეფისაგან ჰქონდეს სიგელნი მკვიდრობისათვის საერისთავთა მათთა“.—მაგრამ მათი მორჩილებიდან ერისთავები მაინც არ გამოსულან. რა თქმა უნდა, აქ, მხოლოდ ფეოდალური მორჩილება იგულისხმება³⁴.

ქვეყნის ახალ მეთაურებსა და ერისთავ-წარჩინებულებს შორის ამ დამოკიდებულების ყველაზე მოხერხებულ გამოხატულებას. ჩვენი აზრით, „ერისთავთა-მთავარი“ წარმოადგენს.

ქართველი „ერისმთავრები“ (თუ „ერისთავთა-მთავრები“) სხვადასხვა ბიზანტიურ საკარისკაცო ტიტულებს ატარებდნენ, რაც მათი ბიზანტიური ორიენტაციის ცხადი მაჩვენებელია, ისევე. როგორც მათი დამოკიდებულებისა ბიზანტიის კეისრებზე. ამიტომაც. რომ ქართლის ეს ხელისუფალნი მეფობის სახელის მიღებას „ვერ კადრულობენ“.

ერისმთავრობის ხანა ქართლში საკმაოდ ბნელითაა მოცული. ამ პერიოდიდან ერთადერთი იოანე საბანის ძის „აბოს წამება“ გვაქვს შემონახული, რომელიც ქართლში არაბთა ბატონობის მძიმე შედეგებს გვიხატავს. მოგვიანო ხანის მასალების გამოყენებით, შეიძლება ითქვას, რომ ერისმთავრობის ხანა ქართლში ახალგაზრდა ფეოდალური ძალების მომაგრებისა და შემდგომი სოციალური დაწინაურების ნიშნით აღინიშნა. განსაკუთრებით დიდ წარმატებას აღწევს აზნაურთა ფენა. თუ ქართლის უძველესი არისტოკრატიისათვის (სეფეშულები, მთავრები, ერისთავები) არაბთა ბატონობა თავისი შედეგებით ტრადიციული აღმოჩნდა (მათი უმრავლესობა VIII ს. ბოლოსათვის, როგორც ჩანს, არაბებმა ერთიანად გაეციტეს). აზნაურები თანდათან დაეუფლენ სოციალურ-პოლიტიკურ სარბი-

ეს პატრივი ისტორიკოსის აზრით მეფობის შემდეგ ყველაზე მნიშვნელოვანია. აქ გვაგონდება ჩვენ სპასპეტის ხელისუფლება („შემდგომად მეფისა განმგებულ სამეფოჲსა“), რომელიც „მთავრობით განაგებლის ყოველთა ერისთავთა ზედა“.

34 იხ. ნ. ბერძენიშვილი, კლასობრივი და შინაკლასობრივი ბრძო-

ელს და გაბატონებული საზოგადოება (წარჩინებულობა) მთლიანად მოიცვეს.

ერისმთავრის ხელისუფლების წარმოშობას ქართლში, ფეოდალურ საფუძველზე. მთავრების სოციალურ-პოლიტიკურ უფლებათა შეზღუდვა არ გამოუწვევია. პირიქით, ერისთავებიც თანდათან მთავართა რიგებს შეემატენ. მათ ჯერ საერისთაოების შემკვიდრუბითი მართვის უფლება მიიღეს, შემდეგში თავიანთი „ხელმწიფობა“ მეფის სიძეობითაც განამტკიცეს (თუ აქ მხოლოდ ლეგენდარული ხასიათის ტენდენციასთან არა ვაქვს საქმე). ამიტომაც, რომ ძველი ისტორიკოსები განსხვავებას ვერ ხედავენ ხელმწიფე-ერისთავებსა და მთავრებს შორის. ჯუანშერი, მაგალითად, ამ წარჩინებულთ ქართლის ერისთავებსაც უწოდებს და მთავრებსაც.

მთავრები, როგორც დიდი ადმინისტრაციული თანამდებობის მქონე პირები, მარჯვედ სარგებლობენ შექმნილი ვითარებით და თავიანთ მდგომარეობას უმთავრესად პოლიტიკური შინაარსი მისცეს („ხელმწიფობა“ მოიპოვეს). გასაგებია. რომ ბრძოლა სათემო მიწების მიტაცებისათვის და მწარმოებელი საზოგადოების დაუფლებისათვის ახლა უფრო სწრაფი ტემპით განვითარებულყო.

გ) ერისთავი

„ერისთავობა საქართველოში უძველესი დროიდან არსებობდა და მას განვითარების დიდი ისტორია ქონდა“ (ნ. ბერძენიშვილი).

ტრადიცია ერისთავობის შემოღებას ქართლში ეროვნული დინასტიის მამამთავარს ფარნავაზს მიაწერს. ლეონტი მროველის თქმით, ფარნავაზს ქართლი ცხრა ადმინისტრაციულ-ტერიტორიულ ერთეულად დაუყვია და მათ სათავეში ერისთავები დაუდგენია. საინტერესოა, რომ მანამდე მას ქართლოსიანთა (ქართველების) წესწყობილება, მეფის, ერისთავებისა და წარჩინებულების გარეშე ეხატებოდა. ამიერიდან კი ვითა-

ლის გამოკვლევა საქართველოს საგარეო ურთიერთობაში, შრომები, I, 1955, გვ. 167.

რება შეიცვალა: ფარნავაზი „მეფე იქმნა ყოველსა ქართლსა და ეგურსა ზედა“, და „განაწესნა ერისთავნი რვანი და სპასპეტი“. ქართლოსიანთა ცხოვრებაში მომხდარი ეს ცვლილებანი ისტორიკოსს საფუძველს აძლევდა ქართლი ახლა სახელმწიფოდ (სამეფოდ) მიეჩნია. მართალია, „მიმსგავსებულად სამეფოსა სპარსათასა“.

ქართლში ერისთავობის შემოღება (ქვეყნის დაყოფა სამხედრო ადმინისტრაციულ ოლქებად) დიდმნიშვნელოვანი ღონისძიება იყო ქვეყნის სახელმწიფოებრივ ორგანიზაციად ჩამოყალიბების საქმეში და ერთ-ერთი დამახასიათებელი ნიშანი მისი არსებობისა.

„ერისთავი“ ძველად, ჩვეულებრივ, სარდალს, ერის (ლაშქარი) წინამძღოლს („წინამძღვარ მბრძოლთა“) ერქვა. ქვეყნის დაყოფა საერისთაოებად და მათ სათავეში ერისთავების ჩაყენება მოწმობს იმას, რომ ამ დაყოფას საფუძვლად ლაშქრის ორგანიზაციის პრინციპი ჰქონდა³⁵, და საერისთაო, პირველ რიგში, სამხედრო-ადმინისტრაციული ერთეული იყო. ერისთავის უმთავრესი მოვალეობა ლაშქრის შეკრება და გამოყვანა იყო საგამგეო ქვეყნიდან და მისი სარდლობა ომებში. ერისთავის ხელისუფლების ამ ნიშანმა ასახვა ჰპოვა მისი დადგინების წესშიც.

ერისთავის კურთხევის დროს ეპისკოპოსი თავის ლოცვაში ღმერთს ევედრებოდა: „ბრძანე სიმტკიცე მკვლავისა მისისა... და მიეც ძლიერებაჲ მტერთა ზედა დღედ ბრძოლისა. დაადგ თავსა მისსა ჩაფხუტი დიდებისაჲ, რათა შენითა შეწევნითა არცხუენდეს მტერთა დღეთა ბრძოლისათა“³⁶.

მაგრამ ერისთავი მარტო სამხედრო უწყების სათავეში როდი იღვა. ადმინისტრაცია („მას ემორჩილებიან შიშით და კრძალულებით ქუეშემყოფნი მისნი, რომელნიც აღმოუჩენენ მას დიდებასა და პატივს“)³⁷, სამართალი („ჰყოფდა სასჯელს აძინებო

³⁵ Г. Мейкишвили, К истории древней Грузии, гл. 459.

³⁶ ქ. ქვეციელიძე, „მთავართა“ და „ერისთავთა“ დადგინების წესი ძვ. ქართულ მწერლობაში: ეტიუდები. III, 1955, გვ. 164.

³⁷ იქვე, გვ. 162.

სამართლისასა“)³⁸, თუ ფინანსები (მის ქუეშემყოფთა საშუალებით „მოვიდოდა ხარკი სამეუფო და საერისთავო“), ერთი სიტყვით. საერისთავოს მმართველობის ყოველი დარგი მას ემორჩილებოდა. კურთხევის დროს, როგორც შეშვენოდა „სოფლის მპყრობელს“, მას მოსაედნენ სამოსლით, „ვითარცა შვენის მეფეთა“³⁹. ეს ცნობა ეხმაურება ქსნის ერისთავთა საგვარეულო მატინეს („მგელი ერისთავთა“). ერისთავობის ბოძების შემდეგ როსტომ ბიბილური მეფემ (ჩვენი მიზნებისათვის, სულ ერთია, რომელი იყო იგი)⁴⁰, „შემოსა სამოსლითა შით, რომელ ემოსა მაშინ მეფესა, და შეაცუა ბეჟედი და საყური და სარტყელი თვისი, საჭურველი და ცხენი თორნოსანი. დროშაჲ და შუბი“⁴¹.

როგორც აკად. ნ. ბერძენიშვილი შენიშნავს, „ერისთავის კურთხევა იმ დროს შემოსული წესია, როცა ადრეფეოდალურ ხანაში, ქვეყანა ჯერ ისევ მცირე სამთავროებად იყო დანაწილებული“⁴².

ერისთავები სამხედრო-სამოხელეო არისტოკრატიის უმაღლეს ფენას შეადგენდნენ. მთავრებისაგან განსხვავებით, ისინი იმთავითვე „საქვეყნოდ გამრიგენი“, ე. ი. ცალკეული ქვეყნებისა და მხარეთა მმართველები იყვნენ და ჩვეულებრივად სეფეწულთაგან და წარჩინებულებსაგან ინიშნებოდნენ⁴³. ძვე-

38 იქვე, გვ. 163.

39 იქვე, გვ. 163.

40 უფრო საყურადღებოა; რომ ეს ამბავი ავტორს იმ დროში გადააქვს (VI ს.). საიდანაც დღეს ადრეფეოდალური ურთიერთობის ხანას იწყებენ.

41 ძველი ერისთავთა, შ. მესხიას გამოცემა, მასალები საქართველოსა და კავკასიის ისტორიისათვის, ნაკვ. 30, 1954, გვ. 346.

როგორც ცნობილია, ერისთავის ხელისუფლების ეს ნივთიერი ნიშნები. კერძოდ, სახელობითი საერისთავო ბეჟედი და საერისთავო სარტყელი, არმაზის ერისთავთა ნეკროპოლის გათხრების დროსაც იქნენ აღმოჩენილი.

42 საქართველოს ისტორია, I, დამხმარე სახელმძღვანელო, გვ. 208.

43 ერისთავები რომ ცენტრალური აპარატის მოხელენი არ ყოფილან, ეს კარგად ჩანს საისტორიო თხზულებებიდან: -განაელინეს მახარობელი ყოველთა თანა ერისთავთა“. ქართლის ცხოვრება. I, გვ. 143;

„მაშინ მსწრაფლ გაგზავნა ბრძანება შირიან მეფემან ყოველთა თანა ერისთავთა, სპასალართა...“. იქვე, გვ. 116.

ლი ქართლის ერისთავები მმართველი მოხელენი იყვნენ დ. მეფეს შეეძლო, როგორც მათი დანიშვნა, ისე გადაყენებაც მაგრამ ეს არ გამორიცხავდა იმის შესაძლებლობას, რომ ერისთაობა (საერთოდ. მოხელეობა) ცალკეული წარჩინებული სახლების მემკვიდრეობით პრივილეგიად გადაქცეულიყო (ერთგული სამსახურის პირობით, ცხადია).

ჯერ კიდევ II საუკუნეში შეინიშნება ეს ტენდენცია (არმაზის ბილინგვა). ფარსმან მეფის ეზოსმოდღვრის აგრიფას ძეს— იოდმანგანს იგივე ადგილი ეჭირა ფარსმანის მემკვიდრის— ქსეფარნუგის კარზე. რაც მამამისს. ქვემო ქართლის პიტიახშებს მკვიდრობით ეჭირათ ქვეყანა, ჯერ კიდევ, დიდი ხნით ადრე, ვიდრე ქართლში მეფობას გააუქმებდნენ.

ერისთავი ყველა ერთნაირი არ იყო. გარდა იმ რვა-ცხრა ერისთავისა, რომლებიც ხშირად არიან წყაროებში მოხსენებული, იყვნენ უფრო მცირე ტერიტორიული ერთეულების მმართველებიც, რომლებიც ამა თუ იმ „დიდი ერისთავის“ საგამგეოში შედიოდნენ. ასეთი „ცოტადა ერისთავები“ იყვნენ, როგორც ჩანს, პანკისის, ხორნაბუჯის, შტორის, მაქელის, ვეჟინის და სხვათა ერისთავები⁴⁴.

ძველი ქართლის ერისთავი მეფის „მოსწრათედ მორჩილი“ მოხელე იყო. „ფეოდალური ურთიერთობის ჩასახვის დღიდან ერისთავი საერისთაო ქვეყანას მუდამ საშვილიშვილოთ ეჭიდებოდა და საერისთაოს საქმეებში მეფის ცენტრალური აპარატის ჩარევას მტრულად უყურებდა“⁴⁵.

ერისთავებმა ჯერ კიდევ ცენტრალისტური სახელმწიფოს სირობებში იწყეს მათ გამგებლობაში მყოფი ქვეყნების საშვილიშვილოდ გასაკუთრება (პატივისა და ხელის „შეუცვალებლობისათვის“ ბრძოლა). ამ ნიადაგზე ვითარდება მწვეავე „კლასობრივი და შინაკლასობრივი ბრძოლები, ერთი მხრით, მეფესა და ერისთავებს შორის, მეორე მხრით, ამ უკანასკნელ-

44 ივ. ჯავახიშვილი, ქართული სამართლის ისტორია, I, გვ. 210.

45 საქართველოს ისტორია, I, დამხმარე სახელმძღვანელო, გვ. 208.

თა და „წვრილ ერს“ შორის⁴⁶. ამ ბრძოლამ დააჩქარა მონათმფლობელური ქართლის დაღუპვა.

ჯუანშერის საყურადღებო ცნობებიდან ჩანს, თუ როგორ ისარგებლა „უცხო ძალამ“ ქართლში შექმნილი ხელსაყრელი ვითარებით...

ვახტანგ მეფის ჩამომავალ ბაკურ მეფეს წვრილი შვილები დარჩა, „რომელნი ვერ იპყრობდეს მეფობასა“. ბარდავში დამჯდარმა რანისა და მოვაკანის მმართველმა ურმიზდ (პორმიზდი) სპარსთა მეფის ძემ ქასრე ამბარევზმა „უწყო ზრახვად ერისთავთა ქართლისათა: აღუთქუა კეთილი ღიდი, და დაუწერა საერისთოთა მათთა მამულობა შვილითი-შვილამდე, და ესრეთ წარიბირნა ლიქნითა. და განდგეს ერისთავნი და თუსთუსად ხარკსა მისცემდეს ქასრე ამბარევზსა“⁴⁷.

აქ, ცხადია, „სამეუფო ხარკზეა“ ლაპარაკი, რომელსაც ერისთავები მანამდე ქართლის მეფეებს აძლევდნენ. ხოლო „საერისთო ხარკი“, ახლა კიდევ უფრო გაზრდილი, ცხადია, მათი იყო.

ერისთავები შემდეგ სპარსელებსაც გადაუდგნენ და „წარგზავნეს მოციქულნი წინაშე ბერძენთა მეფისა, და ითხოვეს, რათა იყვნენ ერისთავნი იგი თუს-თუსსა საერისთოსა შეუცვალებელად“⁴⁸.

ბიზანტიის კეისარი დათანხმდა ამ თხოვნას და ქართლში (მცხეთას) „წარმოგზავნა“ სეფეწული გუარამი კურაპალატის ტიტულით⁴⁹, ხოლო ერისთავებს განუახლა-დაუმტკიცა ქასრესაგან მიღებული „სიგელნი მკვდრობისანი“.

46 ნ. ბერძენიშვილი, კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში. გვ. 165—166.

47 ქართლის ცხოვრება, I, გვ. 217.

48 იქვე, გვ. 217.

49 „მოქცევაჲ ქართლისაჲ“: „ნელადრე შეკრბა ქართლი და განაჩინეს ჯრისთავად გუარამ და მერმე კურაპალატადცა იყო“.

წყაროებს არ აქვთ თანხმობა, თუ როგორ იწოდებოდნენ ქართლის ეს მმართველები, გვარამიდან მოკიდებული ვიდრე I X საუკუნემდე⁵⁰.

„მოქცევაჲ ქართლისაჲ“, როგორც წესი, მათ „ერისთავებს“ უწოდებს. იოანე საბანის ძის თხზულება კი ხან „ერისთავსა“ და ხანაც „ერისმთავარს“. (აკად. ს. ჯანაშია, როგორც ტექნიკურ ტერმინს, უპირატესობას „ერისმთავარს“ აძლევდა). „ერისთავად“ არის წოდებული ნერსე აგრეთვე „გრიგოლ ხანძთელის ცხოვრებაში“. „ერისთავებს“ უწოდებს მათ აგრეთვე „აბიბოს ნეკრესელის წამება“ („ერისთავნი იქმნნეს მპყრობელ ქართლისა“).

უნდა აღინიშნოს. რომ „ერისთავი“ და „ერისმთავარი“ სრული სინონიმური შესატყვისები იყვნენ. „აბიბოს ნეკრესელის წამებაში“ ვკითხულობთ: „შეკრბა მუნ (რეხში) სიმრავლეებისკობოსთა და მდღელთა და ერისმთავართაჲ“⁵¹.

(ტერმინი. როგორც ვხედავთ, მრ. რიცხვშია ნახმარი, გარდა ამისა, ე. წ. „ერისმთავრობის“ ინსტიტუტი ქართლში ჯერ კიდევ შექმნილი არაა).

ერისთავის კურთხევისას ამბობდნენ, რომ მას ანიჭებდნენ პატივს „ერისმთავრობისასა“. ჯუანშერი კი მათ „ერისთავთმთავარს“ და ზოგჯერაც მარტოოდენ „მთავარს“ უწოდებს (ზოგიერთს „მეფესაც“).

⁵⁰ მათი ერთი ნაწილი ბიზანტიურ საკარისკაცო ტიტულებსაც ატარებდა (კურაპალატი. პატრიკიოსი, ვიპატოსი). განსვენებული პროფ. ლ. მუსხელიშვილის აზრით. „ქართლის გამგებელნი VII-VIII საუკუნეებში. ე. წ. დიდნი ერისთავნი. მხოლოდ ვარაზბაკურამდე ატარებენ ბერძნულ ტიტულატურას. შემდეგ კი. მთელი VIII ს-ის განმავლობაში. ვიდრე აშოტ კურაპალატამდე, მათ ეს ტიტულატურა აკლიათ“. იხ. მისი სამშვილდის სიონის წარწერები და აშენების თარიღი, ენიშკის მოამბე. XIII, 1943, გვ. 91. მაგრამ ვარაზბაკურის მომდევნო აჰაჲ „პატრიკიოზი“ იყო (იხ. შატ-ბერდული ტექსტი ქართლის მოქცევის მათიანისა). ხოლო ცნობილი ნერსე ერისთავი, როგორც იოანე საბანის ძე ამბობს. იყო „ძე ადარნასე კურაპალატისა და ერისმთავრისაჲ“.

⁵¹ ილ. ა ბ უ ლ ა ძ ე, ასურელ მოღვაწეთა ცხოვრების წიგნთა ძველი რედაქციები, 1955, გვ. 192.

ჩვენი აზრით, ქართლის გამგებელთა მრავალფეროვან ტიტულატურაში მთელი პოლიტიკურ-ისტორიული აზრი და შინაარსია ჩადებული.

ერისთავი, როგორც ცნობილია, მეფის მოხელეა, მხარისა და ქვეყნის გამგებელი. ბიზანტიის კეისრების ასეთ მოხელეებს წარმოადგენდნენ (ფორმალური თვალსაზრისით) ქართლის მმართველები VI ს-დან მოკიდებული VIII ს-მდე (მეტ-ნაკლები შუალედებით).

როგორც ცნობილია, VI ს. დამლევისათვის ქართლის ნაწილი თბილისამდე ბიზანტიის ხელში გადავიდა (სებეოსი). სწორედ ამ ხანას ეკუთვნის „ერისმთავრობის“ დაწესება ქართლში. ჭუანჭავის ცნობაც რომ არ გვექონდეს⁵². ქართლის ამ ახალი ხელისუფლების მეთაურის ბიზანტიური ტიტულიც აშკარას ხდის, რომ გვარამი ბიზანტიის იმპერატორის უმაღლესი მოხელეა (კურაპალატია) ქართლში. ხოლო სიუზერენსა და ვასალს შორის ამ დამოკიდებულების იურიდიულ შინაარსს ქართულად „ერისთავი“ გამოხატავს.

გვარამის მემკვიდრემ სტეფანოზმა „მეფობისა სახელი ვერ ეკადრა სპარსთა და ბერძენთა შიშისაგან, არამედ ერისთავთა მთავრად ხადოდეს“⁵³. ფრიად დამახასიათებელია ეპოქის პოლიტიკური ვითარებისათვის. პერაკლე კეისრის ლაშქრობამდე ქართლის დამპყრობლის სახელი ჯერ კიდევ არ იყო საბოლოოდ გარკვეული. ამიერიდან „მოვიდეს ბერძენნი და განახსნეს უსჯულონი იგი სპარსნი და დაიპყრეს ქუეყანა ესე ჩუენი. მიერთგან ერისთავნი იქმნნეს მპყრობელ ქართლისა“⁵⁴.

„ერისთავი“ კარგად გამოხატავს ქართლის უზენაესი ხელისუფლების წარმომადგენლებსა და ბიზანტიის კეისრებს შორის არსებული დამოკიდებულების შინაარსს, მაგრამ არაფერს გვეუბნება თვით ქვეყნის შიგნით, საკუთარი ვასალების მი-

52 იხ. ქართლის ცხოვრება, I. გვ. 218.

53 იქვე, გვ. 222.

54 ილ. აბუღაძე, ასურელ მოღვაწის ცხოვრების წიგნთა ძველ რედაქციებში, გვ. 46.

მართ არსებულ მათს ურთიერთობაზე. (ქართლში ხომ იყვნენ სხვა ერისთავებიც).

როგორც ცნობილია, ერისთავები ამ ხელისუფალთ ემორჩილებოდნენ საერისთაოების მემკვიდრეობითი მფლობელობის საფუძველზე. ამ დამოკიდებულების მარჯვე გამოხატულებას წარმოადგენს ჯუანშერის ტერმინი „ერისთავთა-მთავარი“.

ერთი სიტყვით, VII—VIII სს. ქართლის გამგებელნი, სიუზერენთან დამოკიდებულების თვალსაზრისით, (კეისარი იქნებოდა იგი თუ ხალიფა, ამას არსებითი მნიშვნელობა არ ჰქონდა), „ერისთავებს“ წარმოადგენდნენ, ხოლო ქვეყნის შიგნით, საკუთარი ვასალების მიმართ, „ერისთავთა-მთავრებად“ გამოდიოდნენ.

მაგრამ აქ ერთი საინტერესო საკითხი აღიძვრის. როგორც ცნობილია, ძველ ქართლში არსებობდა „სპასპეტის“ ხელისუფლება. სპასპეტი შიდა ქართლის ერისთავი იყო და განსაკუთრებული ადგილი ეკავა სახელმწიფოში. წყაროებში ამ თვალსაზრისით სრული თანხმობაა.

ლეონტი მროველი: „ესე სპასპეტი იყო შემდგომადვე წინაშე მეფისა, მთავრობით განაგებდის ყოველთა ერისთავთა ზედა“⁵⁵.

ჯუანშერი „...სპასპეტი, მპყრობელი შიდა ქართლისა და მფლობელი ყოველთა ერისთავთა“⁵⁶.

„შიოს და ევაგრეს ცხოვრებაში“ ნათქვამია: „ესე (ევაგრე) იყო შემდგომად მეფისა განმგებელ სამეფოჲსა ქართველთაჲსა და ფრიად მხნე და განმარჯვებულ სპასპეტი“⁵⁷. ამრიგად, „ერისთავთა-მთავრობა“ ძველ ქართლში სპასპეტის ფუნქცია ყოფილა.

ქართლში მეფობის მოსპობის შემდეგ ქვეყნის უმაღლეს ხელისუფალთ შორის სპასპეტს ვეღარ ვხედავთ.

იყო თუ არა ერისმთავრობის დაწესება ქართლში სპასპე-

55 ქართლის ცხოვრება, I, გვ. 25.

56 იქვე, გვ. 185.

57 ილ. აბულაძე, ასურელ მოღვაწეთა ცხოვრების წიგნთა ძეგლი რედაქციები. გვ. 108.

ტის ხელისუფლების აღდგენა ახალ პირობებში? საკითხს სპეციალური შესწავლა ჰქონდა და ამჟამად ვერაფერს ვიტყვით. ერთი კი ცხადია, რომ ერისმთავართა გვერდით სპასპეტის ხსენება აღარაა. არც იყო მოსალოდნელი, რადგანაც „ერისთავთა-მთავრობა“ ახლა პირველთა ხელისუფლების შინაარსია. მაგალითად, როდესაც არჩილმა „ქუეყანანი ქართლისანი“ ერისთავებს შორის გაანაწილა, მათ შორის სპასპეტი არ იხსენება.

სპასპეტის საგამგეო ქვეყანა „ზენა-სოფელი“ ანუ „შიდა-ქართლი“⁵⁸ ორ ერისთავს, ნერსე ნერსიანსა და ადარნასე ადარნასიანს აქვთ ერთმანეთს შორის გაყოფილი⁵⁹.

მეორე მხრით, ეს იმის მანიშნებელია, რომ არჩილი მეფე არ უნდა ყოფილიყო. „დავითისა და კოსტანტინეს მარტვილობის“ მეტაფორასულ რედაქციას. ჩანართის სახით. დაცული აქვს „ველი ცნობა“⁶⁰, არჩილისა და მირის (ტექსტში შეცდომით წერია დარჩილ) სპარსელების (არაბების) წინააღმდეგ ბრძოლის შესახებ ანაკოფიასთან. თხზულებაში მირისა და არჩილის „მეფობაზე“ არაფერია ნათქვამი, გარდა იმისა. რომ ისინი იყვნენ „შვილნი“ (შთამომავალნი) დიდისა მეფისა ვახტანგ გორგასლისანი⁶¹.

IX ს. დამდეგს, როცა არაბებმა ქართლში ერისმთავრობა მოსპეს, უკვე დაწყებული იყო დიდი პროცესი ქვეყნის ახალ საფუძველზე გაერთიანებისა.

გამთავრებულ-გახელმწიფებული ერისთავები აქტიურად ჩაებნენ ერთიანი ფეოდალური სამეფოს წარმოქმნისათვის ბრძოლაში. თითოეულ მათგანს ეს გაერთიანება მოძმე-მეზობლის ტერიტორიის შემოერთებად ესმოდა. დიდნი „მიმხვეჭელნი“ ყლაპავდნენ მცირეთ (ასეტი იყო IX—X სს. ქართლის

58 ქართლის ცხოვრება, I, გვ. 10; აგრეთვე ს. ჭანაშია. აღმოსავლურ-ქართული სახელმწიფოს უძველესი კულტურულ-პოლიტიკური ცენტრების საკითხისათვის. გნიმვის მოამბე, XI, 1943, გვ. 254.

59 ქართლის ცხოვრება, I, გვ. 242.

60 ძველი იმდენად, რამდენადაც არსებითად განსხვავებულია ჭუნაშვილის თხრობისაგან და მისი კრიტიკისათვის საყურადღებოა.

61 „მარტვილობა დავით და კონსტანტინისი“, ძველი ქართული ლიტერატურის კრესტომათია, I, ს. ყუბანეიშვილის მიერ შედგენილი, 1946. 238.

განვითარების გარდაუვალი კანონი), და აღრეფეოდალური ხანის მიწურულისათვის ამ პროცესში ერისმთავრობის (აღრეფეოდალური სოციალურ-ეკონომიური წესწყობილების პოლიტიკური დაშლილობის საფეხური) ერისთავების უმრავლესობა გამჭრალი იყო.

დ) აზნაურები

აღრეფეოდალური ხანის ქართლში გაბატონებული ფეოდალური საზოგადოება უმთავრესად აზნაურებისაგან შედგებოდა. ამ სახელის ფუძე („აზნა“) ⁶² ნასესხებია ძველი სპარსულიდან და გაფორმებულია ზედსართავის მაწარმოებელი სუფიქსით—ურ (ი) ⁶³. ქართული აზნაურის სრული სემანტიკური სოციალური შესატყვისია სპარსული *āzānān* და სომხური *ազառք* ⁶⁴.

ქართული ოთხთავისა და ბიბლიის უძველეს ტექსტებში ტერმინ „აზნაურს“ და აქედან ნაწარმოებ „აზნაურებას“, ზოგჯერ „თავისუფალის“ და „თავისუფლების“ მნიშვნელობა აქვს ⁶⁵ (იხევე, როგორც მის სპარსულ და სომხურ შესატყვისებს), მაგრამ საჩარების უძველეს რედაქციებში „აზნაურს“ უკვე კეთილშობილის, დიდებულის მნიშვნელობაც აქვს. მაგალითად:

„კაცი ვინმე აზნაური წარვიდოდა შორსა სოფელსა“.

ლკ. 19¹².

⁶² *āzna* ძვ. სპარსულში ნიშნავს ცნობილს, განთქმულს. იხ. მ. ანდრონიკოვი, ირანული წარმოშობის ზოგი ქართული სიტყვის ეტიმოლოგიისათვის. იბერიულ-კავკასიური ენათმეცნიერება, I, 1946, გვ. 387.

⁶³ ნ. მარი ამ სუფიქსში სომხ. „ურ“ -ს (შვილი) ხედავდა, ხოლო ფუძე აგრეთვე სომხურ „აჟჷ“-დან (ნიშნავს გეარს) წარმომდგარად მიაჩნდა. იხ. მისი. *Тексты и разыскания...*, VI, 1904, გვ. 121.

აკად. ივ. ჭავჭავაძის ტერმინის მარსიელი ეტიმოლოგია „დაახლოებით სწორი“ მიაჩნდა. იხ. მისი. ქართული სამართლის ისტორია, წ. I, 1928, გვ. 121.

⁶⁴ გ. წერეთელი. არმაზის ბილინგვა, ენის, ისტორიისა და მატერიალური კულტურის მოამბე, XIII. 1942, გვ. 43.

⁶⁵ აღიშნის ოთხთავში „აზნაური“ ორგან იხმარება. ასეთივე მდგომარეობაა, ამ თვალსაზრისით. ჭრუჭ-პარხლისაშიც.

ბერძნულ სახარებაში: „ἀνθρώπος τις εὐχρηγὶς ἐπιρῆσιν, εἰς χάραν“⁶⁶. ლკ. 19₁₂.

ჯრუქ-პარხლის ოთხთავში, მარკოზის სახარების 6₂₁ „აზნაურს“ ბერძნული „πῶτος“-ს და სომხური „მსბამსბჲ“-ის (დიდნი) ადგილი უჭირავს. როგორც ცნობილია, ამ ტერმინით (πῶτος) აქვს აღნიშნული დიონ კასიუსს II ს. პირველ ნახევარში რომში ჩასული, ფარსმან მეფის ამალაში მყოფი იბერიელი წარჩინებულები (... πῶτα' ἰβήρων ...)

აკად. ივ. ჯავახიშვილი ფიქრობდა, რომ დიონ კასიუსის ამ ცნობაში, იბერიის პირველთა შესახებ, აზნაურები ხომ არ იგულისხმებიანო⁶⁷. განსვენებული მეცნიერის ეს ვარაუდი საე-სებით გაიზიარა აკად. გ. წერეთელმა. თავის ცნობილ შრომაში—„არმაზის ბილინგვა“, იგი წერს: „ეფიქრობთ, რომ ჩვენ ძეგლებში შენახული ტერმინები საშუალებას გვაძლევს დადებითად ვუპასუხოთ ამ კითხვებზე“⁶⁸.

„პროტოი“-ში „აზნაურების“ დანახვა დიონ კასიუსის დროისათვის და, საერთოდ, ადრეფეოდალური ხანის გარკვეულ სივრცეზე, ჩვენ ისტორიული პერსპექტივის დარღვევად გვეჩვენება. ბერძნული და სომხური ტერმინების სწორ სოციალურ შესატყვისად უნდა მივიჩნიოთ არა ჯრუქ-პარხლის „აზნაური“. არამედ აღიშის „მთავარი“ (მ. 6₂₁).

საე-სებით სწორი იყო აკად. ს. ჯანაშია, როდესაც „πῶτος“-ში „მთავრებსა“ და „წარჩინებულებს“ ხედავდა⁶⁹.

„აზნაურის“ ერთ-ერთი ძველი მნიშვნელობა „თავისუფალი“ იყო, რომელიც ქართულ ენაზე მხოლოდ ნათარგმნ ძეგლებს, ძველი და ახალი აღთქმის უძველეს ტექსტებს დაუცავთ. თუმცა ლიტერატურული ტრადიცია თუ ინერცია შემდეგშიაც იჩენდა ხოლმე თავს.

აღიშის ოთხთავში ტერმინი ორჯერ გვაქვს დამოწმებული: მ. 17₂₆ და ლკ. 19₁₂. ორჯერ იხმარება „აზნაური“ ჯრუქ-პარხ-

66 მ. კახაძე, მასალები ძველი ქართული ენის ისტორიიდან, მასალები საქართველოსა და კავკასიის ისტორიისათვის, ნაკვ. 31, 1954, გვ. 255.

67 ივ. ჯავახიშვილი, ქართული სამართლის ისტორია, I, გვ. 195.

68 გ. წერეთელი, არმაზის ბილინგვა, გვ. 44.

69 ს. ჯანაშია, შრომები, I, გვ. 207.

ლის ოთხთავშია: ლკ. 19¹² და მრ. 6²¹. აღიშის ოთხთავში, მ. 17²⁶, ვკითხულობთ: „აწ უკვე აზნაურ არიან შვილნი იგი“. ჭრუჭ-პარხლისაში, მ. 17²⁶, წერია: „აწ უკვე თავისუფალ სამე არიან შვილნი“.

საერთოდ, უფრო გვიანდელ რედაქციებში ასეთი შესწორების შეტანა იშვიათი მოვლენა არ ყოფილა. მაგალითად, კათოლიკე ეპისტოლეთა X ს-ში გადაწერილ ხელნაწერებში წერია: „აზნაურებასა რასმე აღუთქუმენ და იგინი მონანი არიან ხრწნილებისანი“, პეტრეს სამოციქულო 2⁷⁰.

გიორგი მთაწმინდელის რედაქციაში გვაქვს.

„თავისუფლებასა აღუთქუამენ მათ და იგინი თვით მონა არიან ხრწნილებისა“⁷¹.

ბიბლიაში „აზნაური“ და აქედან ნაწარმოები „აზნაურები“, „თავისუფალის“ და „თავისუფლების“ მნიშვნელობით, ჩვეულებრივია.

ქართული ორიგინალური თხზულებები შედარებით გვიანდელი, ადრეფეოდალური ხანის გვაქვს, როდესაც აზნაური უკვე ტექნიკურ სოციალურ ტერმინს წარმოადგენდა.

აზატები (თავისუფალნი) სასანურ ირანში გაბატონებული კლასის ყველაზე დაბალ და ყველაზე მრავალრიცხოვან ფენას შეადგენდნენ. საშუალო მიწათმფლობელთა ეს კლასი სახელმწიფოს მთავარ დასაყრდენს წარმოადგენდა. აზატების, როგორც „კეთილშობილების“, მთავარი მოვალეობა სამხედრო სამსახური იყო. მათგან იყო შედგენილი მხედრობა, რომელიც ირანის ლაშქრის ბირთვის შეადგენდა⁷². მსგავსი საზოგადოებრივი მდგომარეობა ეკავათ აზატებს სომხეთშიაც. აზატები იქაც პრივილეგირებულ მხედრებს, ფეოდალური კლასის ყვე-

70 კათოლიკე ეპისტოლეთა ქართული ვერსიები, ქ. ლორთქიფანიძე: გამოცემა, 1956, გვ. 026.

71 იქვე, გვ. 72.

72 ვ. გაბაშვილი. სასანური ირანი I, II—IV საუკუნეებში (კრებულში ნარკვევები მახლობელი აღმოსავლეთის ისტორიიდან), 1957, გვ. 25.

Н. В. Пигулевская, Византия и Иран на рубеже VI и VII веков, 1946, гв. 213; მისივე, Города Ирана в раннем средневековье, 1956, гв. 315.

ლაზე დაბალ, სამხედრო-მსახურეულ ფენას წარმოადგენდნენ⁷³.

აზნაურები ძვ. ქართლშიაც, მსგავსად მათი კლასობრივი თანამოძმეებისა ირანსა და სომხეთში, გაბატონებული საზოგადოების უმაღლეს წრეს არ ეკუთვნოდნენ. ლეონტი მროველს მათი „წარჩინებულ ქმნა“ საურმაგის ღონისძიებად მიაჩნია (II ს. ჩვენს წელთაღრიცხვამდე). საურმაგმა აზნაურები (რომაელი მხედრები) ქართლის არისტოკრატიას (ერისთავებს) დაუპირისპირა და მათ მაგიერ (დურძექებთან ერთად) „წარჩინებულ ყვნა“. ისტორიკოსის მიერ აზნაურების გამოყვანა ქართლის პოლიტიკურ სარბიელზე პირველი ფარნავაზიანების ხანაში ჩვენ გაუმართლებლად გვეჩვენება⁷⁴. თვით ირანში ისინი, როგორც გაბატონებული კლასის ერთ-ერთი კატეგორია, პირველად შაპურ I-ის (241—273 წწ.) წარწერაში იხსენიებიან, მაგრამ მის ცნობებში ზოგი რამ უთუოდ ყურადღების ღირსია.

აზნაურობა რომ ქართლის მეფეების მისანდობელი ძალა იყო მონათმფლობელური არისტოკრატის წინააღმდეგ ბრძოლაში, ეს ჩვენ სადავოდ არ გვეჩვენება. სიმართლეს შეეფერება აგრეთვე ცნობა, მათ მიერ წარჩინებულობის მოპოვებისა მხედრობის გზით. რაც შეეხება პირველი აზნაურების უცხოელობას (ბერძენ-რომაელობას), ვფიქრობთ, არც ეს უნდა იყოს ისტორიულ საფუძველს საყვებით მოკლებული.

იბერიის სამეფო კარზე, როგორც ჩანს, ძველთაგანვე არსებობდნენ უცხოელთა მუდმივი სამხედრო რაზმები. ეს პირველ რიგში ჩრდილოეთ კავკასიელ ნომადებზე (ალან-სარმატებზე) ითქმის⁷⁵. თუმცა ზოგიერთ შემთხვევაში, არც მათი

⁷³ С. Т. Еремян, Армения в период кризиса рабовладельческого общества и формирования феодальных отношений, Очерки истории СССР, III—IX вв., 1958, გვ. 179—180;

В. Б. Бархударян, Феодальное землевладение в Армении в IX—XI века, автореферат кандидатской диссертации. Ереван, 1954, გვ. 10.

⁷⁴ თუმცა ამ სოციალურ ძალებს მანამ უნდა ეჩინათ თავი, ვიდრე მათ აღსანიშნავად უცხოური ტერმინი დამკვიდრდებოდა.

⁷⁵ Г. Меликшивили, К истории древней Грузии, გვ. 472.

„რომელობა“ გამორიცხული⁷⁶. ხოლო უცხო ძალის მოწვევა, უცხო ძალაზე დაყრდნობა შინაპოლიტიკურ ბრძოლაში, კლასობრივი სახელმწიფოს პირობებში, არაფერ საძრახისს არ შეიცავდა⁷⁷.

აზნაურები, ძირითადად მაინც, თავისუფალ მესაკუთრე-მიწისმფლობელთა რიგებიდან გამოდიოდნენ. მეფის სამსახურში დაწინაურებული ასეთი კაცი „აზნაური“ ხდებოდა. მათი უმთავრესი მოვალეობა ტაძრეულებთან ერთად (სეფექვეყნიდან გამოყვანილი ლაშქარი) სამხედრო სამსახური იყო. აზნაურებისაგან უმთავრესად მძიმედ შეჭურვილი მხედრობა შედგებოდა, რაც ნათი ქონებრივი უნარიანობის ცხადი მაჩვენებელია. მუდმივ სამხედრო სამსახურში ყოფნისათვის მათ ულუფა და სარგო ჰქონდათ დანიშნული, რომელსაც „როჭიკი“ ერქვა. დიდი გამოყენება ჰქონდათ აზნაურებს აგრეთვე სამოქალაქო სარბიელზეც, ინიშნებოდნენ სხვადასხვა ადმინისტრაციულ და სამეურნეო თანამდებობებზე.

აზნაურები ცენტრალური ხელისუფლების დასაყრდენი სოციალური ფენა იყო სეფექულების, მთავრებსა და ერისთავების სეპარატისტულ მისწრაფებათა წინააღმდეგ ბრძოლაში.

ფეოდალური ურთიერთობის განვითარებამ საზოგადოებრივ ძალთა გადაჯგუფება და მათ შორის ახალი დამოკიდებულების წარმოშობა გამოიწვია. აზნაურები სამეფო ხელისუფლებისაგან ახლა უმთავრესად მიწას ღებულობენ სამხედრო და საპატიო სამსახურის პირობით. ქართლში ქრისტიანობის ოფიციალურ რელიგიად გამოცხადებამ, რასაც სატაძრო მემ-

⁷⁶ გავიხსენოთ დიონ კასიუსის ცნობა, იბერიის მეფე ფარსმანისათვის რეპრატორ აღრიანეს მიერ ძღვნად 500 მხედრის მიცემის შესახებ. თუ აზნაურთა სოციალური წინაპრების რიგებში პირველი ფარნავაზიანების დროს ჩიდევი შეიძლება უცხოელთა ერთგვარ ნაკადზე ვილაპარაკოთ, საერთოდ. წარჩინებულ მხედართა ამ მრავალრიცხოვან ფენას. პირველ რიგში, ზაინც „ერი“ იძლევა, მასში მომხდარი სოციალური დიფერენციაციის ხარჯზე.

⁷⁷ ნ. ბერძენიშვილი, კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში, გვ: 158-159.

ბუნების გაუქმება მოჰყვა, ყველაზე მეტად აზნაურთა აღმაველი ფეოდალური კლასის გაძლიერებას შეუწყო ხელი.

აზნაურები, როგორც IV—V სს. ქართლის მაღალი საზოგადოების ერთ-ერთი ფენა, ცნობილი იყვნენ მაშინდელ სომხურ საისტორიო მწერლობაშიც. V ს. მეორე ნახევრის ცნობილი სომეხი ისტორიკოსი ფავსტოს ბიზანტიელი IV ს. ქართლში „ნახარათა გვარებთან“ ერთად (მთავრები, ერისთავები) ასახელებს აგრეთვე „აზატებს“ (აზნაურებს)⁷⁸. V ს. მეორე სომეხი ისტორიკოსი რაზარე ფარპელი თავისი დროის ქართლის გაბატონებულ საზოგადოებას სამ კატეგორიად წარმოადგენს: „იშხანები“ (მთავრები), „ნახარარები“ (ერისთავები) და „აზატები“ (აზნაურები).

ამრიგად, ქართული და სომხური წყაროებით IV--V სს. ქართლის გაბატონებული საზოგადოება შემდეგი სახით წარმოგვიდგება: მეფე (სეფეწულებით), მთავრები, ერისთავები, აზნაურები.

ეს ხანა მონათმფლობელობიდან ფეოდალიზმში გარდამავალი პერიოდია, რომლის შესაფერიცაა გაბატონებული საზოგადოებრივი სტრუქტურა. აზნაურობა ამ დროს ქართლის მაღალი საზოგადოების ერთ-ერთი გარკვეული ჯგუფია და შეუძლებელია ამ დროს ტერმინი „აზნაური“ მთელი უმადლესი წრის ზოგადი ეპითეტი იყოს (ასეთი მნიშვნელობით იხმარება „წარჩინებული“). აზნაურობა, ეს აღმაველი ფეოდალური კლასია, რომელიც თანდათან ეუფლება საზოგადოებრივ-პოლიტიკურ სარბიელს და მხოლოდ ადრეფეოდალური საზოგადოების დასასრულისათვის შეიძლება გარკვევით ვთქვათ, რომ აზნაურობამ მოიცვა საზოგადოების ფეოდალური ნაწილი.

„შუშანიკის წამების“ მიხედვით გამოდის, რომ ქართლში უმადლესი საზოგადოებრივი წრე უმთავრესად აზნაურებისაგან შედგება და, რომ, მათ ამ დროისათვის შინაგანი დიფერენციაც განუცდიათ. მხედველობაში გვაქვს ცნობილი ადგილი „წამებიდან“, როდესაც სიკვდილის პირას მდგარი დედოფლის სანახავად მიმსვლელი საზოგადოების სოციალური სუ-

⁷⁸ История Армении Фавстоса Бузанда, Ереван, 1953, гл. 162.

რათია მოცემული: „აზნაურნი დიდ-დიდნი და ზეპურნი დედა-ნი, აზნაურნი და უაზნონი სოფლისა ქართლისანი მოვიდეს“⁷⁹.

„აზნაურნი დიდ-დიდნი“ (დიდი აზნაური, დიდებული აზნაური) ჩვენ IX—X სს. ტერმინად გვეჩვენება, როდესაც მთელი გაბატონებული კლასი აზნაურებისაგან შედგებოდა. როგორც ცნობილია, „შუშანიკის წამების“ უძველესი ხელნაწერი XI ს. პირველი ნახევრისაა, სადაც. როგორც აღნიშნულია სპეციალურ ლიტერატურაში, ბევრი გრამატიკული ფორმა (და არა მარტო გრამატიკული ფორმები) შეიცვალა IX—X სს. ლიტერატურული ნორმების მიხედვით.

ჩვენი აზრით, თხზულების გადამწერლებმა. თუ გადამკეთებლებმა. IX—X სს. ქართლში მოქმედი ტერმინით—„დიდი აზნაური“ შეცვალეს ძველი „მთავარი“, რადგანაც მათ შორის იგივეობას ხედავდნენ. ასე. მაგალითად, ეს ორი ტერმინი ერთნაირი მნიშვნელობით იხმარება (ერთმანეთს ენაცვლება) „გრიგოლ ხანძთელის ცხოვრებაში“.

თუ IX—X საუკუნეების ავტორები ამ ტერმინებს შორის უანსხვავებას ვერ ხედავენ. ამას აქვს კიდევ თავისი გამართლება. ცხოვრებამ მათ თვალწინ მოახდინა ამ სოციალურ ტერმინებს (ცნებებს) შორის ნიველირება. მაგრამ მათ შორის ჩრული იგივეობის დასმა ჯერ კიდევ V საუკუნისათვის, ჩვენ ისტორიული პერსპექტივის დარღვევად გვეჩვენება. (ერთადერთი გამართლება შეიძლება ის იყოს, რომ „დიდ აზნაურებს“ IX—X სს., თითქმის, ისეთივე საზოგადოებრივ-პოლიტიკური მდგომარეობა ექირათ. როგორც „მთავრებს“ IV—V საუკუნეების ქართლში).

მიუხედავად იმისა, რომ იაკობ ხუცესის ცნობები, V ს. ქართლის საზოგადოების სოციალურ დაფენებაზე, სადავოდ არვის გაუხდია, „აზნაურნი დიდ-დიდნი“ ჩვენ მაინც მერმინდელი ხანის ტერმინოლოგიურ შესწორებად მიგვაჩნია. ამ ზხრივ, ინტერესმოკლებული არ უნდა იყოს დაკვირვება „შუშანიკის წამების“ სომხურ თარგმანებზე. ვრცელ „წამებაში“ „დიდ-დიდნი აზნაურების“ ადგილას გვაქვს „ნახარარები“⁸⁰.

79 ილ. აბულაძე. მარტილობაა შუშანიკისი. გვ. 4?.

80 იქვე, გვ. 23.

ოთქოს, კი, უნდა ყოფილიყო „მეწამეწქ“ (დიდნი). ასეთსავე სურათს იძლევა „მოკლე წამება“, მაგრამ ვრცელისაგან განსხვავებით, მისი ძველი ქართული თარგმანიც არსებობს. სადაც სომხურ „ნახარარს“, როგორც სოციალურ ტერმინს, შეესატყვისება „მთავარი“. ჩვენ ვერ დავიწყებთ იმის მტკიცებას, რომ მთარგმნელი⁸¹ ამ შემთხვევაში იაკობ ხუცესის თხზულების უძველესი ქართული ტექსტით ხელმძღვანელობდა. თუმცა არც ეს შესაძლებლობა არის გამორიცხული, მაგრამ მას რომ მხედველობაში ქართული სინამდვილე ჰქონდა, ამაზე ორი აზრი, ვფიქრობთ, არ შეიძლება იყოს.

საერთოდ, სომხურიდან ნათარგმნ ძეგლებში „ნახარარი.“ არ აქვს მტკიცედ დადგენილი შესატყვისი ქართულ ენაზე. მისი უმთავრესი შესატყვისები მაინც „მთავარი“ და „ერისთავია“. „მესუტავეთა წამების“ ქართულ რედაქციაში „ნახარარის“ მნიშვნელობით ორივე ტერმინია ნახმარი (და ეს ერთი და იმავე ადამიანის მიმართ).

მაგრამ იაკობ ხუცესის თხზულების შემოწმების სხვა საშუალებაც არსებობს. როდესაც ჩვენს პარადოქსალურ შეხედულებას გამოვთქვამთ, უმთავრესად მაინც, ორიგინალური ქართული თხზულებები გვაქვს მხედველობაში. არსად ეს ძეგლები IV—VIII სს. ქართლში „დიდ აზნაურებს“ არ ასახელებენ. თვით „აზნაურებიც“ მხოლოდ აქა-იქ თუ იხსენიებიან. ის შეეხება, როგორც უძველეს ნაწარმოებებს. („ევსტათი მცხეთელის მარტვილობა“, „სერაპიონ ზარზმელის ცხოვრება“, „აბო ტფილელის მარტვილობა“, „მოქცევაჲ ქართლისაჲ“). ისე მოგვიანო ხანის იმ ძეგლებს. უფრო ადრეულ ხანას რომ ასახავენ („გრიგოლ ხანძთელის ცხოვრება“, ლეონტი, ჟუანშერი, „რაჟდენის წამება“, „დავით და კონსტანტინეს წამება“. ასურელ მამათა ცხოვრებები და სხვ.).

როგორც ქართული, ისე სომხური წყაროებით, IV- V სს. ქართლის გაბატონებულ უმაღლეს წრეს მთავარნი შეადგე-

⁸¹ ჩვენთვის, ამ შემთხვევაში, არსებითი მნიშვნელობა არ აქვს ქართული იგი თუ სომეხი. იხ. ილ. აბულაძე. ქართულ-სომხური ლიტერატურული ურთიერთობა, გვ. 050.

ნენ (სომხურად „ნახარაგები“, „იშხანები“). აზნაურები წარჩინებულთა საზოგადოების მხოლოდ ერთი გარკვეული ჯგუფია.

მიუხედავად ჩვენ მიერ შეტანილი კორექტივისა, „შუშანიკის წამება“ ძვირფას ცნობებს შეიცავს აზნაურთა ფენის შესახებ. ქტეზიფონიდან მომავალმა ვარსკენმა ქართლის საზღვრებთან მიახლოებისას „ზრახვა ყო, რაათა აუწყოს და წინა მიეგებნენ მას აზნაურნი და მისნი ძენი და მსახურნი, რაათა მათ გამო ერთგული სოფლად შევიდეს“⁸².

უნდა ვიფიქროთ, რომ საკუთარი აზნაურები ჰყავდათ ქართლის სხვა დიდ ხელისუფალთაც. „წამებიდან“ ჩანს, რომ აზნაურებს მსახურებზე ძალადი საზოგადოებრივი მდგომარეობა უჭირავთ. მათი სამსახური „უფლის“ წინაშე (ასე მიმართავენ ვარსკენს თხზულებაში) უფრო საპატიოა თხზულების მიხედვით, აზნაურები თავიანთი მდგომარეობით დაბალი საზოგადოების სხვადასხვა ფენებს—„უაზნოებს“ (არა აზნაურებს, არა წარჩინებულებს) უპირისპირდებიან.

ერისმთავრობის ხანა ქართლში აზნაურთა სწრაფი სოციალური დაწინაურების დროა (მიუხედავად არაბობისა). აზნაურები ამ ხნის მანძილზე უკვე მსხვილი მიწათმფლობელები გახდნენ და პოლიტიკური ცხოვრების სარბიელს ეუფლებიან. საგვარეულო და ოდესღაც მეფური წარმოშობის არისტოკრატის უმრავლესობა არაბთა ტერორის მსხვერპლი გახდა, ნაწილი კი აზნაურ-ფეოდალთა რიგებს შეერია.

არა მარტო აზნაურების შემდგომი დაწინაურება ხდებოდა, ხშირი იყო გააზნაურებაც. ამ მხრივ საყურადღებოა არჩილის ლონისძიება, რომელმაც ტაძრეულებს „მიუბოძა კახეთი და აზნაურ ყვნა იგინი“. გაჩნდნენ „დიდებული აზნაურები“. „ტაძრეული აზნაურები“, „მოსაკარგავე აზნაურები“. „აზნაური“ ფეოდალ-მიწათმფლობელის აღმნიშვნელი თითქმის ერთადერთი ტერმინი ხდება. იგი თავისი მნიშვნელობით უკვე ფარავს „წარჩინებულს“, რომელიც ახლა მაღალი საზოგადოების ზოგად ეპითეტად რჩება, ხოლო ტექნიკური სოციალური ტერმინის მნიშვნელობა „აზნაურმა“ დაიმკვიდრა.

⁸² მარტვილობაჲ შუშანიკისი.

მაგრამ „აზნაურის“ ქვეშ გაერთიანებული საზოგადოების ფეოდალური ფენა IX—X საუკუნეებში, ბუნებრივია, არ იყო ერთფეროვანი მასა. ამასთან დაკავშირებით ტერმინი ყოველ ცალკე შემთხვევაში ირთავს მსაზღვრელს, როგორც, მაგალითად: „დიდი აზნაური“ („დიდებული აზნაური“), „მემამულე აზნაური“, „ტაძრეული აზნაური“ და სხვ.

„დიდებული აზნაურების“ გამოჩენა ქართლის სოციალურ-პოლიტიკური ცხოვრების სარბიელზე მაჩვენებელია მათი აზნაურობისაგან გამოყოფის ტენდენციისა, მაგრამ IX—X სს. ისინი ჯერ კიდევ აზნაურთა საერთო ფენას და წრეს უკუთვნიან⁸³.

XI—XII სს. ზოხელეობისა და მიწათმფლობელობის სამამულო სისტემის გამარჯვებასთან დაკავშირებით დიდებულები ცალკე სოციალურ ფენად და წოდებად არიან ჩამოყალიბებული⁸⁴. ეს გარემოება ამ დროს ტერმინოლოგიაშიც მკაფიოდ არის ასახული. „დიდებული“, როგორც მსაზღვრელი, XI—XII სს. წყაროებში ჩამოშორებულია „აზნაურს“ და დამოუკიდებელი სოციალური შინაარსით იხმარება.

IX—X სს. ჩამოყალიბებულია აზნაურთა სხვა ჯგუფებიც. აზნაურობა, როგორც გაბატონებული წოდება, ფეოდალურ-კლასობრივი მოწიფულობის გზაზეა შემდგარი.

ე) მხედრები

V—VII სს. ქართლში გაბატონებულ საზოგადოებრივ წრეს შეადგენდნენ აგრეთვე „მხედრები“⁸⁵. მათ გარდამავალი სა-

⁸³ მ. ლ. ო. რ. თ. ქ. ი. ფ. ა. ნ. ი. ძ. ე. ძიროთაღი საზოგადოებრივი კლასები IX—X საუკუნეების საქართველოში, გვ. 228. 232.

⁸⁴ ნ. ბ. ე. რ. ძ. ე. ნ. შ. ვ. ი. ლ. ი, საქართველოს ისტორია XII—XIV სს. თბილისის სახელმწიფო უნივერსიტეტის შრომები, ტ. VI, 1937, გვ. 286.

⁸⁵ „მხედარი“ ძვ. ქართულ ენაზე, საერთოდ, მიმოსვლისათვის ვარგისს ოთხფეხა პირუტყვზე შემსხდარ ადამიანს ერქვა. ბიბლიაში არის მაგალითად, ასეთი ადგილი: „ვიხილენ მკედარნი ორნი: მკედარი ვირსა და მკედარი აქლემსა“. წიგნი ძუელისა აღთქუმისანი 978 წლის ხელნაწერის პიხედვით, აკ. შანიძის გამოცემა, ტ. I, ნაკვ. 2, 1948, გვ. 183. მაგრამ სიტყვის ასეთი გაცემა, უმთავრესად მაინც. ცხენოსანზე დამკვიდრდა, რაც საესებოთ გასაგებია საქართველოს პირობებში.

ფეხური ეკავათ აზნაურ-წარჩინებულებსა და მატერიალური დოვლათის მწარმოებელ თავისუფალ საზოგადოებას შორის.

მუდმივ ცხენოსან რაზმებს მონათმფლობელური ქართლიც იცნობდა. სამეფო კარს ჰყავდა რეგულარული ცხენოსანი ლაშქარი, რომელიც „მეფე-თვითმპყრობელის“ მთავარ სამხედრო ძალას წარმოადგენდა. ეს ლაშქარი სამეფო ქვეყნიდან გამოჰყავდათ და „რიცხუსა მკედართასა შერაცხდნენ“ ხოლმე. მათ „ტაძრეულები“⁸⁶ ეწოდებოდნენ. იარაღი და ცხენი ასეთ პირებს სახელმწიფოსაგან ეძლეოდათ.

ტაძრეულებს გარდა მეფის მხედრებად ეწერებოდნენ თავისუფალი მესაკუთრე-მიწათმფლობელებიც. მაგრამ მათ ცხენი და იარაღი („ხრმალი და ჰოროლი, ფარი და მშვილდ-აბარკი“) საკუთარი უნდა ჰქონოდათ. ვისაც ქონებრივი შეძლება ხელს უწყობდა, ცხენს ჯავშანს ადგამდა („თორნი“) და ლეითონაც „ჯაჰვე-ჩაბალახით“ იმოსებოდა. მხედრის შეიარაღება მხედრობის სახეობას განსაზღვრავდა. მძიმედ შექურვილი მხედრები („თოროსნები“) ჯარის ავანგარდულ ნაწილს ქმნიდნენ. მათ მოჰყვებოდნენ ქვეითები („მკჯრცხლი ერისაჲ“). რომელთაც ზურგში ედგნენ მსუბუქად შეიარაღებული ცხენოსნები—„სიმრავლე მხედართაჲ“.

ჯარის ორგანიზაციის ეს ტიპი, ქვეყნის შიგნით არსებული ეკონომიური და სოციალური დიფერენციის შედეგი იყო⁸⁷.

მხედრები გათავისუფლებული იყვნენ უშუალო სამეურნეო საქმიანობისაგან (მწარმოებელი კლასის კისერზე იხსდნენ), რადგანაც საპატიო სამსახურს იხდიდნენ მეფის წინაშე.

მხედარზე მაშინ ამბობდნენ, რომ „მარადის მდგომარე არნ

⁸⁶ ძვ. სპარსული „*ტაძრე*“, სომხური „*თაძრე*“ (სასახლე).

⁸⁷ ს. ჯანაშვილი. საქართველო აღრინდელი ფეოდალიზაციის გზაზე. შრომები, I, გვ. 198.

იგი წინაშე მეფისა შექუტრვილი საქურველითა და განმზადებული ბრძოლად მტერთა მეფისათა თავ-გაწირვით“⁸⁸.

ასე ჩამოყალიბდა თანდათან მხედართა სამხედრო მსახურული ფენა, რომლის ძირითად საქმიანობას და მოვალეობას ცხენზე ვარჯიში და ლაშქრობა-ომებში მონაწილეობის მიღება შეადგენდა ამასთან დაკავშირებით სახელმა რამდენადმე განსხვავებული ელფერი მიიღო. „მხედარი“ ახლა მარტო ცხენოსანს კი არ ნიშნავდა, არამედ მებრძოლსა და მეომარსაც⁸⁹, „მხედრობა“, კი, სამხედრო საქმეს, ლაშქრობას და, საერთოდ, ჯარს.

მონათმფლობელური ქართლის არსებობის ხანაში მხედრებს სამსახურის სანაცვლოდ, უმთავრესად, ულუფა და სარგო ეძლეოდათ. რომელსაც „როკიკი“⁹⁰ ეწოდებოდა. ფალაურიდან მომდინარე ეს სიტყვა (ročik) საერთო იყო ქართულ-სომხურისათვის⁹¹. „როჩიკ“ სომხურ ენაზე მხედ-

⁸⁸ მაშათა სწავლანი, X და XI ს-თა ხელნაწერების მიხედვით, ილ. აბულაძის გამოცემა, თბილისი, 1955. გვ. 120.

⁸⁹ „მხედარი“ მეომრის მნიშვნელობით სომხურიდან ქართულად ნათარგმნ თხზულებებში „ჩინოლარ“-ს შესატყვისება. ხოლო თხზულებაში მარტივლობად ატომისი და ძისა მისისაჲ“ სომხ. „როჩიკ ნახსაჲ“-ს ნაცვლად „ჩინებული მხედარი“ გვაქვს („აზნაურნი და ჩინებულნი მკედარნი“), იხ. ილ. აბულაძე, ქართულ-სომხური ლიტერატურული ურთიერთობა, 1944. გვ. 97.

აქ, ცოტა არ იყოს, უცნაურია ის გარემოება, რომ „რამიკები“ სომხურ ისტორიულ თხზულებებში ქალაქისა და სოფლის მოსახლეობის დაბალ ფენებს ერქვათ. ისინი არ ეკუთვნოდნენ პრივილეგირებულ წოდებებს—ნაზარარებს, აზატებს, სამღვდლოებს. საერთოდ, კი, „ზინოვორები“ და „რამიკები“, აზატებთან ერთად, სომხეთში ქმნიდნენ მუდმივ ცხენოსან ლაშქარს. იხ. С. Е. Акопян, История армянского крестьянства IV—XIII вв., автореферат докторской диссертации, Ереван, 1952, გვ. 26.

⁹⁰ „ულუფა ესე არს სამეუფოთა გამოსაზრდელი, შჭულიერი მთავრობის ნიკი“,—საბა, ლექსიკონი. „როკიკი“ კარისკაცებისა და სამეფო კარზე მყოფი პირების ულუფაც იყო. პეტრე იბერეიელის შესახებ მის ბიოგრაფიაში, მაგალითად, ხათქვაშია: „დღითი-დღე პალატით მოცემულსა როკიკსა გლახაკთა განუყოფდა“-ო.

⁹¹ აღიშნის ოთხთავში „როკიკი“ ორგან იხმარება: დღიური საზრდოსა (მ. 24₄₆) და ჯამაგირის (ლქ. 314) მნიშვნელობით. მათი სომხ. შესატყვისე-

რობის შესანახად „განწესებულ“ ნატურალურ და ფულად სუბსიდიას ერქვა⁹². ქართულ ენაში ეს ტერმინი თავდაპირველად ამ მნიშვნელობით უნდა შემოსულიყო. „მამათა სწავლანი“-ს X ს. გადაწერილ ხელნაწერებში (აქ გაცილებით ძველი ტექსტები უნდა გვქონდეს შემონახული), მაგალითად, ვკითხულობთ: „მხედარი, რომელმან დაიწერის თავი თუსი დივანსა შინა მეფისასა და მიერთგან წამოიღებენ იგი განწესებულსა როკიკსა ერის კაცთასა, ვერღა შემძლებელნ არნ იგი თავით თუსით განთავისუფლებად მსახურებისა მისგან“⁹³.

დროთა ვითარებაში სიტყვამ დღიური საზრდოს და გასამრჯელო-ჯამაგირის ზოგადი მნიშვნელობა მიიღო⁹⁴.

როკიკი უმთავრესად ტაძრეულების უზრუნველყოფას გულისხმობდა. თავისუფალ მესაკუთრეებს თავისი მიწა-ადგილი და ქონება გააჩნდათ, რაც მათ მხედრობის საშუალებას აძლევდათ. სამაგიეროდ, მეფის წინაშე სასახელო ყოფნა, საპატიო სამსახური, როგორც იტყვიან ხოლმე, არ ეკარგებოდათ. სულ უფრო მეტი მოთხოვნილებაა მათზე აგრეთვე სამოქალაქო მმართველობის სფეროში, სადაც სეფეწულები და მონათმფლობელური ქართლის სხვა არისტოკრატია ვეღარ აუდიან ქვეყნის გაზრდილი მოთხოვნილებების საჭიროებას. ახლა დროც იცვლება და მათი სამსახური ეგრერიგად საჭირო აღარაა სამეფო ხელისუფლებისათვის, რომელიც ცენტრალიზმი-სათვის ბრძოლაში ახალ საზოგადოებრივ დასაყრდენს ეძებს.

ბია: „*სტარაჩისტი*“ (მ. 24₄₅), და „*შოკი*“ (ლკ. 31₂). იხ. ელ. დოჩანაშვილი, მასალები ადიშის ოთხთავის წარმოშობის საკითხისათვის. მასალები საქართველოსა და კავკასიის ისტორიისათვის, ნაკვ. 32, 1955. გვ. 199. ბერძნულ სახარებაში (ლკ. 31₄) იკითხება ბψάγισυ (ჭარისკაცის ულუფა). იხ. ს. კაკაბაძე, ვახტანგ გორგასალი, 1959, გვ. 45.

⁹² С. Т. Еремян, О рабстве и рабовладении в древней Армении, ВДИ, 1950, № 1, გვ. 22.

⁹³ მამათა სწავლანი, გვ. 114.

⁹⁴ ახლა უკვე ვინმე ქვრივ დედაკაცსაც შეეძლო ეთქვა: „ორ ძე მესხნეს რე მარჩბინი, რომელნი მირეწვიდეს მე დიდსა როკიკსა. რამეთუ ქურიე ვარ და გლახაკ“. იხ. კ. კეკელიძე, კიმენი, 1, 1918, გვ. 147.

სიახლენი ეკონომიურ და საზოგადოებრივ ცხოვრებაში უკვე იგრძნობოდა. წარმოების ახალმა წესმა (ფეოდალურმა) სულ უფრო გაიდგა მაგარი ფესვები ქართლის მიწაზე. ქვეყნის ინტენსიურმა ეკონომიურმა განვითარებამ ყველაზე ძლიერ მიწათმოქმედებაში იჩინა თავი. რომელიც ძველთაგანვე იბერიის უმნიშვნელოვანესი სამეურნეო დარგი იყო. მონის შრომა გზას უთმობდა თავისუფალი და ნახევრად თავისუფალი მეურნეების საქმიანობას. ახალი ვითარების შესაბამისად. სამეფო ხელისუფლებასა და სხვადასხვა საზოგადოებრივ ძალებს შორის ურთიერთობა, თანდათან საადგილძამულ ნიადაგზე ეწყობა.

მას შემდეგ, რაც სამეფო ხელისუფლების ხელში წარმართული ტაძრების მიწების დიდი ფონდი აღმოჩნდა, უხვად დაიწყო მათი დარიგება ლაშქრობისა და სამსახურის პირობის საფუძველზე. მხედრის სამსახურის საფუძველი როჭიკის ნაცვლად, თანდათან მიწა გახდა. (მხოლოდ ტაძრეულებსა და სამეფო კარს შორის ურთიერთობა, ჯერ კიდევ, ცხოვრების ძველ წესზეა დამყარებული). საერთოდ, მემამულეობის თვალსაზრისით „მხედრები“ ძირითადად წვრილი მიწათმფლობელები არიან. ისინი, ვის ხელშიც მიწების მნიშვნელოვანი ნაწილი აღმოჩნდა, ლაშქრობასა და სამსახურს ახლა უკვე ახერხებენ, აზნაურდებიან. ამ მხრივ საყურადღებოა ვახტანგ გორგასალის ღონისძიება, რომელმაც ოსებზე გამარჯვების მოპოვების შემდეგ „წარჩინებულ ქმნა მკედარნი, მკნედ მსახურნი“.

„წარჩინებულობის“ საფუძველი ამ დროს უკვე მიწაა.

ქართლში მეფობის გაუქმების შემდეგ და ფეოდალიზაციის პროცესის განვითარებასთან დაკავშირებით, მხედართა სამტედრო მსახურეული ფენა სულ უფრო აზნაურული⁹⁵ (ფეოდალური) ხდება. ნაწილიც, კი, თავკვე ეშვება და „წვრილი ერის“ სოციალურ წიაღს უბრუნდება. საკუთარი მხედართა რაზმები გაიჩინეს ქართლის დიდმა ფეოდალებმაც (დიდმა მთავრებმა). მათ შორის დამოკიდებულება იმავე ნიადაგზე

⁹⁵ ქართულ ფეოდალურ საზოგადოებას საუკუნეების განმავლობაში ახსოვდა, რომ ქართლში აზნაურობა „მხედრობით“ იქნა მოპოვებული.

(სამიწო) იყო აღმოცენებული. მხედრები ან მიწას ღებულობდნენ სამსახურის პირობით, ან თავისი მიწებით „უფლის“ მფარველობაში“ შედიოდნენ.

საერთოდ, სომხეთის ანალოგიურად, ვფიქრობთ, რომ ქართლის სამეფო კარის მხედრების ნაწილი ერთხანს სასახური ირანის სამსახურში უნდა ყოფილიყო. (შაჰინშაჰის სამსახურში მყოფ სომეხ მხედრებს როკიკი ახლა კტეზიფონიდან იქვთ გადაკვეთილა). ყოველ შემთხვევაში, ცნობილია, რომ ზარკს გარდა დამპყრობლებმა ქართლის მოსახლეობას სამხედრო სამსახურიც დააკისრეს. ქართლში მოსვლისას ირაკლი კეისარს (VII ს. 20-იანი წლები) მრავალი ქართველი მეომარი დახვდა ირანის სამსახურში. „ევესტათი მცხეთელის მარტვილობის“ მიხედვით ჩანს, რომ მხედრებს, ერთგვარი მშვიდობიანობის დროს, პოლიციური ხასიათის მოვალეობანი აქვს დაკისრებული (ეს მათი, როგორც სამხედრო წრის, შინაგანი ფუნქციაა)⁹⁶.

საერთოდ, ორიგინალურ თუ ნათარგმნ ლიტერატურაში, ზეფთა თუ მთავართა ურჩი (სავსებით გასაგები მიზეზებით ეს „ურჩობა“ სარწმუნოებრივ-კონფესიურ ნიადაგზეა აღმოცენებული) პირების შეპყრობა და მათი ტანჯვა-წამება, მსახურებთან ერთად, მხედრების საპატიო მოვალეობას შეადგენდა. საპატიო სამსახურში ეთვლებათ მათ აგრეთვე მეფის თუ მთავრების ამაღლაში ყოფნა და გართობა—ნადირობებში მონაწილეობის მიღება.

მხედრობა, როგორც სამხედრო-მსახურული წრე, მონათმფლობელური ცენტრალიზმის პირობებში შეიქმნა. ფეოდალური ურთიერთობის განვითარების პირობებში იგი სულ უფრო იშლება. ადრეფეოდალური ურთიერთობის პოლიტიკური დაშლილობის საფეხურზე მხედრობა, როგორც ცალკე ფენა გაქრა. მათი სამხედრო ფუნქცია, საერთოდ, აზნაურთა კლასს გადაეცა.

უფრო გვიან, ფეოდალური ცენტრალიზმის ხანაში, იქმნება მულდმივი ჯარი, ტახტის აზნაურ-მოსაკარგავეთა და მდაბიორ-მოლაშქრეთაგან.

⁹⁶ საქართველოს ისტორია. I, დამხმარე სახელმძღვანელო. გვ. 121.

ამ მხრივ საინტერესოა ჯუანშერის ცნობა. ისტორიკოსი მოგვითხრობს. რომ მეფე არჩილმაო „ყოველთა ტაძრეულთა ზისთა მიუბოძა კახეთი და აზნაურ ყუნა იგინი“.

„ასე რომ ტაძრეულთა სამხედრო სამსახურიც უკვე სამამულლო ურთიერთობის საფუძველზე ეწყობოდა; გაჩნდნენ „ტაძრეული აზნაურები“, „მოსაკარგავე“ აზნაურები, რომელნიც სამხედრო სამსახურის პირობით ფლობდნენ „საკარგავებს“, ე. ი. მიწა-ადგილს, დაბა-სოფლებს“⁹⁷.

ამ ფაქტში აკად. ნ. ბერძენიშვილი მონათმფლობელური სამეფოს ორგანიზაციის უკანასკნელი ნაშთის გაქრობას ხედავს⁹⁸.

აზნაურები ლაშქრობასა და სამსახურს უკვე საერთო (ფეოდალური) წესით იხდიან.

ვ) მსახურები

მსახურებიც გარდამავალ საზოგადოებრივ ფენს შეადგენდნენ. მხედრებისაგან განსხვავებით. მათ გამოყენება უმთავრესად სამოქალაქო სარბიელზე ჰქონდათ.

„მსახური-ი“ ნაწარმოებია სახ-ლ-ისაგან: მ-სახ-ური-ი. ურ-სუფიქსი აქ სადაურობის მაჩვენებელი ჩანს: --„მსახური“ „სახლის“ კაცია. მ- თავსართი კი მიუთითებს იმაზე, რომ ის აღამიანი“⁹⁹.

გამოთქმულია მოსაზრება, რომ საქართველოში „მსახურები“ თავდაპირველად მონებს უნდა რქმეოდათ¹⁰⁰, მაგრამ ამისი კვალი ჩვენამდე მოღწეულ ძეგლებში არ შეინიშნება. პირიქით კი გვაქვს, როცა ტერმინი „მონა“ შეცვლილია „მსახურით“. ასეთი ტერმინოლოგიური შესწორების მავალითები გვაქვს, კერძოდ. ბიბლიის ახალ რედაქციებში¹⁰¹. მაგრამ ეს

⁹⁷ ჩვენთვის არსებითი მნიშვნელობა აქვს ამ შემთხვევაში მათ ეროვნულ წარმოშობას.

⁹⁸ საქართველოს ისტორია. I. მაკეტი ხელნაწერის უფლებით. 1956, გვ. 114.

⁹⁹ არნ. ჩიქობავა. სახელის ფუძის უქველესი აგებულება ქართულურ ენებში, 1942, გვ. 147.

¹⁰⁰ საქართველოს ისტორია, I. დამხმარე სახელმძღვანელო, გვ. 69.

¹⁰¹ Г. Меликишвили, К истории древней Грузии, გვ. 426.

გამოწვეული იყო მონის მდგომარეობის იმ ცვლილებით, რაც ფეოდალური ურთიერთობის შემოსვლისა და განმტკიცების კვალად ხდებოდა.

მსახურები ორიგინალური მწერლობის უძველეს ძეგლებშივე თავისუფლების მქონე ადამიანებად ჩანან.

„შუშანიკის წამება“ საკმაოდ ხშირად იხსენიებს მსახურებს, რომელთაც პიტიახშის კარზე სხვადასხვა ადმინისტრაციულ-პოლიციური მოვალეობანი აქვთ დაკისრებული: ინიშნებიან საპატიმროსა და ოთახების მცველებად („სენაკაპანებად“); მათვე ეკისრებათ „უფლის“ (ასე მიმართავს თხზულებაში ვარსქენ პიტიახშს ერთ-ერთი მსახური) ურჩების ფიზიკური დასჯაც¹⁰². ერთი სიტყვით, შინაგანი წესრიგის დაცვა პიტიახშის „ტაძარში“ მსახურთა უმთავრესი მოვალეობაა. ტყუილად როდი მოუხმობდა, თავისი მონის პირით, ჰერეთის საზღვარს მოწვენილი ვარსქენი თავის აზნაურებსა და მსახურებს,—„რამთა მათ გამო ერთგული სოფლად შევიდეს“¹⁰³.

მსახურები, მხედრების მსგავსად, „წერილი ერის“ სოციალური წიალიდან არიან გამოსული (აკად. ს. ჯანაშიას ვარაუდით, ზოგიერთ შემთხვევაში, შესაძლებელია, ისინი წარმოშობით გააზატებული მონებიც ყოფილიყვნენ)¹⁰⁴. საზოგადოებრივი მდგომარეობით და ქონებრივი შეძლებით ურთიერთისაგან განირჩეოდნენ მეფისა და სხვადასხვა სიძლიერის აზ-

102 „ვესტათი მცხეთელის წამებიდან“ ჩანს, რომ ამ მოვალეობიდან არც ქართლის მარზპანთა მსახურები იყვნენ განთავისუფლებული. მაგალითად, მარზპანმა არკანდ გუშნასპმა ვესტათისა და „მოყვასთა მისთა“ სიმტკიცის გასატეხად „უბრძანა მსახურთა თვისთა პირსა ცემაჲ ნეტართაჲ მათ...“. ძველი ქართული ლიტერატურის ქრესტომათია, I, სოლ. ყუბანეიშვილის მიერ შედგენილი, გვ. 46;

ხოლო მარზპანმა ბუზმირმა, ვესტათის ურჩობით განრისხებულმა, უბრძანა მსახურთა: „წარიყვანეთ ეგე საპურობილედ და იღუმალ ღამით ლავი წარპკვეთეთ“, იქვე, გვ. 53.

ასეთი პოლიტიკური მოვალეობა აკისრიათ თბილისის ამირას მსახურებსაც („აბო ტფილელის წამება“).

103 ილ. აბულაძე, შუშანიკის წამება, გვ. 5.

104 ს. ჯანაშია, შრომები, I, გვ. 278..

ნაურ-წარჩინებულთა მსახურები. გასაგებია, თუ მეფის მსახურთა დაწინაურების, გააზნაურების შესაძლებლობა მეტია.

ფეოდალური ურთიერთობის მთელს სიგრძეზე მსახურთა ფენის სოციალური მდგომარეობა და ფეოდალური ვალდებულება უცვლელი არ ყოფილა. თუ ადრეფეოდალურ ხანაში მსახურობა გარდამავალი საფეხური იყო „წვრილ ერსა“ და აზნაურობას შორის¹⁰⁵, უფრო გვიან მსახურები გლეხთა პრივილეგიებულ კატეგორიას წარმოადგენენ მხოლოდ.

ადრეული ფეოდალიზმის დროს მსახურები ძირითადად სამეურნეო-ადმინისტრაციულ უბანზე არიან დასაქმებული: ფეოდალურ მეურნეობას ადმინისტრაციულად აწესრიგებენ და წესრიგის დაცვას თვალყურს ადევნებენ.

განვითარებული ფეოდალიზმის ხანაში თავისუფალ მიწის-მოქმედთა საზოგადოების (ყმა-მოლაშქრენი) გაქრობის შესაბამისად, მსახურთა ცალკე სოციალური ფენიც დაიშალა. სოციალურად და ეკონომიურად დაქვეითებული მსახურები პატრონის წინაშე საპატიო სამსახურს შესაფერისად ვეღარ ასრულებენ და გლეხურად იბეგრებიან, გლეხდებოდნენ. უმნიშვნელო ნაწილიც, კიდევ, აზნაურდება. გასაგებია ამის შემდეგ, თუ ბატონყმობის ხანაში მსახურები უკვე უმთავრესად გლეხობიდან გამოდიან. ამიტომ, მათი ფეოდალური მოვალეობა, ერთი მხრით, საპატიოა, აზნაურული—ლაშქრობა¹⁰⁶ და სამსახური, ხოლო, მეორე მხრით, გლეხური—მიწის მუშაობა და ბეგრის გამოღება.

მსახურობა, როგორც საზოგადოების ფეოდალური ფენის ერთი გარკვეული, გარდამავალი ნაწილი, ადრეფეოდალურ ხანაში მწარმოებელი კლასის ექსპლოატაციის უშუალო მონაწილე იყო.

105 ს. ჭანაშია, შრომები, I, გვ. 279.

106 სანამ ყმა-მოლაშქრეთა სოციალური ფენი არსებობდა, ლაშქრობა მსახურების უმთავრესი მოვალეობა არ ყოფილა,

ა) მდაბიონი

ძნელია მოინახოს მეორე სოციალური ტერმინი, რომელსაც იმდენი ვარიანტული სახეობანი გააჩნდეს, რამდენიც თავისუფალ მეთემე-მიწათმოქმედთა აღმნიშვნელ სიტყვას — „მდაბიო“.

შედარებით უფრო გავრცელებულია „მდაბიო“ (მრ. რიც. „მდაბიონი“), მაგრამ არც თუ იშვიათად გვაქვს: „მდაბური“ (|| მდაბიური), უფრო ნაკლებად — „მდაბორი“ (|| მდაბიორი)¹⁰⁷.

„მდაბიო“ დაბის მცხოვრებს ნიშნავდა („მკვიდრი დაბისა“). ამის გამოა, რომ ყველა ვარიანტში საწარმოებლად დაბარის გამოყენებული: მ-დაბ-იო, მ-დაბ-ური. დაბ-ფუძის თავდაპირველი მნიშვნელობა. როგორც მკვლევრები ვარაუდობენ, იყო „მიწა“, შემდეგ „დამუშავებული მიწა“, „დასახლებული ადგილი“ (შეადარე საპირისპიროს: უ-დაბ-ნო — „დაუსახლებელი, დაუმუშავებელი ადგილი“). ჩვენამდე მოღწეულ უძველესს ძეგლებში „დაბის“ ეს მნიშვნელობა შენახული აღარაა. „დაბა“ უკვე, ჩვეულებრივ, დასახლებულ ადგილს აღნიშნავდა, ქალაქური ტიპისაგან განსხვავებით. სიტყვის ეს მნიშვნელობა, როგორც ვხედავთ, მეორეულია.

IX საუკუნიდან „დაბის“ ადგილს თანდათან იკავებს „სოფელი“, რომელიც მანამდე ქვეყანას ნიშნავდა.

აკად. ს. ჯანაშიას აზრით, „სოფლის“ თავდაპირველი მნიშვნელობა ვიწრო უნდა ყოფილიყო. განსვენებულ მეცნიერს

107 „მდაბორი“ (|| მდაბიორი) ჩვენ მიგვაჩნია გრაფიკულ ნიადაგზე წარმოშობილ ვარიანტად (წანაკითხია). ძველ ტექსტებში არც თუ იშვიათია შემთხვევა. როდესაც სახელებში უ-ს მაგივრად გვაქვს -ო. მაგალითად: „აზნაორი“, „ჩინებოლი“, „ხელისოფალი“, „მამოლი“ და სხვა. ეს ტრადიცია დამწერლობაში უნდა მომდინარეობდეს იმ დროიდან, როდესაც უ- ბგერა წერისას ოკ კომპლექსით აღინიშნებოდა. ამის გამო უნდა იყოს, რომ ტექსტებში ჩვეულებრივ „მდაბიური“ გვხვდება. ურ- სუფიქსი გასაგებია, იგი ელ- თან ერთად აღამიანის სადაურობას აღნიშნავს, რასაც ვერ ვიტყვიტ ორ- სუფიქსზე.

ეს ტერმინი „სუფელი“-საგან წარმოებულად მიაჩნდა და უფ-
ძირის იმ სახელებს უკავშირებდა, რომელსაც ეკუთვნის მეუ-
ფე, მეფე, უფალი და სხვ. „მეუფე“ პატრიარქია, ხოლო „სუ-
ფელი“ ტერიტორიული თემი, რომელიც გვაროვნული საზო-
გადოებიდან კლასობრივისაკენ გარდამავალ ხანაში ჩნდება¹⁰⁸.

„მდაბიო“-ს გვერდით ჩნდება „მსოფლიო“-¹⁰⁹-ც. „სოფლის
მცხოვრების“, „სოფელის“ მნიშვნელობით. მაგრამ „მსოფ-
ლიო“-ს ჰქონდა სხვა მნიშვნელობაც: „მსოფლიო“ (ახლანდე-
ლი გაგებით. *χθυσος*), „საერო“, „ერის-კაცი“. „მსოფლიოს“
შემოსვლას ხმარებაში „მდაბიოს“ გაძევება არ მოჰყოლია,
თვით „სოფლის მკვიდრის“ მნიშვნელობითაც. „მდაბიოს“ ამ
დროისათვის უკვე ჰქონდა მკაფიოდ ჩამოყალიბებული იური-
დიული შინაარსი, პრაქტიკაში დამკვიდრებულ სოციალურ
ტერმინს წარმოადგენდა. „მსოფლიო“ აქა-იქ. მართალია, იხ-
მარება „სოფლის მკვიდრის“ მნიშვნელობით (ჩვეულებრივ,
„მოქალაქესთან“ დაპირისპირებით)¹¹⁰, მაგრამ მას სოციალური
ტერმინის სახე არ მიუღია.

X—XI სს. მწერლები (გ. მერჩულე, სუმბატ დავითის ძე)
მთელ გამოთქმებს ხმარობენ („მსოფლიონი ერის კაცნი“ და
„ერნი სოფლიონი“), რათა ტერმინში მკითხველმა „სოფლე-
ლის“ მნიშვნელობა ჩადოს („მსოფლიო“-დან გამოაქვთ „ერის-
კაცის“ ცნება).

საერთოდ, კი, როგორც ითქვა, „მსოფლიო“ ჩვეულებრივ
ნიშნავდა მსოფლიოს (ამ ქვეყანას. ზეციური ქვეყნისაგან გან-

108 ს. ჭანაშია. შრომები I, გვ. 285—286.

109 ორსავე შემთხვევაში გამოყენებულა ადამიანის სადაურობის აღმ-
ნიშნელი მ- პრეფიქსი.

110 იხ. დავითას ისტორიკოსი: „ვერცა მსოფლიო ვინმე და ვერცა
მოქალაქე“. ქართლის ცხოვრება. I. გვ. 356; ე. წ. „სუანური მანუსკრიპტი“,
ხელნაწერი № 19 საქართველოს მუზეუმისა: „...სენათ თუ ვითარ გამო-
ზარდნის უცხოჲან მკვიდრნი ქუეყანისანი და მსოფლიოჲან მოქალაქენი“,
გვ. 60.

სხვაეებით)¹¹¹ „საეროს“¹¹² (საერისკაცოს), „ერის-კაცს“¹¹³ ამრიგად, „მდაბიო“ („მდაბიური“) იყო „დაბის“, „სოფლის“ მკვიდრთა აღმნიშვნელი ძირითადი ტერმინი ადრეფეოდალურ ხანაში. მაგრამ მას ჰქონდა სოციალური მნიშვნელობაც. „მდაბიო“, ცხადია, დაბის ყველა მკვიდრთ არ აღნიშნავდა. „მდაბიო“ არსად ფეოდალური კლასის არც ერთი ფენის წარმომადგენელს არ ეწოდება¹¹⁴, თუმცა სოფლად ცხოვრობდნენ ფეოდალებიც. „მდაბიური“ რუის-ურბნისის საეკლესიო კრების ძეგლისწერაში სრულიად გარკვევით, როგორც სოციალური კატეგორია, უხნაურს უპირისპირდება¹¹⁵.

მდაბიონი თავისუფალი „ქუეყანის მოქმედნი“ იყვნენ. პროფ. გ. მელიქიშვილს „ევსტათი მცხეთელის მარტვილობის“ ტექსტზე დაყრდნობით მიაჩნია, რომ ტერმინი „მდაბიური“ აღნიშნავდა, როგორც ქალაქის ტომობრივ-რელიგიური საზოგადოების წარმომადგენელს, ისე სასოფლო თემის წევრს, საერთოდ, მეთემეს¹¹⁶; ხოლო სოფლის მცხოვრებისა, „სოფელის“ აღმნიშვნელი სიტყვის ხმარება „მეთემეს“ მნიშვნელობით სასოფლო თემის არსებობის მკაფიო მოწმობად მიაჩნია ძველ ქართლში¹¹⁷.

¹¹¹ „ხრუნვაჲ მსოფლიოჲ“.

¹¹² „ხოლო ხუცესი იგი ესევეითარი კაცი იყო, რომელ პირსა მისსა მსოფლიოჲ სიტყუაჲ არა გამოვიდოდა, არამედ ყოველივე საღმრთოჲ და სულიერი“. ცხოვრება იოანესი და ეფთვიმესი, 1946, გვ. 21.

¹¹³ „იყო მონაზონი ერთი, რომელსა ძმად ესუა მსოფლიოჲ... და ჰრქუა მას ძმამან მან ერისა კაცმან“ იოანე მოსხი, ლიმონარი, გვ. 76.

„საერო-საერისკაცოს“ ნიშნავს „მსოფლიო“, მაგალითად „სერაპიონ ჴარზმელის ცხოვრებაში“: „ხოლო უხუცესი იგი ძმად წესითა მსოფლიოჲთა დამპყრობელ ექმნა მამულსა სამკვიდრებელსა“, გვ. 151.

¹¹⁴ ასეთი სპეციფიკური, სოციალური შინაარსი ტერმინს—„მსოფლიო“ არ გააჩნდა, და არც შეიძლებოდა ჰქონებოდა თავისი მრავალფეროვანი მნიშვნელობის გამო. დამახასიათებელია. რომ დავით აღმაშენებელსაც შეეძლო თავისი თავისათვის „უოკლად მსოფლიო“ ეწოდებინა. რხ. ქართლის ცხოვრება, I. გვ. 357.

¹¹⁵ თ. ეო რ დ ა ნ ი ა, ქრონიკები, II, გვ. 68.

¹¹⁶ Г. Мелыкишвили, К истории древней Грузии, гв. 401.

¹¹⁷ ი ქ ვ ე, გვ. 402.

გვიანდელი ხანის საქართველოს მთიანეთის ეთნოგრაფიული მასალებით ჩანს, რომ თემები მოსახლეობის სიდიდისა და ტერიტორიის მოცულობით განსხვავდებოდნენ ერთმანეთისაგან. დიდი თემი, თავის მხრით. განიყოფოდა უფრო მცირე. იარგანიზაციულ ერთეულებად. სახვეთაშორისო, სახევო, სასოფელთაშორისო...¹¹⁸ თვითოეული მათგანი ცალკე სოციალურ ჯგუფებს აერთიანებდა, რომელნიც უკანასკნელ დრომდე ცნობილი იყვნენ სხვადასხვა სახელწოდებით: მამანი, სამში, გვარი, სოფელი, თემი, ხევი¹¹⁹.

აღსანიშნავია, რომ „საძმო“, როგორც თემურ იარგანიზაციის ერთ-ერთი სახელი, ჩვენ გაცილებით ადრე. ლიტერატურული გზით გვაქვს დამოწმებული. მხედველობაში გვაქვს „სერაპიონ ზარზმელის ცხოვრება“, რომელიც ძვირფას წყაროს წარმოადგენს, ქართლში ადრეფეოდალური საზოგადოებრივი ურთიერთობის შესწავლისათვის. თხზულებაში აღწერილია ასეთი ამბავი მონასტრისათვის ადგილებს „დაპყრობის“ სურვილმა ბერები მიიყვანა „შესაყრებელსა ორთა წყალთასა... რომელსა სამში ეწოდებოდა“¹²⁰.

საქმე იმაში იყო, რომ „დიდმა მთავარმა“ გიორგი ჩორჩანელმა, რომელმაც ბერების მფარველობა და ხელის შეწყობა ითავა, ასეთი დაპირება მისცა „სულიერ ძმებს“: „განთიადითგან მწუხრამდე რაჟოდენი შემოწერით შემოვლოთ მომიცემა ოქუენდა“-ო. მიუხედავად იმისა, რომ ჩორჩანელი მთელ ამ კუთხეს (ქვაბლიანის ხეობას) თავის „საბრძანებელს“ უწოდებს, „საძმოს“ მცხოვრებლებმა სასტიკი წინააღმდეგობა გაუწიეს დაუპატიებელ სტუმრებს და „საძმოს“ საზღვრებიდან ვადარეკეს.

აქ ჩვენ გვაქვს სრულიად აშკარა ცნობა ფეოდალებისა და ეკლესია-მონასტრების მიერ სათემო ადგილ-მამულების მიტა-

¹¹⁸ ვ. ბარდაველიძე, ხევსურული თემი, საქართველოს სსრ მეცნიერებათა აკადემიის მოამბე, ტ. XIII, № 8, 1952, გვ. 297.

¹¹⁹ В. Бардавелидзе, Земельные владения древнегрузинских святых, Советская этнография, 1949, № 1, გვ. 92.

¹²⁰ სერაპიონ ზარზმელის ცხოვრება, გვ. 159.

ცებისა და ამ ნიადაგზე აღმოცენებული მწვავე კლასობრივი ბრძოლისა.

„საძმო“, ექვს გარეშეა, თემური ორგანიზაციის სახელია ასევე, როგორც, ეს იყო უფრო გვიან ხევსურეთში. ტერმინი, როგორც ჩანს. პირველყოფილ-თემური ურთიერთობის, გვაროვნული წყობილების წიაღში წარმოიშვა და სისხლით ნათესავეების („ძმების“) გაერთიანებას გულისხმობდა. მერძინდელი ანალოგების გათვალისწინებით საფიქრებელია, რომ თემური ორგანიზაციის სხვა სახელწოდებებიც არსებობდა: გვარი, სოფელი (დაბა) თემი, ხევი. პროფ. გ. მელიქიშვილს „დაბა“ სასოფლო თემის სახელად მიაჩნია ადრეფეოდალურ ხანაში¹²¹. ხოლო თემის უხუცესის, მეთაურის სახელი უნდა ყოფილიყო—„ხუცესი“¹²², „ბერი“ (შდრ. „ხევისბერი“, „ქალაქის ბერები“). სემანტიკურად ეს სახელები შესატყვისებს წარმოადგენენ.

ეს ტერმინები უკანასკნელ დრომდე იყო ხმარებაში აღმოსავლეთ საქართველოს მთიან რაიონებში. ხევსურეთში „ხუცესი“ ანუ „ხევისბერი“ იყო ხელმძღვანელი თემის საერო და საკულტო-რელიგიური ცხოვრებისა¹²³.

თემის უხუცესი (resp. ხუცესი) რომ ძველად კულტის მსახური ყოფილა, ეს იქედანაც ჩანს, რომ ტერმინი შემდეგში ქრისტიანული რელიგიის მსახურის მნიშვნელობითაც დამკვიდრდა. „ხუცესი“ (მოძღვარი) და „მღვდელი“ სინონიმურ პარალელებს წარმოადგენდნენ. აღსანიშნავია, რომ ეს ტერმინი დამოწმებული გვაქვს გომარეთის ეკლესიის წარწერაში.

¹²¹ Г. Меликишвили, К истории..., 405—406. „დაბა“ ანუ „სოფელი“ გარკვეული ეკონომიური ერთეული იყო, XI—XIII სს. ქართული საბუთებით—„მითთა, ბარითა, ტყითა, ველითა, წყლითა, ზვრითა, ზოდაბუნითა, საქოვრითა, სათიბითა, წისქვილითა...“.

¹²² აკად. ნ. მარის ეტიმოლოგიით, ტერმინი ნასესხებია სვანურიდან, რომელშიც „ხუც-ა“ არის შედარებითი ხარისხი ძირისა—„ხოშა“, (старший, большой). И. Марр, Грамматика грузинского языка, 1922, გვ. 60.

¹²³ ვ. ბარდაველიძე, ხევსურული თემის მმართველობის სისტემა, სსსრ მეცნიერებათა აკადემიის შიკამბე, ტ. XIII, 1952, № 10; გვ. 626.

სვლას ამ გზით მდაბიოთა კლასის გარდაუყვალად აღსასრული მოქონდა. უკვე კარგა ხანი გასულ იყო, რაც მეურნეობის განვითარების ნიადაგზე თემი ირღვეოდა. „უფრო ძლიერ იჩენდა თავს მიწის კერძო საკუთრებად გადაქცევისადმი მიდრეკილება. ვენახისა თუ სილონის (ხენილის ბალის) მონაშენე ე. თემე მიწის მუშა. ცდილობდა არ შეშვებოდა თავის ნაკირნა-ხულევს და ასეთი ნაშენის მეათეშეთა შორის განაწილების წინააღმდეგ გამოდოდა. ასე შეშოდოდა კერძო მდ.ლობელობა ჯერ საბალ-ვენახე მიწებზე და შემდეგ სახნავ-სათესზედაც“¹²⁶.

მეთემეთა მიერ სათემო მიწების დასაკუთრებას მათ შორის მკვეარი ქონებრივი უთანასწორობის წარმოშობა მოსდევდა. რადგანაც ამ დროს მიწა იყო სიმდიდრისა და სოციალური მდგომარეობის მთავარი წყარო. თუ ძველ ქართლში სასოფლო თემი დაბრკოლებას უქმნიდა მონათმფლობელური წარმოებითი ურთიერთობის განვითარებას, ახლა იგი ბაზა გახდა ახალი (ფეოდალური) ურთიერთობის წარმოშობისა და განვითარებისათვის.

ქონებრივად დაწინაურებული მდაბიურები სოციალურადაც შორდებოდნენ თემის გალატაკებულ-დაგლახებულ უმრავლესობას და აზნაურთა რიგებში გადადგოდნენ. მაგრამ თემი მართლაც შიგნიდან, მეურნეობის განვითარების საფუძველზე, არ ირღვეოდა. „მთავრები, აზნაურები, ეკლესია-მონასტრები ერთიანი ძალით უტევდნენ მდაბიორებს და იტაცებდნენ მათს სათემო თუ კერძო სამფლობელო მიწებს... აზნაურებმა მდაბიურებს ჯერ წაართვეს სახნავ-სათესი მიწები, რომლებსაც ყველაზე მეტი შემოსავალი მოჰქონდა, შემდეგ სათიბ-საძოვრები და, ბოლოს, ტყის მიჩემებასაც მიყვეს ხელი“¹²⁷.

X ს. გასულისათვის ბარის საქართველოში სათემო მიწების შიტაცებისა და მდაბიოთა დაყმევების პროცესი, ცალ-ცალკე, თუ თემებით, ძირითადად დასრულდა¹²⁸. პატრონ-ყმური

¹²⁶ საქართველოს ისტორია, I, დამხმარე სახელმძღვანელო, გვ. 105.

¹²⁷ საქართველოს ისტორია, I, მაკეტი. 1956, გვ. 121.

¹²⁸ იქვე, გვ. 131.

საერთოდ, თემის რღვევისა და მდაბიოთა დაყმევების პროცესებზე მსჯელობისას ვემყარებით აკად. ნ. ბერძენიშვილის გამოკვლევებს, რომლის

ურთიერთობის სფერომ მათი სასაით მწარმოებელი საზოგადოება მოიცვა. მდაბიოთა თავისუფალი სოციალური ფენის დაყმევება, კლასობრივი ბრძოლის თვალსაზრისით. იყო მნიშვნელოვანი სოციალური პროცესი, რომელიც ადრეფეოდალური. ურთიერთობის ეტაპზე დასრულდა. ახლა მხოლოდ ჭევეყნის შემდგომი განვითარების, დროის საკითხი იყო ფეოდალთა ამ ყმების მიერ თავისუფლების ყველა ნიშნის დაკარგვა და მათი „გლეხობაში“ გადასვლა. ყმა მწარმოებელი გარდაამავალი კატეგორიაა თავისუფალ მეთემესა და გლეხს შორის.

ფორმალურად ასეთი მიწის მუშები ჯერ კიდევ თავისუფალი იყვნენ, თუმცა „პატრონები“, „მფარველები“ გაჩენოდნენ (მეფე, აზნაური. ეკლესია-მონასტერი). პატრონისა და ჭევეყნის წინაშე მათი ფეოდალური მოვალეობა, ლაშქრობა და სამსახური (მასპინძლობა, ძღვენი, ხლება...) იყო. ყმა-მოლაშქრენი აზნაურებთან ერთად საქართველოს ლაშქრის ბირთვს შეადგენდნენ თვით განვითარებული ფეოდალიზმის ხანაში. მაგრამ ჭევეყანაში ფეოდალური ურთიერთობის განვითარებასთან ერთად, მდაბიოთა სოციალური ფენა სულ უფრო ქრებოდა, იშლებოდა. ეკონომიურად შეუძლებელი მდაბიური ლაშქრობა-სამსახურს ვეღარ ახერხებდა, თავისუფლებას კარგავდა და ბეგრის გამომღები მიწის მუშა, გლეხი ხდებოდა.

დამსახურებაა ადრეფეოდალური ხანის დასასრულისათვის, „ყმათა“ გარდაამავალი მწარმოებელი კლასის აღმოჩენა. რაც ქართული პატრონყმობის შინაარსს განსაზღვრავდა.

აკად. ივ. ჯავახიშვილი მერმინდელ ვითარებაზე დაყრდნობით („გლეხი გინა ყმა“). „ყმასა“ და „გლეხს“ შორის განსხვავებას ამ პერაოდისათვის ვერ ხედავდა. იხ. მისი, საქართველოს ეკონომიური ისტორია, I. 1907, გვ. 10; და ქართული სამართლის ისტორია, 1928. I. გვ. 73.

აკად. ს. ჯანაშია პატრონყმური ურთიერთობის სფეროდან გამორიცხავდა მატერიალური დოვლათის ყმა მწარმოებლებს. რადგანაც მიაჩნდა, რომ ფეოდალური საზოგადოება ამ დროისათვის უკვე გაყოფილი იყო ორ ძირითად ანტაგონისტურ კლასად. ე. ი. ფეოდალებად და გლეხებად, ხოლო პატრონყმობა არის მემამულეთა შინაგანი ორგანიზაციის განსაზღვრული ფორმა და ამდენად არ ფარავს მთელს საზოგადოებრივ ურთი-

XII ს. ბოლოსათვის საქართველოში ეს პროცესი ძირითადად უკვე დასრულებულია¹²⁹.

ამრიგად, IX—X საუკუნეებში ტერმინი „მდაბიო“ რამდენადმე იფართოებს შინაარსს. ის ახლა არა მარტო თავისუფალი მეთემის სახელია. არამედ დაყმევებულ მწარმოებელსაც გულისხმობს. XI—XII სს. ეს ტერმინი ჩვეულებრივ ამ უკანასკნელი მნიშვნელობით იხმარება, მაგრამ „მდაბიო“ ბეგრისა და მუშაობა-სამსახურის ვალდებული მიწის მუშის სახელი არ ჯოფილა. ასეთი კატეგორიის მწარმოებელთა აღმნიშვნელი ტერმინი იყო „გლეხი“, რომელიც „მდაბიოს“ პარალელურად არსებობდა. სწორედ ამის სასარგებლოდ ლაპარაკობს გრიგოლ ღვთისმეტყველის „სამხილებელი არიანოზთა და ევნუმიანოსთა ბოროტად უწესოებისაჲ“, და არა პირიქით¹³⁰. როგორც პროფ. ილ. აბულაძემ შენიშნა, ქართულ ტექსტში გარკვეული აზრით გამოყენებულია ტერმინი „გლეხი“, რომელიც მთარგმნელს შეცდომით „*zhanakhan*“-ის შესატყვისად გამოუვიდა.

(ეს ფილოსოფიური ტერმინი მას სოციალურ სახელად— „*zhanakhan*“-ად მოსჩვენებია)¹³¹.

„შინაკანი“ სემანტიკურად ქართული „მდაბიოს“ ბადალია („*zhan*“¹³²—„დაბა“, „*zhanakhan*“—„მდაბიო“).

ოდესღაც ეს ტერმინები სოციალურადაც შეესაბამებოდნენ ერთმანეთს. მაგრამ X ს. ბოლოსათვის, როდესაც შინაკანების დიდი ნაწილი მიწაზეა მიმაგრებული, ამ სომხური ტერმინის ქართული შესატყვისი უკვე „გლეხია“.

ერთობასო. იხ. ს. ჯანაშია. ქართული პატრონჟიმობის ბუნებისა და წარმოშობის საკითხისათვის. შრომები, II, გვ. 434—435.

129 საქართველოს ისტორია, I, დამხმარე სახელმძღვანელო. გვ. 80.

130 იხ. მ. ბერძენიშვილი, გლეხთა კატეგორიები XI—XII ს-ში, გვ. 139.

131 ილ. აბულაძე, ძველი ქართულის ლექსიკიდან. გვ. 173.

132 მომდინარეობს ფალაური ჯან-იდან. ადიშის ოთხთავი. ჩვეულებრივ, სომხური „*zhan*“-ის ქართულ შესატყვისებს, ასევე, „მცენ“ ძირიდან აწარმოებს, ზოგჯერაც კიდევ იძლევა სიტყვებს: „დაბნები“, „სოფელი“. იხ. ელ. დოჩანაშვილი, მასალები ადიშის ოთხთავის წარმომავლობის საკითხისათვის. მასალები. ნაკვ. 32. გვ. 191.

ბ) გლეხები

ადრეფეოდალური ურთიერთობის ხანაში მატერიალური დოვლათის მწარმოებლებს შორის ყველაზე დაბალი ადგილი გლეხებს ეკავათ.

გლეხი პირად თავისუფლებას მოკლებული, ბეგრისა და მუშაობა-სამსახურის ვალდებული მიწის მუშა იყო. ამ სოციალური ფენის წარმოშობის ისტორია ჯერ კიდევ ნათელი არაა. ჰეკლევერები, ჩვეულებრივ, ფიქრობენ, რომ სტრაბონის „მეოთხე გენე“ (παλαιαὶ ἱστοίαι) ამ ფენას უნდა გულისხმობდეს. აკად. ს. ჯანაშიას აზრით, „მეოთხე გენეს“ ქართული სახელწოდება, ფეოდალური საზოგადოების ტერმინოლოგიის გათვალისწინებით, იყო „გლეხი“. თუმცა საკითხი დამატებით კვლევა-ძიებას მოითხოვს¹³³. ამ თვალსაზრისისაკენ იხრება პროფ. გ. მელიქიშვილიც¹³⁴. სამწუხაროდ, ტერმინის, ეტიმოლოგია ჯერ კიდევ დადგენილი არაა, რაც გლეხის წარმოშობის საკითხის გარკვევაში დაგვეხმარებოდა.

აკად. ნ. მარი ამ სოციალურ ტერმინს ეთნიკურ წარმოშობისად მიიჩნევდა „გლეხი“ (ამ ძირიდან წარმოშობილი „გლახაკი“) და მისი სომხური შესატყვისი „გრეჰიკ“-ი („*գրեհիկ*“), „კოლხთა“ ტომობრივი სახელწოდებიდან მომდინარეობენო¹³⁵.

ტომობრივი სახელიდან მომდინარედ მიაჩნდა „გრეჰიკ“-ი პროფ. ადონცსაც. ქართული „გლეხი“ კი სომხური ტერმინის შესატყვისია (მდაბიო. პლებსი) და ამ უკანასკნელიდან წარმოშობილი¹³⁶. „გლეხი“ სომხური ტერმინიდან მომდინარედ მიაჩნდა პროფ. აქარიანსაც. მაგრამ მარისა და ადონცისაგან განსხვავებით. იგი „*գրեհ*“-ისაგან გამოჰყავდა, რომელიც „უბან-ქუჩას, საზოგადო გზას“ ეწოდებოდა¹³⁷.

¹³³ ს. ჯანაშია, შრომები. II, გვ. 167.

¹³⁴ Г. Мелікшвілі, К истории..., გვ. 446.

¹³⁵ Н. Марр, Батуми, Ардаган, Карс..., Петроград, 1922, გვ. 31.

¹³⁶ Н. Адонц, Армения в эпоху Юстиниана, СПб, გვ. 436.

¹³⁷ იხ. ილ. აბულაძე, ძველი ქართულის ლექსიკონი, გვ. 168—169.

„გლეხის“ დაკავშირებას კოლხთა სატომო სახელთან, უკანასკნელ ხანებში, უკერძო მხარს პროფ. გ. მელიქიშვილი. მისი აზრით, ეს ტერმინი არ უნდა წარმომავლობდეს სომხ. „გრეკი“-იდან, რომელსაც ძველ ინდურ „გრჰაჯა“-ს (სახლში დაბადებული მონა) უკავშირებენო¹³⁸.

პროფ. გ. მელიქიშვილი არ იზიარებს არც „გლეხის“ გლახასაგან წარმოშობას, თუმცა არ უარყოფს მათ გარეგნულ და შინაარსობრივ სიახლოვეს და არც იმის შესაძლებლობას, რომ აქ საქმე იქნება გვერდის ერთსა და იმავე სიტყვის დიალექტურ ვარიანტებთან¹³⁹.

ტერმინი „გლეხი“ უკანასკნელ დროს პროფ. ილ. აბულაძის სპეციალური შესწავლის საგანი გახდა. ამ სიტყვის ამოსავალი ფორმა, მისი აზრით, არის „გლახაკი“ (გლახაკ → გლახა → გლახ || გლეხ-ი)¹⁴⁰. ილ. აბულაძე აღიარებს „გლეხის“ კავშირს „გრეკი“-თან, მაგრამ ამ უკანასკნელისაგან მომდინარეობას უარყოფითად ეკიდება.

როგორც ვხედავთ, ტერმინის ეტიმოლოგიის თვალსაზრისით, ჭერჭერობით, ყველაფერი ნათელი არაა. თავი რომ დავანებოთ „გლეხის“ ეთნოკური სახელწოდებიდან მომდინარეობას, რაც ფრიალ ჰიპოთეზურია, უფრო რეალური საფუძველი მოიპოვება „გლეხისა“ და „გლახას“ კავშირ-ურთიერთობისათვის.

„გლახაკი“ („გლახა“) ფეოდალურ საქართველოში ფართოდ გავრცელებული ტერმინი იყო და „არამს მქონებელს“, „უპოვარს“, ე. წ. ღარიბ-ღატაკს აღნიშნავდა. ტერმინს უმთავრესად ეკონომიური შინაარსი ჰქონდა, ვიდრე სოციალური¹⁴¹. „გლახაკი“, ჩვეულებრივ, „მდიდრის“ საპირისპირო ცნება იყო და ამ თვალსაზრისით ერი და ბერი ერთი შეიძლება იყოფილიყო. მაგრამ კლასობრივ საზოგადოებაში, სადაც მდგომარეობა უმთავრესად მაინც ეკონომიური შეძლებით იყო

¹³⁸ Г. Меликшвили, К истории... გვ. 420.

¹³⁹ „გლეხი“ და „გლახა“ დიალექტურ ვარიანტებად მიაჩნია აგრეთვე პროფ. ს. კაკაბაძეს. იხ. მისი. ღახტანგ გორგასალი. გვ. 6.

¹⁴⁰ ილ. აბულაძე, ძველი ქართულის ლექსიკიდან. გვ. 175.

¹⁴¹ იოანე მოხის „ლიმონარში“ არის ასეთი ადგილი: „დალატათ დღეს გლახაკი არს, არამედ არს იგი შერაცხილთავანი“, გვ. 115.

კანსაზღვრული, შეუქლებელია, რომ „გლახაკს“ სოციალური ელფერიც არ ჰქონოდა მიღებული.

ლონტი მროველი ფარსმან ქველის სიკვდილით გამოწვეული მწუხარების აღსანიშნავად ამბობს: „მაშინ იქმნა გლოვა და ტირილი, და ტყემა ყოველთა ზედა ქართველთა წარჩინებულთგან ვიდრე გლახამდე“¹⁴².

გლახანი. როგორც ვხედავთ, ისტორიკოსისათვის საზოგადოების უდაბლეს საფეხურზე მდგომი ხალხია, ნივთიერად და უფლებრივად რომ იყო გაძარცვული. სუმბატ დავითის ძე მარამ დედოფლის ელჩობის მიზანდასახულებაზე ამბობს: „წარვიდა კოსტანტინეპოლედ წინაშე რომანოზ მეფისა ვედრებად მისა, რათა ნძვიდობა ყოს აღმოსავლეთისათვის და რათა არლარა იყოს ბრძოლა ბერძენთა და ქართველთა, და გლახაკნი დაწყნარებულ და მყუდრო იყვნენ“¹⁴³. „გლახაკნი“ აქ ზოგადი მნიშვნელობითაა ნახმარი, გაქირვებული, ომისაგან აშლილი და აფორიაქებული მშრომელი მასის აღსანიშნავად.

განვითარებული ფეოდალიზმის ხანაში ამ ტერმინით. ჩვეულებრივ, ფეოდალური წარმოებიდან გამოძევებული და უმთავრესად ქალაქებს შეფარებული ღარიბობა აღინიშნებოდა. რომლებიც მათხოვრობითა და მდიდართა თუ სახელმწიფოს ქველმოქმედებით სულდგმულობდნენ. მანამდე კი „გლახაკი“ შეიძლება სამეფურნიო საქმიანობის საშუალებას მოკლებული ღარიბი „მუშაკის“ მნიშვნელობითაც ეთქვათ. იოანე მოსხის ლიმონარის ქართულ თარგმანში არის. მაგალითად, ასეთი ადგილი: „ვინმე ბერი იყო ხუზიბისა მონასტერისა, და გვთხრობდეს მისთვის მკვდრნი ზის მონასტრისანი, ვითაოცნდ: ოდეს იყოლა იგი სოფელსა შინა. მუშაკი იყო. და ოდეს ჩხილის ვინმე კაცი გლახაკი. რომელსა ქარნი არა უდგანედ და აიღლი არა უქუნ, და ვერ შემძლებელ არნ საქმედ აგარაკისათვისა, წარვიდის იგი თვნიერ ცნობისა მისისა და კეთილად ნოქმნის აგარაკი იგი მისი და დასთესის თესლი და დაუტევის“¹⁴⁴.

საყურადღებოა, რომ „გლახის“ სპეციფიკური მნიშვნელობით თავდაპირველად გამოყენებული ყოფილა „გლეხიც“. მა-

¹⁴² ქართლის ცხოვრება, I, გვ. 53.

¹⁴³ იქვე, გვ. 385.

¹⁴⁴ იოანე მოსხის ლიმონარი, ილ. აბულაძის გამოცემა, 1960, გვ. 8.

გალითად, პროფ. ილ. აბულაძის მიერ მითითებული „სიბრძნეა რსუ ზირაქისი“ კონტექსტებში „გლეხს“ „მდიდარს“ უპირისპირებს, თავი რომ დავანებოთ სომხურ და რუსულ თარგმანებს, სადაც შესაბამის ადგილებში „սպասա“¹⁴⁵ და „მდიდარი“ ყოფილა ნახმარი.

ჩვენამდე მოღწეულ ორიგინალურ ძეგლებში „გლეხი“ X ს-მდე არა ჩანს. ამის შემდეგ, კი, მკაფიოდ ჩამოყალიბებული სოციალური შინაარსით შემოდის ლიტერატურაში (თავისუფლება დაკარგული მიწისმოქმედის სახელია), რაც ტერმინის მნიშვნელობის განვითარების ისტორიისაკენ მიგვახედებს.

მიუხედავად იმისა, რომ თვით ნათარგმნ ძეგლებში „გლეხი“ X ს-მდე მხოლოდ აქა-იქ თუ მოგვეპოვება, მისი მნიშვნელობის ცვლილება ზოგადიდან კონკრეტულისაკენ, მაინც შეიმჩნევა. ქრონოლოგიურად ყველაზე ადრინდელია ბიბლიაში შემავალი ზემოთ ნახსენები—„სიბრძნეა რსუ ზირაქისი“, სადაც „გლეხი“ ღარიბის, გლახაკის მნიშვნელობით იხმარება¹⁴⁶.

„რიფსიმიანთა წამების წიგნში“, რომელიც პროფ. ილ. აბულაძის მოსაზრებით, VIII ს-ზე უადრესი და IX ს-ზე გვიანდელი არ უნდა იყოს, ქალაქ ვალარშაპატის დაბალი მასის აღსანიშნავად (სომხურში „ամբոխ“¹⁴⁷-ია), თარგმანში „გლეხია“ გამოყენებული:

„ამბოხ“-ი ძველ სომხეთში ზოგადი შინაარსის სოციალური ტერმინი იყო, რომელიც, „ბრბოს“, „მასას“, „ხალხს“ აღნიშნავდა¹⁴⁸.

X საუკუნეში გადაწერილ ჰ. წ. სევანურ მრავალთავში „გლეხი“ სომხ. „ամբոխ“-ს შეესწორება. „რამიკ“-ი ზოგადი

145 სომხ. „აღქატ“-ის ადგილას ადიშის ოთხთავში, ჩვეულებრივ, „გლახაკი“ გვაქვს. იხ. ელ. დოჩანაშვილი, მასალები ადიშის ოთხთავის წარმოშობის შესახებ, გვ. 202.

146 ილ. აბულაძე, ძველი ქართულის ლექსიკიდან, გვ. 174.

147 მომდინარეობს ირანული „ამბოხ“-იდან. ადიშის ოთხთავში „ამბოხ“-ის შესატყვისად გვაქვს „ამბოხი“, „გლახაკი“. იხ. ელ. დოჩანაშვილი, დასახელებული წერილი, გვ. 182.

148 С. Е. Акопян, История армянского крестьянства, IV—XIII вв., авторсферат докторской диссертации, гв. 26.

მნიშვნელობით „ამბოხ“-ის სინონიმს წარმოადგენდა და, როგორც ქალაქის პლებსის, ისე სოფლის დაბალი მოსახლეობის მნიშვნელობით იხმარებოდა. საერთოდ, „რამიკები“, „ამბოხი“, „--ანაზატების“ (უაზნონი, უჩინონი, შეურაცხნი) სოციალურ წრეს შეადგენდნენ.

ასეთი ზოგადი შინაარსი ჰქონია თავის დროზე, როგორც ჩანს, „გლეხსაც“. ტერმინი სულ ადრე ღარიბის, გლახაკის მნიშვნელობას ატარებდა. მაშინ იგი სომხ. „*սպաս*“-ს უდრიდა¹⁴⁹. VIII--IX სს. მას უკვე სოციალური აზრი აქვს მიცემული და თარგმანებში სომხ. „ამბოხ“-ს და „რამიკ“-ს გადმოცემს.

X ს. გასულს, ქართველ მწერალს გრიგოლ იშველს „გლეხი“ უკვე „შინაკანის“ ქართულ ექვივალენტად მიუჩნევიარადგანაც ამ დროს „გლეხს“ უკვე სპეციფიკური, კონკრეტული მნიშვნელობა აქვს მოპოვებული და „შინაკანების“ უმრავლესობაც სახეებით ანალოგიურ მდგომარეობაშია ჩაყენებული, ეს ტერმინები ტოლფასოვან სოციალურ შესატყვისებად უნდა მივიჩნიოთ.

ჩვენ სარწმუნოდ გვეჩვენება მოსაზრება „გლეხის“ „გლახასაგან“ წარმომავლობის შესახებ (გლახ||გლეხ). ამ ტერმინის ფორმალური და სემანტიკური სიახლოვე, რაც „გლეხის“ ძველი მნიშვნელობის წარმოჩინებით უფრო აშკარა ხდება, ვფიქრობთ, ამის სასარგებლოდ ლაპარაკობს. შესაძლოა ისიც, რომ ისინი ერთი საერთო ძირის ნაყარს წარმოადგენდნენ და თავდაპირველად სინონიმური პარალელების სახით არსებობდნენ. მაგრამ დროთა ვითარებაში „გლეხი“ სულ უფრო დაშორდა „გლახას“ და ბოლოს გარკვეული სოციალური შინაარსით დამკვიდრდა.

„გლეხად“ გადაქცევა (პირადი თავისუფლების დაკარგვა)

¹⁴⁹ საყურადღებოა, რომ „ქართლის ცხოვრების“ ძვ. სომხ. თარგმანში ქართული „გლახაკის“ აღსანიშნავად უხმარიათ „*սպաս*“ და „*սპას*“ (სხელმოკლე, -უქონელი). იხ. ილ. აბუღაძე, ქართლის ცხოვრების ძვ. სომხური თარგმანი, გვ. 303.

უმთავრესად ეკონომიური შეუძლებლობით ყოფილა გამოწვეული. რაც ტერმინის უძველესი მნიშვნელობის გათვალისწინებით ხდება საფიქრებელი.

სამეურნეო საქმიანობის უნარმოკლებული ადამიანი ცხოვრების სახსარის ძებნაში ხშირად თავისივე ფეხით მიდიოდა მიწათმფლობელთან და ბეგრისა და მუშაობა-სამსახურის პირობით მიწასა და წარმოების საშუალებებს ღებულობდა. ასეთი „გლახაკი“ ხშირად თავისივე მიწას ღებულობდა უკან. რომელიც სხვადასხვა მიზეზის გამო დაეკარგა ან რომლის დამუშავების თავი მარტო აღარა ჰქონდა¹⁵⁰. ეკონომიურად დამოკიდებული ასეთი მწარმოებელი სოციალურადაც ხდებოდა დამოკიდებულა¹⁵¹. ფეოდალის მიწაზე საშვილიშვილოდ მჯდომი „გლეხი“ (გლახაკი) თავისუფლებას კარგავდა და მიწაზე ხდებოდა მიმაგრებული.

მაგრამ გლეხთა ფენა მარტოდენ ეკონომიური დამოკიდებულების გზით არ იქმნებოდა. მონათმფლობელური წარმოების კრიზისთან დაკავშირებით მიწათმფლობელებს თავიანთი მონები სულ უფრო გადაჰყავთ გლეხთა მდგომარეობაში. გლეხად აქცევდნენ ახლა და მიწაზე სხამდნენ ტყვე-უცხოელებს, რასყიდთ თუ ვალში გაყიდულ შეუძლებელ მოვალეებს¹⁵². დასასრულ, აქეთ მოემართებოდნენ აგრეთვე ფეოდალური ურთიერთობის განვითარების შედეგად დამცირებულ-დაკნინებული ყოფილი მეთემეები. ამრიგად, გლეხთა სოციალური ფენა, როგორც ოდესღაც თავისუფალ, ისე არათავისუფალთაგან წარმომავლობდა. ყველა ისინი ერთ სოციალურ ფენს ქმნიდნენ, თუმცა უფლებბრივი და ეკონომიური მდგომარეობით გლეხობა სხვადასხვა კატეგორიებად იყოფოდა. მათი საერთო

150 ასეთი მშრომელის წუხილია ასახული უძველეს სინურ მრავალთაგან: „რაფთა-მეფოყოს ჩემდა აგარაკი, უკეთუ არა მედგას კარი შრომელი“. იხ. სინური მრავალთაგან 864 წლისა. გვ. 67.

151 თავისუფალი უმიწო კაცის გლეხად გადაქცევის ასეთი გზაა ნახვე-ნიკორწმინდის „ფაწკრილში“. იხ. მ. ბერძენიშვილი, გლეხთა კატეგორიები XI—XII ს-ში, ისტორიის ინსტიტუტის შრომები, V, ნაკვ. I, გვ. 140.

152 იქვე, გვ. 139.

და ძირითადი ვალდებულება ბეგარა და მუშაობა-სამსახური იყო.

„ბეგარა“ აკად. ს. ჯანაშიას ვარაუდით, ირანული გამოთქმის („ბე ქარ ამადან“—სამუშაოზე გასვლა) ნაშთია ქართულში და თავდაპირველად ქართლში უნდა შემოსულიყო, როგორც ირანული ხარკის ერთ-ერთი სახეთაგანი, მოსახლეობის შრომითი გამოსაღები სპარსელების სასარგებლოდ¹⁵³.

უცხოური ხარკის მნიშვნელობით აქვს „ბეგარა“ ნახმარი ჯუანშერს: „იქმნნეს ჯორჯანნი გლეხად, რომელნი აწ არიან მებეგრენი სპარსთანი“¹⁵⁴.

„ბეგარა“ იყო მიწის მუშის ნატურალური და შრომითი ვალდებულება მიწის მეპატრონის სასარგებლოდ ამდენად. შესაძლებელია, მას უცხოური ხარკის მნიშვნელობაც მიეღო.

„ბეგარა“ სპარსული სიტყვაა, გამოითქმის როგორც „ბიგარ“¹⁵⁵. ტერმინი პირველად „ფავენელთა საბუთში“ გვაქვს დამოწმებული, მაგრამ ფიქრობენ, და სამართლიანადაც, რომ „ბეგარა“, როგორც გლეხის ფეოდალური გამოსაღების აღმნიშვნელი სახელი, მანამდეც იხმარებოდა¹⁵⁶.

XI საუკუნეში (1072 წ. სიგელი გიორგი II-ისა) „ბეგრის“ მნიშვნელობით დამოწმებულია „სუხრა“-ც (არაბული „სუჰრაბ“). მ. ლორთქიფანიძის აზრით, ტერმინი არაბთა ბატონობის ნაშთია ქართულში და თბილისის საამიროდან უნდა იყოს გავრცელებული¹⁵⁷.

„ბეგარა“ ადრეფეოდალურ ხანაში უმთავრესად ნატურალურ გადასახადს გულისხმობდა¹⁵⁸ (პური, ღვინო, ხორცი...),

153 ს. ჯანაშია, შრომები, I, გვ. 102—103; და Г. Мелникши-Вилл, К истории..., გვ. 417.

154 ქართლის ცხოვრება, I, გვ. 187.

155 ვ. გაბაშვილი, ქართული ფეოდალური წყობილება XVI — XVII საუკუნეებში, თბ., 1958, გვ. 231.

156 მ. ლორთქიფანიძე, ადრეფეოდალური ხანის ისტორიის ზოგიერთი საკითხი ქართულ ისტორიოგრაფიაში, ისტორიის ინსტიტუტის შრომები, IV, ნაკვ. 2, 1959, გვ. 194.

157 იქვე, გვ. 194—195.

158 მ. ბერძენიშვილი, ნიკორწმინდის „დაწერილი“ მე-11 საუკუნისა, როგორც საისტორიო წყარო, თბილისი, 1952 (საქანდიდატო შრომა), გვ. 98; მისივე, გლეხთა კატეგორიები XI—XII ს-ში, გვ. 140.

რომლის გამოღების საფუძველი გლეხზე გადაცემული უფლის მიწა იყო 159.

უკვე „ფავნელთა საბუთში“, როგორც საგლეხო ვალდებულება, მითითებულია „კაცისა თავსა ორ-ორი ჯამი შექამადი, ორ-ორი ჯამი პური, ორ-ორი პირი ღვინო“¹⁶⁰. მ. ლორთქიფანიძის აზრით, ეს ის ვალდებულებაა, რომელიც უფრო გვიან „სამასპინძლოს“ სახითაა ცნობილი¹⁶¹.

ნატურალური გამოსაღები იყო „ძღუენიც“. „ოდესცა მივიდოდეთ ძღუტნი მოგუტრთმოდეს“¹⁶²,—წერია მე-12 ს. ერთ საბუთში.

უმთავრესი გამოსაღები მაინც იყო „ღალა“ (გადასახადი მარცვლეულზე), ზოგჯერ მოსავლის „ნაოთხალი“, ზოგჯერაც „ნახუთალი“ და სხვ.

მევენახეობის კუთხეებში გლეხებზე გაწერილი იყო „კულუხიც“ („ღვინოა ჟამსა სთულისასა“).

ქვეყნის სხვადასხვა კუთხეებში გამოსაღების სახეობა და რაოდენობა სხვადასხვაგვარად იყო დაწესებული. ძირითადად მას მოსავლის მიხედვით განსაზღვრავდნენ („შემსგავსებულად მოსულისა“)¹⁶³.

როგორც არათავისუფალ მიწისმოქმედს გლეხს მუშაობა-სამსახურიც ჰქონდა დაკისრებული. X—XII სს. დოკუმენტებით ცნობილია გლეხის შრომითი ვალდებულების შემდეგი სახეები: მამითადი, ანეული, სამკალი. სალენწავი, წყლის კაზმვა, მარანში მუშაობა, ციხის სამსახური და სხვ.

159 მიწის იმ ნაკვეთს, რომელზედაც გლეხი საშვილიშვილოდ იქდა, ჯაგლენო ფუძე ერქვა. ძველად, როგორც ჩანს. „ფუძე“ და „საკომლო“ ერთმანეთს ემთხვეოდა. მაგრამ გლეხობის რიცხვის სწრაფი ზრდის შედეგად სრულფუძიანობა ირღვეოდა და უკვე არაიშვიათად აღნიშნულია: „გლეხი ფუძედ ერთი და კომლად ორი“ (თამარის სიგელი 1202 წლისა).

160 თ. ყო რ დ ა ნ ი ა, ისტორიული საბუთები შიო-მღვიმის მონასტრისა, გვ. 2.

161 მ. ლორთქიფანიძე. ძირითადი საზოგადოებრივი კლასები IX—X საუკუნეების საქართველოში, გვ. 225.

162 ისტ. საბუთები შიო-მღვიმის მონასტრისა, გვ. 24.

163 იქვე, გვ. 17.

გლეხის სამსახური პატრონის მამულში სხვადასხვა ხან-გრძლიობით იყო დაწესებული. იყო „მეორშაფათე გლეხი“¹⁶⁴, „საკვირაო გლეხი“¹⁶⁵, მაგრამ ყოფილან ისეთი გლეხებიც რომლებიც მხოლოდ შაბათობით იყვნენ გათავისუფლებული და „ორშაბათით პარასკევამდის“¹⁶⁶ პატრონის სასარგებლოდ ბუშაობდნენ.

როგორც აკად. ნ. ბერძენიშვილი შენიშნავს: „ბეგრის სახეობა და მუშაობის რაოდენობა, მრავალ სხვადასხვა გარემოებათაგან დამოკიდებული, მრავალფეროვანია, ისევე როგორც გლეხის უფლებრივი მდგომარეობაც“¹⁶⁷.

ნატურალური და შრომითი ვალდებულების გვერდით ადრეფეოდალური ხანის დასასრულისათვის საფიქრებელია ფულადი რენტის არსებობაც¹⁶⁸. მაგრამ ეს უკანასკნელი ჯერ კიდევ სუსტად უნდა ყოფილიყო წარმოდგენილი.

მიუხედავად კლეხობის განუხრელი ზრდისა, ადრეფეოდალურ ხანაში მატერიალური დოვლათის მთავარი მწარმოებლები ჯერ კიდევ თავისუფალი მიწისმოქმედნი იყვნენ. ფეოდალური ურთიერთობის განვითარებას ქართლში მათთვის სოციალური და ეკონომიური დამონება მოჰქონდა¹⁶⁹.

გ) მონები

ფეოდალური ურთიერთობის გამარჯვებას საქართველოში მონათა ფენის ერთიანად გაქრობა არ მოჰყოლია. ადრეფეოდალურ ხანაში ძველი ურთიერთობის ერთ-ერთი გადმონაშთი ქართლში მონების არსებობა იყო. მონურ წარმოებას გამოცლილი ჰქონდა ნიადაგი, მაგრამ ქვეყნის სამეურნეო ცხოვ-

164 ს. კაკაბაძე, შიო-მღვიმის სამი სიგელი, 1912, გვ. 9.

165 იქვე, გვ. 11.

166 თ. ყორღანიძე, ისტორიული საბუთები შიო-მღვიმის მონასტრისა, გვ. 136.

167 ნ. ბერძენიშვილი, საქართველოს ისტორია მე-13-14 სს. გვ. 286.

168 მ. ლორთქიფანიძე, ძირითადი საზოგადოებრივი კლასები IX-X საუკუნეების საქართველოში, გვ. 226.

169 ნ. ბერძენიშვილი, დასახ. შრომა, გვ. 285.

რებაში თავის წილს, თუმცა უმნიშვნელოს, ერთ ხანს კიდევ ინარჩუნებდა.

მონური შრომის გამოყენება სულ უფრო იფარგლებოდა უფლის სახლისა და მეურნეობაში სამსახურით.

ლიტერატურული წყაროების სიმცირის გამო, ფეოდალური ურთიერთობის ადრეულ საფეხურზე, მონებსა და მონური შრომის ექსპლოატაციის ხასიათზე ცოტა რამ ვიცით. V—VII სს. ძეგლები მხოლოდ აქა-იქ იხსენიებენ მონებს და მონაქალებს („მხეველებს“), რაც აძნელებს ამ ფენის შესახებ რაღაცენადმე გარკვეული აზრის შემუშავებას.

„მონა“ უფლის სრულ საკუთრებაში მყოფი ადამიანის აღმნიშვნელი უმთავრესი ტერმინი იყო ძველ ქართლში. ამ ტერმინს დიდი ხანია, რაც მკვლევრები უკავშირებენ ძვ. სპარსულ „maniya“-ს („სახლის მონა“), მაგრამ ჰქონდა გაცილებით უარყოფითი მნიშვნელობაც, ვიდრე ტერმინის ეტიმოლოგიით იყო საფიქრებელი¹⁷⁰. ამ მოსაზრებაზე დამყარებით, პროფ. გ. მელიქიშვილს მიაჩნია, რომ «грузинский термин, «мова» является, очевидно, заимствованием именно этого эпонима (ავტორის მხედველობაში აქვს აქემენიდური ეპოქა), когда к выполнению трудовой повинности персидскими царями по праву завоевателя привлекалось и грузинское население, часто вне пределов своей страны»¹⁷¹.

სახარების ქართულ თარგმანში „მონა“ ჩვეულებრივ ბერძნ. „δουλος“-ისა და სომხ. „ձառայ“-ის შესატყვისად იმარება¹⁷².

„წარაჲ“ სომეხი საბჭოთა ისტორიკოსების გამოკვლევებით მრავალმხრივი მნიშვნელობის მატარებელი ჩანს: „დაქვემდებარებული პირი“, „მსახური“, „ვასალი“, „სერვი“ და, ბოლოს,

¹⁷⁰ Г. Мелникшвили, К истории древней Грузии, гв. 434—437.

¹⁷¹ იქვე, გვ. 437—438.

¹⁷² И. А. Джавахов, Государственный строй древней Грузии и древней Армении, СПб, 1905, гв. 73.

..მონა“¹⁷³. ტერმინის ასეთი კრული შინაარსი. ჩვენი აზრით, გამოწვეულა. ერთი მხრით, მონათმფლობელური ურთიერთობის ნაკლები განვითარებით სომხეთში, მეორე მხრით. ახალი (ფეოდალური) ურთიერთობის გავლენათაც. უძველესი სომხური ლიტერატურული ნაწარმოებები აგრეთვე აღრეფეოდალური ხანიდან მოიპოვება, როდესაც ძველი შინაარსის პატარებელი ტერმინები, ცხოვრების ახალი პირობების შედეგად, შინაარსს იცვლიდნენ, იფართოებდნენ.

ფართო აზრის მქონე ტერმინად მიაჩნია „მონა“ პროფ. გ. სოსელიასაც, მაგრამ მისი შესატყვისი სომხური ტერმინისაგან განსხვავებით, „მონას“, გ. სოსელიას მტკიცებით, ყველა შემთხვევაში ჰქონდა მხოლოდ ერთი მნიშვნელობა—„მსახური“, ხოლო „მონება“ „მსახურებას“ აღნიშნავდაო¹⁷⁴.

მონა რომ არა მარტო თავისუფლებას მოკლებული პირი იყო (პინ), არამედ, გარკვეული აზრით, მსახურიც, ამის მტკიცება სრულიად ზედმეტია. სხვა რა გამოყენება და დანიშნულება უნდა ჰქონოდა „მონას“, თუ არა უფლის სამსახური (თავისუფლებას ადამიანებს, სწორედ, ამის გამო ართმევენენ)¹⁷⁵. მაგრამ თავი და თავი მსახურების შინაარსსა და ზომავი იყო: „კინი და უნდოჲ საქმე თანა-აც მონათა აღსრულებად“; „შრომაჲ და ჳირი და შეპოვნებაჲ მსგავსი მონათაჲ“, — ასე ესმოდათ მონის სამსახური ძველ ქართველ მთარგმნელებს და ეს მარტო ტერმინის თეორიული (მთარგმნელობითი) მნიშვნელობის შედეგი არ ყოფილა.

მონა ამ თვალსაზრისით „შინა-მსახურიც“ იყო (პროფ. გ. სოსელიას ტერმინია)¹⁷⁶, მაგრამ ასეთი პირი მონების გარ-

¹⁷³ С. Е. А к о п я н, История армянского крестьянства (IV—XIII вв.), автореферат докторской диссертации, Ереван, 1952, გვ. 28; С. Т. Еремян, О рабстве и рабовладении в древней Армении, ВДИ, 1950, № 1, გვ. 19.

¹⁷⁴ Г. Сосел я, „мона“ по древнегрузинским источникам, Вопросы истории, 1955, № 4, გვ. 130.

¹⁷⁵ „მონის“ ამ დანიშნულებას მოაგონებს ეშმაკი სვიმონ მესხეთის: „უკუეთუ მონად მივიღე მე, მიმეც უკუე მსახურად და მონად კაცთა“. აბ. კ. კეკელიძე, კიმენი, 1, გვ. 269.

¹⁷⁶ Г. Сосел я, დასახ. შრომა, გვ. 131.

ვერს კატეგორიას ეკუთვნოდა, რომელსაც ბიბლიაში „სახ-
ლის-წული“ ეწოდება (სხვაგან კიდეც „სახლეული“). როგორც
პროფ. ს. ერემიანი შენიშნავს, ქართული „სახლის-წული“
სომხ. „ინტოწინ“-სი („ინთოძინ“) და ბერძნულ („ი:χογενης“)
(«домочадец, рожденный в доме») შეესაბამება¹⁷⁷. მხოლოდ
ერთ შემთხვევაში (ლევიტელთა 22₁₁) სომხ. „ინტოწინ“-ის
შესატყვისი ყოფილა „მონა“¹⁷⁸.

ტერმინი „ინტოწინი“ სომხეთში მონების გარკვეულ კატე-
გორიას აღნიშნავდა („შინამსახური“, „შინგაზრდილი“, „სა-
ხლეული“). „ავტარაწინ“-ებისაგან განსხვავებით („უცხოთა
ნათესავი“, ე. ი. არა სომეხი)¹⁷⁹.

„მონის“ ნამდვილი მნიშვნელობა კარგად ჩანს ნათარგმნი
ძეგლებით, იქნება ეს ძველი თუ ახალი აღთქმის წიგნები,
მსოფლიოს წმინდანთა ცხოვრებანი თუ მარტილობები. ზოგი-
ერთი ამათგანი წინ უსწრებს ქრონოლოგიურად ჩვენამდე
მოდწეული ქართული ორიგინალური ლიტერატურის უძვე-
ლეს ნიმუშებს. ამის გამო, ვფიქრობთ, ზედმეტი არ უნდა
იყოს ასეთი ხასიათის ძეგლებიდან ზოგიერთი მასალის მოტა-
ნა მონების შესახებ.

პირველი ნიშანი მონობისა, იყო თავისუფლების ყველა
ნაშნის უქონლობა, უფლის სრულ მორჩილებაში ყოფნა, ამი-
ტომაა, რომ „მონა“ („მონება“) „აზნაურის“ („აზნაურება“) სა-
პირისპირო იქნება იყო.

„მონანი და აზნაურნი, მდიდარნი და გლახაკნი, მთავარნი
და შეურაცხნი, ბრძენნი და უგნურნი“¹⁸⁰.

„მონებისაგან გამოგვიყვანეს და აზნაურებად მოგვიზიდ-
ნეს“¹⁸¹.

¹⁷⁷ С. Еремян, О рабстве..., გვ. 21.‡

¹⁷⁸ იქვე, გვ. 22.

¹⁷⁹ იქვე, გვ. 21.

¹⁸⁰ მამათა სწავლანი, ილ. აბულაძის გამოც., 1955, გვ. 128.

¹⁸¹ სინური მრავალთავი 864 წლისა, ა. შანიძის რედაქციით, 1959,
გვ. 101.

„ოქტავიოს მსაჯულმან ჰრქუა (ლონგინოზს): „მონაჲ... ხარ ანუ აზნაური?“¹⁸².

უმთავრეს ქველმოქმედება-მოწყალებად ითვლებოდა მონების განთავისუფლება და გლახაკთათვის მონაგების განაწილება.

„კაცმან ვინმე დიდებულმან მთავართა შვილმან, მდიდარმან ფრიად, განყიდა ყოველი ზონაგები თუსი და განუყო გლახაკთა და განათავისუფლნა მონანი თუსნი“¹⁸³;

ნისიმემ „განათავისუფლნა მონანი და მხეველნი თუსნი და ქისცა სახმარი. რომელი ფართობით ეყოფვოდა ცხორებასა მათსა“¹⁸⁴.

მაგრამ ყველა ასე, ცხადია, არ იქცეოდა. მაგრამ მთავარი ზიანიც ის იყო, რომ „სახიერთა და ტკბილთა უფალთა“ გარდა, იყვნენ „უსახურნიც“. ასეთ უფალს აფრთხილებდნენ ქრისტიანი მქადაგებლები:

„მოიხსენე ღმერთი შენი. რაჟამს სწავლიდე გუემითა მონასა შენსა“¹⁸⁵.

თუ როგორ ექცეოდნენ ურჩ მონებს, ეს კარგად ჩანს „ბიზილას წამებიდან“. ნომერიანოს მეფე ბაბილას დაემუქრა: „არღარა თავს-ვიღვა შენი, არამედ ჯაჭუ ქედსა შენსა დაგღვა და ბორკილნი ფერხთა შენთა. ვითარცა მონასა ბოროტსა“¹⁸⁶.

ბიბლიაში „მონა“ ზოგადი მნიშვნელობით იხმარება. მონათა ყველა იმ კატეგორიის აღსანიშნავად. რომელსაც კი აღმოსავლეთი იცნობდა¹⁸⁷. ზოგჯერაც „მონა ნასყიდის“ სინონიმად გვაქვს „ვეცხლით სყიდული“ ანუ „ვეცხლით ფრდილი“¹⁸⁸.

როგორც ვხედავთ, ნათარგმნი ძეგლებით „მონა“ ბერძნ. δούλος-ის სრულ სემანტიკურ შესატყვისად გამოიყურე-

182 კიმენი, I. გვ. 120.

183 მამათა სწავლანი, გვ. 314.

184 კიმენი, I. გვ. 203.

185 მამათა სწავლანი, გვ. 147.

186 კიმენი, I. გვ. 46. შუადარე: „ნუ სცემ ღელასა ჩუენსა ცუდად. რამეთუ აზნაურ არს“. იქვე, გვ. 46.

187 Г. Меллишвили. К истории..., გვ. 420.

188 იქვე, გვ. 47.

ბა. პროფ. გ. სოსელია ამ გარემოებას იმით ხნის, რომ მონის აღმნიშვნელი ბერძნული ტერმინის შესატყვისად ქართველებს სხვა ტერმინი არ გააჩნდათო, ხოლო ორიგინალურ ნაწარმოებებში ეს ტერმინი არასოდეს ამ მნიშვნელობით არ იხმარებოდა¹⁸⁹.

გამოდის. რომ ნათარგმნ ძეგლებში ტერმინს სხვა მნიშვნელობა ჰქონდა (ბერძნულ-რომაული სამყაროს მონებს აღნიშნავდა), ხოლო ძველი ქართლის სოციალურ ცხოვრებაში და, იშვიათად, ორიგინალურ ლიტერატურაში, იგი განსხვავებულ ცნებას წარმოადგენდა. საინტერესოა, უარყოფენ ორიგინალური მწერლობის ჩვენებები თარგმნილ ძეგლებში დამკვიდრებულ „მონის“ შინაარსს?

„შუშანიკის წამებაში“, მაგალითად, მოხსენებულია პიტიახშის მონა, რომელიც სადიასპანო ცხენით ქართლისაკენ გამოემართა ვარსკენის სპეციალური დავალებით. ეს კაცი, როგორც ვხედავთ, გარკვეულ სამსახურს ასრულებს პიტიახშის წინაშე, მაგრამ იაკობ ხუცესისათვის იგი „მსახური“ მაინც არაა. ვარსკენი მას სწორედ თავის აზნაურებსა და მსახურებს უგზავნის, — „რამთა აუწყოს და წინა მიეგებნენ“.

საერთოდ, თხზულებაში ხშირად არიან მოხსენებული მსახურები, რომლებიც სხვადასხვა პოლიტიკურ-ადმინისტრაციული ხასიათის სამსახურს ასრულებენ პიტიახშის სასახლის კარზე. საყურადღებოა, რომ ვარსკენს შეძლება მათი სიკვდილით დასჯა¹⁹⁰. შუშანიკის მცველად დაყენებულ ერთ-ერთ მსახურს იაკობმა სთხოვა შეეშვა დედოფლის სანახავად, რაზედაც მცველს უთქვამს:

„ნუ უკუე ცნას (ვარსკენმა) და მომკლას მე“. ამის მერე წარმოსადგენია, რა მდგომარეობაში უნდა ყოფილიყვნენ პიტიახშის მონები საკმაოდ ჰყოლია „მონა-მხევალნი“, როგორც „წამებიდან“ ჩანს, ვარსკენის ძმას ჯოჯიკს.

¹⁸⁹ Г. Сосе я н я, დასახ. შრ., გვ. 128.

¹⁹⁰ მაგრამ ეს, ცხადია, ვარსკენის განსაკუთრებული მდგომარეობითაც აიხსნება.

საკუთარი „მონა-მხევალნი“ ყოლია ევსტათისაც („ევსტათი მცხეთელის მარტვილობა“). ეს კაცი მცხეთელი ხელოსანი იყო („მეხამლე“) და, როგორც ჩანს, სარგებლობდა მონური შრომის ექსპლოატაციით¹⁹¹. ადვილი წარმოსადგენია, რამდენი „მონა-მხევალნი“ უნდა ჰყოლოდათ მცხეთელ წარჩინებულებს და, საერთოდ, რა რაოდენობით უნდა ყოფილიყვნენ ისინი VI ს. მცხეთაში.

„სერაპიონ ზარზმელის ცხოვრებაში“ საუბარია გიორგი ჩორჩანელის მონაზე, რომელიც „ქირით და შრომით“ ასრულებს დიდი მთავრის ნაბრძანებს¹⁹².

იოანე საბანისძის აზრით („აბო ტფილელის წამება“) „მონა“ არის, ის, ვინც „სყიდულია“. ასე შეეძლო ეთქვა მხოლოდ VIII ს. მწერალს, როდესაც მონების მოპოვება ქართლში ძირითადად ყიდვა-გაყიდვის გზით უნდა მომხდარიყო. (ძველს იბერიაში მონათა მნიშვნელოვანი მასა, უეჭველია, ძალით მორეკილ ტყვე-უცხოელთაგან შედგებოდა).

IX—X სს. ქართულ მწერლობაში მონათა ხსენება აღარაა. როგორც ჩანს, ეს ფენა ამ დროისათვის თითქმის გამქრალია (ცხადია, თითო-ოროლა მონა მაშინაც ჰყავდათ).

უნდა ვიფიქროთ, რომ ყოფილი მონების ერთი ნაწილი, კერძოდ, ისინი ვინც სოფლის მეურნეობაში იყვნენ ჩაბმული, ახლა უკვე გლეხობაში არიან გადასული. რაც შეეხება მონასახლეულებს („სახლის-წულებს“) მათ მცირე ნაწილს, შესაძლებელია, სხვადასხვა გზით თავი გაეთავისუფლებინა და თავისუფალ მსახურთა რიგში ჩამდგარიყო. ერთი კი ცხადად შეიმჩნევა, რომ ადრეფეოდალურ ხანაში სახლის მონებსა და

191 ეს ხალხი ძირითადად ხელოსნურ წარმოებაში უნდა ყოფილიყო დასაქმებული. წინააღმდეგ შემთხვევაში საექვოა. მცხეთის ჩვეულებრივ ხელოსანს მათი შენახვის თავი ჰქონებოდა.

192 თხზულების თარიღის შესახებ ჩვენ საეკიალური წერილი მოგვეპოვება (ხელნაწერის სახით), სადაც ეიზიარებთ იმ შეხედულებას, რომ ეს ჭეგლი VII საუკუნით უნდა დათარიღდეს.

მსახურებს შორის ის უფსკრული აღარაა, რაც წინათ უნდა ყოფილიყო¹⁹³.

მაგალითად, მონა ქალის აღმნიშვნელი ტერმინი—„მხევალი“ (ბიბლიაში ამავე მნიშვნელობით ოხმარება „შიმონვარიც“) ფეოდალურმა სამყარომ თანდათან შეითვისა მსახური ქალის მნიშვნელობით. „გრიგოლ ხანძთელის ცხოვრებაში“ მხევალთა სინონიმს „მსახურნი დედანი“ წარმოადგენს¹⁹⁴. ხმარებაში დარჩა აგრეთვე: ასევე შეცვლილი შინაარსით, მონათმფლობელის აღმნიშვნელი ტერმინი—„უფალი“¹⁹⁵.

მიწათმფლობელი-ფეოდალი ადრეფეოდალურ ხანაში თავის ქვეშევრდომებთან („ყმებთან“) ურთიერთობაში ამ ტერმინით გამოდიოდა¹⁹⁶.

დასასრულ, უნდა ითქვას, რომ XI—XIII სს. ისტორიულ თუ ლიტერატურულ თხზულებებში კვლავ ჩნდებიან მონები, რაც საქართველოს დიდი სამხედრო წარმატებების პირდაპირი შედეგი იყო. მოგებული ომების შედეგად ათასობით ტყვე შემოდიოდა ქვეყანაში. ტყვეებით აივსო მეფისა თუ დიდ ფეოდალთა სასახლეები. ტყვე მსახური („მონა“), თუ ტყვე მწარმოებელი („გლუხი“) ჩვეულებრივი ამბავი გახდა.

¹⁹³ ამის ნიმუშია თუნდაც ის ტერმინოლოგიური შესწორებები, როგორც საკმაოდ არის ბიბლიის ახალ რედაქციებში. როცა „მონა“-ს ნაცვლად შეუტანიათ „მსახური“.

¹⁹⁴ გრიგოლ ხანძთელის ცხოვრება, გვ. 104.

¹⁹⁵ სახარებაში „უფალი“ ბერძნ. „*Κυριος*“ (владыка, господин) და სომხ. „*սեբ*“-ს ეწოდება. იხ. И. А. Джавахов. Государственный строй древней Грузии и древней Армении, СПб, 1905, გვ. 72. პროფ. ნ. ადონცის აზრით. „Грузинский уфали реально и этимологически соответствует семит. vav, владыка; Так назывались у семитов боги—покровители племён“. იხ. Адонц, Армения в эпоху Юстиниана, გვ. 404. მაგრამ „უფალი“, როგორც შენიშნულია სპეციალურ ლიტერატურაში. ორგანულ კავშირში იმყოფება ამავე უფ-ძირიდან ნაწარმოებ სიტყვებთან, რომელთაც საკმაო გავრცელება მოუპოვებიათ ქართულ ენაში: „უფლება“, „მეუფე“ (= მეფე) „მფლობელი“. „მამფალი“. „დიუფალი“ (= დედოფალი) და სხვა. რაც ჩვენი აზრით. საეკვოდ ხდის ადონცის მოსაზრებას.

¹⁹⁶ IX ს-დან მას თანდათან დევნის „პატრონი“, მაგრამ განაგრძობს ატარებას, როგორც ღვთაების სინონიმი.

ტრადიცია ერთხელ კიდევ გაცოცხლდა, „ტყვე“ და „მონა“ სინონიმური სახელები გახდნენ.

დ ა ს კ მ ნ ა

VI საუკუნიდან საქართველოს სოციალურ-ეკონომიურსა და პოლიტიკურ ცხოვრებაში აღინიშნება დიდმნიშვნელოვანი გარდატეხა. საქართველოში ადრეფეოდალურმა ურთიერთობამ გაიმარჯვა და ქვეყანა სოციალურ-ეკონომიური განვითარების ახალ საფეხურზე ავიდა. ამ დროიდან შეიძლება გარკვევით ითქვას, რომ ქართული საზოგადოების სოციალური სტრუქტურა ფეოდალურია, თუმცა ძველი ურთიერთობის გადმონაშთები და დრომოკმული საზოგადოებრივი ძალები თავის პნიშვნელობასა და გავლენას კიდევ ინარჩუნებენ.

ფეოდალური ურთიერთობის შინაარსი, ისევე როგორც ყველგან, ჩვენშიც უმთავრესად მიწაზე ფეოდალური საკუთრების დამკვიდრებაში გამოიხატებოდა. ადრეფეოდალურ ქართლში საქმე გვაქვს მიწათმფლობელობის შემდეგ ძირითად ფორმებთან:

ს ა ს ე ფ ო მ ი წ ა თ მ ფ ლ ო ბ ე ლ ო ბ ა. სასეფო მიწა-წყალი სეფე-სახლის საკუთრებას შეადგენდა. სანამ მონათმფლობელური ქართლის სამეფო არსებობდა, სეფე ქვეყანა ვრცელი იყო. მართალია, დროდადრო სეფე-სახლის ხაგვარეულო საკუთრებას ეთიშებოდა მიწების გარკვეული ნაწილი, რომელიც სამეფო სახლის გვერდითი შტოების მემკვიდრეობით საკუთრებაში გადადიოდა. მაგრამ სასეფო საქონებელი დაპყრობილი ტერიტორიების ხარჯზე კვლავ ივსებოდა. მაშინ ამ მიწების ერთი ნაწილი უმთავრესად პირობით იფლობელობაში გაიციმოდა (სამეფო კარის დიდ მოხელეებსა და აზნაურ-წარჩინებულებზე). ნაწილი კიდევ სამეფო სახლის უშუალო საკუთრებაში რჩებოდა.

მონათმფლობელური ქართლის სამეფოს დაკემას სასეფო მიწათმფლობელობის მკვეთრი შემცირება მოჰყვა. პირად მფლობელობაში გაცემული სამეფო მიწების დიდი ნაწილი

წითავრებმა და ერისთავებმა მე მკვიდრობით საკუთრებად გადააქციეს (ალსანიშნავია, რომ ამ მიწებზე „მკვდრობისათვის“ სპეციალური საბუთები მათ ბერძენ-სპარსელ მეფეთაგან მიიღეს). სეფე-სახლის მეთაური, რომელიც შექმნილ ვითარებაში „ერისმთავრის“ სახელით შეუდგა ქვეყნის მართვას, იძულებულია მდგომარეობას შეურიგდეს. ამის შემდეგაც სეფე-სახლის საკუთრებაში მიწების მნიშვნელოვანი ფონდი რჩებოდა (შიდა-ქართლი, კახეთი, მთიანეთი) და მისი მეთაური არა მარტო ადრეფეოდალური ქართლის უმაღლესი პოლიტიკური ხელისუფალი იყო, არამედ პირველი მიწათმფლობელი—ფეოდალიც.

ფეოდალური ურთიერთობის განვითარების შედეგად სასეფო მიწები სულ უფრო გაიცემოდა სამხედრო სამსახურის პირობით; ე. წ. „საკარგავების“ სახით მაგალითად, VIII საუკუნეში ერისმთავარმა არჩილმა მოეღო კახეთი საკუთარ ტაძრულეებში გაანაწილა ...და აზნაურ ყუჩა იგინი“. VIII ს. მიწურულში არაბთა ბატონობის სისასტიკის შედეგად ქართლის უძველესი სეფე-სახლი დაემხო და სასეფო მიწათმფლობელობაც მოიშალა. IX საუკუნიდან ბაგრატიონთა სამეფო სახლის შექმნით, სამხრეთ-დასავლეთ საქართველოში სასეფო მიწათმფლობელობაც გაჩნდა, რომელმაც შემდეგ ისტორიული ქართლის მნიშვნელოვანი ნაწილი მოიკვა.

კერძო მიწათმფლობელობა. კერძო-სამფლობელო მიწები უმთავრესად თემური ორგანიზაციების სამიწო საკუთრებას ეთიშებოდნენ. ფეოდალური ურთიერთობის ჩასახვისა და განვითარების შესაბამისად ეს პროცესი ღრმავდებოდა. კერძო მიწათმფლობელობის წარმოშობის წყაროებია აგრეთვე უშენის მოშენება, უხმარის სახმარად გადაქცევა, მფლობელობის ხანდაზმულობა, განსაკუთრებით „სყიდვა“ და სხვ.

თუ მსხვილი კერძო მიწათმფლობელობა ფეოდალურ ხასიათს იძენდა, წვრილი კერძო მფლობელობა ცალკეული ოჯახების ინდივიდუალურ სარგებლობაში რჩებოდა. წვრილი მი-

წათმფლობელები ქართლში ადრეული ფეოდალიზმის ხანაში უმთავრესად თავისუფალი მწარმოებლები (მდაბიურები) იყვნენ. X ს. ბოლოსათვის მწარმოებელთა კერძო მიწა-წყლის მიტაცებისა და მათი ფეოდალურ მამულებად გადაქცევის პროცესი ბარის საქართველოში ძირითადად დასრულებულია.

ფეოდალური მიწათმფლობელობა თავდაპირველად მსხვილი კერძო მფლობელობის ბაზაზე შეიქმნა. შემდეგში იგი უმთავრესად სათემო მიწების დატაცების ხარჯზე იზრდებოდა. მიწის ფეოდალური საკუთრების წარმოშობის მნიშვნელოვანი საშუალება იყო წყალობა-ბოქებაც. ნაწყალობევი მიწა „ყმას“ ან პირობით მფლობელობაში ეძლეოდა, ე. წ. „საკარგავეების“ სახით, ანდა „მკვიდრად“ და „სამამულოდ“. ე. ი. მემკვიდრეობით მფლობელობაში.

საერთოდ, ქართლში იმთავითვე ფართო გავრცელება მოიპოვა, როგორც მიწის მემკვიდრეობითი მფლობელობის სისტემამ, ისე მიწის პირობითმა მფლობელობამ. პატრონყმური ურთიერთობის ხანაში (ადრეფეოდალური ხანა) ფეოდალური მიწათმფლობელობის მთავარ ფორმას მაინც ეს უქანასკნელი შეადგენდა.

ადრეფეოდალურ ქართლში მსხვილი მემამულეობა თავიდანვე ძლიერია, მაგრამ აქ მაინც საშუალო და წერილი ფეოდალური მფლობელობა სქარბობდა. ფეოდალები ცდილობდნენ თავიანთი მემკვიდრეობითი მფლობელობა მემკვიდრეობით საკუთრებად გადაექციათ. ამ ნიადაგზე გაუთავებელი ბრძოლა მიმდინარეობდა დიდგვარიან აზნაურებსა და ცენტრალურ ხელისუფლებას შორის.

ქართლში: ისევე როგორც სხვაგან. ფეოდალური სამეურნეო ორგანიზაციის ორი ძირითადი ფორმა არსებობდა. საპატრონო მიწების დიდი ნაწილი ფეოდალების უშუალო სარგებლობაში რჩებოდა და ფეოდალური მეურნეობის შინაარსს ქმნიდა. აქ გლეხური შრომის უშუალო ექსპლოატაცია ხდებოდა. მიწების მეორე ნაწილი გლეხებზე იყო გადაცემული, რომ-

ლით სარგებლობისათვის მიწის მუშა პატრონს მოსავლის გარკვეულ ნაწილს უხდიდა.

საეკლესიო-ფეოდალური მიწათმფლობელობა. ქრისტიანულმა ეკლესიამ სამამულო სფეროში მალე დაიკავა წარმართული სატაძრო მემამულეობის ადგილი. შემდეგშიაც ეკლესიის სამიწო საკუთრება განუხრელად იზრდებოდა. საეკლესიო მიწათმფლობელობა უმთავრესად შეწირულებით და ყიდვით იქმნებოდა. საეკლესიო საქონებელთა გაზრდის ერთ-ერთი საშუალება სათემო და წვრილი კერძო-სამფლობელო მიწების პირდაპირი მიტაცებაც იყო.

ეკლესიის მამულების კონცენტრაცია ხდებოდა საეპისკოპოსოებში, რომლებიც მსხვილ ფეოდალურ ერთეულებად ყალიბდებოდნენ. საერთოდ, უკვე ადრეფეოდალურ ხანაში ეკლესია დიდი ფეოდალური ორგანიზაციაა. საეპისკოპოსო კათედრების და დიდი მონასტრების ხელში ათობით სოფლებია. მნიშვნელოვანია საეკლესიო სენიორიების ყმა-იზნაურთა („საყდრის შვილები“) და გლეხების რიცხვიც.

სათემო მიწათმფლობელობა. ადრეფეოდალურ ქართლში თემური მიწათმფლობელობა სასოფლო-ტერიტორიული თემის ფორმით არსებობდა სასოფლო თემში სახნავ-სათესი მიწები, საძოვრები და ტყეები სათემო მფლობელობისა და სარგებლობის საგანი იყო. მაგრამ თემში უკვე გაჩენილია ინდივიდუალური კერძო საკუთრება შრომის იარაღებზე, მუშა და შინაურ პირუტყვზე, საცხოვრებელ და რიგ სამეურნეო ნაგებობებზე. ქვეყნის სამეურნეო განვითარების კვალად კერძო საკუთრება უკმოდოდ სათემო მიწა-წყალზედაც. თემი ირღვეოდა.

თემის ოღვევის პროცესი ხანგრძლივი ხასიათის მოვლენაა და ყველგან იგი ერთდროულად და ერთნაირი ინტენსივობით არ მიმდინარეობდა. ქვეყნის დაწინაურებულ რაიონებში, სადაც ინტენსიური მეურნეობის მნიშვნელოვანი დარგები გან-

ვითარდა, საკუთრების პრინციპმა და „ნასყიდმა“ აქ ფართო გავრცელება ჰპოვა. რამაც თემურობას ადრევე გამოუთხარა ძირი.

მაგრამ თემის დაშლის პროცესი მარტო შინაგანი გზით არ მიმდინარეობდა. არანაკლები მნიშვნელობა ჰქონდა ამ საქმეში გარეეკონომიურ იძულებას. პირდაპირ ძალადობას ფეოდალების მხრიდან. ადრეფეოდალური ხანის დასასრულისათვის ქართლის დაწინაურებულ კუთხეებში სათემო მიწა-წყალის უდიდესი ნაწილი უკვე ფეოდალურ მამულებად იყო გადაქცეული. სასოფლო-ტერიტორიულმა თემმა, როგორც მიწათმფლობელობის ფორმამ, დაკარგა თავისი მნიშვნელობა. მაგრამ როგორც მიწათსარგებლობის ფორმა განაგრძობდა არსებობას.

ეკონომიურად და პოლიტიკურად დამორჩილებული სასოფლო თემები ამის შემდეგ არსებობას განაგრძობენ, როგორც მეფისა და აზნაურების მემამულურ ინტერესებს დაქვემდებარებული ადმინისტრაციულ-სამეურნეო ორგანიზაციები.

ფეოდალები. ადრეფეოდალური საზოგადოება თავისი შემადგენლობით მრავალფეროვანია. რაც წინარე საზოგადოებრივი ფორმაციის გადმონაშთების არსებობითაა გაპირობებული. ამ პერიოდში ჯერ კიდევ არაა საბოლოოდ ჩამოყალიბებული ფეოდალური საზოგადოების ძირითადი ანტაგონისტური კლასები—ფეოდალები (აზნაურები) და გლეხები. ამათ გვერდით გარდამავალი საზოგადოებრივი ფენების არსებობა თავისთავად ცხადია.

ფეოდალთა კლასი სხვადასხვა საზოგადოებრივ ჯგუფებს აერთიანებს. საერთო მათ შორის ისაა, რომ ყველა მიწისმფლობელი და ექსპლოატატორია, მაგრამ იერარქიულ კიბეზე მეტ-ნაკლებად განსხვავებული სოციალურ-პოლიტიკური უფლებებით წარმოგვიდგებიან.

ერისმთავარი. ქართლში ადრეფეოდალური პოლიტიკური დაშლილობის ხანაში სოციალური იერარქიის უმაღლეს საფეხურზე ერისმთავარი იდგა. ერისმთავრები ბიზანტიის კეისრების უმაღლეს მოხელეებად ითვლებოდნენ ქართლში და სხვადასხვა ბიზანტიურ საკარისკაცო ტიტულებს ატარებ-

დნენ. ქართლში მათ ამის გამო „ერისთავები“ (ერისმთავრები) ეწოდებოდნენ. მაგრამ ქვეყნის შიგნით, როგორც უმაღლესი პოლიტიკური ხელისუფალნი, ქართლის სხვა ერისთავების მიმართ „ერისთავთა-მთავრებად“ გამოდიოდნენ. არაბთა ბატონობის დროს ქართლის ერისმთავარი ამირას ემორჩილებოდა. მას ევალეობდა საარაბო ხარკის მოკრეფა და საქირო შემთხვევაში ჯარის გამოყვანა.

ერისმთავრობა ქვეყნის პოლიტიკური დაშლილობის შესაფერი პოლიტიკური ორგანიზაციის ფორმა იყო. საქართველოს შემდგომი სოციალურ-ეკონომიური განვითარება ახალ პოლიტიკურ ფორმას საჭიროებდა ასეთ პირობებში IX ს. დასაწყისიდან ქართლის ერისმთავრობის ინსტიტუტმა შეწყვიტა არსებობა.

სეფეწულები საზოგადოების უმაღლეს წრეს შეადგენდნენ. წარმოშობით ისინი სამეფო გვარეულობას ეკუთვნოდნენ. მაგრამ თანდათან დაშორდნენ მთავარ სამეფო შტოს და ქართლის უმაღლესი არისტოკრატია შეადგინეს. სანამ ეს წრე მეფური წარმოშობისა იყო, გასაგები მიზეზის გამო, „სეფეწული“ მთელი ამ ფენის მნიშვნელობითაც იხმარებოდა. მაგრამ, როცა, ამ წრეში არა მეფური წარმოშობის სახლებიც გაერთიანდნენ, ეს ტერმინი მთელი ამ ფენის მნიშვნელობით აღარ იხმარება. „სეფეწული“ ადრეფეოდალური არისტოკრატის ერთ გარკვეულ (მეფური შთამომავლობის) ჯგუფს აღნიშნავს.

მთავრებიც უმაღლეს სოციალურ წრეს ეკუთვნოდნენ. პროვინციების მმართველთაგან (ერისთავები) განსხვავებით ამ ტერმინით უმთავრესად ცენტრალური აპარატის დიდი მოხელენი იწოდებოდნენ. ქართლში მეფობის გაუქმების შემდეგ „მთავარმა“ მკვეთრად გამოხატული პოლიტიკური მნიშვნელობა მიიღო და ახლა უმთავრესად „გახელმწიფებულ“ ერისთავებს აღნიშნავდა.

VI—IX სს. ქართლში „ხელმწიფობა“ (საჯარო პოლიტიკური უფლება) მთავრების ხელშია. ქართლის ერისმთავარიც სხვა არა იყო რა, თუ არა ქვეყნის ერთ-ერთი მთავარი, მხოლოდ „უმეტესი მოყუასთა მისთაჲ“.

ფეოდალური საქართველოს პოლიტიკური გაერთიანების პროცესს მთავართა სოციალურ-პოლიტიკურ უფლებათა შეზღუდვა მოჰქონდა. მთავრები ზედიზედ ჰკარგავდნენ ხელმწიფობას, რომელიც მეფის ხელში გადადიოდა.

ერისთავები სამხედრო-სამოხელეო არისტოკრატის უმაღლეს ფენას შეადგენდნენ. მთავრებისაგან განსხვავებით ისინი „საქვეყნოდ გამრიგენი“, ე. ი. ცალკეული ქვეყნებისა და მხარეთა მმართველები იყვნენ და ჩვეულებრივად სეფეწულთაგან და წარჩინებულებისაგან ინიშნებოდნენ. გარდა იმ რეაქსიონარული, იყვნენ უფრო მცირე ტერიტორიული ერთეულების მმართველებიც, რომლებიც ამა თუ იმ „დიდი ერისთავის“ საგამგეოში შედიოდნენ. მათ „ცოტაჲ ერისთავები“ ეწოდებოდათ.

ძველი ქართლის ერისთავი მეფის მორჩილი მოხელე იყო. მაგრამ ფეოდალური ურთიერთობის წარმოქმნის დროიდან საერისთაო ქვეყანაზე საშვილიშვილოდ დამკვიდრებისათვის იბრძოდა. VI საუკუნისათვის ეს ბრძოლა ერისთავების გამარჯვებით დამთავრდა. ქართლის ერისმთავრებს ერისთავები ემორჩილებოდნენ საერისთაოების მემკვიდრეობითი მფლობელობის საფუძველზე.

ქართლში ერისმთავრობის (ადრეფეოდალური პოლიტიკური დაშლილობის ხანა) დასრულების შემდეგ გამთავრებულ-გახელმწიფებული ერისთავების აღსასრულიც მოახლოვდა.

აზნაურები ფეოდალთა კლასის ყველაზე მრავალრიცხოვან, სამხედრო-მსახურეულ, ფენას შეადგენდნენ. აზნაურობა უმთავრესად მეფის სამსახურში დაწინაურებულ თავისუფალ მიწისმფლობელთაგან იქმნებოდა. მათი უმთავრესი მოვალეობა სამხედრო სამსახური იყო, რომლის სანაცვლოდ, პირობითი მფლობელობის საფუძველზე, ისინი ცენტრალური ხელისუფლებისაგან მიწას ღებულობდნენ.

ჩვენი დაკვირვებით, V—VII სს. აზნაურობა ქართლის მაღალი საზოგადოების მხოლოდ ერთი გარკვეული ჯგუფია, რომელსაც შინაგანი დიფერენციაცია ჯერ კიდევ არ განუცდია და შეუძლებელია ამ დროს „აზნაური“ მთელი უმაღლესი-

წრის ზოგადი ეპითეტი იყოს: მხოლოდ ადრეფეოდალური ხანის დასასრულისათვის, შეიძლება ითქვას, რომ აზნაურობამ მოიკცა საზოგადოების ფეოდალური ნაწილი. ბუნებრივია, რომ ახლა უკვე ამ ტერმინის ქვეშ გაერთიანებული საზოგადოება აღარ იყო ერთფეროვანი მასა. ამასთან დაკავშირებით „აზნაური“ ყოველ ცალკე შემთხვევაში ირთავს მსაზღვრელს, როგორც მაგალითად: „დიდი აზნაური“ („დიდებული აზნაური“), „მემამულე აზნაური“, „ტაძრეული აზნაური“ და სხვ.

IX—X სს. აზნაურობა, როგორც გაბატონებული წოდება, ფეოდალურ-კლასობრივი მოწიფულობის გზაზეა შემდგარი. აგრამ აზნაურთა ფეოდალური კლასის ჩამოყალიბების პროცესი მხოლოდ განვითარებული ფეოდალიზმის ხანაში სრულდება.

მხედრებს გარდამავალი საფეხური ეკავათ წარჩინებულებსა და მატერიალური დოვლათის მწარმოებელ თავისუფალ საზოგადოებას შორის. მხედრობა სამხედრო-მსასურეული ფენა იყო. მონათმფლობელური ქართლის არსებობის ხანაში მხედრებს სამსახურის სანაცვლოდ ულუფა და სარგო ეძლეოდათ, რომელსაც „როკიკი“ ერქვა. ქვეყანაში ფეოდალიზაციის პროცესის განვითარებასთან დაკავშირებით მხედრობის სამსახურის საფუძველი თანდათან მიწა გახდა:

მხედრობა, როგორც სამხედრო-მსასურეული წრე, მონათმფლობელური ცენტრალიზმის პირობებში შეიქმნა. ფეოდალური ურთიერთობის განვითარების პირობებში იგი სულ უფრო იშლებოდა და აზნაურთა, უფრო კი, მდაბიურთა სოციალურ რიგებს ავსებდა. ადრეფეოდალური ურთიერთობის „პოლიტიკური დაშლილობის“ საფეხურზე მხედრობა, როგორც ცალკე ფენა გაქრა. მათი სამხედრო ფუნქცია, საერთოდ, აზნაურთა კლასის ხელში მოექცა.

მსახურებიც გარდამავალ საზოგადოებრივ ფენას შეადგენდნენ. საზოგადოებრივი მდგომარეობით და ქონებრივი შეძლებით ურთიერთისაგან განირჩეოდნენ მეფისა და სხვადასხვა მდგომარეობის აზნაურთა მსახურები.

ფეოდალური ურთიერთობის მთელ სიგრძეზე მსახურთა ფენის სოციალური მდგომარეობა და ფეოდალური ვალდებუ-

ლება უცვლელი არ ყოფილა. ადრეული ფეოდალიზმის დროს მსახურები ძირითადად სამეურნეო-ადმინისტრაციულ უბანზე არიან დასაქმებული: ფეოდალის მეურნეობას უძღვებიან და წესრიგის დაცვას თვალყურს ადევნებენ.

განვითარებული ფეოდალიზმის ხანაში, თავისუფალ მიწისმოქმედთა საზოგადოების გაქრობის შესაბამისად, მსახურთა ცალკე სოციალური ფენაც დაიშალა. უფრო გვიან მსახურები მხოლოდ გლეხთა პრივილეგირებულ კატეგორიას წარმოადგენენ.

მწარმოებელი საზოგადოება. არც მიწის მოქმედთა საზოგადოება აქო ერთფეროვანი. საერთო მათ ის აქვთ, რომ ყველა მშრომელი და ექსპლოატირებულია, მაგრამ განსხვავდებიან უფლებრივად და ეკონომიურად.

მ და ბ ი უ რ ე ბ ი თავისუფალი მეთემეები იყვნენ. ამ სოციალური ფენის არსებობას ფეოდალური ურთიერთობის განვითარების გარკვეული დონე განსაზღვრავდა. X ს. გასულისათვის ბარის საქართველოში სათემო მიწების მიტაცებისა და მდაბიოთა დაყმევების პროცესი ძირითადად დასრულდა და პატრონყმური ურთიერთობის სფერომ მათი სახით მწარმოებელი საზოგადოებაც მოიცვა. „მდაბიო“ ახლა რამდენადმე იფართოებს და იცვლის შინაარსს: იგი უმთავრესად დაყმევებული მწარმოებლის სახელია (resp. აზნაურის ყმა, ყმა-მოლაშქრე), რომლის ფეოდალური ვალდებულება სახელმწიფოსა და პატრონის წინაშე ლაშქრობა და სამსახურია.

პირადად მდაბიურები ჯერ კიდევ ინარჩუნებენ თავისუფლებას და ფეოდალის მიწაზე არ არიან მიმაგრებული. მდაბიოთა თავისუფალი სოციალური ფენის დაყმევება კლასობრივი ბრძოლის თვალსაზრისით, იყო მნიშვნელოვანი სოციალური პროცესი, რომელიც ადრეფეოდალური ურთიერთობის ეტაპზე დასრულდა.

გ ლ ე ხ ე ბ ი. ადრეფეოდალურ ხანაში მწარმოებლებს შორის ყველაზე დაბალი ადგილი გლეხებს ეკავათ. გლეხი თავისუფლებას მოკლებული. მიწაზე მიმაგრებული მუშა იყო, რომელსაც ბეგარა და მუშაობა-სამსახური ეკისრებოდა. გლეხად გადაქცევა პირადი უუფლებობით და ეკონომიური შეუძ-

ლებლობით იყო გამოწვეული. ტყვეები, მიწაზე დასმოლო მონები, ვალში გაყიდული შეუძლებელი მოვალეები, მძიმედ დაბეგრული მდაბიურები გლეხთა ფართო სოციალურ ფენას ქმნიან. მაგრამ უფლებრივი და ეკონომიური მდგომარეობით გლეხები ურთიერთობისაგან განსხვავდებიან. მათი საერთო და ძირითადი ვალდებულება ბეგარა და მუშაობა-სამსახური იყო.

მიუხედავად გლეხთა განუხრელი ზრდისა, ადრეფეოდალურ ხანაში ისინი ჯერ კიდევ მწარმოებელი კლასის მთელ ნაწილს არ შეადგენენ. მხოლოდ პატრონყმობის ბატონყმობაში გადასვლის შემდეგ, როცა ამ ფენაში გაერთიანდა ქვეყნის მწარმოებელთა მთელი მიწისმოქმედი ნაწილი, გლეხობა, როგორც კლასი, საბოლოოდ ჩამოყალიბებულია.

მონები. ადრეფეოდალურ ქართლში, როგორც ძველი ურთიერთობის გადმონაშთი, მონებიც არსებობდნენ. მონურ წარმოებას, მართალია, უკვე გამოცლილი ჰქონდა ნიადაგი; მაგრამ ქვეყნის სამეურნეო ცხოვრებაში თავის წილს ერთხანს კიდევ ინარჩუნებდა.

IX—X საუკუნეებისათვის მონათა ფენა თითქმის გამქრალია, თუმცა მონები ფეოდალური ურთიერთობის მთელ სიგრძეზე აქა-იქ კიდევ არსებობენ.

* * *

როგორც ყველგან, ისე ქართული ფეოდალური საზოგადოების კლასებად დაყოფა მწვავე კლასობრივი ბრძოლის ვითარებაში მიმდინარეობდა. მაგრამ შესაფერი წყაროების სიმცირის გამო, კლასობრივი ბრძოლის საკითხი სპეციალურად არ გაგვიხილავს.

ლიტერატურა

- დ. მარქსი, კაპიტალისტური წარმოების წინამორბედი ფორმები., თბ., 1952.
- ფ. ენგელსი, ოჯახის, კერძო საკუთრებისა და სახელმწიფოს წარმოშობა. თბ., 1953.
- ვ. ი. ლენინი, კაპიტალიზმის განვითარება რუსეთში, თხზულებანი, ტ. 3. თბ., 1948.
- წ. ბერძენიშვილი, ივ. ჭავჭავაძე, ს. ჯანაშია, საქართველოს ისტორია. ნაწილი I, თბ., 1950.
- საქართველოს ისტორია, I, დამხმარე სახელმძღვანელო, თბ., 1959.
- წარკვევები მახლობელი აღმოსავლეთის ისტორიიდან. თბ., 1957.
- წ. ბერძენიშვილი, საქართველოს ისტორია მე-13-14 სს., თბილისის სახ. უნივერსიტეტის შრომები. ტ. VI. 1937.
- წ. ბერძენიშვილი, კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში, ისტორიის ინსტიტუტის შრომები. I, თბ., 1955.
- წ. ბერძენიშვილი, მიწათმფლობის ფორმებისათვის ფეოდალურ საქართველოში. ისტორიის ინსტიტუტის შრომები. II. თბ., 1956.
- მ. ბერძენიშვილი, გლეხთა კატეგორიები XI-XII საუკუნეებში, ისტორიის ინსტიტუტის შრომები. V. ნაკვ., I. თბ., 1960.
- ვ. გაბაშვილი, ქართული ფეოდალური წყობილება XVI-XVII საუკუნეებში. თბ., 1958.
- ს. კაკაბაძე, ვახტანგ გორგასალი. თბ., 1959.
- მ. ლორთქიფანიძე, ძირითადი საზოგადოებრივი კლასები IX-X საუკუნეების საქართველოში, საქართველოს მეცნიერებათა აკადემიის საზოგადოებრივ მეცნიერებათა განყოფილების მოამბე, I. 1960.
- გ. მელიქიშვილი, საქართველოში კლასობრივი საზოგადოებისა და სახელმწიფოს წარმოქმნის საკითხისათვის. თბ., 1959.
- ივ. ჭავჭავაძე, ქართული სამართლის ისტორია. წიგნი I, თბ., 1928.
- ივ. ჭავჭავაძე, ქართული სამართლის ისტორია, წიგნი II, ნაკვ. 1, თბ., 1928.
- ივ. ჭავჭავაძე, ქართული სამართლის ისტორია. წიგნი II, ნაკვ. II, თბ., 1929.

- ჯანაშია, საქართველო აღრინდელი ფეოდალიზაციის გზაზე, შრ. მები, I, თბ., 1949.
- ს. ჯანაშია, ფეოდალური რევოლუცია საქართველოში, შრომები, II, თბ., 1952.
- ს. ჯანაშია, არაბობა საქართველოში, შრომები, II, თბ., 1952.
- ს. ჯანაშია, ბრძოლა მიწის ფეოდალური მითვისებისათვის ძველ საქართველოში, შრომები, II, თბ., 1952.
- Ф. Энгельс, Марка. К. Маркс и Ф. Энгельс. Соч., т. XV, 1935.
- Ф. Энгельс, Франкский период. К. Маркс и Ф. Энгельс. Соч., т. XVI.
- Ф. Энгельс, (О Франции в эпоху феодализма). т. X, стр. 279 — 302.
- Н. Г. Адонц, Армения в эпоху Юстиниана. СПб, 1908.
- С. Е. Акопян, История армянского крестьянства IV—XIII вв. Автореферат докторской диссертации, Ереван, 1952.
- Б. Н. Аракелян, Горыда Армении в IX—XIII веках. Автореферат докторской диссертации, Ереван, 1954.
- В. Б. Бархударян, Феодальное землевладение в Армении в IX—XI веках. Автореферат кандидатской диссертации, Ереван, 1954.
- Н. А. Бердзенишвили, Очерк из истории развития феодальных отношений в Грузии XIII—XVI вв., Тбилиси, 1938.
- А. В. Венедиктов, Государственная социалистическая собственность, М., 1949.
- П. Г. Виноградов, Происхождение феодальных отношений в лангобардской Италии, СПб, 1880.
- П. Г. Виноградов, Исследование по социальной истории Англии в средние века, СПб, 1887.
- Н. П. Грацианский, Бургундская деревня в X—XII столетиях. М.-Л., 1935.
- Н. П. Грацианский, Из истории западноевропейского феодализма. М.-Л., 1934.
- Б. Д. Греков, Феодальные отношения в Киевском государстве М.-Л., 1935.
- Б. Д. Греков, Киевская Русь. М., 1953.
- Б. Д. Греков, Крестьяне на Руси, кн. II, М., 1954.
- А. М. Даниелян, Правовое положение крестьян в древней Армении. Автореферат кандидатской диссертации. Л., 1947.
- Г. М. Данилова, Возникновение феодальных отношений у франков VI — VII вв., Петрозаводск, 1959.

- Л. И. Дембю, Земельные прапоотношения в классово-антагоническом обществе. Л., 1954.
- И. А. Джавахов, Государственный строй древней Грузии и древней Армении, т. VIII. (Тексты и разыскания по армяно-грузинской филологии), СПб, 1905.
- С. Т. Еремян, О рабстве и рабовладении в древней Армении. ВДИ, 1950, № 1.
- С. Т. Еремян, Армения в период кризиса рабовладельческого общества и формирования феодальных отношений. Очерки истории СССР, III — IX вв., М., 1958.
- С. Н. Какабадзе, Черты феодального строя и крестьянские повинности в Грузии в конце средних веков. Тифлис, 1912.
- Е. А. Косминский, Английская деревня XIII—XIV вв. и востанье Уота Тайлера, М.-Л., 1935.
- Г. А. Косминский, Исследование по аграрной истории Англии XIII в., М., 1947.
- Н. А. Марр, Тексты и разыскания по Армяно-грузинской филологии, VI, СПб, 1904.
- Г. А. Меликишвили, К истории древней Грузии. Тбилиси, 1960.
- Ш. А. Месхиа, Города и городской строй феодальной Грузии. Тбилиси, 1959.
- Нусыхи, Возникновение зависимого крестьянства как класса ранне-феодального общества в Западной Европе VI—VIII вв. М., 1956.
- Д. М. Петрушевский, Очерки на истории средневекового общества и государства, М., 1937.
- Н. В. Пигулевская, Города Ирана в раннем средневековье. М.-Л., 1956.
- Н. В. Пигулевская, Византия и Иран на рубеже VI—VII вв. М.-Л., 1946.
- Д. К. Щеглов, К проблеме образования феодального государства. М., 1948.

წყობილობა

იაკობ ტურტაველი, წამება წმიდისა შუშანიკისი დედოფლისა, ილ. აბულაძის გამოცემა, თბ., 1938.

მარტილობა წმიდისა ეესტათი მცხეთელისა, ძველი ქართული ლ.

- ტერატურის ქრესტომათია, ს. ყუბანეიშვილის მიერ შედგენილი, წ. I. თბ., 1945.
- ბასილ ზარზელი. ცხოვრება სერაპიონ ზარზელისა, კ. კეკელიძის გამოცემა (ადრინდელი ფეოდალური ქართული ლიტერატურა), თბ., 1935.
- მარტილობა აბო ტფილელისა, კ. კეკელიძის გამოცემა (ადრინდელი ფეოდალური ქართული ლიტერატურა), თბ., 1935.
- გიორგი მერჩულე, ცხოვრება გრიგოლ ხანძთელისაჲ, პ. ინჯო-როყვას გამოცემა. თბ., 1949.
- გიორგი მთაწმინდელი, ცხოვრება იოანესი და ეფთვიმესი, გამოსაცემად დამზადებული ივ. ჯავახიშვილის მიერ, თბ., 1916.
- გიორგი ხუცეს-მონაზონი, ცხოვრება გიორგი მთაწმინდელისაჲ (ათონის ივერიის აღაპები), თბ., 1901.
- მარტილობაჲ დავით და კონსტანტინესი, ძველი ქართული ლიტერატურის ქრესტომათია, I, ს. ყუბანეიშვილის მიერ შედგენილი. თბ., 1946.
- ქართლის ცხოვრება. I, ტექსტი დადგენილი ყველა ხელნაწერის მიხედვით ს. ყაუხჩიშვილის მიერ, თბ., 1955.
- ქართლის ცხოვრება. II, ტექსტი დადგენილი ყველა ხელნაწერის მიხედვით ს. ყაუხჩიშვილის მიერ, თბ., 1959.
- შ. მესხია, ძველი ერისთავთა, მასალები საქართველოსა და კავკასიას ისტორიისათვის, ნაკვ. 30, 1954.
- ცისრამიანი, აღ. ბარამიძის, პ. ინგოროყვას და კ. კეკელიძის რედაქციით, ტფ., 1938.
- ს. კაკაბაძე. ამირანდარეჯანიანი მოსე ხონელია. ტფ., 1939.
- თ. უორდანი. ქრონიკები და სხვა მასალა საქართველოს ისტორიისა, წ. II, თბ., 1897.
- თ. უორდანი. ისტორიული საბუთები შიომღვიმის მონასტრისა ჯა „ძველი“ ვაჰანის ქებათა, თბ., 1896.
- რ. აბულაძე, ასურელ მოღვაწეთა ცხოვრების წიგნთა ძველი რედაქციები. თბ., 1955.
- Е. Такайшвили, Описание рукописей «Общества распространения грамотности среди грузинского населения», т. II, Тифлис, 1908.
- «История Армении Моисея Хоренского». Перевод с армянского Н. О. Эмша. М., 1893.
- «История Армении фавстоса Бузанда». Перевод с армянского М. А. Геворгиян, Ереван, 1953, გვ. 148.

შ ი ნ ა ა რ ს ი

წინასიტყვაობა	83
შესავალი .	3
	5

თავი პირველი

VI—X სს. ქართლის სოციალურ-პოლიტიკური ვითარების ზოგადი მიმო- ხილვა .	12
--	----

თავი მეორე

მიწათმფლობელობის ფორმები .	42
1. სასეფო მიწათმფლობელობა .	44
2. საეკლესიო მიწათმფლობელობა	50
3. კერძო მიწათმფლობელობა . .	58
4. ფეოდალური მიწათმფლობელობა .	64
5. სათემო მიწათმფლობელობა	70

თავი მესამე

სახოჯადობრივი კლასები .	73
1. ფეოდალთა კლასი	73
ა) სეფეწულები	73
ბ) მთავარი	78
გ) ერისთავი .	83
დ) აზნაურები .	92
ე) მიედრები .	101
ვ) მსახურები .	107
2. მწარმოებელთა კლასი .	110
ა) მცაბიონი .	110
ბ) გლეხები	119
გ) მონები .	127
დასკვნა	135
ლიტერატურა	145

Апри Александрович Богверадзе
ИЗ ИСТОРИИ РАННЕФЕОДАЛЬНЫХ
ОБЩЕСТВЕННЫХ ОТНОШЕНИЙ В КАРТЛИ

(На грузинском языке)

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

*

რედაქტორი ნ. ბერძენიშვილი
გამომცემლობის რედაქტორი ნ. მაისურაძე
ტექნორედაქტორი ნ. ჯაფარიძე
კორექტორი ნ. ქავთარაძე

გადაეცა წარმოებას 15.7.1961; ანაწყოების ზომა $5\frac{1}{2} \times 9$; ხელმოწერილია
დასაბეჭდად 7.12.1961; ქალაღლის ზომა $84 \times 108\frac{1}{32}$;
ქალაღლის ფურცელი 4,7; საბეჭდი ფურცელი 7,7; ლეგატორო
ფურცელი 6,89; სააღრიცხვო-საგამომცემლო ფურცელი 7,02;
შეკვეთა 1076; უე 02928; ტირაჟი 1030
ფასი 46 კაპ.

საქართველოს სსრ მეცნიერებათა აკადემიის გამომცემლობის სტანბა,
თბილისი, ვ. ტაბიძის ქ. № 3/5